

# მ მ ა მ ბ ე

თვიური ჟურნალი

წელიწადი შეთორმეტე

№ III

მარტი, 1905

ტფილისი

საბჭოთაო საზღვრო სამართალი

1905



188

3.19  
287

ს. ბ. ბ. ბ. ბ. ბ. ბ.

საქართველოს საბჭოთაო  
საზოგადოებრივი მედიის ცენტრი

საქართველოს საბჭოთაო  
საზოგადოებრივი მედიის ცენტრი

Доволено цензурою. 3 мая, 1905 г. Тифлисъ.



## შინაარსი

I—საზღაგის ძვაზე.—გ. ბარნოვისა . . . . .	83·
II—დანაშაული და სასჯელი.—რომანი ექვს ნაწილად თ. შ. დოსტოვესკისა, ნაწილი მეორე, თავი I—II. თარგმანი ინ-ანისა . . . . .	1 14
III—საძარტველოს ეკლესია და მისი დასაწყისი— თავი I—II.—ს. გორგაძისა . . . . .	1
IV—თანამედროვე შვიცარია.—ხ. ბერლინისა, დასა- სრული—თარგ. შ. ნინიძისა . . . . .	45
V—ცხოვრება და ღვაწლი თავ. ზრიგოლ ორბე- ლიანისა.—თავი XX, დასასრული—ო. მეუნარ- გასა . . . . .	58
VI—ეჟიგის დანიშნულება.—თარგმანი ივ. მაჭავაცა- ნისა . . . . .	71
VII—ნარკვი.—1) ქვეყანა ღიღია.—2) ამერიკული მწერლო- ბა.—3) გაფიცვის ნაყოფი.—4) ვიანგარიშოთ.—5) შეიძლება ამ უამად სწავლის დაწყება?—6) მეცნიერული კეშმარიტება და საზოგადოებრივი წინმსვლელობა.—7) ომსა ღიღი ცოში უნდა, უღვეელი საფანელი.—8) დაკანონება უკანონობისა . . . . .	81

**VIII—ზინაური მიმოხილვა.**—საერთო ხასიათი მდგომარეობის.—14 აპრილის განმარტება.—ეროვნების დევნა, როგორც ერთ-ერთი მიზეზი ეხლანდელ მოძრაობისა საქართველოში.—კავკასიის ნამესტნიკის გრაფ ი. ი. ვორონცოვ-დოშკოვის გეგმა.—აგრარიული კითხვა.—თავად-აზნაურთა საგანგებო კრებები.—ავტონომია და „დასელები“ . . . . . **91**

**IX—უცხოეთის მიმოხილვა** . . . . . **113**

**დამატებები:**

**X—მინერალური ძივია.** — ა. კლდიაშვილას . . . . . **64 — 80**



# საფლავის ქვაზე

## I

ცრემლი ხომ მწუხარების ნიშანია, მაგრამ ისიც სამკაულია მადლიან სახეზე. ციმციმებს ცვარი ცრემლისა ტურფად ახრილ წამწამზე, თრთის, კამკამებს; ჩამდგარა ცვარი ცრემლისა ბროლის რამ საგუბარში და თვალთა ნაპერწკალი ეღვარებს მასში; მარგალიტათ აგორებულია ცვარი ცრემლისა ეშხით გაღვიებულ ლოყაზე და ზოგან შერჩენია ზედ, მოწყვეტა დაჰნანებია: ჰსურს ზედ შეაკვდ-შეაშრეს.

ესეთი სახე კორდია ყვავილთა, გაზაფხულის ყვავილთაგან შეთხზილი კორდი, ნამ ნაბკურები, დაცრემლილი.

— რა ძალიან მომწონს ხორცის მშვენება?

— რატომაც არ ვაქებ! ნივთიერი ვარ, ხორციელი, ლვით ჯე დედამიწაზევე მიდგა ფეხი და თაყვანსა ვცემ ნივთში მომწყვდელულ უკვდავ სიტურფეს. სული! სული! რა იცი, რომ სული იგივე, ხორცი არ არის, მხოლოდ წმიდა, განსპეტაკებული, ჰაეროვანი, გამშვენებული, ნათელქმნილი? ძალიან იცი?!

ძლიერ ნორჩიც იყო იგი დაცრემლილი სახე მარებისა! სრულიად უდროვო იყო ამ ქალისთვის ძაძა, სამგლოვიარო მორთულობა. სულაც არ შვენოდა ფეხ-მორთბული ჯდომა შევ-ბნელათ მობურულ დედაბრებში. რა იმათი სწორი იყო ნორჩი მარები და ტოლი, რომ შუაში ჩაესვათ და ატირებდნენ! გვრიტი ყვავებში?! მის სახის გამომეტყველებას ჯერ ბავშური იერი არ დაჰკარგოდა, ბაგეზე ჯერ ნორჩი სი-

ნაზე არ შესქენობოდა და რა დროს მისი ქვრივობა იყო, ქვრივ-ოხრობაზე ფიქრი?!

აკი უფრო განკრთობა აღბეჭდოდა მგლოვიარეს თვალებში, სინამ ურვა და მწუხარება.

შავ თავსათარიდან ჯერეთ გაუხუნებელი, ფერ-უცვლელი, ხასხასი, კულულები გამოჰშლოდნენ და თავ-სათარში თუმცა ქალი მალმალ აწყობდა მათ, მანდილშივე ალაგებდა: არა გლოვობდნენ ცელქები, ვერ შეეგნათ, რა იყო დარდი! ქალის ნაზ კან ქვეშ ჯერ დაუდუღელ სისხლის ჩქეფასა ვგრძნობდი. ან ჯერ რადროსი იყო მისი სავსე მკლავების და ბროლის ხელების მწუხარებით გულზე დაკრებ-დალაგება? არა! არა! მთელი ბუნება ამ ახალი ქვრივისა ეწინააღმდეგებოდა მისადმი მისულ უბედურობას, მის შავ-ბნელათ დადებას, მის გარიყვას ქაფქაფ ცხოვრებიდან.

ხმაც ვერ ემორჩილებოდა ახალგაზრდა ქვრივს, დარდით მოცულს და უიმედო კილოს ვერ იღებდა.

— ჰო, შეილო, დედას მოახსენე, რაც გითხარი! სცადა ქვრივმა ოხრული ხმით ეთქვა მოახლისათვის, მაგრამ ყურმა მის ხმაში სამგლოვიარო კილო ვერ შენიშნა: ახალი რამ ხმა გამოხდა დაუქლღელი, წკრიალა, სააღერსო სიტყვებისთვის მოწყობილი, ხოლო სიტყვა „შვილო“, ნორჩი ქმნილებისაგან თქმული, ღიმილს-და ჰვერიდა მსმენელს.

არა! მარეხი ჯერ სიცოცხლისაკენ მიისწრაფოდა, თვით სიცოცხლე იყო ის და არაფერი საერთო აღარა ჰქონდა მას ამ უძრავათ მდებარე ჩალურჯებულ კაცთან, რომელსაც მის ქმარს ეძახდნენ, საბრალო აღმასხანს: ამას ცხოვრებისათვის ზურგი შეექცია და გაციებულიყო, მარეხის ძარღვებში კი ჯერ ძლიერადა სცემდა ცხოვრების ტალღა, დულდა, ჰღეღავდა, მხურვალე ნაშხეფს აფრქვევდა გარშამო.

## II

დიად, აღმასხან ქმარი აღარ იყო მარეხისა, ვილაც უცხო იყო, გამრიელი, რომელიც აგერ უბედოთ გადაჰლო-

ბებოდა წინ, უშნოთ გადაჭირებიყო ცხოვრების გზაზე ვე-  
 ბა რამ სათარივით და შეეგუებინა მისკენ მოჩანჩქარე ნაკა-  
 დი ლხენისა. იგი ქმარი კი არ იყო ქალისა, მეუღლე და  
 შფარველი, არამედ მოღალატე იყო, რომელმაც ესე მუხთ-  
 ლად დაუხშო მას კარი კეთილისა, დაუსხა კერაზე წყალი,  
 ჩაუგდო კოვზი ნაცარში, მოაკლო მხიარულებას, წარსტაცა  
 ფიალა ყოველ გვარის სიამისა, ძაძით შემოსა ახალგაზდა  
 ქალი.

— ან რომ მოკლა ეს საცოდავი? აკი სულ იმას მეუბ-  
 ნებოდა, საუკუნოთა მსურს შენთან ცხოვრება, მინდა შენ-  
 თვის ვიცოცხლო, შენით ვისუნთქო, გავძღე შენის მზერი-  
 თაო; შენით არის ყოველივე ჩემთვის გაბრწყინვალებული და  
 სანეტარო, უშენოთ ბნელია ჩემთვის ქვეყანა და მოსაწყენიო;  
 შენით აქვს ჩემ სიცოცხლეს ჰაზრიო. მისი ფიცი უბრალო  
 რამ სიტყვა ყოფილა, ყალბი რამ დანაყბედი!

ღიად, ეს მიცვალებული აღარ არის მარეხის ქმარი აღ-  
 მასხან, შორს არის ეს მარეხისაგან, შორს!

არც აღრე იყო აღმასხან მარეხის გულთან ახლო. არ  
 იქმნა, ვერ ჩაჰკიდა ვაჟკაცმა ქალის გულს ხელი. ჰგრძნობ-  
 და ქალის გულის ცემას, ვერ კი ჩაეხედნა მის გულში. გარს  
 უვლიდა აღმასხან მარეხის გულს, როგორც მარმარილოს  
 რამ კოშკს, კარები კი ვერ ებოვა შესავალი: ვერ მოჰკრა  
 მან თვალი იმ სხივებს, რომლებიც მხოლოდ ანათებდნენ ქა-  
 ლის გრძნობებს.

— ახლო ვარ ქალთან, თითქო მივწვდი კიდევ მის არ-  
 სებას, მის პიროვნობას, მაგრამ როცა ხელს გავატან, მხო-  
 ლოდ ოცნება მრჩება ხელში. წინ მიდგა მწყურვალს ანკარა  
 წყალი, გარნა თუ დავეწაფი, მშორდება ბაგიდან. ახლო ვარ  
 ქალთან, როგორც მეუღლესთან, მკერდსა მყავს იგი მიყრ-  
 დნობილი, მაგრამ შორსა ვარ მის არსებისგან, ვერა ვხედავ  
 მის პიროვნობას, ბუნდია იგი ჩემთვის, მოსილი სიბნელით,  
 განუქვრეტელი სიბნელით, როგორც რამ საიდუმლო! იტყო-  
 და ხოლმე აღმასხან დაღონებული.

## III

— თუ ესე იყო, მაშ ქალი როგორ შექმნილიყო აღმას-  
 ხანის მეუღლეთ?

— ჩვეულებრივ, ბატონო, ჩვეულებრივ! ვაჟაკი ჰქვიან-  
 ნი იყო, უფალო, სამსახურის მექონი, არც გონჯი რამ და  
 მაშ რად იქნებოდა ვისგანმე დასაწუნი? სრულებითაც არ იყო  
 დასაწუნი! ცოტა ხნიერი იყო, მაგრამ რა უყოთ? სჯობს მა-  
 გარ აგებულობის ვაჟაკს ცოლი უნცროსი ჰყვანდეს. მუხა  
 ხნიერი ნორჩ მურყანზედ უფრო ძლიერი. ქალიც ახალი შე-  
 დერებული იყო, სასძლოთ მომზადებული, ლამაზი, მაგრამ  
 ხელმოკლე, ღარიბი. რა დაუშლიდა მათ მეუღლეებას,  
 როცა კაცმა მოისურვა გატაცებით? ქალი გაჰყვა, აასრუ-  
 ლა ჩვეულება და უფროსთა სურვილი. მართალია, ში-  
 სი გული არ იღიმებოდა, მაგრამ არც თუ ქმუნვით იყო  
 მოღრუბლული.

ხშირათ ესე სწარმოებს საქმე. სიყვარული ბრმაა, თვა-  
 ლებ აბმული და მანამ ის მოგაგნობს ან უცაბედათ თავს წა-  
 მოგაწყდება, თუ იცადე, ერიჰა! დაჟამდები, მთას დაგითოვ-  
 ლავს, წისქვილები დაგიდგება და დაგიდგება თვალებიც.  
 სიყვარულის გარეშე გათხოვებას თავისი ჰაზრი აქვს: ქალიცა  
 და ვაჟიც ბევრს არას მოელიან ერთმანეთისაგან, რამე ოცნე-  
 ბებით და სანეტარო იმედებით არ არიან გამსჭვალულნი, დიდ  
 სიკეთეს არ ითხოვენ კავშირისაგან, კიდევ ეშინიანთ ამ კავ-  
 შირისა და შემდეგში მცირედითაც კმაყოფილდებიან; თუ  
 მგლათ არ ეჩვენენ ერთმანეთს, ისიც უხარიათ, — ცოტა რამ  
 სიკეთისათვისაც მადლობასა სწირავენ ღმერთს და ერთმანეთს.  
 ამ ნიადაგზე ბოლოს თანაგრძნობა და მკვიდრი მეგობრობა  
 იბადება.

შეყვარებულნი კი სამოთხეს მოელიან თავიანთ კავშირი-  
 დან, ერთმანეთი ანგელოსები ჰგონიათ, სიკეთით დატვირთუ-  
 ლი რამ სხივოსნები და როცა საოცნებო არსებათა მაგივრათ  
 ერთმანეთს უბრალო მომაკვდავები შერჩებიან ხელში, ვერ



იტანენ იმედების გაცრუებას, ერთმანეთისთვის ვერ უპატიებიათ შეცდომა და სიხარულის ნაცვლად სიმძიმის ეძლევიან.

— ერთ წამს, პირველ ჟამს ხომ დიდებული ნეტარება უნდა იგრძნონ შეყვარებულთ.

— მართალია, მაგრამ ყველა ისეთი ძლიერი ხომ არ არის, რომ ერთი წამის სიამოვნება, თუნდ უძლიერესი სიამე, მარად ახსოვდეს და იმითი ათბობდეს შემდეგ ცივ წუთებს.

იქნება მარეხის გულიც გაეთბო ვაჟკაცს, რომ დასცალე-ბიყო, მაგრამ დღე მოუსწრაფდა და ქალის გული ხელშეუხებელი დარჩა. გრძობათა ზინეთი ეწყო მასში ღრმად დამარხული, ჯერ უკლებელი და თუ დრო შეხვდებოდა, ქალი გამოჰფენდა ამ გრძობათა განძს გულის სალაროდან, გადაშლიდა ფერად-ფერადად, დასატკობათ რჩეულისა.

#### IV

ქვრივი სამძიმარს ისმენდა, უბედობას ჩიოდა, სხვა რომ ტიროდა, თითონაც იცრემლებოდა, მაგრამ ეს მხოლოდ მისი შავი თვალები ტიროდნენ და ცრემლით ივსებოდნენ, თორემ გული არა ჰქონდა ვაებით სავსე, არც სიბრალოლით. მარეხს მხოლოდ გული ემღვრებოდა აღმასხანზე, რომ მოულოდნელად შეუშალა ქალს ცხოვრების ნირი, სახალხოთ გამოიყვანა ის, იძულებული გახადა საჯაროდ ემგლოვა თავისი კაცი და ყველასაგან შებრალება მოესმინა. მარეხს ეს ბოღმა შემოსწოლოდა და გული ყელში ებჯინებოდა. მით უფრო აუტანელი იყო ეს მისთვის, რომ ქალი ნაჩვევი არ იყო ჯავრი რამ გულში ეტრიალებინა, გულში ეგუბებინა და თავი მოეწამლა: ბალღამის ფიალას ქალი ქმარს მიუპყრობდა ხოლმე, შეასმევდა, მთლად დააცლევინებდა. ქმარზე იყრიდა გულის ბუხარს. შეყვარებული ვაჟკაციც უსიტყვო იტანდა ჩივილს, ავს აშორებდა ქალს, აწყნარებდა.

იტყვიან, გველს რომ შხამი მოერევა, ქვას უკბენს და იმაზე წამოათხევს მოქარბებულ გესლსაო.

ქალმა დაკარგა შინაყმა ერთგული, მოხერხებული, თავდადებული და აი ეს ყურმოკრილი მისი მონა აწ უძრავად გაქიმულიყო მის წინ ურგებელი, სატირელი. ვილასთვის-ღა უნდა ებრძანებინა ქალს თავისი სურვილები? ვილაზედ უნდა ეყარა ამღვრეული გულის ბუხარი და თან ისე, რომ მაინც თავს შემოჰვლოდა მას, მაინც ღმერთი რამ ჰგონებოდა ის, ციდან მისთვის ჩამოსული რამ სანეტარო, მხოლოდ მისივე უშნობით გაბოროტებული და მაინც შეუღარებელი, სათაყვანო?!

მარებს წაუხდა ბატონკაცური ყოფა და ამან შეაწუხა, ამღვრია, თორემ ცრემლს ვერ დააფრქვევდა ის აღმასხანის კუბოს.

აგერ უკანასკნელათ ეამბორებიან აღმასხანს მარები და მისი დედამთილი. დამწვარი დედა ძლივს აგლიჯეს შვილის კუბოს. ან რად არ დამარხეს იმასთან, რადგან შვილის შემდეგ ქვეყანა ცალიერი დარჩა მისთვის და ბნელი? მივიდა მარებიც, შეეხო ტუჩებით მიცვალეზულს და დაკრთა, გველნაკბენივით დაიხია უკან: ცივი იყო კანი, ღორწოიანი; რა საშინელი სუნი ჰქონდა! მთლათ უარჰყო ქალის ბუნებამ მიცვალეზული ქმარი, გაწყვიტა მასთან ყოველივე კავშირი. აღმასხან აწ თვით სიკვდილი იყო, არარაობა საზარელი და მარტო ჰაზრმაც კი, მასთან რაიმე კავშირის ჰაზრმა, შიშის ზარი დასცა სიცოცხლით სავსე ქალს, შეაძრწუნა ის.

ამის შემდეგ აღმასხან დღით იდღე განზე იწევდა მარებისაგან, ჰშორდებოდა მას და ჰაეროვანი ხდებოდა, ქრებოდა, ძლივსღა მოსჩანდა არარაობის სივრცეში. ქალს, ცოტა არ იყოს, უკვირდა თავის თავისაგან ქმრის ესეთი მსწრაფლი მომგლოვება, უხერხულათაც მიაჩნდა ეს და თავს ძალას ატანდა: რამდენჯერმე სცადა ცოცხლად წარმოედგინა თავისი კაცი, გაეხლებინა ოცნებაში მასთან კავშირი, მაგრამ ამაოდ! ქმარს სიცოცხლის დროს რომ არ იყო მისი მახლობელი, ეხლაროგორღა დაახლოვებოდა?! გული არა თბებოდა მის მოგონებით, გონება სულ სხვა სურათებს აწვდიდა ქალს.

ქალი მაინც მისდევდა ადათს და უკლებლად ასრულებდა თავის მოვალეობას მიცვალებულისადმი. მეშვიდე დღეს საფლავზედ რომ გავიდნენ ქალები, დედა ისე ჩასცქეროდა და ჩასტიროდა აღმასხანს, თითქო ცოცხალი ჰყავს დედამიწაშიო, მარეხმა კი მხოლოდ ახლად აგროვებული მიწა ნახა იქ, რომელიცა ჰფარავდა არარაობად ქცეულს მის კაცს. აღმასხან აღარ არსებობდა მარეხისათვის არც მის გულში, არც სამარეში, არც საფლავს იქით; განქრა აღმასხან, აღიგავა პირისაგან ქვეყანისა და ბიამანზე დამრჩალი ქალი უნებლიეთ მომავალისკენ იყურებოდა.

## V

მამავლისაკენვე იყურებოდა ზურაბი და ძალიან გაფაციცებით იყურებოდა, რადგან აგერ მეორმოცე წლისაკენ დაქანებულიყო და ჯერკი ისევ მარტოხელი იყო, უცოლშვილო; უშვილუძეთ გადაგება კი ძალიან ემძიმებოდა.

ზურაბი უმეუღლოთ იყო დარჩენილი უბრალო რამე შემთხვევით კი არა და არც მისთვის, რომ არ უნდოდა ცოლის შერთვა, არამედ იმიტომ, რომ დიდ არჩევანში იყო, ბედი კი ჯერ ვერ შეხვედროდა. უზრუნველყოფილი გამოცდილი ვაჟკაცი არც ფულს ეძებდა, არც მისაყოლს, მხოლოდ იმას ნატრობდა, ქალს დაეტყვევებინა ის და უნებლიეთ მიეყვანა საყდრის კარამდინ. სიყვარულს ელოდდა ვაჟკაცი, სიყვარული კი არსადა სჩანდა, თუმცა ქალი ბევრი ვრტყა გარს და ბევრი ეძლეოდა მას.

მოწონებით ბევრი მოსწონდა ზურაბს, მაგრამ აქამდის ჯერ ვერავის შეეხოჯა ის, ვერვის შეება მისთვის საბელი, რომ ძლიერათ მიეზიდნა იგი თავისკენ. იყო კაცი სურვილის მეიდანზე გაჩერებული, შუა მეიდანზე და, უალაფანივით, აქეთ-იქით იყურებოდა თითქმის დარწმუნებული თავის გულის უძლეველობაში.

ამ დროს იყო, რომ მარებს გამოეცალა ხელიდან ალმასხანი. ზურაბის საათმაც ეხლა დაჰკრა და დაჰკრა ისე უცბად, ისე მოულოდნელათ, ისე მკაფიოთ, რომ გაანცვიფრა ვაჟკაცი.

წინადაც კარგა იცნობდა ზურაბი მარებს და ისიც იცოდა, რომ ლამაზი ქალი იყო ის, მაგრამ მუშტრის თვალით კი არ შეუხედნია მისთვის, რადგან პატრონი ედგა თავს, შეყვარებული პატრონი, და ზურაბი სათავისოთ ვერ მოიფიქრებდა ქალს. იცნობდა ქალს, როგორც მეზობელს, გული კი არ უთქმინდა მისთვის, ვითარცა ცოლისათვის მოყვასისა თვისისა; ეხლა კი, როცა მარეხი თავისუფალი შეიქმნა, დაეკაცმა გონების თვალი გადაავლო ქალს. ეს პირველ დღესვე მოხდა ტირილში. ზურაბმა რომ დაინახა კრემლებით სახსე შავი თვალები, ნამ ნაბკურებ ვარდათ მოეჩვენა დაცრემლილი სახე, სათავისოთ გამზადებულ ვარდათ, სუნელოვან რამ ყვავილათ, რომელსაც აქამდინ უიმედოთ დაეძებდა ყველგან და რომელიც იქვე ახლო კი ყოფილა, მის გვერდზე. მისი ვარსკვლავი სხვის ხელში ყოფილა შეზობლათ, იმას კი ეს ჰაზრადაც არ მოსვლია. გაჰკვირდა კაცი, როცა იღბალმა თვალები შეანათა მას, მისმა ნანინანატრა იღბალმა, რომელიც თურმე იქვე იმალებოდა, მის გვერდით, სხვის უბეში. თანაც დალონდა, რომ ეს მისი ბედი სხვას ჩაჰვარდნიყო ხელში, სხვას ესრისნა იგი, სხვას ემღერა მასზე ტკბილათ.

— სწორეთ შემთხვევით ამცდენია თავდაპირველ ეს ქალი. საბრალო ალმასხან! თავის ბედი ჰგონებია და შეჰყვარებია. ქმარი იყო და მაინც შეყვარებული იყო, ცოლის არშიყი, მის ეშხით გატაცებული.

— სიყვარული სიყვარულს გამოიწვევს და ერთხელაც იქნება ვათბება მარეხის გული, ფიქრობდა ის. ის კი არ იცოდა ბეჩავმა, რომ მარეხი სხვის სახელზე იყო გაჩენილი, სხვის იღბალი იყო, შემთხვევით მის სახლში მოთავსებული, და მარეხის გული ვერას დროს ვერ ვათბებოდა მისთვის, რომ მის გულში ალმასხან ვერას დროს ვერ მოიპოვებდა ადგილს.

ამგვარ ფიქრებში იყო გართული ვაჟკაცი და თან დაშტერებით შეჰყურებდა მგლოვიარე მარებს, თვალს ველარ აშორებდა მას.

მარებმა იგრძნო, რომ ვილატის თვალთა ისარი ესობოდა მას გულზე და შეიშმუშნა, უნებლიეთ კულულებზე გადისო ხელი, ყელი შეიღერა, შესწორდა. უნდოდა თვალი გაეპარებინა ხალხისაკენ და შეენიშნა ის, ვინც მზერით უხიბლავდა მას არსებას, მაგრამ შეუძლებელი იყო ჭირისუფლისათვის თვალი-ერება და ქალმა წამწაში ვერ ახარა ზევით.

## VI

მარები გრძნობდა გამოურკვეველ რამ ძალის ზედგავლენას, მის ძლიერს და სასიამოვნო მოქმედებას თავისზე, მაგრამ ვერ გამოერჩია ამ ძალის სათავე, ვერ შეეგნო ამ ზედმოქმედების მიზეზი, რადგან გარემოება ხელს არ უწყობდა დაჰკვირებოდა ვისმე და შეენიშნა, რაც საჭირო იყო. ან რას ეგვანებოდა, რომ მძიმე შავებში ჩამჯდარ ახალგაზდა ქერივს თვალი გადაეველ-გადმოეველო ხალხისთვის!

ამ გამოურკვეველმა ძალამ, მასზედ მომქმედმა საიდუმლო ძალამ, ძლიერი ცნობისმოყვარება აღძრა ქალში და რახან ერთხელ ქალის გონება სხვა საგანმა მიიზიდა და ახალი საფიქრებელი გაუჩნდა მას, შეღავათის კარი გაეღო ქალის შავ-ბნელ გრძნობებს.

საიდუმლო გამოირკვა მხოლოდ მესამე დღეს, როდესაც აღმასხანის დედა უკანასკნელად დაეკონა თავის შვილს და მარებმაც მიჰბაძა დედამთილს. ზურაბმა ჯერ დედა აგლიჯა მიცვალებულს და შემდეგ ქალს შეახო ხელი ასაყენებლად. სწორედ ამ შეხებამ აგრძობინა მარებს ყოველივე ცხადად.

ქალმა ცრემლებით სავსე თვალები მიაპყრო ვაჟკაცს და იმის თვალებში ამოიკითხა მისი საიდუმლო სულის კვეთება, ზოლო თავისი ახალი ნუგეში.

არც იუცხოვა მარენმა იგი ნუგეში, არც უარპყო, როგორც დაქრილმა არ უარპყოს მისწრებული მალამო. მაგრამ ქალ-ვაჟთ შორის ჯერ არაფერი კი არ იყო თქმული. ჯერ ვერც არაფერს გაუბედავდა ვაჟი იმ ძნელ გარემოებებში. ზურაბის სურვილი ეხლა მხოლოდ ის იყო, რომ ქალის გონება როგორმე მიეპყრო თავისკენ, თავისკენ მიეხარა.

უმატა ზურაბმა ზრუნვა მარენის ოჯახისთვის. მიზეზებიც ბევრი ჰქონდა: ამ არეულობაში ყველგან საჭირო იყო ერთგული მეზობლის სიტყვა და მოსაქმე ხელი.

## VII

გავიდა ხანი და მარეხი შეეთვისა იმ ჰაზრს, რომ ამისი ერთგული მეგობარი, რომელიც თანაუგრძნობს მას, სიხარულით ეხმარება და დაუზარებლივ ასრულებს მის სურვილს. მით უფრო ადვილი იყო მარენისთვის ყოველ შემთხვევაში მიემართა ახალი მეგობრისათვის, რომ ზურაბის დახმარებას ქველმოქმედების სახე ჰქონდა, გაჭირებულთა ხელის აპყრობის ხასიათი. ეს გარეგნობით, თორემ თვით ქალისათვისაც ამ ქველმოქმედებას სხვა სარჩული ედო, ახალგაზდა ქვრივისათვის გულმოსალბობი სარჩული.

— დმერთმა უშველოს ზურაბს! ზოგ მახლობელს და ნათესავსაც კი არ შესტკივა გული და არ გამოადგება კაცს გაჭირებაში ისე, როგორც ჩვენ გამოგვადგა ჩვენი მეზობელი ზურაბი! — იტყოდნენ ხოლმე ქალები.

ვაჟკაცმა უზშირა მარენთან სიარულს: ბევრი მიზეზი გამოჩნდა მისგლა-მოსვლისთვის. დედამთილი ჯერ ვერაფერსა ხედავდა: ცხარე ცრემლს დაევესო მისთვის თვალები და მწუხარებას დაებრმავებინა, მაგრამ ხუთი-ექვსი თვის შემდეგ კი აიღო იმანაც აღლო. ვაჟკაცს ვერაფერს ამჩნევდა, რადგან ის ერთობ მოკრთალებით და ზრდილად იქცეოდა, რძალს კი შეუტყო გულისთქმა: ქალს გულს ნისლი გადაპყრიყო, სევდა მოსწმენდოდა, სახე უღიმოდა, გაღალანებულიყო, კოპწიობდა ძაძაში.

— გინახამს ძაძით მოსილი ქესკუმი ქვრივი, ქვექვეით რომ მიდის მალხაზი და გავლილ ვზას სურვილთა ფურცლით ჰფენამს?

— არ გითვალისწინებია?! რა უშნო ხარ!

დედას ეხლა მეორეთ მოუკვდა შვილი და დამწვარმა შწარედ აყვედრა რძალს:

— ქალო! ჯერ შენი საბრალო ქმარი საფლავში არ გაციებულა, შენ კი ჰლაღობ და ლამის შეურაცხველი მისი სახელი!

რძალს ემწვავეა მართალი და ცივად უპასუხა:

— რა კეთილი ვნახე შენი შვილის ხელში? მაინც არ უღალატებდი მას, თუ შემრჩენოდა, მაგრამ როცა ის აღარ არის, მაშ ჩემ უმწველი-ქალობას რად ჩავაღვებ მის სამარეში.

მართალიც უთხრა ქალმა! რად არ უნდა მოეწყვიტა ცხოვრების ყვაველი ხელახლად? განა მეორედ გაჩნდებოდა ამ ქვეყნად!

### VIII

გადადო წელიწადმა თავი თავს. რა შეუძლიან წელიწადს! მარეხანთ წლის განმავლობაში არაფერი დაუკლიათ მიცვალებულისათვის, ყოველივე წესი შეუსრულებს აღმასხანს, ისე რომ საიქიოს ყოველთვის ახალ-ახალი ტაბლა ედგა მას წინ და უხვი. სულეთში ბევრი შეჰნატრიდა აღმასხანს, რომ ისეთი მარჯვე მომხსენებელი დარჩომოდა მას ამ ქვეყნად.

დადგა გაზაფხული და გაღვიძებულ ბუნებას მისცეს ბანი კაცთ გულში გაღვიძებულმა გრძნობებმა. ყვაველთ დღესასწაული იყო, სულთმოფენობა და ყვაველებითა რთამდა ხალხი ძვირფას სამარეებსაც. მარეხიც გამოსულიყო სასაფლაოზე, ქმრის სავანე ეკურთხებინებინა, ვარდ-ზამბახი გადაეფინა ზედ. დარდები აჰშლოდა, თვალთ ცრემლი მოსდენოდა და მარგალიტათ მოჰპოდა წამწამს.

ზურაბსაც გამოეტანა ყვაილები თავისიანთ მოსახსენებლათ და მათ სამარეების შესამკობლათ.

მღვდელ-ღიაკვიანი აჩქარებით გაშორდნენ მკედართა სავანეს. დაღონებული ხალხი წელნელა იკრიბებოდა სასაფლაოდან. აქა-იქ და მოჩანდა შავით მოსილი მწუხარე, რომელსაც ჯერ ვერ ეთმობოდა საყვარლის საფლავი. მარებიც ქმრის სამარეზედ იყო საფლავის ქვაზე ჩამომჯდარი.

ზურაბ წელის ნაბიჯით მიუახლოვდა მარებს და მოიკითხა. ქალმა რომ შენათა მას თვალები, ცრემლებით სამსე შავი თვალები, ვაჟკაცს გულს სევდა უკუ ეყარა. თვალთა ციაგი ცისარტყელათ გამოკრთა ცრემლებში და იგი ცისარტყელა იყო იმედი და სიხარული ვაჟისა.

— ცხონებულის საფლავი გიკურთხებიანებია, ქალო! — უთხრა ზურაბმა და ჩამოჯდა ქვაზევე.

— დიახ, ყვაილებით შევაშკე საცოდავის სამარე.

— მეც ჩვეულებისამებრ გამოვედი სასაფლაოზე, მაგრამ, რომ ვხედავ, არარაობა სუფევს აქ. ჩვენ კიდევ რაღაცა გვეგულება მიწაში, მაგრამ როცა კი აქ ამოვალ ხოლმე, ყოველთვის ცხადდა ვგრძნობ ამ არარაობას.

— დიდ, შორს არიან მიცვალებულნი ჩვენგან, დიდი მზღვარია სიკვდილ-სიცოცხლის შუა.

— რამოდენაც არსებობის და არარაობის შუა.

— ეჰ, ჩვენც ერთხელ ესევე უნდა განვქრეთ.

— მანამდის კი უნდა დავტკბეთ არსებობით, ამ უძვირფასეს განძით, რომელიც მოგვნიჭებია გამჩენისაგან. უნდა შევეტროდეთ ცასა და ქვეყანას, უნდა შევეფრთხივდეთ მზის მზივს, უნდა ვილოცავდეთ ტურფათ შემკულ სამყაროს, უნდა შევეტროდეთ ერთმანეთს! — თქვა ვაჟკაცმა და აღგზნებული თვალები დაანათა ქვრივს.

ქალმა თავი დახარა, ვარდის ფერი გადაეფინა ოდნავ მქრთალ სახეზე; ზამბახის ტოტს დაუწყო ხელში ტრიალი, მუხლებზე რომ ედო იმ ხელში.

ვაჟი შეეხო ზამთარს და უთხრა:



— ხედამ, მარეხი, ერთი ყვავილი რომ მთლად გაფურჩქნა ამ ტოტზე, მეორე ჯერ ისევ კოკორშია; როდესაც ის დაქცნებოდა, მაშინ-ღა გაიშლებოდა ეს მეორე: სადაც ერთი ყვავილი ქცნება და მოისთვლის, იქ მეორე იფურჩქნება მზის სხივზე. ჩემი ცხოვრების ყვავილი ჯერ ისევ კოკორშია გაუფურჩქნავი, შენ უნდა გაუხდე, მარეხი, მას მალხინებელ სხივთ, რომ გადიშალოს იგი სუნნად სუნნელად! — უთხრა ვაჟაკმა და ყვავილის ყლორტიდან ხელი ქალის მაჯაზე გადაიტანა.

ქალმა ოღნავ გასწია მაჯა, არ კი გააცალა. მაშინ იგრძნო ვაჟაკმა, რომ დაჰკრა მის ბედნიერების წამმა და სურვილით დაეწაფა ნაქანდაკებ მაჯას.

გაისმა ბუჩქში შროშანის სტვენა: ის უგალობდა ძღვევამოსილ სიყვარულს, რომელიც ჰფურჩქნის დაუცხრომლად ახალ-ახალ კოკორს სიცოცხლისა.

გ. ბანოვი.

საფლავი

# დანაშაული და სასჯელი

ექვს ნაწილად თ. მ. დოსტოევსკისა

ნაწილი მორაბი

I\*)

ასე იწვა დიდ ხანსა. დრო-და-დრო ეღვიძებოდა კიდევ და ატყობდა თითქოს, რომ დიდი ხნის დაღამებული იყო, მაგრამ აღგომა ფიქრადაც არ მოსდიოდა. შეჰნიშნა ბოლოს, რომ დღესავით განათდა. იწვა დივანზედ გულ-აღმა და ჯერ კიდევ ვერ გამორკვეულიყო, ბურანში იყო. ესმოდა რაღაცა საშინელი, სასოწარკვეთილი ქვითინი და ბღაველი, მაგრამ უმისოდაც ხომ მუდამ ღამ ასეთი ამბები იყო ხოლმე მის ფანჯრის ქვეშა. აი, სწორედ ამან გამოაღვიძა ახლა: — „აჰა! სასმელ დუქნებიდან გამოდიან ლოთები“, — გაიფიქრა რასკოლნიკოვმა, — „სჩანს მესამე საათია,“ — და უცბად წამოხტა. — როგორ! მესამე საათია!“ დაჯდა ისევ დივანზედა და მაშინ-ღა მოაგონდა ყველაფერი! თვალის დახამხამებაზედ უცბად ყველაფერი გაახსენდა.

ეგონა პირველ ხანად, ეგ არის კკუიდამ შევიშლებიო. საშინელმა სიცივემ აიტანა; მაგრამ ცოტა ციების ბრალიც იყო: ძილში გააცია. ახლა კი უცბად ისე ააკანკალა, რომ კბილს კბილზედ ვეღარ იმაგრებდა. მთლად ცახცახი გაჰქონდა. გამოაღო კარები და ყური მიუგდო: სახლში ყველას

\*) იხ. „მომბე“ № 2, 1905 წ.

ვიძინა. განცვიფრებული იცქირებოდა ირგვლივ ოთახში და ვერა გაეგო-რა: როგორა ჰქმნა ასრე, რომ შემოსვლისას გუშინ საღამოთი კარები არ გადირაზა და ისე, გაუხდელად, მიეგდო შლაპიანად დივანზედ: შლაპა იქვე გადაგორებულყო ძირსა და ბალიშის შორი-ახლოს ეგდო იატაკზედა.— „რას იფიქრებდა, რო შემოსულიყო ვინმე? ხომ მთვრალი ვეგონებოდი, მაგრამ...“ ფანჯარას ეცა. საკმაოდ განათებულიყო. მაშინვე თავით ფეხთამდე ტანისამოს დაუწყო თვალიერება: ნიშნები ხომ არა მაქვს-რაო? მაგრამ ასე არ იქნებოდა: ციებისაგან აცახცახებულმა გაიძრო მთლად ტანთა და დაუწყო ირგვლივ სინჯვა. სამჯერ-ოთხჯერ გადააბრუნგადმოაბრუნა ყველაფერი და უკანასკნელ ძაფამდე და ნაკერამდე ყველაფერი გადასინჯა. მაგრამ არაფერი ნიშნები არ ეტყობოდა თითქოს; შარვლის ტოტის ჩამოდენძილს ნაპირს ეტყობოდა მხოლოდ ქვემოდამ შემხმარი სისხლი. აიღო მაშინვე დიდი საკეცი დანა და ტოტს სისხლიანი ნაპირი შემოაქრა. შეტი თითქოს არა ეტყობოდა-რა. მოაგონდა უცბად, რომ ქისა და ნივთები, რომლებიც ბებრუხანას ყუთიდან ამოალაგა, ყველა ისევე ჯიბეებში ეწყო აქამდისინა. არ მოჰგონებია ამოეღო და შეენახა! არ მოჰგონებია ახლაც კი, ტანისამოს რომ ისინჯავდა! რასა ჰგავს ესა?—ეცა მაშინვე ჯიბეებსა და დაუწყო მაგიდაზედ ამოლაგება. ამოალაგა ყველაფერი, გადმოიბრუნა ჯიბეები, კიდევ ხომ არა დამრჩენია-რაო და ყველაფერი ეს კუთხეში მიაგროვა. აქ, კუთხეში, ძირს, ერთს ადგილას კედელს შპალერი ჰქონდა ამძვრალი: აიღო მაშინვე და დაუწყო ყველაფერს ამ ნახვრეტში, ქალაღს ქვეშ, ჩალაგება: — „ჩაეტია! ყველაფერი მიაფარა, ქისაც-კი!“ ფიქრობდა გახარებული; წამოდგა და დაუწყო გადმოდღრენილს ნახვრეტს როგორღაც გაბრუებულმა ყურება. უცბად მთლად შეჩტა შეშინებული: — „ღმერთო ჩემო“, დუღუნებდა სასოწარკვეთილი, — „რა მემართება? განა ეს შენახვა? ასე, განა, ინახავს ვვინმე?“

მართალია, ნივთების წამოღება არა ჰქონია ფიქრათა; ვგონა, მარტო ფულები იქნებოდა; ამიტომაც ადგილი არ მოუძებნა წინაღვე, — „მაგრამ ახლა, ახლა რა მიხარია?“ ფიქრობდა რასკოლნიკოვი. — „განა, ასე ინახავენ? მართლაც-და გონიერებას ეკარგავ!“ ჩამოჯდა დაუძლორებული დივანზედ და მაშინვე საშინელმა კანკალმა აიტანა. მიითრია გვერდით, სკამზედ მდებარე, სტუდენტობის დროის საზამთრო, თბილი, მაგრამ უკვე ძონძებათ ქცეული პალტო, მიიხურა და ისევ ისრე ბოღვა და თვლენა დაიწყო, თავდავიწყებას მიეცა.

მაგრამ არ გასულა ხუთი წამი, წამოხტა ისევ ელდანაკრავივითა და ტანისამოსს ეცა. — „არა, როგორ დავიძინე, როცა ჯერ სრულებით არა გამიკეთებია-რა! ასეა სწორედ ასეა: ილლიის ქვეშ მიკერებული მარყუეიც აქნამდის არ ამირღვევია! ასეთი მნიშვნელოვანი საქმე დამვიწყებია! დამვიწყებია ის, რითაც ყველაზედ მეტს ექვს აიღებდნენ!“ გამოჰგლიჯა მარყუეი, დაუწყო წვრილ-წვრილად ხევა და ბალიშ ქვეშ, საცვლებში, შესტენა. — „ტილოს ნაგლეჯი მჩვრები ყოველს შემთხვევაში ექვს არავის ააღებინებს; ასეა, ვგონებ, ასე!“ იმეორებდა ოთახის შუა გულ მდგომი და გაფაციცებით, ყურადღებით ათვალიერებდა იქაურობასა, იატაკზედ, ან სხვაგან სადმე, ხომ არა დამრჩა-რა შესანახიო? რწმუნდებოდა, ვითომ აღარა ახსოვდა-რა, ველარა მოესაზრებინა-რა და იტანჯებოდა საშინლად. — „რას ნიშნავს ესა, ნუ-თუ უკვე ვისჯები კიდევ? აგერა, აგერა, ასეა სწორედ!“ მართლაც-და სისხლიანი ძონძები, რომლებიც შარვლის ტოტებს ჩამოაქრა, ოთახის შუაგულ იატაკზედ ეყარა, რომ პირველათვე თვალში სცემოდათ! — „რა მამდის ესა?“ შეჰყვირა კვალად გონება დაბნეულივით.

და უცბად უცნაური რამ გაიფიქრა: იქნება მთლად ტანისამოსიც დასისხლიანებული და დალაქავებული აქვს, მაგრამ ვერ ჰხედავს, ვერ შეუნიშნავს, იმიტომ რომ მოსაზრებამ უსუსტა, გონთ დაუბნელდა... მოაგონდა უცბად, რომ ქისასაც ჰქონდა სისხლი მოცხებული. — „ეჰე! ეტყობა, მაშ

ჯიბეშიაც უნდა მქონდეს სისხლის ნიშნები, იმიტომ რომ სველ-სველი პირდაპირ ჯიბეში ჩავიდე!“ გადმოიბრუნა იმავ წამს ჯიბე, — და მართლაც — ჯიბის სარჩულს სისხლის ლაქები აჩნდა! — „ეტყობა, მაშ, გონიერება ჯერ კიდევ მთლად არ დამიკარგავს, ხსოვნა და მოსაზრება ჯერ კიდევ შემძლებია, თუ თვითონვე გამახსენდა და მომაგონდა!“ — გაიფიქრა დამშვიდებულმა და ღრმად და მხიარულად ამოისუნთქა სრულის გულითა. — „ეს მხოლოდ ციების სისუსტე და წამიერი ბოდვა იყო“, და შარვლის მარცხენა ჯიბეს სარჩული მთლად ამოახია. სწორედ ამ დროს მზის სხივმა მარცხენა წალაზედ შიაშუქა: გამოგლეჯილ წალის წვერიდამ გამოშვერილს წინდას თითქოს ნიშნები ეტყობოდა! გაიძრო მაშინვე წალა: — „მართლაც ნიშნები ატყვია! მთელი წინდის წვერი სისხლით არის გაჟღენთილი.“ ეტყობა, სისხლის გუბეში ჩაუდგამს გაუფრთხილებლობით ფეხი... „მაგრამ რა უყოს ახლა? წინდა, შარვლის ნაგლეჯი ძონძები და ჯიბე სად წაიღოს?“

მოიგროვა ყველა ეს ხელში და იდგა ოთახის შუაგულა. — „ღვიმელში შევყარო? მაგრამ ყველაზედ პირველად იქ დაუწყებენ ძებნასა. დავწვა? მაგრამ რითი? ასანთიც არა მაქვს. არა, სჯობს ისევ წავიღო და გადავყარო სადმე. დიახ! სჯობს გადავყარო“, იმეორებდა და ისევ დივანზედ იკალათებდა, — „ახლავ, ამავე წამს გადავყარო, დაუყოვნებლივ...“ მაგრამ უნებურად თავი ისევ ბალიშზედ მისდო; ისევე საშინელმა კანკალმა აიტანა; თბილი პალტო მიითრია და მიიხურა ისევა. დიდ-ხანს, მთელი რამდენიმე საათი, სულ იმის ფიქრსა და ბოდვაში იყო, რომ „ახლავ, დაუყოვნებლივ სადმე უნდა წაეღო და გადაეყარა, რომ საჩქაროდ თვალიდამ მიეფარებინა!“ რამდენჯერმე კიდევაც წამოიწია, უნდოდა წამომდგარიყო, მაგრამ აღარ შეეძლო. ბოლოს ძლიერმა კარის რახუნმა-ღა გამოაღვიძა.

— გესმის გააღე, მკვდარი ხარ, თუ ცოცხალი? სძინავს სულ ბანგივითა! — ყვიროდა ნასტასია და თან კარებს მუშტითა სცემდა. — მთელი დღე ასე ძაღლივითა სძინავს! ძაღლია, მა, რა არი. არ გესმის, გააღე! თერთმეტი საათია.

— იქნება შინ არ არი, — გაისმა ვიღაცა კაცის ხმა.

„ეჰე! ეს ხომ მეეზოვეს ხმაა... რა უნდა, ნეტა?“..

წამოხტა და დივანზედ დაჯდა. გული მედგრად უცემდა; ტკივილიც-კი იგრძნო.

— მაშ, ე ჩანგლით ვილამ ჩაკეტა? — ცხარობდა ნასტასია. — არა, კარების დაკეტვაც რომ დაუწყევია! მე ვიცი, არ მოგიტაცონ-კია! გააღე, შენ ეი, გოგრავე, გაიღვიძე!

„რა უნდათ, ნეტა? მეეზოვეს რაღა უნდა. ყველაფერი გაუგიათ. ვეწინააღმდეგო, თუ გავულო? მოხდეს, რაც მოსახლომია...“

წამოდგა, წაიხარა წინა და ჩანგალი ამოიღო.

იქამდის პატარა იყო მთელი ოთახი, რომ შეეძლო ლოგინიღამ ფეხის მოუცვლელად გამოეღო კარი.

ასე იყო სწორედ: კარებში მეეზოვე და ნასტასია იდგნენ.

როგორღაც უცნაურად გადაჰხედა ნასტასიამა. თვითონაც გულმოსულად და სასოწარკვეთილებით გადაჰხედა მეეზოვესა. მეეზოვემ ჩუმად ორად მოკეცილი, ბეჭედ-დაკრული რაღაცა ქალღლი გადასცა.

— უწყებაა კანტორიღამა, — დასძინა ქალღლის გადაცემისათანავე.

— რომელი კანტორიღამა?...

— პოლიციიღამა, პოლიციის კანტორიღამა, სხვა რომელი კანტორა იქნება.

— პოლიციიღამა?... რა გვინდაო?...

— რა ვიცი, რა უნდათ, მითხრეს, მოვიდესო და უნდა წახვიდე.

ყურადღებით გადაჰხედა მეეზოვემა, მიიხედ-მოიხედა ირგვლივ და წასასვლელად გაბრუნდა.

— ეტყობა, ავათაა! — შეჰნიშნა ნასტასიამა და თან თვალს არ აშორებდა. მეეზოვემაც ერთს წამას პირი იბრუნა, გადაჰხედა. — გუშინღლიღამ სიცხე აქვს, — დასძინა ისევ ნასტასიამა.

პასუხს არ აპლევდა რასკოლნიკოვი და გაუხსნელი ქალღიღობი ისევ ისე ხელში ეჭირა.

— ნუ ადგები, შაშა, — ეუბნებოდა გულმტკივნეულად ნასტასია, რო ნახა, დიენილამ აპირებდა გადმოსვლასა. — ავითა ხარ, იწექი, ქვეყანა კი არ დაილუპება. ე ხელში რაღა გიჭირავს?

დაიხედა რასკოლნიკოვმა: მარჯვენა ხელში შარვლის ჩამონაქერი ძონძები, წინდა და ჯიბის ამონახვევი სარჩული ეჭირა. ისე თურმე ეძინა მაგრა ხელ-დაბლუჯილსა. მერე-ღა მოაგონდა, რომ სიცხეში მაგრა დაბლუჯა და ისე დაიძინა.

— ჰხედავთ, რა ძონძებითა სძინავს, — ჩაუბლუჯია, გვეგონებათ, დიდი რამ განძი უჭირავსო...

და ნასტასიამ თავისებურად გულიანად გადიკასკასა, ჩაბუჯირდა.

იმავე წამს ყველაფერი პალტოს ქვეშ დამალა რასკოლნიკოვმა და ნასტასიას ჩააშტერდა თვალეში. მართალია, ღრმა მოსაზრებისა და ფიქრის თავი სულ აღარ ჰქონდა, მაგრამ ჰგრძნობდა, რომ დასაქვრს კაცს ასე არ მოეპყრობოდნენ უაუოდა. — „მაგრამ... ე პოლიცია რაღა?...“

— ჩაის დალევდი! არ გინდა? მოგიტან, დამრჩა...

— არა... წავალ; ახლავე წავალ, — წაიდუღუნა და წამოდგა.

— წახვალ-კი არა, იქნება კიბეზედაც ვერ ჩააწიო?

— წავალ...

— როგორც გერჩიოს.

ნასტასიაც მაშინვე მეფხოვეს გაჰყვა ფეხ-და-ფეხა. ეცა მაშინვე რასკოლნიკოვი და წინდასა და ძონძებს დაუწყო სინათლეზედ სინჯვა. — „ლაქები აქვს, მაგრამ აღარ ეტყობა; გაქუქყიანებულა, გაღესილა, ამომქრალა. თუ წინადვე არა იცის რა, ვერას გაარჩევს ადამიანი. მაშასადამე, შორიდან ვერას შეჰნიშნავდნენ, მაღლობა ღმერთსა! გახსნა ახლა-კი გულის ფანტკალით უწყება და დაუწყო კითხვა; დიდ-ხანს იკითხა, იკითხა და ბოლოს, როგორც იყო, მიუხვდა აზრსა. ეს იყო უბ-

რალა უწყება, რომ დღეს დილის ათის ნახევარზედ პოლიციის ნაწილში გამოცხადებულყო, უბნის ზედამხედველის კანტორაშია.

„რისა რა უნდა იყოს? არავითარი საქმე პოლიციისთან არა მაქვს! მერე ისაც რალა დღესა?“ ფიქრობდა და იტანჯებოდა რასკოლნიკოვი, რომ მიზეზისათვის ვერ მიეგნო. — „ღმერთო, ჩქარა მაინც იყოს! წაიჩოქა მუხლის თავზედა და ლოცვა დაიწყო, მაგრამ თვითონვე გაეცინდა, — ლოცვაზე-კი არა, თავის თავზედა და დაიწყო საჩქაროდ ტანთ ჩაცმა. „დავიღუბები და დავიღუპო, სულ ერთია! წინდა ჩავიცვა!“ გაიფიქრა უცბად. — „კიდევ უფრო გადიღესება მტვრითა და აღარა შეეცუბა-რა.“ მაგრამ ჩაიცვა თუ არა, გაიძრო მაშინვე და ზიზღითა და შიშით მოიქნია. გაიხადა, მაგრამ იფიქრა, რომ მეტი აღარა ჰქონდა რა და ისევ ჩაიცვა, — და ისევ გაეცინდა. ~~„უველა ეს მხოლოდ ფორმაა და სხვა არასფერი,“~~ გაიგლო ნახევრად ფიქრათა და თან მთელის ტანით ძაგძაგი დააწყებინა. — „ხომ ჩავიცვი კიდევ! მაინც ჩავიცვი!“ მაგრამ იმავ წამს სიცილი სასოწარკვეთილებათ შეეცვალა. „არა, არა, არ შემძღიან“... გაიგლო გულში. ფეხები უკანკალებდა. — „შიშისაგან მომდის,“ — წაიღუღუნა თავისთვის. თავს ბრუ ეხვეოდა, საშინლად სტკიოდა, უხურდა. — „ეშმაკობენ! უნდათ როგორმე მიმიტყუონ და უცბად გამომტეხონ,“ ფიქრობდა თავისთვის, კიბეზედ რომ ჩამოდიოდა. — „ცუდია ის, რომ ებოდავ თითქმისა... შეიძლება სისულელე რამ დამარო-შვინონ“...

მაგრამ მოაგონდა კიბეზედ, რომ ნივთებს ისე შპალერს ქვეშ, ხვრელში, უშვებდა: — „მერე, რომ უცბად გამჩხრიკონ“, გაიფიქრა და შედგა. მაგრამ ისეთმა სასოწარკვეთილებამა და დაღუპვის დაუდევრობამ შეიპყრო, რომ გააქნია ხელი და გასწია.

„მაღე-კი იყოს და სულ ერთია!..“  
 ქუჩაში ისევ საშინლად ცხელოდა; მთელს ამ ბოლო დღეებში ცვარი არ გაჰვარდნია ცასა. [ისევ ისევ] მტვერი,



აგურისა და კირის სუნი იდგა იგრგვლივ; სასმელ ღუქნები-  
დამ ყროლის სუნი გამოდიოდა; წამ-და-უწუმ ისევ გალექებუ-  
ლი ლოთები, ჩუბონელი დამტარებლები და კოფოზედ გადა-  
დღლარძული მეეტლეები ჰხედებოდნენ წინა. მზემ კაშკაშით  
მიანათა თვალეშია, ასე რომ ატკინა კიდეცა, თავს ბრუ დაჰ-  
ხვია.—ისე სწორედ, როგორც საზოგადოდ ნაციები ადამიანი  
ჰგრძნობს ხოლმე თავსა, მზიანს დღეში რომ გარეთ გამოვა.

გუშინდელ ქუჩის შესახვევამდე რომ მიიღწია, როგორ-  
ღაც შეშფოთებულმა გაჰხედა ქუჩასაცა და ამ სახლსაცა...  
მაგრამ მაშინვე თვალი მოარიდა.

„რომ მკითხონ, იქნება ვუთხრა კიდეცა“,—გაიფიქრა,  
კანტორას რომ მიუახლოვდა.

კანტორა სულ მეოთხედ ვერსის მანძილზედ იყო რას-  
კოლნიკოვის საცხოვრებელ ბინიდან დაშორებული. ახლად  
გადმოიტანეს ამ ახალი სახლის მეოთხე სართულში. ძველ ბი-  
ნაზედ რომ იყო, ახსოვს, ერთხელ იყო კიდევაცა თითქოს,  
მაგრამ დიდი ხანია მას შემდეგ. შევიდა თუ არა ეზოში, მარ-  
ჯენივ კიბე შეჰნიშნა, რომლიდამაც ილილიაში წიგნ ამოჩრი-  
ლი გლეხი ჩამოდიოდა:—„მეეზოვეა უთუოდ; ეტყობა, კან-  
ტორაც აქვე იქნება“,—გაიფიქრა და პირდაპირ კიბეს შეუდგა.  
არ უნდოდა კითხვა და ძიება დაეწყო.

„შევალ, დავიჩოქებ და ყველაფერს ვუამბობ“... გაი-  
ფიქრა, მეოთხე სართულს რომ შეუდგა.

კიბე იყო ვიწრო, დაქანებული, ნარცხითა; ნაგვითა და  
ვაი-ვაგლახით სავსე. ოთხთავ სართულის ყველა ბინის სამზა-  
რეულოები ამ კიბეზედ გამოდიოდნენ და მთელი დღე საში-  
ნელი დახშული ჰაერი და სუნი იდგა. ადიოდნენ და ჩამო-  
დიოდნენ ამ დღით ილილიაში წიგნებ-ამოჩრილი მეეზოვეები  
და ორისავ სქესის სხვა-და-სხვა მაწანწალები და მომჩივრები.  
თვითონ კანტორის კარებიც ყურთამდე ღია ეგდო. შევიდა  
და შესავლელ დერეფანში შედგა. აქ სულ ვიდაცა გლეხები  
იდგნენ და უცდიდნენ. აქაც ისრევე იყო ჰაერი შეხუთული.  
ახლად გაწამლულ ოთახების მყარლი სუნი გულს ურევდა

ადამიანსა. პატარა ხანს-კი შეიცადა, მაგრამ არჩია ისევ მეორე ოთახში გასულიყო. ოთახები ყველა დაბალი და პატარეზი იყო. საშინელი მოუთმენრობა სულ შიგნით და შიგნით იზიდავდა რასკოლნიკოვსა. არავის იგი არ შეუნიშნია. მეორე ოთახში ცოტა იმაზედ უკეთ ჩაცმული ვიღაცა მწერლები ისხდნენ და სწერდნენ. შესახედავად ყველა როგორღაც უცნაურები იყვნენ. აიღო რასკოლნიკოვმაცა და ერთს მათგანს მიჰმართა.

— რაო, რა გინდა?

რასკოლნიკოვმა კანტორიდან მიღებული უწყება უჩვენა.

— სტუდენტი ხართ? — ჩაეკითხა მწერალი, უწყებას რომ დაჰხედა.

— დიახ, ნასტუდენტარი გახლავართ.

მწერალმა თვალი აავლ-ჩაავლო, მაგრამ არავითარი ცნობის მოყვარეობა მისს სახეს არ შესტყობია.

„ამისგან, სულ ერთია, ვერას გავიგებ“, გაიფიქრა რასკოლნიკოვმა.

— აიქ მიდით, საქმის მწარმოებელთან, — უთხრა მწერალმა და პირდაპირ უკანასკნელს ოთახზედ მიუთითა.

რასკოლნიკოვიც ამ (რიცხვით მეოთხე) ვიწროსა და ხალხით უზომოდ გამოტენილს ოთახში შევიდა, სადაც წინა ოთახებთან შედარებით უფრო სუფთად იყო ჩაცმულიხალხი. მათ შორის იყო ორი მანდილოსანიც: ერთი მათგანი ღარიბად იყო შეგებში ჩაცმული და საქმის მწარმოებლის პირდაპირ იჯდა, რაღასაც სწერდა მისის სიტყვითა. მეორე-კი, ჩასუქებული და წითლად გაღვივებული, ლაქებიანი, საკმაოდ წამოსადეგი და მდიდრულად ჩაცმული მანდილოსანი გვერდზედ იდგა და რაღასაც უცდიდა. გულში ვეება, ჩაის ლამბაქივით გატყაპნილი, ოქროს ძვირფასიბალთა ჰქონდა გაბნეული. რასკოლნიკოვმა უწყება საქმის მწარმოებელს გადასცა საქმის მწარმოებელმაც ცალის თვალით გადაჰხედა უწყებასა

და უპასუხა: „მოიცადეთო“; თვითონ-კი ისევ სამგლოვიარო შავებში გამოწყობილს მანდილოსანს მიუბრუნდა.

ცოტათი თავისუფლად ამოისუნთქა რასკოლნიკოვმა. — „უთუოდ იმისათვის არ მიბარებენ!“ გაიფიქრა და ნელ-ნელა გამხნედა, გონს მოვიდა.

„სულ უბრალო რამ სისულელე, სულ უბრალო რამ გაუფრთხილებლობა საკმარისია, რომ ჩემი თავი მევე გავცე-  
პმ!.. სუფთა ჰაერი მაინც იყოს, რომ ცოტა გავგრძილდე,“ დაძინა, — „შეხუთულია ჰაერი... თავი უარესად მიბრუნის... ტვინი მიხურს“... ჰგონობდა საზოგადოდ, რომ საშინლად არეული იყო და ეშინოდა, ვაი თუ თავი ვერ შევიმაგრებო. სცდილობდა გარეშე რამ საგანს ჩასქიდებოდა, სრულიად სხვა რამეზედ ფიქრა, მაგრამ ვერ ახერხებდა. საქმის მწარმოებელი მაინც ძლიერად იზიდავდა მისს ყურადღებას: უნდოდა ამო-  
ეკითხა როგორმე მისს სახეზედ, რასა ფიქრობდა. ეს იყო ოც და ორის წლის, შავგვრემანი, ცოცხალის შეხედულობის ახალგაზრდა, მაგრამ ცოტა თითქოს ხნიერად მოსჩანდა უფრო. ტანთ კონტად ეცვა დროის მიხედვით, თავი ლამაზად გადა-  
ევარცხნა, პომადა ეცხო. თეთრსა და ჩოთქებით ლამაზად გადახეხილს თითებზედ ბეჭდები ჰქონდა მრავლათგაკეთებული, ჟილეტზედ ოქროს საათის ძეწკვი ეკიდა. ერთს იქ მყოფს უცხოელს ორაოდე სიტყვით ფრანგულადაც გამოელაპარაკა და საკმაოდ წმინდათაც.

— ლუიზა ივანოვნა, დაბრძანდით, მიჰმართა გაკვრით წითლად გაღვივებულს გამოკოპწიანებულს მანდილოსანსა, რომელიც ფეხზედ იდგა ერთ-თავადა და ვერა ჰხედავდა თითქოს ნება დაურთველად დაჯდომასა, თუმცა იქვე, გვერდით, სკამიც ედგა.

— ich danke, — მიუგო მანდილოსანმა და ფარჩის შრი-  
ლით წყნარად დაეშვა სკამზედა. ბაცი, მტრედის ფერი, კრუ-  
ქევეებით მორთული კაბა ჰაეროსტატივით გაებერა და მაგიდის გარშემო თითქმის ოთახის ნახევარი მთლად დაიქირა. იქაუ-  
რობა სუნნელოვან სასხურებლების სუნით გაიჟღერა. მაგრამ

ეტყობოდა, სცხვენოდა, რომ თითქმის ნახევარ ოთახი იმან დაიქირა და სუნნელოვნება გაავრცელა: როგორღაც მოკრძალებით ილიმებოდა შეშინებული.

გაათავა ბოლოს მგლოვნიარე მანდილოსანმა წერა და ასადგომად დაემზადა. უცბად ამ დროს ოთახში შემოვიდა თვითოეულ ფეხის გადადგმაზედ როგორღაც საგანგებოდ მხრების წვეთა და გრებით, ყოყლოჩინად ვილაცა ოფიცერი, კაკარდიანი ქუდი მაგიდაზედ დააგდო და სავარძელში გამოიქიმა. თვალი მოჰკრა თუ არა მორთულმა მანდილოსანმა, მაშინვე როგორღაც უცბად წამოხტა სკამიდან და საგანგებო აღტაცებით დაუწყო მოწიწებით თავის კვრა; მაგრამ ოფიცერმა ყურადღება არ მიაქცია და ქალიც ველარა ჰბედავდა მასთან დაჯდომასა. ეს გახლდათ უბნის ზედამხედველის თანაშემწე, მაგრამ აქეთ-იქით გაფარჩხულ ქერა უღვაშებიანი, სუფთა სახის გამოშეტყველება მის კანდიერების მეტს სხვას არას ამხელდა. გვერდზედ გაჰხედა განრისხებულმა რასკოლნიკოვსა: მეტადა ჰქონდა ტანისამოსი გახუნებული და გაღესილი, მაგრამ შედარებით მაინც თავი როგორღაც ამაყად ექირა, თუმცა თავდაბლადა და დამცირებულად გამოიყურებოდა. როგორღაც მოუხრიდებლად და დიდხანს უყურებდა პირდაპირ რასკოლნიკოვიც, ასე რომ იწყინა კიდევ თანაშემწემა.

— შენ რაღა გინდა? — შეუყვრია განცვიფრებულმა უთუოდ, რომ ასე დაგლეჯილ-დაფლეთილი ჰბედავდა და შიშისაგან არა ჰქრებოდა მისს ცეცხლებრ მწვავე შეხედვაზედა.

— მომიტხოვეს... უწყება მომივიდა... მიუგო რასკოლნიკოვმა.

— ფულის გადახდევინების შესახებაა, სტუდენტია, მიუგო საჩქაროდ საქმის მწარმოებელმა და დროებით ქალაქებს თვალი მოაშორა. — აი, დაიქით! — მიჰმართა საქმის მწარმოებელმა რასკოლნიკოვსა და რვეული გადაუგდო, — წაიკითხეთ;

„ფულისა? რა ფულისა, ნეტა?“ ფიქრობდა რასკოლნიკოვი, — „მაგრამ... ეტყობა მაშ, ის არ ყოფილა!“ გაივლო

ჯულში და სიხარულისაგან შეხტა თითქმისა. უცბად საშინლად მოეშვა და ეშელავათა, თითქოს ტვირთი რამ ჩამოეხსნაო.

— მერე, რომელ საათზე გიბრძანეს მოსვლა, მოწყალეო ხელმწიფეო? შეუყვირა კვლავ პორუჩიკმა, უფრო და უფრო რალაციო შეურაცხყოფილმა. — გწერენ ცხრაზედ გამოსცხადდეთ და ახლა-კი უკვე მეთორმეტე საათია!

— მე მხოლოდ ამ თხუთმეტის წამის წინად მივიღე უწყება, — უპასუხა მხარო უკანიდამ ხმა-მალლა რასკოლნიკოვმა, რომელიც, ეტყობოდა, ასრევე მოულოდნელადა და უცბად გაჯავრდა და რალაცა სიამოვნებასაც კი ჰგრძნობდა ამის გამო. — ისიცა კმარა, რომ სიცხიანი და ავადმყოფი მაინც გამოეცხადდი.

— ნუ ინებებთ ყვირილს!

— არა ვყვირი! პირ-იქით, წყნარადა ვლაპარაკობ; თქვენ-კი დიხსაც მიყვირით; მაგრამ ნუ დაივიწყებთ, რომ სტუდენტი ვარ და ნებას არ მოგცემთ.

იქამდის აენტო და გაბრაზდა თანაშემწე, რომ პირველად ხმა ველარც-კი ამოიღო, მხოლოდ დორბლებსა-ლა ჰყრიდა პირილამა. წამოხტა მერე გაბრაზებული და დაუწყო ისევ:

— გთხოვთ გა-ჩ-ჩ-უმ-დეთ! ნუ გავიწყდებათ, რომ სახელმწიფო დაწესებულებაში ხართ. ნუ იძლევით, მოწყალეო ხელმწიფეო, აგრე მკვახე პასუხებსა!

— ნურც თქვენ დაივიწყებთ, რომ იმავე დაწესებულებაში ხართ, — შეუყვირა რასკოლნიკოვმა; — გარდა მაგისა, რომ ჰყვირით, პაპიროსსაც ეწევით; სჩანს, მაშ, ჩვენ ყველას არად გვაგდებთ.

უთხრა რასკოლნიკოვმა და უზომო სიამოვნება და კმაყოფილება იგრძნო.

ღიმილით შეჰყურებდა საქმის მწარმოებელი ორივესა. ეტყობოდა, ფიცხი პორუჩიკი დააფიქრა რასკოლნიკოვმა.

— თქვენი საქმე არ არის ეგა! დაუყვირა ბოლოს როგორღაც არაბუნებრივად ხმა-მალლა, — სჯობს, რასაც გთხოვენ, პასუხი მოგვცეთ იმისი. ალექსანდრ გრიგორიჩ, უჩვენეთ ერთი.

გიჩივიანთ! ფულს თურმე არ იხდით! რაო, ვითომ რა წითელი კოჭი თქვენა ბრძანდებით.

მაგრამ რასკოლნიკოვი უკვე ქალაღდს დააცხრა ხარბადა, უნდოდა მიზეზი მალე გამოერკვია, ყურს არ უგდებდა. წაიკითხა ერთხელ, მეორედ, მაგრამ აზრი მაინც ვერ გაუგო.

— ვერ გამიგია, რა არის, დაეკითხა საქმის მწარმოებელსა.

— ფული გისესხნიათ და იმასა გთხოვენ. ან უნდა გადაუხადოთ მთლად თავისის ხარჯებითა და ჯარიმებითურთ, ან არა-და წერილობითი პასუხი მოგვცეთ, როდის შეიძლებთ გადახდასა; უნდა მოგვცეთ ამასთანავე პირობა, რომ ვალის გადახდამდე სატახტო ქალაქიდან არსად წახვალთ და არც თუ თქვენის ქონებიდან გაჰყიდით და დაჰმალავთ რასმე. მსესხებელსკი ნება აქვს ქონებაც გაგიყიდოთ და თქვენც კანონისამებრ მოგეპყრათ.

— მაგრამ.... რომ არავისი რა მმართებს!

— ეგ ჩვენი საქმე არ არის. ჩვენ მივიღეთ გადასახდევინებლად ვადა-გასული და კანონიერად პროტესტ-გამოცხადებული ასა თხუთმეტა მანეთის თამასუქი, ამ ცხრა თვის წინად კოლეჟსკი ასესოროის ქვრივის ზარნიცევას სახელზედ დაწერილი, რომელსაც რგი შემდგომ ნადვორნი სოვეტნიკის ჩებაროვისათვის გადაუცა. ამაზედა გთხოვთ პასუხსა.

— მერე, ეგ ხომ ჩემი დიასახლისია?

— რა არის, მერე, რომ დიასახლისია?

და საქმის მწარმოებელმა სიბრაღულით გადაჰხედა, როგორც უცადსა; თან რაღაცა ყოყორობა დაეტყო თითქოს, იღიმიებოდა: „რაო, როგორ ჰგრძნობ ახლა თავსაო?“ ეუბნებოდა თითქოსა. მაგრამ ან ამ თამასუქთან რაღა საქმე ჰქონდა ახლა, ან ფულის გადახდევინებასთანა! ნუ-თუ ამასაც უნდა შეეშფოთებინა როგორმე! იდგა რასკოლნიკოვი, კითხულობდა, უგდებდა ყურსა, უპასუხებდა და თითონაც-კი ეკითხებოდა რადეებსაცა, მაგრამ გაგებით თითქმის არა გაეგებოდა-რა. მთელი მისი არსება ამ ჟამად მხოლოდ თავის

დაცვისა და საფრთხილამ თავის დამკვრენის ზრუნვასა და ფიქრში იყო, აღარასფერს სხვას არა ჰხედავდა, აღარასფერს არ კითხულობდა. ეს იყო პირდაპირი და სრული, პირუტყვეული სიხარულის წამი. მაგრამ ამ დროს იყო სწორედ, რომ კანტორაში უცბად ერთი ყვირილი და ვაი-ვაგლახი ატყდა: რასკოლნიკოვისაგან შეურაცხყოფილი და გაბრაზებული პორუჩიკი თავისს ღირსებისა და პატივის აღსადგენად უცბად „მოპრანჭულს მანდილოსანს“ ეცა ახლა, რომელიც აგერ არის შემოსვლის წამიდან აქამდე ფეხზედ იდგა ერთ-თავადა და რალაცა სულელურად უღიმოდა გულმოსულს თანაშემწესა.

— შენა, შე ასეთ-ისეთო და იმისთანავ, — შეუყვირა უცბად, რაც ძალი და ღონე ჰქონდა (მგლოვიარე მანდილოსანი უკვე წასული იყო), — შენ რალა ამბავი გქონდა ამ ღამესა? ჰა? კიდევ უწესობასა და ვაი-უშველებელს ახდენ ქუჩაშია, არა გრცხვენიან! ისევ ჩხუბი და ლოთობა გაქვს გამართული? ვირის აბანო ხომ არ მოგენატრა! ეს მერამდენედ არის, რომ გეუბნები და გაფრთხილებ! არ გითხარი, მეთერთმეტეჯერ აღარ გაპატიებ-მეთქი. შენ-კი, ასეთ-ისეთო, შენსას არ იშლი!

ისე გაშტერებული და გაკვირვებული უცქეროდა რასკოლნიკოვი „მოპრანჭულს მანდილოსანსა“, რომელსაც ისე მოურიღებლად ამკობდნენ, რომ ხელიდან ქალაღიცი კი გაპყვარდა; მაგრამ მოისაზრა მალე, რაში იყო საქმე და დამშვიდდა; ეამებოდა კიდევ როგორღაც მთელი ეს ამბავი. იქამდის სიამოვნებით უსმენდა ყოველსავე ამასა, რომ გულით მოუნდა გადაეხარხარნა კიდევცა... ნერვები მთლად უთრთოდა.

— ილია პეტროვიჩი! — ჩაერია საქმის მწარმოებელი მზრუნველობითა, მაგრამ შედგა და მოიცილა, რადგან იცოდა კარგად გამოცდილებითა, რომ გაცხარებულ პორუჩიკის შეყენება ახლა მხოლოდ ხელების გაკავებით-ღა შეიძლებოდა.

რაც შეეხებოდა „მოპრანჭულს მანდილოსანს“, პირველად მთლად ცახცახი აუფარდა ყვირილზედ; მაგრამ უტნაურია სწორედ: რამდენიც უფრო მეტსა ჰლანძღავდა და უყვი-

როდა თანაშემწე, იმდენი უფრო მომხიბლველად და ტკბილად უღიმოდა მრისხანე პორუჩიკს მანდილოსანი. ინაბებოდა ადგილზედ და ერთ-თავად მოწიწებით თავს იხრიდა, თან იცდიდა მოუთმენრად, რომ ბოლოს იმასაც აღირსებდნენ პასუხის მიცემასა.

— არაფერი ხმაურობა და ჩხუბი არა მქონია, ბ-ნო კაპიტენო, — დააყარა უცბად მანდილოსანმა, თითქოს ეს არის ლობიოს ტომარას მოჭხნეს პირიო; თან ნემეცურს გამოთქმას ატანდა რუსულს ლაპარაკსა, — არაფერი „შკანდალი“ არა მქონია; მთვრალი მოვიდა ისინი, მე სულ ყველაფერი გითხრა, ბ-ნო კაპიტენო, დამნაშავე არა ვარ... კეთილშობილი სახლი მაქვს და ქცევაც კეთილშობილი, ბ-ნო კაპიტენ, ამიტომაც არასოდეს „შკანდალი“ არა მქონია. ისინი კი მთვრალი მოვიდა და კიდევ სამი „პუტილკა“ მოითხოვა; მერე აიწია ფეხები და ფეხებით ფორტეპიანო დაუკრა. კეთილშობილ სახლში ეს არ ვარგა და უნდოდა „განც ფორტეპიანო“ გაეტეხა; აქ არაფერი „მანერა“ არ არის-მეთქი, უთხარი. იმან კი აიღო „პუტილკა“ და ყველას დაუწყო უკანიდან ცემა. მეც მაშინვე „დვორნიკს“ დაუძახე და მოვიდა კარლი. აიღო იმან კარლი და თვალში დაარტყა, გენრეიტსაც თვალში დაარტყა, მეც ხუთჯერ ლოყაში დამარტყა. ეს კი კეთილშობილ სახლში, ბ-ნო კაპიტენ, კარკი არ არის და ვიყვირე მეც. იმან კი გააღო ფანჯარა არხისაკენა და პატარა ღორივით ქყვირილი დაიწყო; სირცხვილია ესა. როგორ იქნება ქუჩაში, ფანჯარაში, პატარა ღორივით ქყვირილი? ფუჰ-ფუჰ-ფუჰ! კარლმა მაშინ ფრაკში გასწია, ფანჯარას მოაშორა და მართალია, ბ-ნო კაპიტენ, „ზეინ როკ“ ჩამოახია. იყვირა მაშინ, რომ „მან მუს“ თხუთმეტი მანეთი „შტრაფი“ გადაეხადა. და მე მივეცი თითონ „ზეინ როკ“ ხუთი მანეთი. კეთილშობილი სტუმარი არ იყო, ბ-ნო კაპიტენ, სულ „შკანდალს“ აკეთებდა! თან ამოხდა, ერთი დიდი „სატირ გედრუქტ“ დავწერო, ყველა გაზეთში დავწერო თქვენზედა.

— ეტყობა, მაშ, მჩხაპნელთაგანი ყოფილა, ჰა?



— დიახ, ბ-ნო კაპიტენ, მერე რა ბრიყვი რამ არი, ბ-ნო კაპიტენ. კეთილშობილ სახლში...

— ნუ-ნუ-ნუ! კმარა! დიდი ხანია ნათქვამი მაქვს, ნათქვამი, ნათქვამი...

— ილია პეტროვიჩი! — შეეხმაურა კვალად მნიშვნელოვანად საქმის მწარმოებელი.

სწრაფად მიჰხედა პორუჩიკმა და საქმის მწარმოებელმაც ოდნავ თავი დაუქნია.

— ...ასე, მაშ, პატივცემულო ლავიზა ივანოვნა, იცოდე ეს ჩემი უკანასკნელი სიტყვა, — განაგრძობდა პორუჩიკი, — მაგრამ თუ ერთხელც არის მოხდება რამე სკანდალი კიდევ შენს კეთილშობილს სახლშია, იცოდე, მაშინ შენ თვითონ გიკრამ „ცუგუნდერში“ თავს. გესმის? მაშ, აგრე, ჰა, ლიტერატორი იყო თუ მჩხაპნელი, ხუთი მანეთი აგაგლიჯა კალთის ჩამოხვეცსათვის, ჰა? ვერა ჰხედავთ ამ მთხუზველებსა! — შესძახა პორუჩიკმა და რასკოლნიკოვს ზიზღით გადაჰხედა. — ამ სამის დღის წინად „ტრაქტირშია“ აგრე ექმნა ერთსა: ესადილნა ლამაზად და ფულს კი თურმე არ იხდიდა; „სატირას დაგიწერთ ამისთვისაო“, ეთქვა. მეორეს კიდევ გემზედ დაეღანძლა წარსულს კვირას პატივცემული ოჯახობა სტატსკი სოვეტნიკისა; ცოლსა და ქალსაც კი უწმაწური სიტყვებით თურმე მიჰმართა. წელან კიდევ საკანდიტეროდან გამოაპანღურეს ერთი. აი, ჰხედავთ, რა შვილებიცა ბრძანდებიან ყველა ეს მთხუზველები, ლიტერატორები, სტუდენტები და მქადაგებლები... ფუჰ! მაგრამ წაეთრიე! თვითონ შემოგვივლი... მაგრამ მიფრთხილდი მაშინ! გესმის?

ლუიზა ივანოვნამაც აჩქარებითა და თავაზიანად დაუწყო ყველას თავის კვრა და დაბლა თავ-მოხრით კარებამდის მიადწია. მაგრამ კარებში უცბად უკან მიმავალი ვილაცა წამოსადევს ოფიცერს წააწყდა, რომელსაც სახე მშვენივრად დასწითლებოდა და ორად გაყოფილი, ხშირი ქერა წვერი საამურად გაჰშლოდა. ეს იყო თვითონ უბნის ზედამხედველი ნიკოდიმ ფომიჩი. ლუიზა ივანოვნამ მაშინვე საჩქაროდ მიწამ-

დე თავი დაუკრა და აჩქარებულის, ხშირის ნაბიჯითა და ხტუნვით კანტორიდან გავარდა.

— ისევ და ისევ გრგვინვა-ქუხილი, ისევ ელვა და ქარიშხალი! მიჰმართა მხიარულად და მეგობრულად ნიკოდიმ ფომინმა ილია პეტროვიჩის, — ეტყობა კიდევ გავაჯავრათ ვინმემ და ავადვლავათ! კიბეზედვე შემომესმა ხმა.

— რა ვუყა! — უპასუხა კეთილშობილურის დაუდევრობით ილია პეტროვიჩმა და ქალღმერთობით დატვირთულმა მეორე მაგიდისაკენ გასწია; თან თვითოეულ ფეხის გადადგმავედ მხრებს ათამაშებდა: საითაც ფეხს გადასდგამდა, მხარსაც იქით გადაიხრდა. თქვენ თვითონ განსაჯეთ: ბატონი შემთხვევლი, თუ სტუდენტი, სულ ერთია, ნასტუდენტარი, ფულს არ იხდის, ვექსილებს უწერს, ბინას არა სცლის, ერთ-თავად უჩივიან; აქ კი საყვედურს მიცხადებს, რომ იმის წინ პაპიროსს მოვუკიდე! თვითონ საძ-ძ-ძავლობენ, თორემ შეჭხედეთ, აბა: აგერა, თვითონ მათი მშვენიერებაც!

— სიღარიბე რა დასაძრახია, მეგობარო, რა ვუყოთ რომა! — რასაკვრელია, თოფის წამალი შეურაცხყოფას ვერ აიტანდა. — უთუოდ თვითონ გეწყინათ რამე იმათგანა და თავი ველარ შეიმაგრევით, არა, — ეკითხებოდა თავაზიანად ნიკოდიმ ფომინი რასკოლნიკოვსა, — მაგრამ ტყუილად გინებებიათ: უ-უ-კეთილშობილესი კაცია, მოგახსენებთ, მაგრამ ცეცხლია, ცეცხლი! თოფის წამალივით იფეთქებს და აენტება ხოლმე, მაგრამ იქვე ჩაჰქრება! გადაუვლის და ბოლოს მხოლოდ ოქროს გულის პატრონი კაცი შეგრჩებათ ხელში. პოლკშიაც მაგიტომ ეძახდნენ: „თოფის წამალა-პორუჩიკსა“...

— რა პ-პ-პოლკი იყო, მერე! შესძახა ილია პეტროვიჩმა, ნასიამოვნებმა, რომ ასე საამურად გააპატიოსნეს, მაგრამ მინც ცოტა ნაწყენად ეჭირა თავი.

მოუნდა უცბად რასკოლნიკოვს ყველასათვის ესიამოვნებინა.

— არა, გეთაყვათ, კაპიტანო, — მიჰმართა უცბად ცოცხლად და თამამად ნიკოდიმ ფომინს, — ახლა ჩემს გარემოება-



საქართველოს  
საბჭოთაო  
საზღვრო  
სამართალი

საც დაუკვირდით... მზადა ვარ, თუნდ ბოდინშიც მოვიხადო, თუ კი დავაშავე რამე. მე ერთი ღარიბი და ავადმყოფი სტუდენტი ვარ, სიღარიბით დაჩაგრული (ასე სთქვა სწორედ: „დაჩაგრული“). ნასტუდენტარი ვარ, იმიტომ, რომ შეძლება აღარა მაქვს, მაგრამ მივიღებ კი... დედა და დან — ის გუბერნიაში მყვანან... გამომიგზავნიან და... გადავუხდი. დიასახლისი კეთილი დედაკაცია, მაგრამ გამიბრაზდა, გაკვეთილები რომ დავკარგე და მეოთხე თვეა, ფული ველარ მივეცი და სადილსაც-კი აღარ მაქმევს... მაგრამ არ მესმის სწორედ, რა ვექსილია ეგ ვექსილი. ახლა ამ ბარათითა მოხვდეს ვალის გადახდასა! მაგრამ იფიქრეთ, აბა, საიდან მივცემ!..

— აბა, ეგ რა ჩვენი საქმეა... შეჰნიშნა კვალად საქმის მწარმოებელმა.

— მოითმინეთ, მოითმინეთ, სრულიად გეთანხმებით, რომ თქვენი საქმე არ არის, მაგრამ ნება მომეცით აგიხსნათ, დასძინა ისევ რასკოლნიკოვმა საქმის მწარმოებლის საპასუხოთ, მაგრამ ისევ ნიკოდიმ ფომინს-კი ელაპარაკებოდა; თანაც სცდილობდა, იმავე დროს ილია პეტროვიჩისათვისაც გაეგებინებინა ნათქვამი, თუმცა იგი განგებ ქალაქებს ჰფურცლავდა და ზიზლით აგრძნობინებდა, რომ არავითარ ყურადღებას არ აქცევდა; — ნება მომეცით, აგიხსნათ და განგიმარტოთ, რომ დიდი ხანია, თითქმის სამი წელიწადი, რაც იმასთანა ვცხოვრობ; ერთი სიტყვით, მას შემდეგ, რაც პროვინციიდან ჩამოვედი... თავიღამვე... რატომ არ უნდა გამოვტყდე ვითომ?... პირობა მივეცი, შენს ქალს შევირთავ-მეთქი, მაგრამ პირობა სიტყვიერი, თავისუფალი... ეს იყო... ქალი... მაგრამ მომწონდა კიდევ თითქმის... თუმცა შეყვარებული არა ვყოფილვარ... ერთი სიტყვით, ახალგაზრდობით მომივიდა, ესე იგი მინდა ვსთქვა, რომ დიასახლისი მაშინ ბევრს მენდობოდა და მეც ცოტა თავისუფლად... ფუქსავატადა ვცხოვრობდი...

— მაგისთანა საიდუმლოების გამჟღავნებას არავინა გთხოვთ, მოწყალეო ხელმწიფეო, და არც დრო გვაქვს თავისუფალი, ჟომ... — გააწყვეტინა ბრიყვეულადა და მკვახედ ილია პეტრო-

ვიჩმა, მაგრამ რასკოლნიკოვმა გაცხარებულმა შეაყენა იგი, თუმცა უცხად ლაპარაკი გაუძნელდა ცოტათი.

— მაგრამ მომითმინეთ, ნება მომეცით, ცოტათი მაინც არის გაგაცნოთ... როგორ არის საქმე... ჩემ მხრივ... თუმცა სულ მეტი არის, გეთანხმებით, ეს ლაპარაკი, — მაგრამ გიამბობთ მაინც: ამ ერთის წლის წინად ქალი საოფლეთი მოუკვდა, მე-კი ისევე მდგმურათ დავრჩი, როგორც წინადა; და დიასახლისი რომ ახლანდელს ახალს ბინაზედ გადმოვიდა, მითხრა... მითხრა მეგობრულადა... რომ მენდობოდა სრულიადა და ყველაფერშიც დამეხმარებოდა... მაგრამ... იქმნება ამ ას თხუთმეტი მანეთის თამასუქი მომცეო, ესეიგი რაც ფული მემართა, იმისი. მომითმინეთ: მითხრა, სახელდობრ, რომ, მივცემდი თუ არა ამ ქალადს, მაშინვე ისევ მენდობოდა, რამდენსაც-კი მოვისურვებდი და არასოდეს თავის მხრივ ამ თამასუქის ბარათით არ ისარგებლებდა, — ეს იმისავე საკუთარი სიტყვებია, — ე. ი. არ გადამახდევინებდა, სანამდის თვითონ მე არ გავუსწორდებოდი... და აი, ახლა, როცა გაკვეთილებიც დავკარგე და საქმელადაც აღარა მაქვს-რა, უჩივლია და უნდა გადამახდევინოს. რა უნდა ვსთქვა, აბა?

— ყველა ეს დაწვრილებითი საგრძნობელი ამბები, მოწყალეო ხელმწიფეო, — მოუჭრა უსინდისოდ ილია პეტროვიჩმა, — ჩვენ არ შეგვეხება; თქვენ უნდა მოგვცეთ პასუხი და ვალდებულება, ხოლო რაც შეეხება ამ ტრაგიკულს განმარტებასა და იმასა, რომ ვიღაცა გყვარებიათ, ეს საქმეს სრულიად არ უდგება.

— შენც, ერთი... სასტიკად ებყრობი... ჩაიბუტბუტანიკოდიმ ფომიჩმა, მიუჯდა მაგიდასა და ქალადებს დაუწყო ხელის მოწერა. თითქოს შერცხვა როგორღაცა.

— დასწერეთ, — მიჰმართა საქმის მწარმოებელმა რასკოლნიკოვსა.

— რა დავსწერო? — ჩაეკითხა როგორღაც მკვანედ რასკოლნიკოვი.

— გეტყვით, რაც უნდა დასწეროთ.

ეჩვენა რასკოლნიკოვსა ვითომ ამ აღსარების შემდეგ საქმის მწარმოებელიც როგორღაც უგულოთა და ზიზღით ებყრობოდა, — მაგრამ უცნაური საქმე დავმართა, — უცბად მთლად შეეცვალა აზრი: აღარაფრად აგდებდა, ვინ რას ეტყოდა, რას იფიქრებდა. რასაკვრელია, ცოტაც არის რომ დაჰკვირებოდა გარემოებას, გაიკვირებდა უთუოდ, როგორ ჩაიდინა ისეთი საქმე და უამბო ისეთი რამეები, ან როგორ აეკვიატა თავისის გრძნობებითა? ან საიდან გაუჩნდა ეს გრძნობები? პირიქით, ახლა რომ უცბად, ოთახი თავისს საუკეთესო შეგობრებით გაჰვსებოდა და არა უბნის ზედამხედველებითა, ამ შეგობრებისთვისაც-კი ვერ იპოვიდა ადამიანურს სიტყვასა, ისე დაუცალიერდა უცბად გული. დაღვრემილობის გრძნობა მტანჯველ და უსაზღვრო განმარტოებისა უცბად ცნობიერად დაეტყო მისს სულსა. თავისს გულითად გამოტყვის სიმდაბლემა და ილია პეტროვიჩის გამარჯვების სიმდაბლემ-კი არ შეუცვალა უცბად გული. ეჰ, რა ესაქმებოდა და რა დარდი ჰქონდა თავისს საკუთარ სამაგლობასა და პორუჩიკის თავზიანობასთანა; ან ეს ნემეცი ქალები, ფულის გადახდევინება, კანტორა და სხ. ვილას აგონდებოდა! თუნდ დაწვაც გადაეწყვიტათ ემავ წამში, მაშინაც-კი ყურს არ შეიბერტყდა და იქნება განაჩენისთვისაც-კი არ დაეგდო ყური რივიანადა. რალაცა მთლად უცნობი, ახალი და მოულოდნელი ცვლილება შეეპარა. ვერ შეეგნო საფსებითა, მაგრამ ჰგრძნობდა ნათლად, რომ არამცთუ წელანდელივით გრძნობები და გული არ უნდა გადაეშალა, პირიქით, არც-კი უნდა მიემართნა რისთვისმე ამ ხალხისათვისა, თუნდაც უბნის პორუჩიკები და ზედამხედველები-კი არა, მისი საკუთარი და-ძმანიც ყოფილიყვნენ; არასოდეს სიცოცხლეში ეს არ უნდა ექმნა. არსად აქამდის ასეთი უცნაური და საზარელი რამ არ უგრძნვია. მერე, სტანჯავდა უფრო ის, რომ ეს იყო მხოლოდ გრძნობა და არა შეგნება და ცნობიერი შესმენა. ეს იყო პირდაპირი, მტანჯველი შეგრძნება ყველა იმისა, რაც-კი რამ ღღემდის ეგრძნო სიცოცხლეშია.

უკანანახა საქმის მწარმოებელმა, ჩვეულებრივ ამ გვარს შემთხვევაში რა რიგ პასუხს აძლევენ ხოლმე, — ესე იგი: რომ ახლა გადახდა არ შეეძლო, რომ პირობასა სდებდა, ამა და ამ დროს (ოდესმე) გადაუხდიდა, ქალაქიდან არსად წავიდოდა, ქონებას არ გაჰყიდოდა, არც გააჩუქებდა და სხვ.

— რა ამბავია, წერას ძლივს ახერხებთ, კალამი ხელიდან გვარდებათ, — შევნიშნა საქმის მწარმოებელმა და ცნობის მოყვარეობით შევხედა რასკოლნიკოსა. — ავით ხომ არა ხართ?

— დიახ... თავი მიბრუნის... მიიხარით, კიდევ რა უნდა!

— აღარასფერი. ხელი მოაწერეთ.

საქმის მწარმოებელმა ქალაღლი ჩამოართვა, ახლა სხვებს მიუბრუნდა.

რასკოლნიკოვმაც კალამი დაუბრუნა, მაგრამ იმის მაგივრად, რომ წამომდგარიყო და წასულიყო, ორთავე ნიდაყვით მაგიდას დაეყრდნო და ხელები მაგრა თავზედ მოიქირა, თითქოს ეს არის ლურსმანს ურკობენ თავშიო. უცნაურმა ფიქრმა გაურბინა უცბად: მისულიყო ახლავ ნიკოლდომ ფომინთანა და გუშინდელი ამბავი ყველაფერი დაწვრილებით ეამბნა, წაეყვანა მერმე თავის ბინაზედა და კუთხეში დამალული ნივთები ეჩვენებინა. იქამდის ძლიერა ჰგრძნობდა ამ მოთხოვნისა, რომ წამოდგა კიდევცა. — „მაგრამ იქნება სჯობდეს ვიფიქრო ცოტა!“ მაგრამ უცბად გაქვავებულით გაშეშდა: ნიკოლდომ ფომინი გაცხარებული ილია პეტროვიჩს ელაპარაკებოდა.

— არა, ეგ შეუძლებელია. ორთავეს გაანთავისუფლებენ. ჯერ ერთი, რომ ყველაფერი წინააღმდეგს ამტკიცებს; იფიქრეთ, აბა: მეფოვეს რაღად დაუძახებდნენ, რომ მართლა დამნაშავენი ყოფილიყვენენ? რაო, თვითონვე გასცემდნენ თავიანთ თავსა, თუ როგორ არის საქმე? ან იქნება ეშმაკობითა ქნეს? მაგრამ, არა, მეტის-მეტია ეგ ეშმაკობა! და მეორეც, სტუდენტი პესტრიაკოვი ორსავე მეფოვესა და მოქალაქის ცოლს დაენახათ ეზოს კარებთან, სწორედ იმ დროს, რომ შედიოდა თურმე. სამნი თურმე

შოდოდნენ, მაგრამ ეზოს კარებთან გამოეთხოვა თავისს მეგობრებსა და იქვე, იმათ თვალ-წინ, თურმე ჰკითხა მეეზოვესა, სადა სცხოვრობსო. როგორა გგონია, იმ განზრახვით რომ მისულიყო, მეეზოვეს დაუწყებდა, განა, კითხვასა? კოხი კი, ვიდრე ბებრუხანასთან ავიდოდა, მთელი ნახევარ-საათი ძირს, ოქრომქედელთან, თურმე იჯდა და რვას რომ ჩარეჱი აკლდა, მაშინ-ლა თურმე ავიდა ბებრუხანასთანა. იუიქრეთ — მაშ, აბა...

— მაგრამ მოითმინეთ, ეს წინააღმდეგობა რაღასა ჰნიშნავს, მაშა: ირწმუნებიან თვითონვე, რომ უკაკუნებდნენ კარებსა, მაგრამ დაკეტილი იყო და მერე კი, სამის წამის შემდეგ რომ მეეზოვე აიყვანეს, კარები უცებ ღია დაჰხვდათ?

— საქმეც ეგ არის: მკვლელი მაშინ შიგ იჯდა უთუოდ და კარები ჰქონდა გადაკეტილი; და დაიქერდნენ კიდევ უთუოდ, კოხს რომ არ ჩაედინა სისულელე და მეეზოვესთან არ წასულიყო დასაძახებლადა. ამანაც ისარგებლა ამ წასვლითა, ჩამოვიდა კიბეზედა და გაუსხლტათ, გაეპარათ როგორმე. ორისავე ხელით პირჯვარს იწერს კოხი და იფიცავს: „რომ არ წავსულიყავ, გამოვარდებოდა უთუოდ და მეც ცულით მიმაწვენდაო.“ ამბობს, რუსული პარაკლისი უნდა გადავახდევიწოო, — ხე, ხე, ხე!...

— მერე, მკვლელი-კი არავის დაუნახნია?

— საიღამ დაინახავდნენ, აბა? ნოეს კიღობანსა ჰგავს სახლი, შეჰნიშნა საქმის მწარმოებელმა, რომელიც ყურს თურმე უგდებდა ლაპარაკსა.

— აშკარა საქმეა, აშკარა! ფიცხოზდა ნიკოდიმ ფომიჩი.

— პირ-იქით, დაასკვნა ილია პეტროვიჩმა.

რასკოლნიკოვმა შლიაჰა აიღო, კარებისაკენ გასწია, მაგრამ კარამდე ვეღარ მიაღწია...

გონს რომ მოვიდა, ნახა, რომ სკამზედ იჯდა და მარჯვნივ ვიღაცა კაცს ექირა, მარცხნივაც სხვა კაცი ედგა გვერდითა და ხელში რაღაცა ყვითელ წყლიანი ქიქა ექირა.

ნიკოდიმ ფომიჩი კიდევ წინ დასდგომოდა და ყურადღებით ჩაჰშტერებოდა; რასკოლნიკოვი სკამიდან წამოდგა.

— რა არის, ავათა ხართ? ჩაეკითხა მკვახედ ნიკოდიმ ფომიჩი.

— წელანაც, ხელს რომ აწერდნენ, კალამი ძლივს ეჭირათ, — შეჰნიშნა საქმის მწარმოებელმა და თავის ადგილზე დაჯდა, ისევ ქალაღლებს დაუწყო ფურცვლა.

— დიდი ხანია ავადა ხართ? შეუყვირა ახლა ილია პეტროვიჩმა თავის ადგილიდამა და ქალაღლებს დაუწყო შლა.

რასაკვირველია, გული რომ წაუვიდა, ესაც ჰსინჯავდა ავადმყოფსა, მაგრამ მოსცილდა იმავ წამს, როგორც-კი გონს მოვიდა.

— გუშინდლიდამა... წაიდუღუნა საპასუხოდ რასკოლნიკოვმა.

— მერე გუშინ შინიდან არსად არ გასულხართ?

— როგორ არა.

— ავადმყოფი?

— ავადმყოფი.

— რომელ საათზედა?

— საღამოს რვა იქნებოდა.

— მანც, სად იყავით, შეიძლება გკითხოთ?

— სადა და ქუჩაში.

— ეგაც თქვენი მოკლე და ნათელი პასუხი.

უპასუხებდა რასკოლნიკოვი მკვახედ და სხარტად, მთლად გადაფითრებული და თან თავის ანთებიანს შავს თვალებს ილია პეტროვიჩს არ აშორებდა.

— ფეხზედ ძლივსა სდგას კაცი და შენ კი... — შეჰნიშნა ნიკოდიმ ფომიჩმა.

— არ-ა უშ-ავს-რა! უპასუხა როგორღაც საგანგებო კილოთი ილია პეტროვიჩმა.

უნდოდა კიდევ რაღაცა ეთქვა ნიკოდიმ ფომიჩსა, მაგრამ შეჰხედა საქმის მწარმოებელს, რომელიც ასრევე ავალს არ აშორებდა მასა და გაჩუმდა. უცბად ყველანი გაჩუმდნენ. უცნაური იყო.



— კარგით, მაშ, — დასძინა ილია პეტროვიჩმა, — შეგიძლიანთ წახვიდეთ.

გამოვიდა რასკოლნიკოვი, მაგრამ ყური მოჰკრა გამოსვლისათანავე, შიგნით როგორ ისევ ცხარე ლაპარაკს მოჰყვნენ და როგორ ეკითხებოდა ხმა მალლა რაღასაც ნიკოლდომ ფომიჩი... გამოვიდა თუ არა ქუჩაში, მთლად გამოერკვა რასკოლნიკოვი.

„გამჩხრეკენ, ახლავ გამჩხრეკენ!“ იმეორებდა თავისთვისა და შინისაკენ მიეშურებოდა. — ყაჩაღები! ექვიანობენ!“ და წელანდელმა შიშმა თავით ფეხთამდე დაუბრინა ისევე.

## II

„მერე, რომ გავეჩხრიკოთ კიდევცა? შინ რომ დამიხვდნენ, რა ვქნა?“

მაგრამ აი, მისი ოთახიც. არავინა სჩანს. არავის შეუხვდნია. ნასტასიაც კი არ მიჰკარებია. ღმერთო! როგორ დასტოვა ყველა ეს ნივთები ამ ნახვრეტში?

ეცა კუთხესა, ჩაჰყო ხელი შპალერს ქვეშ ნახვრეტში და დაუწყო ნივთებს ჯიბეში ჩალაგება. სულ რვა ცალი აღმოჩნდა. ორი პაწია კოლოფი საყურეებითა თუ სხვა რაღაცა, კარგად არ გაუსინჯნია; ოთხი მეშის მომცრო ბუდე; ერთი ძეწკვი უბრალოდ იყო გაზეთის ქალაქში შეხვეული. კიდევ ერთი სხვა რაღაცა იყო გაზეთის ქალაქში გახვეული, ვგონებ, ორდენი...

ჩაილაგა ყველა ეს სხვა-და-სხვა ჯიბეებშია, ზოგი შარვლის ჯიბეებში, ზოგი პალტოსაში, რომ არ შეენიშნათ; ქისაც ჯიბეში ჩაიდო და გამოვიდა ოთახიდან; კარები მთლად ღია გაუშო.

საჩქაროდ და მტკიცე ნაბიჯით მიდიოდა. მართალია, ჰგრძნობდა, რომ მოშლილი იყო, მაგრამ გონიერება მაინც მრთელად ჰქონდა შერჩენილი. ეშინოდა, არ გამოსდგომოდნენ; ეშინოდა, რომ რაღაცა ნახევარ საათისა ან თხუთმე-

ტის წამის შემდეგ უთუოდ განკარგულებას მოახდენდნენ, რომ ყველგან თვალ-ყური ედევნებინათ. მაშასადამე, დროებით უნდა უთუოდ მიემალა როგორმე ყველაფერი. უნდა ყველაფერი მოეწყო და მოეგვარებინა, ვიდრე დრო ჰქონდა კიდევ და მსჯელობა შეეძლო... მაგრამ სად წასულიყო, სადა?

დიდი ხანია გარდაწყვეტილი ჰქონდა: „გადაეყარა ყველაფერი არხშია და სამუდამოდ მოესვენა.“ ასე გარდასწყვიტა გუშინ ღამე სიციხეში, რომა ჰბოდავდა; რამდენჯერმე, გონს რომ მოვიდა, კიდევაც უნდოდა ამდგარიყო და წასულიყო: „ჩქარა, ჩქარა გადაეყარო ყველაფერიო.“ მაგრამ გადაყრაც გაუძნელდა.

ნახევარ საათზედ მეტი იხეტილა ეკატერინის არხის ნაპირზედა და არხზედ ჩასავალ კიბეებსაც უთვალთვალა, სადაცკი შემოჰხვდა, მაგრამ განზრახვის შესრულება გულშიაღკვივერ გაივლო: ან ტივები იღვა ხოლმე იქვე ჩასავალთანა და ზედ მოსარეცხე დედაკაცები ჰრეცხდნენ საცვლებსა, ან-და ნაგები მოეყენებინათ ნაპირზედა ხალხი ირეოდა ყველგანა. მაგრამ უამისოდაც ხომ ყველა მხრიდგან შეჰნიშნავდნენ და ექვს აიღებდნენ, რაკი საგანგებოდა ჩავიდოდა და წყალში რაღაებსაც გადაჰყრიდა. მერე, რომ არ ჩაძიროს და მოიტივტივოს? რა თქმა უნდა ასე იქმნება. ყველა დაინახავს. უამისოდაც ყველანი როგორღაც სხვა თვალთ უყურებენ, გაფაციცებით ჰსინჯავენ. — „რათაო, ნეტა? ან იქნება მე მეჩვენება ასე“, ფიქრობდა რასკოლნიკოვი.

იფიქრა ბოლოს, იქნება სჯობდეს სადმე ნივის პირად წავიდეო? ხალხიც ცოტაა იქა, ვერ შემნიშნავენ და უმთავრესი-კი ის არის, რომ აქაურს არე-მარეზედ შორს ვიქნებო და გაიკვირვა უცბად: როგორ მოხდა ესა, რომ ნახევარ საათზედ მეტს ხანს ასე დანადგლიანებული და შეწუხებული დაძრწოდა საშიშს ადგილებშია და აღრევე ვერ მოიგონა ესა. იმიტომ დავკარგე სწორედ უაზროდ მთელი ნახევარ საათი, რომ სიზმარში სიციხიანმა გადავწყვიტე ასრე ბოდვის დროსაო!



თან საშინელი გულმაღვიწყობა ერეოდა და ჰხედავდა კიდევ ამასა. საჭირო იყო სწორედ აჩქარებულიყო!

და ვ--ის პროსპექტით ნევისაკენ გასწია. მაგრამ გზად უცბად სხვა აზრმა გაურბინა თავში! „რა საჭიროა, რომ ნევაზედ მივდივარ? წყალში გადაყრა რა საჭიროა? არა სჯობიან, წავიდე სადმე შორსა, თუნდაც ისევ კუნძულებზედა და იქ სადმე, განმარტოვებულს ადგილას, ტყეში დაფულა ბუჩქის ძირში და დავისომო?“ მართალია, ჰგრძნობდა, რომ არ შეეძლო ყველაფერი ეს გარკვევითა და საღად მოეფიქრა იმ ეამად, მაგრამ აზრი მაინც მოეწონა.

არ ეწერა მაინც კუნძულებზედ გასვლა, სხვა რამ შეემთხვა: ის კი იყო ვ--ის პროსპექტიდამ მოედანზედ გამოვიდა, რომ უცბად მარცხნივ მთლად მიყრუებული ეზოს შესავალი შეჰნიშნა. მარჯვნივ, ეზოს შესავლიდამე, მეზობელ ოთხ-სართულიან სახლის გაულესელი კედელი იწყებოდა და შორს იყო ეზოში შესული. მარცხნივ, ეზოს კარებიდამე, კედლის გასწვრივ, ფიცრული ღობე იყო ჩავლებული ასე ოცს ნაბიჯზედა და მერე-ღა უხვევდა მარცხნივ. ეს იყო რაღაცა ყრუდ შემოღობილი ცალიერი ადგილი, სადაც რაღაცა სხვა-და-სხვა მასალა ელაგა. ეზოს შუაგულვე, შორს, შორს მოსჩანდა კუთხე რაღაცა გამჟვარტოულ ქვის სარაიისა თუ სახელოსნოსი. უთუოდ ან საზენკლო სახელოსნო იყო იქა, ან საკარეტე, ან სხვა რამ ამ გვარი შენობა. ეზოს კარებიდამე დაწყებული ყველგან ნახშირის მტვერი იღო ბლომადა. „აი, სადა სჯობს შევაგდო და გავსწიო!“ გაიფიქრა უცბად. მაგრამ რაკი არავინ შეჰნიშნა ეზოში, მაშინვე ბლლადანი მოიღო და ვნახოთ, დაინახა იქვე, ეზოს კარებთანა, რომ ფიცრულ ღობესთან ღარი დევს (როგორც ეს მუდამაა ხოლმე ამ გვარს სახლებში, სადაც მომუშავე ხალხია ბლომადა); ღარის თავზედ-კი, ფიცრულზედ, ჩვეულებრივი წარწერა არის ცარცითა: „Сдѣсь становится вѣзь прещено.“ მაშასადამე, ამითაც კარგია, რომ ექვს არავინ მიიტან და, რისთვის შევიდა და დადგა. „მოდი, აქ დაყვირი სადმე ერთად და წავალ!“ — გაიფიქრა.

ერთხელ კიდევ მიიხედ-მოიხედა და ხელიც ჩაიყო ჯიბეში, რომ უცბად გარეთა კედელთან, ეზოს კარებსა და ღარს შუა, სადაც მხოლოდ ერთი ნაბიჯის სიგანე ადგილი იყო დარჩენილი, დიდი, გაუთლელი ქვა შეჰნიშნა, ასე ფუთ-ნახევარი სიმძიმისა, რომელიც პირდაპირ ქუჩის პირად გავლებულ ქვის კედელთან ეგდო. კედელს იქით ქუჩა იყო, ფილაქან-ფენილი, ისმოდა, როგორ მიდი-მოდოდნენ გამვლელ-გამომვლელნი. მაგრამ ეზოს კარებს მოფარებულს, ქუჩიდან ვერავინ დაინახავდა რასკოლნიკოვსა, თუ თვითონ ეზოში არ შემოვიდოდა. ეს კი, რასაკვრელია, ადვილი შესაძლებელი იყო, ამიტომაც საჭირო იყო აჩქარებულიყო.

დასწვდა ქვასა, ჩასქიდა ორთავე ხელი, შემოიკრიბა მთლად თავისი ძალა და ღონე და გადმოაბრუნა. ქვის ქვეშ პატარა აღმოღრმავებული ადგილი ამოჩნდა: დაუწყო მაშინვე ყველაფერს ჯიბიდან ამოლაგება და ქვის ქვეშ ჩაყარა. ქისა სწორედ ზემოდან მოჰხვდა სულა, მაგრამ ამოღრმავებული მაინც არ ამოვსებულა. დაავლო მერე ისევ ქვას ხელი და ერთის გადმოწევიტ ისევ თავისს ადგილას მიაგორა; ეს იყო მხოლოდ ცოტა თითქოს მალლა დაღვა ქვა; მაგრამ აქეთ-იქიდან მიწა მიუხვეტა ფეხითა, მიატკეპნა და აღარა ეტყობოდა-რა.

გამოვიდა მერე-და მოედნისაკენ გასწია. საშინელმა, თავდაუქერელმა სიხარულმა გაიტაცა წელანდელივითა, კანტორაში რომ იგრძნო ერთს წამსა. „მივაფარე! არა, ან კი ფიქრად ვის მოუვა, იქ, იმ ქვის ქვეშ, დაუწყოს ძებნა? ვინ იცის, იქნება, რაც სახლი აუშენებიათ, იქა ძვეს სულა და ერთს იმდენს ხანს კიდევ იდოს? და ან რო იპოვონ, ვინ იფიქრებს, რომ ჩემი ნაქმნარია? მორჩა ყველაფერი! ეჭვის მოსატანი აღარა არის-რა!“ და გაეცინდა. მოაგონდა მერე, რომ ჩუმიად ჩაბჟირდა და იცინოდა დიდ-ხანს, ვიდრე მოედანს მთლად გაივლიდა. მაგრამ გავიდა თუ არა კ-ის ბულვარზედ, სადაც ამ სამის დღის წინად ქალი შემოჰხვდა, სიცილმა უცბად გადუარა-სხვა ფიქრები აეშალა უცბად. ეჩვენა, ვითომ იმ სკამის გვერ-

დით გავლა, სადაც ქალის წასვლის შემდგომ იჯდა და ფიქრობდა მარტოდ, საშინლად ეზიზღებოდა; ვითომ აბაზღანი რომ მისცა, იმ უღვაშიან პოლიციელის ნახვაც საშინლად ემძიმებოდა: „ეშმაკმა იცის იმისი თავი და ტანი!“

მიდიოდა და გარშემო როგორღაც დაფანტულად და გაბოროტებული იყურებოდა. მთლად მისი ფიქრები ახლა ერთის რომელიღაც დიდმნიშვნელოვან საგნის გარშემო ტრიალებდნენ,—და ჰგრძნობდა თვითონვე, რომ ეს საგანი მართლაც დიდმნიშვნელოვანი რამ იყო; რომ განსაკუთრებით ახლა ჰგრძნობდა ამ საგანთან პირის-პირ თავსა,—რომ ამგვარი რამ, ორი თვეა აგერ, ჯერ არსად არ უგრძნვია.

„ეჰ, ეშმაკმა უწყის ყველა ეს!—გაიფიქრა უცბად საშინლად გაბოროტებულმა.—„დაიწყო და დაიწყოს ახალი ცხოვრება, რა ვუყო! რა სისულელე რამ არის, ღმერთო!.. მერე, რამდენი ვიცრუე და ვისაძაგლე დღესა! როგორ ვულაქუცები წედან საზიზღარს ილია პეტროვიჩსა! მაგრამ ესაც სისულელეა! რას დავეძებ ყველა იმათა, ან იმას, რომ ველაქუცებოდი და გულის მოგებასა ვცდილობდი! საქმე ეს არ არის, არა!“

მაგრამ შედგა უცბადა; ახალმა, სრულიად მოულოდნელმა და მეტად უბრალო კითხვამ მთლად დავთრები დაუბნია, განაცვიფრა:

„თუ რომ მართლა ყოველივე ეს შეგნებულად ჩაიდინა და არა ტუტუცურად, თუ მართლა გარკვეული და მტკიცე რამ აზრი ჰქონდა, როგორ მოხდა, მაშ, რომ აქამდის ქისაში არც კი ჩაიხედა და არ გაიგო, რა მიიღო იმის სამაგიეროდ, რომ ამოდენა ტანჯვა და შეწუხება გამოიარა, ასეთი საძაგელი და საზარელი საქმე ჩაიდინა? არა, ეხლა არ იყო, წყალში ვუპირებდი გადაყრასა ქისასაცა და იმ ნივთებსაც, რომლებიც აქამდის არ მინახავს კიდევ, რისგან შესდგებიან... როგორ მოხდა ესა?“

მაგრამ ისეა, ისე. წინადაც იცოდა, რომ ასე იქნებოდა; ახალი აქ არა არის—რა მისთვის. ჯერ სალამოთივე გარდას-

წყვიტა უყუყმანოდ და პირდაპირ, ვითომ სხვაფრივ არც კი შეიძლებოდა მოქცეულიყო... წინაღვე იცოდა და ესმოდა, რომ ასე უნდა მომხდარიყო: გუშინვე გარდასწყვიტა თითქმის, ყუთთან რომ იჯდა და კოლოფებს ჯიბეებში ილაგებდა... ასეა ხომა!..

„ეს იმიტომ, რომ ავადა ვარ,“ გარდასწყვიტა ბოლოს დაღვრემილმა, — „თვითონვე გავტანჯე და გავაწვალე ჩემი თავი და არ ვიცი, რა ვქმნა... გუშინაც, გუშინ წინაც, სულ ერთთავადა ვტანჯავდი ჩემს თავსა... გამოვკეთდები და... აღარ ვიწვალე... მერე, რო არ გამოვკეთდე მთლად! ოჰ, ღმერთო! როგორ მომძულდა ყველა ეს!?! და არ შემდგარა, მიდიოდა. საშინლად უნდოდა თავი როგორმე გაერთო და გული გადაეყოლებინა რისთვისმე, მაგრამ არ იცოდა, როგორ და რა ნაირად მოეხერხებინა ესა. ახალი რამ უძლევი გრძნობა თან-და-თან მეტის ძალით იპყრობდა მთელს მისს არსებასა: ეს იყო რაღაც უსაზღვრო ზიზლი ყველაფრისა, რაც-კი რამ გარს ეხვია, ზიზლი მწვავე, გაბოროტებული, სიძულვილით აღსავსე. ეზიზლებოდა ყველა, ვინც-კი შემოჰხედებოდა, ეზიზლებოდა მათი მოძრაობა, სიარული. პირდაპირ პირში შეაკურთხებდა და დაჰკბენდა უთუოდ, იმ დროს რომ ხმა ვისმე გაეცა...“

გავიდა თუ არა პატარა ნევის პირად, ბასილის კუნძულზედ, უცბად შედგა ხიდის ყურთანა. „აი, აქ სცხოვრობს, ამ სახლში“, გაიფიქრა. — „როგორ მოხდა? ეტყობა, მაშ, რაზუმინთან მოვსულვარ! მაშინდელი ამბავი დამემართა ისევა... არა, მაინც საყურადღებოა: თვითონ მოვედი განგებ, თუ ვიხეტიალე და უნებურად მოვადექი ამ სახლსა? სულ ერთიამეთქი, ესთქვი ამ სამის დღის წინადა... ამას შემდეგ წავალ, მეორე დღესა-მეთქი! და მერე, რა რო? ავალ კიდეცა! არ შემიძლიან, განა. ახლავ ავიდე...“

და რაზუმინთან ავიდა მესამე სართულში.

შინ დაუხვდა რაზუმინი, თავისს ქოხში, რაღაცასა სწერდა. კარებიც თვითონ გაუღო. ოთხი თვე იყო სრული,

ერთმანერთი არ ენახათ. იჯდა რაზუმინინი თავისს მთლად დაფლეთილ, ძონძებად ქცეულ ხალათითა, თმა აწეწილი, დაუბანელი, გაბურძენილი, შიშველა ფეხები ჩუსტებში წაეყო და მუშაობდა. დაინახა თუ არა რასკოლნიკოვი, სახეზედ უცბად განცვიფრება აღებეჭდა.

— რა ამბავია? — შეჰყვირა რაზუმინინმა და შესულს ამხანავს თავით ფეხამდე თვალიერება დაუწყო. გაჩუმდა მერე და დაუსტვინა.

— ნუ თუ აგრე ცუდათაა საქმე? შენ, ძმაო, მგონი ყველას გვაჯობებ, — დასძინა რაზუმინინმა და რასკოლნიკოვის ძონძებს დაუწყო ისევ თვალიერება. — დაჯექი, ვიცი, დაიღლებოდი!

კლიონკა გადაკრულს ოსმალურს დივანზედ რომ დაჯდა, მაშინ-ღა შეჰნიშნა უცბად რაზუმინინმა, რომ ავად იყო რასკოლნიკოვი.

— გეტყობა მართლა ავათა ხარ, იცი?

და მაჯის სინჯვა დაუწყო, მაგრამ რასკოლნიკოვმა მაშინვე ხელი გამოსტაცა.

— არ მინდა, — შეუძახა, — მოვედი... იცი, რათა? გაკვეთილები აღარა მაქვს... მინდოდა... მაგრამ, არა, არ მინდა გაკვეთილები...

— იცი, რა არის? შენ, ძმაო, ჰბოდავ მგონი! — შეჰნიშნა ყურადღებით დაკვირვების შემდეგ რაზუმინინმა.

— არა, არ ვბოდავ...

და რასკოლნიკოვი დივნიდამ წამოდგა. არ უფიქრია სრულებით, რაზუმინინთან რომ აღიოდა, თუ პირის-პირ ნახვა მოუხდებოდა. ახლა-კი უცბად დარწმუნდა გამოცდილებით, რომ იმ ჟამად ვისიმე პირადად ნახვა სრულიად არ შეეძლო და ნაღველმა თითქმის გაასია. შედგა თუ არა რაზუმინინის ოთახში ფეხი, კინალამ მაშინვე ბრაზმა დააღრჩო.

— მშვიდობით! უთხრა უცბადა და კარებისაკენ გასწია.

— შენ ეი, ტუტუტო, მოიცა!

— არ მინდა... გაუმეორა ისევ გაბრაზებულმა და ხელი გამოჰკლიჯა.

— მაშ, თუ აგრე იყო, რაღა ეშმაკი მოგარბენებდა? ქირიანი ხომ არა ხარ? ეს ხომ... საწყენიც-კია. არ გაგიშვებ.

— ყური დამიგდე, მაშა: მოვედი შენთან იმიტომ, რომ შენს მეტს არავის ვიცნობ, რომ ჩემი გაგება შეექლოს. იმიტომ, რომ შენ ყველაზედ გულ-კეთილი და გონიერი ხარ და შეგიძლიან მოისაზრო... ახლა-კი ვხედავ, რომ არა მინდა-რა, გესმის, არა მინდა-რა... არავისი დახმარება და შემწეობა არ მინდა... მე თვითონ... მარტოდ... მაგრამ კმარა! თავი დამანებეთ!

— პატარა ხანს მოიცა, შენ ეი ბუხრის მოწმენდავო! გადარეულა! როგორც გინდა, რა მენადვლება! გაკვეთილები, გესმის, არც მე მაქვს და არც თუ დავეძებ, მაგრამ „ტოლკუ-ჩკაზედ“ წიგნებით მოვაქრე ქერუბიმოვია ვინმე, ესაც თავისებური გაკვეთილია. ამ ქერუბიმოვს ახლა არც ხუთს ვაქრების გაკვეთილზედ გავცვლიდი. იცი, რა გამოცემებსა და საბუნების-მეტყველო-სამეცნიერო წიგნაკებს აბეჭდვინებს, ან როგორ იყიდება ეს წიგნები? მარტო სათაურებიც-კი რათაც უნდა ღირს! აი, მაგალითად, მუდამ ირწმუნებოდი შენა: ტუტუცი ხარო, მაგრამ, ღმერთმანო, ჩემზედ ტუტუცები კიდევ სხვები არიან! ახლა თითქოს მიმართულებაც გამოარკვია. თვითონ, რასაკვრელია, არა გაეგება-რა, ჩურჩუტია, მაგრამ რა მენადვლება, ვაქვებ და ვამხნევებ. აი, აქაც ორ ფურცლამდე ნემეცური დედანი მაქვს გადასათარგმნი;—ჩემის აზრით, სულელური რამ არის; ერთი სიტყვით, იმაზეა ლაპარაკი, ადამიანია ქალი, თუ არა? და, რასაკვრელია, მტკიცდება დიდის ამბითა, რომ ადამიანია. ქერუბიმოვი ამას დედათა კითხვისათვის ამხადებს და მეც ვუთარგმნი. გასჭიმავს ამ ორ ფურცელ ნახევარს ექვსათა, ერთ ნახევარ გვერდს მშვენიერს წინასიტყვაობას წავეუმძღვარებთ და გავუშვებთ ათ შაურად გასასყიდადა. ჩაივლის, არა უშავს-რა! თარგმანში ფურცელში ექვს მანეთს იძლევა; მაშასადამე, სულ თხუთმეტ მანეთამდე მერგება, რომლიდამაც ექვსი მანეთი კიდევაც წინადვე წამოვიღე. გავათავებთ ამასა, ახლა ვეშაპების შესახებ



დავიწყებთ თარგმნასა, მერე Confessions-ის მეორე ნაწილს შევეუდგებით; რალაცა მოსაწყენი, უხალისო ქორები ამოვინიშნეთ. ვილასაც უთქვამს ქერუბიმოვისათვის, ვითომ რუსსო რადიშჩევს ჰგავდეს. რასაკერელია, წინააღმდეგობას არ ვუწევ, დეე, ეგნოს! გინდა, მაშ, მეორე ფურცელი **ადამიანთა ქალისა** შენ შოგცე? გადასთარგმნი? თუ გინდა, ახლავ წაიღე დედანი, კალმებიც, ქალაღდიც—ვევლათფერი ეს სახაზინოა — და სამი მანეთიც: რაკი წინადეე გამოვართვი პირველისაც და მეორისაც. სამი მანეთი, მაშ, შენ გერგება. გაათავებ მთელს ფურცელსა და სამს მანეთს კიდევ სხვას მიიღებ. რა უნდა გითხრა კიდევ, მართლა: დახმარებათ და სიკეთეთ კი არ მიიღო ჩემ მხრივა. პირ-იქით, შემოხვედი თუ არა, მაშინვე გავიფიქრე, რითი გამომადგებოდი. ჯერ ერთი, ორფოგრაფიაში სუსტი ვარ ძლიერ და მეორეც, ნემეცურში ხომ ზოგჯერ მთლად ვფასობ; ასე რომ მეტ ნაწილად ჩემითა ვთხზავ და თავს იმითი ვიმშვიდებ, რომ უკეთ გამოდის ვითომ. მაგრამ უკეთ გამოდის თუ არა, ეგ ვინ იცის, იქნება უარესადაც გამოდის... აიღებ თუ არა?

ჩუმიად აიღო რასკოლნიკოვმა ნემეცური ფურცლები და სამი მანეთი და სიტყვა არ უთქვამს, გამოვიდა. გაკვირვებულმა შეჰხედა რაზუმიხინმა. მაგრამ მივიდა თუ არა კუნძულის პირველ ხაზთანა, მობრუნდა უცბად რასკოლნიკოვი, ავიდა ისევ რაზუმიხინთანა და ისევ ისე სიტყვის უთქმელად ნემეცური ფურცლები და სამი მანეთი მაგიდაზედ დაუწყობდა წავიდა.

— რაო, ჰბოდავ, თუ რა დაგემართა? შეჰღრიალა ბოლოს გულმოსულმა რაზუმიხინმა. — რასა ჰსულელობ? ლამის არის მეც დავთრები დამიბნიო... მაშ, რაღასთვის მოეხეტებოდი?

— არ მინდა... თარგმანები... წაიდუღუნა რასკოლნიკოვმა იმ დროს სწორედ, კიბეზედ რომ ჩამოდიოდა.

— მაშ, რა ეშმაკი და ქაჯი გინდა? დაჰყვირა ზემოდამ: რაზუმიხინმა.

მაგრამ რასკოლნიკოვს აღარა უთქვამს-რა, ისე ჩაიარა კიბე.

— შენ, ეი! სადა სცხოვრობ?

პასუხი არ აღირსა.

— არ გინდა და, ეშმაკმა იცის შენი თავი!..

რასკოლნიკოვი ამ დროს ქუჩაში გადიოდა უკვე. ერთმა მეტად უსიამოვნო შემთხვევამ ერთხელ კიდევ გამოარკვია ნიკოლოზის ხილხედა: ვიღაცა მეეტლემ ზორბად გააწნა ზურგში შოლტი, იმიტომ რომ სამჯერ-ოთხჯერ დაუყვირა, მომეტალეო, მაგრამ მაინც კინალამ ცხენებს ჩაუვარდა ფეხ-ქვეშა. ისე ემწვავეა შოლტი რასკოლნიკოვსა, რომ იმავ წამს ქუჩის მოაჯირთან გაჩნდა (შიგ შუა ქუჩაში მიდიოდა, სადაც ეტლები დაიარებიან და არა ფეხით მოსიარულეები) და გამწარებულმა კბილებს-ლა დააწყებინა ღრქიალი. ირგვლივ, რასაკვრელია, სიცილი წაჰსკდა ყველასა.

— აგრე უნდა!

— ვიღაცა გაქნილი მაწანწალაა!

— მოიმთვრალებს თავსა, ეტლს ძალათი ჩაუვარდება და პასუხი კი შენ უნდა აგო.

— ხელობათა აქვთ, ჩემო კარგო, გადაქცეული, ხელობათა!..

მაგრამ იმ დროს სწორედ, „მოაჯირთან რომ იდგა და გაბოროტებული როგორღაც უგუნურად გაჰყურებდა გაქროლებულს ეტლსა და თან ზურგს იფხანდა, იგრძნო უცბადა, რომ ვიღამაც ხელში ფული ჩაუღო. შეჰხედა რასკოლნიკოვმა: გვერდთ უდგა ხნიერი, თბილ ქუდიანი და თბილ ფეხსაცმლიანი ვაქრის ცოლი, რომელსაც თან შლაპიანი და მწვანე ქოლგიანი ქალიშვილი ახლდა. „მიიღე მამავ, ქრისტეს გულისათვის“. გამოართვა რასკოლნიკოვმა და იმათაც გაიარეს. აბაზიანი მიეცათ. მართალია, ტანისამოსითა და გარეგნობით ქუჩის მათხოვარას ძანა ჰგავდა, მაგრამ აბაზიანი უთუოდ შოლტმა გამოამეტებინათ.

დაკუმშა ხელში აბაზიანი, ათიოდე ნაბიჯი გაიარა, პირი ნევისაკენა ქნა და სასახლისაკენ გაიხედა. არსად ცა-

ზედ ღრუბელი არა სჩანდა; ნევას ლურჯად გაჰქონდა კრი-  
ალი, რაც მეტად იშვიათია ხოლმე. არსაიდგან ტაძრის გუმ-  
ბათი ისე მშვენივრად არ მოსჩანს, როგორც აქედამა, სამ-  
ლოცველო ნიშის მახლობლად, ხიდიდმა. გუმბათს კრიალი  
გაჰქონდა; შეიძლებოდა თვითოეული ცალკე ქანდაკება გაერ-  
ჩია ადამიანსა. შოლტისაგან ნატკენი ნელ-ნელა დაუამდა,  
დაავიწყდა თითქმის. მხოლოდ ერთი რამ მოუსვენარი და  
გამოურკვეველი ფიქრი-ლა აწუხებდა ახლა. იდგა და გაიყუ-  
რებოდა შორს, შორს საითღაც; მაგრამ ეს ადგილი როგორ-  
ღაც საგანგებოდ ემცნაურებოდა. უნივერსიტეტში რომ და-  
იარებოდა ხოლმე, შინისაკენ მიმავლობის დროს ხშირად  
მდგარა ამავე ადგილასა და უცქერია მართლაც-და საუცხო-  
ვო სანახაობისათვის. მაგრამ იმავ დროს გაუკვირვებია რა-  
ღაც რამ გამოურკვეველსა და გარდაუწყვეტელს შთაბეჭდილე-  
ბასა. როგორღაც შეჰყინავდა ხოლმე თითქოს ეს დიდებული  
სანახაობა; არასფერს ცხოველს არ აგრძობინებდა, უტყვი  
თყო ხოლმე იგი... ჰკვირობდა მუდამ თავისს ასეთს დაღვრე-  
შილობასა და გამოურკვეველ შთაბეჭდილებასა და მისს ახს-  
ნასა და განმარტებას სულ სამერმისოდ ინახავდა, თავისს  
თავს არ ენდობოდა თითქოს. მოაგონდა უცბად ყველა ეს  
წარსული კითხვები და მიუმხვდარობანი და ეჩვენა, ვითომ  
უნებლიედ და მოულოდნელად არ გაჰხსენებია იგინი. გაა-  
კვირა და უცნაურად ეჩვენა თვითონ ის გარემოებაც, რომ  
წინანდელივით იმავე ადგილას შედგა და იმავე ფიქრებს მი-  
ეცა, თითქოს მართლაც შესძლებოდა წარსულ საგნებითა და  
სურათებით გატაცება, ან მათზედ ფიქრი... როგორც წინადა.  
კინაღამ გაისასაცილოვა კიდევ, მაგრამ გულიც შეჰხუთა და  
ატკინა იმავე დროსა. სადღაცა ღრმად, მისს ფეხთა ქვეშ, გამოჩნ-  
და მთლად მისი წარსული, წარსული ფიქრები, შთაბეჭდი-  
ლებანი, წარსული სასურველი საგნები და მათთან ერთად...  
იგიც თითქოს... მაგრამ, აგერა, გაფრინდა სადღაც და თვალთაგან  
მიეფარა... უცბად უნებურად ხელი გაიქნია როგორღაცა და  
იგრძნო, რომ მუქაში აბაზიანი უქირავს. გაშალა მუჭი, დაა-

კვირდა აბაზიანსა და საჩქაროდ წყალში გადაუძახა. მობრუნდა მერე და შინისაკენ გასწია. ეჩვენა, ვითომ ქვეყანას მოსწყდა უცბადა.

სალამო ესმი იყო უკვე, შინ რომ დაბრუნდა; მაშისადამე, მთელი ექვსი საათი ეარა. როგორ და რა ნაირად დაბრუნდა უკან, აღარ ახსოვდა. გაიხადა მაშინვე აცახცახებულმა ტანისაშოსი, მიწვა დივანზედა, მიიხურა თავისი თბილი ზალტო და იმავე წამს დავიწყებას მიეცა.

უკვე ხშირი ბინდი იყო, რომ საშინელმა ყვირილმა გამოაღვიძა. ოჰ, ღმერთო, რა საზარელი ყვირილი იყო, არსად ჯერ ასეთი არაბუნებრივი ხმები, წივილ-კივილი, ბღავილი, ქვითინი, ცრემლი, ცემა და ლანძღვა-გინება არა ჰსმენია, არ უნახავს. ასეთს სიმხეცესა და შიშის ზარს წარმოდგენითაც-კი ვერ წარმოიდგენდა. წამოწვა ზარდაცემული ლოგინზედა, მაგრამ შიშისგან ყოველს წამს გული მისდიოდა, იტანჯებოდა საშინლად. ჩხუბი, ქვითინი და ლანძღვა-გინება თან-და-თან მწვავდებოდა. და-აი, უცბად გასაკვირველი რამ მოხდა: დიასახლისის ხმა მოესმა. წიოდა საბრალო და მოსთქვამდა, ასე რომ სიტყვების გარჩევა არც-კი შეიძლებოდა, მაგრამ ის-კი აშკარადა სჩანდა, რომ კიბეზე ვიღასაც ემუდარებოდა, ისე უწყალოდ აღარ ეცემათ, გაეშვათ. მცემელის ხმა იქამდის საზარელი, ბრაზითა და ბოროტით აღსავსე იყო, რომ მთლად მიხრინწიანებულიყო, ხრიალი-და გაჰქონდა; მაგრამ თავს მაინც არ ანებებდა და საჩქაროდ, ნაწყვეტ-ნაწყვეტად რაღასაც უყვიროდა. უცბად რასკოლნიკოვს ფოთოლსავით ცახცახი დააწყებინა: იცნო, ვისი ხმაც იყო. ეს იყო ილია პეტროვიჩის ხმა. ის არის სწორედ, ისა. დიასახლისსა სცემს! წიხლითა სცემს, თავს კიბეზედ უგლის, — აშკარად ისმის; ხმაზედ, ტირილზედ, ცემაზედ ეტყობა! რა ამბავია ესა, ქვეყანა ხომ არ გადაბრუნდა? ისმოდა, როგორ იკრიბებოდა ხალხი ყველა სართულებიდანა და კიბეებიდანა, ხმაურობდნენ, ჰკვირობდნენ და ყვიროდნენ, აღიოდ- ჩაიოდნენ, აბრაგუნებდნენ, კარებებს აღებდნენ, მირბოდნენ. „მაგრამ რათა სცემს, რათა, ან

როგორ შეიძლება!“ იმეორებდა თავისთვისა და თანა ფიქრობდა, ქკუილამ ხომ არ შევიშალო. მაგრამ არა, არა, ნათლად ესმის ყველაფერი!.. ეტყობა, მაშ, რაკი აგრეა, იმასთანაც მალე მოვლენ, „იმიტომ, რომ... გუშინდელ ამბის გამოა უთუოდ ყველაფერი... ღმერთო!“ უნდოდა კარები გადაერაზა, მაგრამ ხელი აღარ ემორჩილებოდა... თუმცა უსარგებლოც იყო! შიშმა უცბად სული შეჰყინა, გასტანჯა, გააშეშა... მაგრამ, ჰა, ჩაჩუმდა ბოლოს თითქოს მთელი ეს ხმაურობა, რომელიც ათს წამს გაგრძელდა მხოლოდ. კნესოდა და ოხრავდა დიასახლისი, ილია პეტროვიჩი-კი ჯერ ისევ ემუქრებოდა და ილანძღებოდა... მაგრამ ისაც გაჩუმდა თითქოს; აღარა ისმის-რა. „ნუ თუ წავიდა! ღმერთო!“ აგერა დიასახლისიც მიდის, მაგრამ ჯერ ისევ კნესის და სტირის... აგერა, კარებიც მიიჯახუნა... აგერა, ხალხიც ნელ-ნელა იშლება, ყველა თავისს ბინისაკენ მიდის, — ოხრავენ, კამათობენ, ერთმანეთს ეხმაურებიან; ხან თითქოს ყვირიან კიდევ, ხან-კი ჩურჩულით ლაპარაკობენ. ეტყობა ბლომად იყვნენ. მთელი სახლი იქ იყო, ვგონებ. „მაგრამ ნუ-თუ, ღმერთო, ყველა ეს შესაძლებელია! ან რათ მოვიდა აქა, რათა!..“

და ფიქრში წასული, დაუძლურებული დივანზედ დაეცა, მაგრამ თვალი აღარ მოუხუჭუნია. მთელი ნახევარ საათი ისეთს საზარელს ტანჯვასა და შიშს ჰგრძნობდა, ისე როგორღაც მოუსვენარად იყო, რომ არასფერი იმგვარი ჯერ არ გამოეცადა არსადა. უცბად ოთახი რალამაც გააკაშკაშა: კარები გაიღო და შემოვიდა ნასტასია, რომელსაც ხელში სანთელი და მათლაფით წვენი ეჭირა. დააქცერდა კარგადა, მაგრამ, რომ ნახა, არა სძინავსო, სანთელი მაგიდაზედ დადგა და დაუწყო დალაგება: პურსა, მარილსა, თეფშსა და კოვზსა...

-- ვიცი, გუშინდლიდამ არა გიქამია-რა. მთელი დღე დაეხეტებოდი და გაბაზანებს-კი.

— ნასტასია... დიასახლისს რათა სცემდნენ?

გაშტერებული უყურებდა ნასტასია.

— ვინა, ვინ სცემდა?

— ახლა არ იყო... ამ ნახევარ საათის წინად, ილია პეტროვიჩი, უბნის ზედამხედველის თანაშემწე, სცემდა კიბეზედა... რათა სცემდა, ან რათ იყო?

დაღვრემილი უყურებდა ჩუმად დიდ-ხანს ნასტასია და ყურადღებით აკვირდებოდა. არ ესიამოვნა რასკოლნიკოს ასეთი ცქერა, პირ-იქით შეეშინდა კიდევცა.

— რას გაჩუმებულხარ, ნასტასია? ჩაეკითხა ბოლოს რასკოლნიკოვი გაუბედავდა და ნელის ხმითა.

— ეგ უთუოდ სისხლია მიზეზი, — უპასუხა ბოლოს დაბალის ხმით ნასტასიამა, თითქოს თავისთვის ამბობსო.

— სისხლი!.. რის სისხლი?.. ბუტბუტებდა გაფითრებული რასკოლნიკოვი და თან კედლისაკენ იწევდა უკან-უკანა. ნასტასია-კი ისევ ისე ჩუმად განაგრძობდა ცქერასა.

— არავისაც არ უცემია, — უპასუხა ბოლოს სასტიკადა და მტკიცედ.

შეჰყურებდა რასკოლნიკოვი ნასტასიასა და ძლივს-ღა ჰსუნტქავდა.

— მე თვითონ გავიგონე... არ მძინებია... ვიჯექი, — ჩიოლაპარაკა უფრო გაუბედავდა, — დიდ-ხანს ვუგდებდი ყურსა... ზედამხედველის თანაშემწე მოვიდა... ყველანი კიბეებზე გამოცვივდნენ შინიღამა...

— არავინაც არ მოსულა. სისხლი გალაპარაკებს უთუოდ. აგრე იცის... რომ შედედდება... სჯამ რასმე, თუ არა?

რასკოლნიკოვი პასუხს არ აძლევდა. იღვა ნასტასიაც ერთ ადგილასა და გაშტერებული უყურებდა.

— წყალი დამალევიწე... ნასტასუშკა.

ჩავიდა ქვევით ნასტასია და ორის წამის შემდეგ თიხის თეთრ ტოლჩით წყალი ამოუტანა. მაგრამ მერე რალა მოხდა, ეს აღარ ახსოვდა რასკოლნიკოვსა. ახსოვდა მხოლოდ, რომ მოსვა ცოტათი ცივი წყალი და გულზედაც გადაისხა. მერე ისევ უგონოდ შეიქმნა.

III

მაგრამ მთელი ეს ხანი, რაც ავად იყო, უგონოდ როდი ყოფილა: აციებდა და ჰბოდავდა, მაგრამ ნახევრად თითქმის ყველაფერს ჰგრძნობდა. ბევრი რამაც მოიგონა შემდეგ: ეჩვენებოდა ზოგჯერ, ვითომ მის მახლობლად ხალხი იკრიბებოდა და უნდოდათ სადღაც წაეყვანათ, გარეთ უნდოდათ ვითომ გაყვანა, ერთმანერთს ეკამათებოდნენ და ეჩხუბებოდნენ, ისევ სულ იმის თაობაზედა. ხან-კი უცბად მარტოს სტოვებდნენ ოთახში, ეშინოდა ყველას და იშვიათად კარებს-ღა აღებდნენ ოდნავად, რომ შეეხედათ როგორმე; ემუქრებოდნენ, ერთმანერთში რაღასაც ლაპარაკობდნენ, იცინოდნენ, აჯავრებდნენ. ნასტასიასაც ხშირად ჰხედავდა თავისს გვერდითა. არჩევდა კიდევ ერთს ვიღაცა ნაცნობს კაცსა ვითომ, მაგრამ ვინ იყო ეს კაცი, ვერ მიმხვდარიყო და საშინლად ჯავრიანობდა ამაზედ! თითქმის სტიროდა კიდევც. ეგონა, ვითომ მთელი თვეა აგერა, ასე წევს. სხვა დროს კიდევ — ვითომ ის დღეა ისევ, მაგრამ ის-ჯა, — ის მთლად დავიწყა. ახსოვდა მხოლოდ მუდამ წამს, რომ რაღაცა დავიწყებული ჰქონდა, რის დავიწყებაც არ შეიძლებოდა და იტანჯებოდა, სწვალობდა, ოხრაავდა; ზოგჯერ-კი ბრაზობდა და შიშობდა კიდევცა საშინლად. მზად იყო ამ დროს წამომხტარიყო და გაქცეულიყო იგი, მაგრამ იქერდნენ მუდამა და ისიც მოეშვებოდა, უგონოდ შეიქმნებოდა ხოლმე. ბოლოს სულ მთლად მოვიდა გონსა.

დილის ათი საათი იყო, ეს რომ მოხდა. დილ-დილაობით ამ დროს მზე სწორედ ოთახის მარჯვენა კედელს მიეფინებოდა ხოლმე გრძელ ზოლათა და კარებ გვერდით კუთხეს გაუნათებდა. ლოგინთან იდგნენ ნასტასია და კიდევ ვიღაცა სრულიად უცნობი კაცი, რომელიც ყურადღებით დაჰყურებდა მასა. ეს იყო რუსულს კაბაში გამოწყობილი ახალგაზრდა წვეროსანი, გარეგნობით რომელისამე სავაქრო ამ-

ხანაგობის კაცი. ნახევრად ღია კარებიდამ ღიასახლისი შემოიყურებოდა. რასკოლნიკოვი წამოჯდა.

— ვინ არის, ნასტასია? ანიშნებლა ახალგაზდაზედ და ეკითხებოდა.

— ეჭე, გონს მოვიდა, შესძახა ნასტასიამა.

— გონს მოვიდნენ, — გამოეხმაურა ახალგაზრდა.

მიჰხვდა თუ არა ღიასახლისი, მობრუნდაო, ღია კარებიდამ ქურდულად ცქერას თავი გაანება, მაშინვე კარები მიიხურა და მიიმალა, თუმცა მართალია უიმისოდაც მუდამ მოკრძალებ იყო და ლაპარაკსა და განმარტებას ვერასოდეს ვერ იტანდა. ხნით უკვე ორმოცისა იყო, მსხვილი და ჩასუქებული, შავთვალ-წარბა, სიზარმაცისა და სიმსუქნისაგან გაგულკეთილებული. საკმაოდ ეშხიანიც-კი იყო, მაგრამ გადაქარბებით იცოდა შორცხვობა.

— ვინა ხართ?.. ეკითხებოდა ისევ სავაქრო ამხანაგობის წარმომადგენელს.

მაგრამ ამ დროს სწორედ კარები გაიღო ყურთამდე და შემოვიდა წელში ოდნავ მოხრილი რაზუმიხინი, რადგან ტანათ მაღალი ისე არ შემოეტეოდა.

— გემის ხუხულაა, რა უბედურებაა, — შეჰყვირა, როგორც-კი ფეხი შემოდგა, — უნდა უთუოდ შუბლი შევარტყახოლომე. ესაც ბინაა, რალა! შენა, ძმაო, გონს მოხვედი? ეს არის, პაშენკამ მითხრა.

— ეს-კი იყო გამოერკვა, — შეჰნიშნა ნასტასიამა.

— ღიახ, ეს-ეს არის, — დაადასტურა სავაქრო ამხანაგობის წარმომადგენელმა ღიმილით.

— თქვენა, თქვენ ვინ-ლა ბრძანდებით? — მიჰმართა უცბად რაზუმიხინმა უცნობს.

— შე აი, გესმისთ, ვრაზუმიხინი გახლავართ. რაზუმიხინი-კი არა, როგორც ყველანი ინებებენ წოდებასა, ვრაზუმუხინი, სტუდენტი, აზნაურის შვილი. ეს-კი ჩემი მეგობარია. თქვენა, თქვენ ვილა ბრძანდებით?

— შე კიდევ ჩვენს კანტორაში ვმსახურობ, ვაქრის შელოპაევის კანტორაში-ს და აქ საქმისათვის გიახელით-ს.



— ინებეთ, სკამზედ დაბრძანდით, — თვითონ-კი მეორე სკამზედ დაჯდა მაგიდის მეორე მხარესა. — კარგად ინებე, ძმაო, რომ გონს მოხვედი, — ეუბნებოდა რაზუმინინი რასკოლნიკოვსა. — მეოთხე დღეა, ძლივსა სკამ და ჰსვამ. მართალს გეუბნები, ჩაის კოვზობით გასმევდით. ორჯელ ზოსიმოვიცა მყავდა შენთან. გახსოვს ზოსიმოვი? გაგსინჯა ყურადღებითა და უცბად გადასწყვიტა: უბრალო რამ არის, თავში რამ აჰვარდნიაო. რაღაცა ნერვების ოხრობა ყოფილა, თუ რაღაცა, პივა და მაგარი სასმელები ცოტა უსვამს და იმიტომ დაჰმართენია, მაგრამ არა უშავს-რა, გადაუფელისო. ყოჩალი რამ არის ზოსიმოვი! დიდკაცურათა სწამლობს. აბა, მე თქვენ არას დაგიშლით, მიჰმართა ისევ სავაჭრო ამხანაგობის კაცსა, — ინებებთ გავგვაგებინოთ, რისთვის გარჯილხართ? იცი, როდიონ, ამათ კანტორიდამ ეს მეორეთა გკითხულობენ. მაგრამ წინად სხვა იყო, ვილაპარაკეთ კიდევ. თქვენ წინად ვინ იყო აქა?

— გუშინ-წინ იქნებოდა უთუოდ, დიახ. ალექსეი სემონიჩი იქნებოდა. ჩვენს კანტორაში მსახურობს ისაცა.

— ის უფრო თქვენზედ მოხერხებული და გაგებული იქნება, არა, როგორ გგონიათ?

— დიახ-ს, უფრო დარბაისელია...

— კარგით, მაშ, განაგრძეთ, აბა.

— მოგახსენებთ. აფანას ივანიჩ ვახრუშინისაგან, რომელიც, უეჭველია, კარგად მოგეხსენებათ, დედი თქვენის თხოვნით ჩვენმა კანტორამ თქვენს სახელზედ ფული მიიღო, — დაუწყო სავაჭრო ამხანაგობის კაცმა რასკოლნიკოვსა. — თუ შეგიძლიანთ და გონზედა ხართ, მაშასადამე, სამ თუმან ნახევარი ჩაიბარეთ, რადგან სემონ სემონიჩმა აფანას ივანიჩისაგან თქვენის დედის თხოვნით წინანდებურად ცნობა მიიღო ამის თაობაზედა. ხომ მოგეხსენებათ-ს?

— დიახ... მახსოვს... ვახრუშინი... ჩილაპარაკა დაფიქრებულმა რასკოლნიკოვმა.

— გესმისთ? ვაჭარი ვახრუშინი სცნობია! — შეჰყვირა რა-

ზუმიხინმა.— როგორ არ არის გონზედა? მაგრამ გატყობთ, თქვენც გაგებულნი კაცი ყოფილხართ. მერე, მერე! ჭკვიანური რამ მუდამ საამო ვასაგონია.

— ის არის სწორედ ღიახ, ვახრუშინი, აფანას ივანიჩი, რომელმაც დედი თქვენის თხოვნით ერთხელ კიდევ წინადაც გამოგზავნა ასე; ახლაც არ უთქვამს უარი სემონ სემონიჩსა, და უკისრნია, რომ სამ თუმან ნახევარი გადმოგცეთ, ღიახ. უკეთესის მოლოდინში, ღიახ-ს.

— აი, სწორედ ეგ „უკეთესის მოლოდინი“ მოგივიდათ კარგადა. არც „დედი თქვენის“ შესახებ იყო ურიგოდ. მაინც, როგორ არის ახლა, თქვენის ფიქრითა, თავისს ჭკვაზეა, თუ არა—ჰა?

— ჩემთვის ორივე ერთია. ბარათს მომცემდნენ ოღონდა, თორემ.

— დასჩხაპნის! არა უშავს-რა. წიგნი რამა გაქვთ, თუ როგორ არის?

— ღიახ, წიგნი მაქვს, აი.

— მოიტათ აქა. აბა, როდიონ, წამოჯექ. მე დაგიქერ; დაიქი კალამი და მოუწერე: რასკოლნიკოვი-თქო, თორემ ხომ იცი, ძმაო, როგორ გვიქირს ფული.

— არ მინდა,— უპასუხა რასკოლნიკოვმა და კალამს აუკრახელი.

— რა არ გინდა?

— ხელსწარ მოვაწერ.

— ფუჰ, ეშმაკო, და როგორ გინდა, მაშა, შე ოჯახ-ქორო?

— ფული... არ მინდა...

— როგორ, ფული არ გინდა? არა, ძმაო, მიჰქარავ, თორემ მოწმე ვარ აგერ! ნუ სწუხართ, გეთაყვათ. ამბობს ისე, რაღა... ჰბოდავს ისევა. თუმცა ცხადლივაც ემართება ხოლმე ასე... ვიცი, შეგნებული კაცი ხართ. ავიღებთ და ვუხელმძღვანელებთ ჩვენცა, ესე იგი მოვაწერინებთ და მორჩა, გათავდა. დაიწყეთ, აბა...

— რათაო, შემიძლიან სხვა დროსაც შემოვიარო.

— არა, არა; რათ უნდა შესწუხდეთ. შეგნებული კაცი ხართ... აბა, როდიონ, ნულარ აცდევინებ სტუმარსა... ხომ ჰხედავ, იცდის და მოემზადა მართლა, ძალათი მოეწერინებინა ხელი.

— გამიშვი, თვითონ... მოვაწერ... წაიდუღუნა რასკოლნიკოვმა, აიღო კალმი და ხელი მოაწერა.

სავაქრო ამხანაგობის კაცმაც მაშინვე ფული გადაუთვალა და წავიდა.

— „ბრავო“! ახლა რას იტყვი, არასა სქამ?

— შეიძლება ვსქამო, — მიუგო რასკოლნიკოვმა.

— წვენი გაქვთ?

— გუშინდელი, დიახ! მიუგო ნასტასიამ, რომელიც მთელი ეს ხანი იქვე იდგა.

— კართოფილითა და ბრინჯითა?

— დიახ.

— ზებირად ვიცი. მოიტა, მაშ, წვენი და ჩაიც მოაყოლე.

— მოვიტან.

ყოველსავე ამას რასკოლნიკოვი როგორღაც ღრმად განცვიფრებული, გაშტერებული და თითქმის შეშინებული უყურებდა, მაგრამ გარდასწყვიტა გაჩუმებულიყო და ეცაღნა, რა იქნებოდა შემდეგ? „მგონი, არ ვბოდავ“, — ფიქრობდა, „მგონია, ყველაფერი ეს ნამდვილად ხდება“.

ორის წამის შემდეგ ნასტასიამ წვენი შემოიტანა და გამოაცხადა, რომ ახლავ ჩაისაც მოიტანდა. წვენს მოჰყვა თან ორი კოვზი, ორი მათლაფა და სხვა მოწყობილობა სუფრისა: სამარლიფე, სამლოგვე და საპილპილე ხორცისათვისა და სხ., რაიცა დიდი ხანია ამ წესით აღარ უნახავს რასკოლნიკოვსა. სუფრაც სუფთა იყო.

— ურიგო არ იქნება, ნასტასუშკა, პრასკოვია პავლოვანამ ერთი ორი ბოთლი ლუდიც წარმოგზავნოს; ვიახლებოდით, დიახ.

— შენ კი არა ხარ, ალაწოდანვ! — წაიდუღუნა ნასტასიამ და ბრძანების შესასრულებლად გავიდა.

პირდაღებული შეჰყურებდა გაშტერებული რასკოლნიკოვი. გადაჯდა რაზუმინინი დივანზედა, დათვისავით მოუხეშავად მოჰხვია მარცხენა ხელი თავზედა, თუმცა თვითონაც კარგად შეეძლო ადგომა, წამოსვა ლოგინზედა, აიღო მარჯვენა ხელით წვენი კოვზითა, რამდენჯერმე შეუბერა, რომ პირი არ დასწვოდა და მიაწოდა. მაგრამ წვენი ოდნავ ძლივს იყო თბილი. ხარბად შეხვრიძა რასკოლნიკოვმა ჯერ ერთი, მერე მეორე და მესამე კოვზი. მაგრამ შეახვრიტა თუ არა რამდენიმე კოვზი, შედგა უცბად რაზუმინინი და გამოუტყდა, რომ მეტს ველარ აქმევდა; ზოსიმოვს უნდა ვკითხოთო.

შემოვიდა ნასტასიაცა და ორი ბოთლი ლუდი შემოიტანა.

— ჩაი არ გინდა?

— მინდა.

— მოიტა ჩქარა, ნასტასია, ჩაისაც ხომ ფაკულტეტის დაკითხვა არა სკირია. აგერა ლუდიც! — გადაჯდა ისევ თავისს სკამზედა, მიიდგა წვენი და ხორცი და დაუწყო მადიანად ჭამა, თითქოს სამი დღეა, გემოთ არა უნახავს-რაო.

— მე, ძმაო როდიონ, ახლა ყოველ დღე ასე ვსადილობ თქვენსა, წაიბუტბუტა რაზუმინინმა და თან პირი გამოეტენა ხორციტა; — მერე, იცი, ვისი წყალობაა? პაშენკასი, შენი დიასახლისისა; ასე სცდილობს სულითა და გულით მასიამოვნოს. მე, რასაკერელია, არც ძალას ვატან, მაგრამ არც თუ ვეწინააღმდეგები. აგერა, ნასტასიასაც ჩაი მოაქვს. რა მარდი რამ არის! ნასტენკა, ლუდი არ გინდა?

— ნუ მასხრობ ერთი-და!

— ჩაი?

— ჩაი რატომ, შეიძლება!

— დაისხი. მაგრამ არა, მოიცა, თვითონ დაგისხამ. მიუჯექ, აბა, მაგიდასა. — გაამზადა ყველაფერი, დაასხა ერთი ფინჯანი, მერე მეორე, გაანება თავი ჭამასა და ისევ დივანზედ გადაჯდა. წელანდელივით მარცხენა ხელი ისევ თავზედ შემოჰხვია, წამოსვა და დაუწყო კოვზით ჩაის დაღვეინება რასკოლ-

ნიკოვსა. თან გაცხარებული უბერავდა კოვზსა, თითქოს ეს იყო სწორედ უმთავრესი და ამას შეეძლო ავადმყოფი ფეხზედ დაეყენებინა. იყო ჩუმად რასკოლნიკოვი და წინააღმდეგობას არ უწევდა სრულებით, თუმცა კარგადა ჰგრძნობდა, რომ შეეძლო არამც თუ წამოჯდომა და კოვზის დამაგრება, ან სხვისა დაუხმარებლად ქამა, შეეძლო სიარულიც კი. მაგრამ რაღაც რამ უცნაურის, წმინდა პირუტყვეულის ეშმაკობით მოისურვა უცბად, ყველა ეს ღრომლე დაეფარა და ისეც კი ეჩვენებინა თავი, ვითომ ჯერ კიდევ გონს ვერ მოსულა, რომ ყველაფერი, რაც კი რამ მის გარშემო ხდებოდა, გაეგო და მოესმინა. მაგრამ ვერ შეიმაგრა თავისი საკუთარი ზიზლის გრძობა: შეჰსვა ერთი ათიოდე კოვზი ჩაი, მერე უცბად გამოჰგლიჯა თავი რახუმბინისა, ჰკრა ხელი კოვზსა და ბალიშზედ მიეგდო. თავ ქვეშ მართლაც ნამდვილი ბალიშები ეწყო ახლა, წმინდა ბუმბულისა—სუფთა საურებიანი; ესაც იგულისხმა, რასაკერვლია.

— პაშენკამ უნდა დღესვე მეოლის მურაბა ამოგვიგზავნოს, რომ წყალში ჩავუყაროთ ხოლმე და ისე დავალევინოთ, — უთხრა რასკოლნიკოვმა ნასტასიასა და ისევე წვეწვა და ლუღს მიუჯდა.

— მერე, სად უნდა გიშოვნოთ მეოლი? — ეკითხებოდა ნასტასია და თან გაფარჩხულს ხუთს თითზედ ჩაის ლამბაქი დაედგა და შაქარს იწუწნიდა, ჩაისა ჰსვამდა.

— სადა და დუქანში, ჩემო მეგობარო. ჰხედავ, როდიონ, უშენოდ აქ მთელი ამბავი მოხდა. გახსოვს, ისე ავაზაკურად რომ გამომექეცი და ბინაც კი არ გამაგებინე, სადა სცხოვრობდი, უცბად ისე გამაბრაზა ამანა, რომ გადავწყვიტე მაშინვე, მეპოვნე როგორმე უთუოდა და დამესაჯნე კიდევცა. ძებნას იმავე დღეს შევეუდექი. ვიარე, ვიარე, გეძებე, გეძებე! ეს, ახლანდელი ბინა, სრულებით დავიწყებული მქონდა, თუმცა, მართალი რომ ვსთქვა, არც თუ როდისმე მხსომებია, იმიტომ რომ არც ვიცოდი. წინანდელი კი მახსოვდა, რომ ხუთ კუთხესთან (Пять Угловъ) იყო, ხარდამო-

ვის სახლში. ვეძებე, ვეძებე ეს ხარდამოვის სახლი და გამო-  
დგა, რომ ხარდამოვისა კი არა, ბუხისა ყოფილა; ხომ ჰხე-  
დავ, ზოგჯერ ასოების ერთხმოვანება როგორ მოატყუებს  
კაცსა. და ძალიან გავჯავრდი. გავჯავრდი და მეორედღეს სა-  
ადრესო სახლისაკენ გავსწიე და წარმოიდგინე, როდიონ:  
ორს წამში უცბად მიპოვნეს, სადა სცხოვრობდი. იქა სწე-  
რიხარ.

— ვწერივარ!

— რასაკრელია, ვილაც გენერალი კობელევი კი ვე-  
რაფრის გულისათვის ვერ იპოვეს. მაგრამ რა გავაქიანურო.  
მოვედი თუ არა, მაშინვე ყველა შენი საქმეები გავიგე; ყვე-  
ლა, ძმაო! ყველაფერი ვიცი. აგერა, იმანაც ნახა; ნიკოდიმ  
ფომიჩიკ გავიცანი, ილია პეტროვიჩიკ დამანახვეს, მეფხოვეც,  
ბატონი ზამეტოვიც, ალექსანდრე გრიგორიჩი, აქაურ კანტო-  
რის საქმის მწარმოებელი და ბოლოს, პაშენკაც გავიცანი. და  
ამითი დავაგვირგვინე საქმე. თორემ აი, ამანაც იცის...

— დაშაქრა, — წაიდუღუნა ნასტასიამა და ეშმაკურად გა-  
იღიმა.

— რატომ შაქარს არ ჩაიგდებთ, ნასტასია ნიკიფოროვნა.

— გეყოფა, კარგი, მოუსვენარო! — შეჰყვირა უცბად ნა-  
სტასიამა და სიცილისაგან ჩაბეირდა. — პეტროვნა ვარ და არა  
ნიკიფოროვნა, — დასძინა ბოლოს, სიცილი რომ შეიმაგრა.

— გვეხსომება. ასე მაშ, ძმაო, ბევრი რომ არ ვილაპა-  
რაკო, მინდოდა პირველადვე ელექტრონის ტალღა მიმეშვა,  
რომ ყველა ადგილობრივი ცრუმორწმუნოება უცბად ამო-  
მეგდო ძირიან-ფესვიანადა, მაგრამ პაშენკამ მაჯობა. არ მეგო-  
ნა, ძმაო, თუ ასეთი... იქნებოდა... ჰა? შენ რას იტყვი?

სდუმდა რასკოლნიკოვი, თუმცა არც ერთს წამს შეშ-  
ფოთებული თვალს არ აშორებდა და შესანიშნავად გულ-  
მოდგინეთ მიჰშტერებოდა.

— ძალიან გოგო ყოფილა თურმე, — განაგრძობდა რა-  
ზუმიხინი, — და ვითომ განგებ ადასტურებსო პასუხსა, თამა-  
მად განაგრძობდა, — ძალიან ყოფილა, ძალიან.

— ვერა ჰყურობთ! შეჰყვირა ნასტასიამა, რომელსაც, ეტყობოდა, განსაკუთრებით იამებოდა ეს ლაპარაკი.

— ცუდი გიქნია, ძმაო, რომ თავიდგანვე საქმეს რიგზედ არ შესდგომიხარ. ასე როდი უნდა მოჰქცეოდო. ხომ სრულიად მოულოდნელი ხასიათისაა! მაგრამ ხასიათის შესახებ შემდგომ... არა, როგორ მიიყვანე საქმე იქამდის, რომ სადილსაც აღარ გაქმევდა? ან ეს თამასუქი რამ დგაწერინა? გაგიყდი თუ რა იყო, რომ თამასუქზედ ხელს უწერდი. ან ეს განზრახული ჯვრის წერა, ქალი, ნატალია ეგოროვნა რომ ჯერ ისევ ცოცხალი ჰყავდა... ყველაფერი ვიცი! მაგრამ ვხედავ, რომ ყოველივე ეს გრძნობისა და გულის საქმეა და მე ვირი ვარ; მაპატიე. მაგრამ, მართლა, სისულელე ვახსენე-ვი: როგორა გგონია, პრასკოვია პავლოვნა არც თუ ისე ტუტუცი არის, პირველს ნახვაზედ რომ ეჩვენება აღამიანსა, არა?

— მართალია... წარმოსთქვა ძლივს რასკოლნიკოვმა; თან სხვა მხარეს იყურებოდა და არ ესმოდა, თუ ლაპარაკისათვის მხრის დაჭერა სახირო იყო.

— ხომ აგრეა, არა?— შეჰყვირა რაზუმიხინმა, თითქოს გაიხარა, რომ უპასუხესო, — მაგრამ არც თუ ჰქვიანია, განა? სრულიად მოულოდნელის ხასიათისაა! ცოტა არ იყოს, ძმაო, დავიბენ კიდევცა. გარწმუნებ... ორმოცისა ხომ ნამდვილად იქნება. თვითონ, მართალია, იძახის, ოც-და-თექვსმეტისა ვარო, თუმცა უფლებაცა აქვს. მაგრამ რა საჭიროა, გეფიცები, უფრო მეტაფიზიკურადა ვჰმსჯელობ, გონებით, იმის შესახებ; აქ, ძმაო ისეთი ამიდანა აგვიჩნდა, რომ შენი აღგებრაც-კი ვერას გახდება! არა მესმის-რა! მაგრამ ყველა ეს სისულელეა. ნახა, ძმაო, რომ სტუდენტად აღარ ითვლებოდი და გაკვეთილებიც დაჰკარგე; ნახა, რომ ტანთაც შემოგაცვდა და ქალიც მოუკვდა; მაშასადამე, ნათესაურის კავშირით ველარ გიყოლიებდა სახლში და შეეშინდა. და რაკი შენც მთლად განმარტოვდი და ძველი ერთობა მოჰსპევი, მოინდომა ბინდამ დაეთხოვნე-დიდი ხანია თურმე უნდოდა განზრახვის შესრულება, მაგრამ

თამასუქი თურმე ენანებოდა. მით უფრო, რომ არწმუნებდი თურმე, დედა გადაგიხდისო...

— მართალია ვეუბნებოდი, მაგრამ იმიტომ მხოლოდ, რომ გაფუჭებული ვიყავი... თვითონ დედა თითქმის რომ მოწყალეებასა თხოულობს... მე-კი ვცრუობდი და ვატყუებდი განგებ, რომ ბინილამ არ გავეგდევინა... და საქმელი ეძლია, — უპასუხა გარკვევით და ხმა-მალლა რასკოლნიკოვმა.

— ეგ არაფერი, გონივრულად მოქცეულხარ. საქმე იმაშია მხოლოდ, რომ ეშმაკად საიდამლაც ნადვორნი სოვეტნიკი და საქმიანი კაცი ბატონი ჩებაროვი ასჩენია. უიმისოდ პაშენკა სულ ვერას მოიფიქრებდა, იმიტომ რომ მორცხვია მეტად. საქმიანი კაცი-კი ურცხვი და მოხერხებულა; მაშინვე თურმე იკითხა: არის რამ იმედი, რომ თამასუქი გავანაღლოთო? პაშენკასაც უთქვამს: არისო; იმიტომ. რომ დედასა აქვს თორმეტი თუმანი პენსია, თვითონ არასა სკამს და როდიონს კი გამოიხსნისო და და ჰყავს, რომელიც მზად არის ძმისათვის თუნდაც მონობა იკისროსო. ჩებაროვსაც მეტი არა უნდოდა რა... რას იჩმუჩნები? ყველა შენი ამბავი დაწვრილებით ვიცო, ტყუილად-კი არ უერთებდი სულსა და გულს პაშენკასა, ნათესავობას რომ უპირებდი. მიყვარხარ და იმიტომ გეუბნები... მაშ, რა გგონია: პატიოსანი და მგრძნობიარე აღამიანი გულ-ახდილია, საქმიანი-კი უსმენს და სკამს; ბოლოს-კი სულაც გადაჰყლაპავს. აილო პაშენკამცა და თამასუქი ჩებაროვს დაუთმო, ვითომ-და სყიდვით; ჩებაროვმა-კი არ დაირცხვნა და ნამდვილად მოითხოვა ვალის გადახდა. მინდოდა, გავიგე თუ არა, სინილისის გასაწმენდად იმისთვისაც მეჩვენებინა სუსხი, მაგრამ, ვაი, რომ იმ დროს მე და პაშენკას უკვე სრული ჰარმონიული განწყობილება გვქონდა; ავდექი და ვუბრძანე ძირიან-ფესვიანად სრულიად მოესპოთ საქმე; დავბრდი, თვითონვე გადაგიხდისთ-მეთქი. გესმის, ძმაო, თავდებობა ვიკისრე შენი? დავუძახეთ ჩებაროვსა, ათიოდ მანეთი გადავყლაპეთ და ქაღალდი უკან დავიბრუნეთ. აგერა, თამასუქიც, დახეულია. დაიქი, სიტყვითაც გენდობიან.



და რაზუმინინმა ჯიბილამ თამასუქი ამოიღო. შეჰხედა რასკოლნიკოვმა, მაგრამ არა უთხრა-რა და პირი კედლისაკენ იბრუნა. რაზუმინინსაც-კი როგორღაც ეჩოთირა ესა.

— ვხედავ, ძმაო, რომ სისულელე ჩაივლინე,— გამოეღაპრა რამდენისამე წამის შემდეგ;— მინდოდა გამეხალისებინე როგორმე ყბედობითა და დაგანაღვლიანე-კი ისევა.

— შენ იყავ, მაშა, რომ ბოდვის დროს ვერა გცნობდი? შეეკითხა რასკოლნიკოვი მცირე სიჩუმის შემდეგ, ისევე ისრე ზურგ-შექცეული.

— მაშა, მე ვიყავ. ერთხელ კინაღამ მთლად გადირიე, ზამეტოვი რომ მოვიყვანე.

— ზამეტოვი?.. საქმის მწარმოებელი?.. რათაო, რაო? გადმობრუნდა უცბად რასკოლნიკოვი და თვალები რაზუმინინს მიაშტერა.

— რაო, რა იყო, რა დაგემართა... რამ შეგაშფოთა? უნდოდა გაეცანი. თვითონვე მოინდომა, იმიტომ რომ ბევრი გეკონდა შენ შესახებ ნალაპარაკევი... მაშ, აბა, ვისგან შევიტყობდი შენ შესახებ ამდენს ამბებსა. მშვენიერი ახალგაზრდაა, საუცხოვო რამ არის... რასაკვრელია, თავისს გვარადა. ახლა უკვე მეგობრები ვართ. თითქმის ყოველ დღე ერთმანერთს ვხვდებით. მეც ხომ ამ ნაწილში გადმოვედი. არ იცი ჯერა? ეს არის გადმოვედი. ორჯელ ლავიზასთანაც ვიყავით მე და ისა. ვახსოვს ლავიზა, ლავიზა ივანოვნა?

— მერე, ვბოდავდი რასმე?

— ჰბოდავდი და აგრე! აღარა გაგეგებოდა-რა.

— რასა ვბოდავდი?

— რა ვიცი, რასა ჰბოდავდი? არ იცი, რასა ჰბოდავენ ხოლმე... მაგრამ ტყუილად რომ დრო არ დაგკარგოთ, საქმეს შევეუდგეთ.

წამოდგა სკამიდანა და ქუდს ეღა.

— რასა ვბოდავდი?

— რას ჩამაცვიდა? იქნებ გგონია საიდუმლო რამ გამოამეღავენ? ნუ გეშინიან: გრაფინაზედ არა გითქვამს-რა,

რალაცა ბულდოგზედ, საყურეებზედ, ძეწკვებზედ, კრესტოვსკის კუნძულზედ, ვილაცა მეზოვეზედ, ნიკოდიმ ფომიჩზედა და ილია პეტროვიჩზედ-კი, ზედამხედველის თანაშემწეზედ, ბევრი რამ იყო ნათქვამი. და გარდა ამისა, საკუთარს წინდაზედ ინებეთ როგორღაც მეტის-მეტად ბევრი ლაპარაკი! იხვეწებოდით: მომეციო, წინდა მომეციო, სხვა არა მინდა-რა თქვენო. თვითონ ზამეტოვი დაეძებდა ყველა კუთხეებში შენს წინდებსა და სუნნელოვან წყლებით დაბანილ და ძვირფას ბეჭდებით აჭრელებულ ხელით მოგაწოდა ეს საძაგლობა. მაშინ-ლა დაჰმშვიდდი და მთელი დღე-ღამე ხელიდამ აღარ გაგიშვია: გამოგლეჯაც-კი ველარ შეეძელიო. ახლაც უთუოდ საბანს ქვეშ საღმე გექნება ლოგინში. ეს არასფერი. ახლა მარგლის დაძონძილ ტოტის ბოლოსა თხოულობდი და იხვეწებოდდი საცოდავათა! ბევრს ვეცადეთ და ვკითხულობდით: რა ძონძებიაო? მაგრამ ვერა გავვაგებინე-რა.. აგრე, მაშ, საქმეს შევეუდგეთ! აგრე, აქ სამ თუმან ნახევარია. აქედან თუმანს წავიღებ და ანგარიშს ორი საათის შემდეგ წარმოვიდგენ. თან ზოსიმოვსაც შევატყობინებ, თუმცა უამისოდაც უნდა შემოევლო, მეთორმეტე საათია. თქვენ-კი, ნასტენკა, ხშირ-ხშირად შემოაჰხედეთ ხოლმე, იქნება ან წყალი მოუნდეს, ან სხვა რამე. პაშენკას-კი, რაც საქიროა, მე თვითონ ვეტყვი ახლავე. ნახვამდის!

— ჰმ, პაშენკას ეძახის! ოი, შე ეშმაკო, შენა! მიაძახა უკანიდამ ნასტასიამა; გამოაღო მერე კარი და ყური მიუგდო, მაგრამ ვერ მოითმინა და თვითონაც ქვევით გაქანდა.

საშინლად უნდოდა გაეგო, დიასახლისის რას ელაპარაკებოდა; საზოგადოდ-კი ეტყობოდა, რაზუმიხინისათვის მთლად გადარეული იყო.

მოიხურა თუ არა კარები, ავადმყოფი მაშინვე გიჟივით წამოვარდა ლოგინიდანა. ათრთოლებული ელოდა მოუთმენელად, როდის წავიდოდნენ ორივენი, რომ საჩქაროდ საქმეს შესდგომოდა. მაგრამ რომელს საქმესა, რომელსა? — თითქოს განგებოა, მთლად დაავიწყდა ახლა.

„ღმერთო! გამაგებინე ერთი: ყველაფერი იციან უკვე, თუ არა ჯერა? მერე, რომ იცოდნენ და მხოლოდ თავს მაჩვენებდნენ განგებ, ვითომ არა იციან-რა, ისიც დროებით მხოლოდ, სანამ ლოგინში ვწევარ; მერე-კი უცბად შემოვიდნენ და მითხრან: დიდი ხანია ყველაფერი ვიცი და მხოლოდ ისე, განგებ, გიმაღავდითო... რა ჰქმნას? მაგრამ, აი, უბედურება, დაავიწყდა უცბად, თუმცა ეს-ეს იყო ახსოვდა!“

იღვა შუაგულ ოთახში და ვერას მიმხედარიყო, იტანჯებოდა, გარშემო იყურებოდა. მივიდა მერე კარებთანა, გამოაღო, ყური მიუგდო; მაგრამ, არა, ეს არ უნდოდა. მოაგონდა უცბად, ეცა კუთხესა და შპალერებს ქვეშ, ნახვრეტში, ხელი შეჰყო, მიუსვ-მოუსვა, მაგრამ არც ეს უნდოდა. მივიდა ღუმელთანა, გამოაღო კარები და დაუწყო ხელით ნაცარს ქექვა: შარვლის დამონძილი ნაქერი და ჯიბის ნაგლეჯი ისევ ისე იქ ეყარა; მაშასადამე, არავის უნახავს! მოაგონდა უცბად, რაზუმინინი რომ წინდაზედ უამბობდა. მართალია, აგერ, დივანზედა დევს საბანს ქვეშა, მაგრამ იქამდის ვადალესილი და გაჭუჭყიანებულია, რომ, რასაკვრელია, ზაშეტოვი ვერას გაარჩევდა.

— ვაჰ, ზამეტოვი!.. კანტორა!.. კანტორაში რათ მეძახიან?.. უწყება სად არის? ვაი!.. ავირიე:— მაშინ იყო, რომ მეძახდნენ! მაშინაც წინდას ვსინჯავდი, ახლა-კი... ახლა ავად ვიყავი. მერე, ზამეტოვი რაღათა ყოფილა აქა? რაზუმინინს რათ მოუყვანია?.. დუდუნებდა დაუძღურებული და დივანზედა ჩამოჯდა. რა არის ესა? ვბოდავ ისევა, თუ ყველაფერი ნამდვილად ხდება? ვგონებ, მართლა ხდება... ჰო, მომაგონდა: უნდა გავიქცე! ჩქარა გავიქცე უთუოდ, გავიქცე! დიახ... მაგრამ სადა? ჩემი ტანისამოსი სადღაა? ფეხსაცმელზე რომ არ არის! წაულიათ! დაჟმალეთ! მესმის, მესმის! მაგრამ ტანისამოსი, აი, დაჰრჩენით! ფულიც, აი, მაგიდაზეა, მადლობა ღმერთს! აგერ თამასუქიც... ავიღებ ფულსა და წავალ, სხვა ბინას დავიქერ, ველარ მიპოვიან!.. მაგრამ, ე-ე, საადრესო სახლი? მიპოვიან, მიპოვიან! რაზუმინინი მიპოვის.

სჯობს, სულ გავიქცე სადმე... შორს... ამერიკაში... დეე-  
 შეძებონ! თამასუქიცი ხომ ხელში მაქვს... გამომადგება... რა  
 წავილა კიდევ? ჰგონიათ, ვითომ ავად ვიყო. ის კი არ  
 იციან, რომ სიარული შემიძლიან, ხე-ხე-ხე-ხე!.. თვალეზედ  
 შევატყე, რომ ყველაფერი იციან! ერთი ე კიბეებს ჩავცილ-  
 დე როგორმე და! მერე, რომ დარაჯი და პოლიციელები  
 ჰყავდეთ დაყენებული! ეს რა არის, ჩაია? აგერა, ლუდიც და-  
 რჩენილა, ნახევარ ბოთლია, ცივ-ცივი!

ეცა ბოთლსა, რომელშიაც მთელი ქიქა ლუდი კიდევ  
 იდგა და სიამოვნებით გადახუხა, თითქოს ცეცხლი ჩაანელაო.  
 მაგრამ არ გასულა ერთი წამი, რომ ლუდმა უცბად თავში  
 დაჰკრა და ზურგში რაღაცა სასიამოვნო ჟრუანტელმა დაურ-  
 ბინა! მიწვა მაშინვე და საბანი წაიხურა. უიმისოდაც არე-  
 ული და სნეული ფიქრები თან-და-თან უფრო აებნა და მა-  
 ლე ნელ-ნელა სუბუქსა და სასიამოვნო ძილს მისცა თავი.  
 სიამოვნებით მოსძებნა თავით ბალიში. ლამაზად გაეხვია და-  
 ბამბულია და რბილს საბანში, რომელიც ახლა ძველის დაგ-  
 ლეჯილ პალტოს მაგივრად ეხურა, წყნარად ამოისუნთქა და  
 მაგრა და ტკბილად ჩაეძინა.

ფეხის ხმამ-ღა გამოაღვიძა. გაახილა თვალი და დაინახა,  
 რომ ყურთამდე ღია კარებში რაზუმინინი დგას და აღარ  
 იცის, შემოვიდეს თუ არა? წამოჯდა საჩქაროდ დივანზედ  
 რასკოლნიკოვი და რაზუმინინს მიაშტერდა, თითქოსა სცდი-  
 ლობს რაღაცა მოიგონოსო.

— ეჰე, არა გძინავს, აგერა მეც მოვედი! ნასტასია, მო-  
 იტა ე ბოხჩა! ჩაჰყვირა რაზუმინინმა ზემოდამ.—ახლავე ანგა-  
 რიშსაც მიიღებ.

— რომელი საათია?—დაეკითხა რასკოლნიკოვი და შეშ-  
 ფოთებულმა აქეთ-იქით მიმოიხედა.

— ბლომადა გძინებია, ძმაო! შებინდდა უკვე, ექვსი  
 იქმნება. თითქმის რომ ექვს საათზედ მეტი გძინებია.

— ღმერთო ჩემო! რა ამბავია!..

— რაო, რა არის? ღმერთმა შეგარგოს! სად მიეჩქარე-

ბი! შეხვედრას ხომ არავისას აპირებ? მთელი დრო ახლა ჩვენ ხელთ არ არის. სამი საათია აგერა, გიცდი. ერთი ორჯელ შემოველ კიდევცა, მაგრამ გეძინა. ორჯელ ზოსიმოვისას ვიყავ საკითხავადა: შინ არ არის და არა! მაგრამ არა უშავს-რა, მოვა... ჩემ საქმეზედაც ვიყავი სხვაგან. დღეს გადავედი ბანიდამა, ბიძიასთან საცხოვრებელად. ახლა ხომ ბიძი მყავს ჩემთანა... მაგრამ რა დროს ეს არის, საქმეს შევუდგეთ!.. ნასტენკა, ბოლჩა მოიტა. ახლავე. სხვა, თავს როგორა ჰგონობ, ძმაო?

— კარგათა, არა მიკირს-რა, ავად არა ვარ... დიდი ხანია, აქა ხარ?

— გეუბნები, სამი საათია-მეთქი გიცდი.

— არა, წინად?

— რა წინადა?

— რამდენი ხანია, რაც ჩემსას დაიარები?

— წელან არ იყო გიამბობდი; რაო, აღარ გახსოვს განა? დაფიქრდა რასკოლნიკოვი. წელანდელი ყველაფერი სიზმარივით-და ახსოვდა. ვერ მოგეგონებინა ვერაფრითა და გაშტერებული შეჰყურებდა რაზუმინისა.

— ჰმ! — ჩაილაპარაკა რაზუმინმა, — დამავიწყდა. წელან-ვე ისე მეჩვენებოდა, განა არა, ვითომ ჯერ კიდევ შენს გონზედ არ იყავი... ახლა ხომ გამოერკვი ძილიდამა... გეუბნები, უკეთ გამოიყურები. ყოჩაღ! აბა, საქმესაც შევუდგეთ! ახლავ ყველაფერს მოიგონებ. აქეთ შემოიხედე, აბა, მეგობარო!

და ბოლჩას დაუწყო ხსნა, რომელსაც, ეტყობოდა, მთლად შთაენთქა მისი ყურადღება.

— იცი, ძმაო, იქნება არ დაიჯერო კია, მაგრამ ყველაზედ მეტად ეს მაწუხებდა. იმიტომა, ძმაო, რომ საჭიროა უთუოდ კაცად გაქციო. შევუდგეთ, მაშა: თავიდამ დავიწყოთ, ჰხედავ ამ ქულსა? დაიწყო რაზუმინმა და ბოლჩიდამ საკმაოდ შნოიანი, მაგრამ იმავე დროს ჩვეულებრივი რამ უბრალო და თაფ-ფასიანი ქული იმოილო. — გაისინჯე, აბა!

— მერე, მერე,-- ჩაილაპარაკა რასკოლნიკოვმა და როგორ-  
 ლაც ზიზღით გააქნია ხელი.

— არა, ჩემო როდიონ, ნუ აიხირებ, თორემ გვიანდა  
 იქნება. და აღარც შე დამეძინდება მთელს ღამეს, იმიტომა  
 რომ გაუსინჯავად ვიყიდე ანდეთი. მშვიდნივრად ვადგია! შე-  
 ჰყვირა გახარებულმა, — თითქოს განგებ შეუკერვინებიათო  
 თავის სამკაული, ჩემო ძმაო, უმთავრესი რამ არის, პირვე-  
 ლად ქუდით იცნობენ ადამიანსა. ჩემი მეგობარი, ტოლსტია-  
 კოვი, გაცხარებული ჩაჩს მოიგლეჯს ხოლმე მაშინვე, რო-  
 გორც კი სადმე დიდს შეკრებულობაში ან გამოსაჩენს ად-  
 გილას მოჰხედებოდა, სადაც კი ყველა სხვას ქუდი ახურავს.  
 ჰგონია ყველას შიშითა და მოკრძალებით მისდისო, ის-კი  
 არა, თავისს საბუღრის მზგავს ჩაჩისა სცხვენთან; მორცხვი  
 კაცია, რას იზამს! აბა, ნასტენკა, ეს თავის სამკაული რო-  
 გორ უნდა ღირდეს: ერთია პალმერსტონი (და კუთხილამრა-  
 სკოლნიკოვის რგვალი, დადრეცილ-ჩაზნეკილი ქუდი ამო-  
 იღო, რომელსაც სრულიად უმიზეზოდ პალმერსტონი უწოდა  
 სახელად), მეორე მშვენიერი რამ წმინდა ნამუშავარი? აბა,  
 როდიონ, რას მივცემდი, როგორ გგონია? ნასტენკა, შენა,  
 შენ რაღას იტყვი? მიუბრუნდა ახლა ნასტიას, რომ ნახა რას-  
 კოლნიკოვი ხმას არ იღებდა.

— აბაზს მაინც მისცემდი, — უბასუხა ნასტიამ.

— აბაზსაო, ტუტუცი! შეჰყვირა წყენით რაზუმინინმა, —  
 აბაზათ ხომ შენც ვერ გიყიდი, — ოთხი აბაზი მივეცი! და  
 ისიც იმიტომ მხოლოდ, რომ ნახმარი არის. მაგრამ პირობით  
 არის ნაყიდი: ამას გასცვეთამ, სხვას მოგცემენ. ღმერთს  
 გეფიცებით! აბა, ახლა ამერიკის შეერთებულს შტატებს შე-  
 ვუდგეთ, როგორც გიმნაზიაში იცოდნენ ხოლმე. მაგრამ  
 გაფრთხილებ, — შარვლით სწორედ თავი მომაქვს, — არსად  
 ლაქა, არსად გახეული არ მოეძებნება და საკმაოდ რიგიანიც  
 არის, თუმცა ცოტა ნახმარი არის და რასკოლნიკოვს წინ  
 საზაფხულო, სუბუქი შარვალი გადაუშალა; — ჟილეტიც ასე-  
 თივეა, ერთფერი, როგორც „მოდა“ მოითხოვს! რაც შეეხება

იმას, რომ ნახმარი არის, ეს-კი უნდა გითხრა, უკეთესიცაა: უფრო რბილი და ნაზია... ჰხედავ, როდიონ, ჩემის აზრით, თუ გინდა საზოგადოებაში ფასი და გასაჯალი გქონდეს, უთუოდ დროის შესაფერად უნდა გეცვას. თუ იანვარში სატაკურს არ მოითხოვ, რამდენიმე მანეთი ჯიბეში დაგრჩება. ასეა ამ ნაეპქრის შესახებაც. ახლა ზაფხულია და ამიტომაც ჩასაცმელი ზაფხულისა გიყიდე, მით უფრო, რომ შემოდგომისათვის უფრო თბილი რამ დაგქირდება და ესენი-კი უნდა გადაგეყარა... მით უფრო, რომ იმ დროსთვის ყველაფერი ეს საკმაოდ მოძველდება, თუ არ იმითი, რომ უკეთესი რამ გაგიჩნდება, თავის თავად მაინც. აბა, დააფასე მაშ! როგორა გგონია, რა უნდა ღირდეს?—სულ თერთმეტი აბაზი და ერთი შაური! მაგრამ გახსოვდეს, ისევ იმავე პირობით: გასცვეთამ, მერმის სამაგიეროდ სხვას მიიღებ მუქთადა! ფედიაევის მალაზიაში ყველაფერს ასე ჰყიდიან: რაკი ერთხელც არის იყიდი რასმე, შენს სიცოცხლეში აღარა გინდა-რა, იმიტომ, რასაკვრელია, რომ თვითონ აღარ წახვალ და აღარას მოსთხოვ მეორეთა. აბა ახლა წაღები ვნახოთ,—როგორებია, ჰა? რასაკვრელია, ეტყობა, რომ ნახმარებია, მაგრამ ორს თვეს მაინც გატარებენ, იმიტომ, რომ მასალაც და მუშაობაც საზღვარგარეთისაა: ინგლისის-საელჩოს მდივანს გაუყიდნია წარსულს კვირასა; სულ რაღაცა ექვსი დღე უტარებია, მეტი არა, მაგრამ ფული დასქირებია და... სულ მანათ ნახევარი მივეცი. ზორბა რამ არის, არა?

— მერე, გამოადგება-კი?—შეჰნიშნა ნასტასიამა.

— გამოადგებაო! მერე, ეს რაღა არის, არა? და ჯიბიდან რასკოლნიკოვის მთლად გახროკილი, ძველის-ძველი, დაგლეჯილი და ტალახიანი წაღა ამოიღო, —წინაღვე თადარიგი გავსწიე თუ არა? ამის ზომაზე ამირჩიეს, მაშა. ყველაფერი ეს მშვენივრად მოვაწყეთ. რაც შეეხება საცვლებს, ამის შესახებ-კი დიასახლისს მოველაპარაკე. პერანგს სამს შეგიკერვენ, ტილოსას, მაგრამ ზემოდამ დროის შესაფერად იქნება გამშვენიებული... აგრე, მაშ: ოთხი აბაზი „კარტუზი“, ორი მანეთი

და ხუთი შაური დანარჩენი ჩასაცმელი, სულ სამი მანეთი და ერთი შაური. მანეთ-ნახევარიც წაღები,— იმიტომ, რომ მეტად კარგებია, სულ ოთხი მანეთი და თერთმეტი შაური. და ხუთი მანეთიც საცვლები ყველა, ერთად გავრიგდით,— შესდგება სულ ცხრა მანეთი და თერთმეტი შაური. ცხრა შავი შაურიანი-კი, როგორც ხურდა, უკან მიიღე, ჩემო ძმაო. მაშასადამე, ტანისამოსი მთლად აღდგენილი გაქვს, როდიონ, იმიტომ რომ, ჩემის აზრით, შენს პალტოს ჯერ კიდევ შეუძლიან სამსახური და გარდა მაგისა, განსაკუთრებული კეთილშობილური შეხედულობაცა აქვს: ჰხედავ, რა არის შარმერთან ტანისამოსის შეკერვა! რაც შეეხება წინდებსა და სხვას, ეს შენთვის მომინდვია, ჩემო კარგო. ფულადა გრჩება კიდევ მთელი ოც-და-ხუთი მანეთი, მაგრამ პაშენკასი და ბინის ქირისა დარდი ნუ გაქვს ჯერა. ნათქვამი მაქვს: რამდენსაც გინდა, გენდობიან. ახლა-კი, ძმაო, ნება მომეცი, საცვალი გამოგიცვალო, თორემ პერანგში-ლაა ავადმყოფობა ახლა, სხვაგან აღარსადა...

— თავი დამანებე! არ მინდა! უარობდა რასკოლნიკოვი, რომელიც ერთ-თავად ზიზლით უგდებდა ყურსა რაზუმინის განგებ სამსახარო ლაპარაკს ტანისამოსის შესახებ.

— არა, ძმაო, არ შეიძლება; მაშ, ე წაღები რაზე დავიგლიჯე! — ატანდა ძალას რაზუმინი. — ნასტასუშკა, ნუ გცხენიანთ, მომეხმარეთ. ჰო, აგრე!

და მიუხედავად იმისა, რომ რასკოლნიკოვი ეწინააღმდეგებოდა, საცვალი მაინც გამოუცვალა. მიეგდო რასკოლნიკოვი ისევ ბალიშზედა და მთელი ორი წამი ხმას არ იღებდა.

„ნეტა თუ არ დამეხსნებიან!“ ფიქრობდა იგი თავისთვის.

— მერე, რა ფულით იყიდე ყველაფერი ეს? ჩაეკითხა ბოლოს და თან კედელს დააშტერდა.

— რა ფულითა? ეჰე, შენის საკუთარ ფულითა. წელან არ იყო ვაზრუშინისაგან კაცი იყო, დედის გამოგზავნილი ფული მოგიტანა? იქნება დაგავიწყდა?

— მახსოვს, მახსოვს... ჩაილაპარაკა რასკოლნიკოვმა ხანგრძლივის დაღვრემისა და ფიქრის შემდგომ.



რაზუმინიცი დაღვრემილი შეჰყურებდა, შეშფოთებული. ამ დროს უცბად გაიღო კარი და ვიღაც მაღალ-მაღალი ჩასხმული კაცი შემოვიდა; ესაც თითქოს ნაცნობი იყო რასკოლნიკოვისა.

— ზოსიმოვი! ძლიეს არ გვეღირსა! შეჰყვირა რაზუმინიმა, გახარებულმა.

#### IV

ზოსიმოვი იყო მაღალ-მაღალი, ჩასუქებული, ცოტათი სახე შესიებული, წვერ გაპარსული, ქერა თმა, სათვალეებიანი კაცი. სიმსუქნისაგან გასიებულს თითზედ ვეება ოქროს ბეჭედი ჰქონდა წამოცმული. ხნით, ასე ოც-და შეიდის წლისა იქნებოდა. ტანთ ეცვა კობტად: განიერი ზაფხულის პალტო, ასეთივე ბაცი შარვალი. საზოგადოდ ყველაფერი ძვირფასი და შნოიანი ეცვა; საცვლები საუცხოვო და სუფთა, საათზედ თოქმა ოქროს ძეწკვი; მიმოხვრა მძიმე და უსიცოცხლო, მაგრამ ეტყობოდა განგებ ჰქონდა შეთვისებული. სცდილობდა დაემალა, მაგრამ ვერ ახერხებდა და ეტყობოდა აშკარადა, რომ ბევრის მცოდნედ და დიდ კაცად მოჰქონდა თავი. ყველანი მძიმე ხასიათის კაცათა სცნობდნენ, მაგრამ ამბობდნენ, თავისი საქმე გაეგებო.

— მე, ძმაო, ორჯელ შემოვიარე... ჰხედავ, მობრუნდა, — შეჰყვირა რაზუმინიმა.

— ვხედავ, ვხედავ; სხვა, ახლა თავს როგორა ვგრძნობთ, ჰა? — ჩაეკითხა ზოსიმოვი რასკოლნიკოვისა და თვალი თვალში გაუჟარა, დივანზედ ჩამოუჯდა, ფერხით.

— ჭინკულიანობს სულა, — განაგრძობდა რაზუმინი. — ეს იყო, საცვლები გამოვეუცვალეთ, მაგრამ კინალამ იტორა.

— რასაკვრელია, თუ არ უნდოდა, მერეც შეიძლებოდა. მაჯა მწვენივრად უცემს. თავი ისევა გტკივათ ცოტათი, არა?

— კარგათა ვარ, სრულიად კარგათა! უბასუხა დაბეჯითებით და გულმოსულად რასკოლნიკოვმა და თან უცბად



ლაპარაკათ არც-კი ღირს... მაგრამ მიყვარს-კი. პორტირი პეტროვიჩი იქმნება: აქაური ბოქაული საგამომძიებლო საქმეებისა... სჯულის მცოდნეა. მაგრამ ხომ იცნობ.

— ისაც რალაცა ნათესავია შენი, არა?

— ჰო, მაგრამ მეტად შორეული; რას იღრიჯები, რაო? იმიტომ, რომ წალაპარაკდით ერთხელა? იქნება აღარც-კი მოხვიდე?

— ფეხებზედაც არა მკილია...

— აგრე სჯობიან. იქნებიან კიდეც: სტუდენტები, მასწავლებელი, მოხელე ერთი, მემუსიკე, ოფიცერი, ზამეტოვი...

— მითხარ, გეთაყვა, ან შენ, ან მაგას, — რასკოლნიკოვზედ ანიშნა ზოსიმოვმა, — საერთო რა გაქვთ ზამეტოვთანა?

— ოჰ, ეს თქვენი უკადრისობა!? ეს პრინციპები!.. თითქოს მთლად ამ პრინციპებზედ იყოს მართლა აშენებულნი: არსაით თქვენს ნებასა და სურვილზედ მიბრუნ-მობრუნება არ შეგიძლიანთ. ჩემის აზრით-კი, კარგია კაცი, შენი პრინციპიც ის არის, ამის მეტი სხვა არა მწამს-რა. ზამეტოვი საუცხოვო აღამიანია.

— და ხელებსაც საუცხოვოდ ითბობს, არა!

— მერე, რაო? ითბობს და ითბობდეს, მე რა! რა არის, რომ ითბობს! — შეჰყვირა უცბად როგორღაც არაჩვეულებრივ გაბრაზებულმა რაზუმინინმა. — მერე, გიქვევი, განა, რომ ხელებს ითბობს-მეთქი? ის გითხარ მარტო, თავისს გვარად კარგია-მეთქი, მორჩა და გათავდა! მაგრამ თუ ყოველ მხრივ გავსინჯავთ ხალხსა, ბევრი გამოირჩევა, განა, კარგი? დარწმუნებული ვარ, იქნება მაშინ მთლად. შიგნეულობიანად შემწვარ ხახვათაც არავინ მიყიდოს, ისიც თუ შენც თან გამომყვებოდი!..

— ცოტაა ძან. მე კი თუნდა ორსაც მივცემდი შენში...

— მე კი ერთის მეტს არ მივცემდი! გაჰხედე კიდეც, აბა! ზამეტოვი ჯერ ბავშვია ისევ; შეიძლება ყურებიც კი ავეუწიოთ, იმიტომ, რომ უნდა მივიზიდოთ და არა გავდევნოთ. განდევნით კი კაცს ვერ გაასწორებ. ვერ გაასწორებ მით უფრო ბავშვსა.

ბავშვთან მეტი სიფრთხილე გვმართებს მუდამა. ეჰ, თქვე და-წინაურებულო ჩურჩუტებო, რომ არა გესმისთ-რა! ადამიანს პატივს არა სცემთ, თქვენს თავს თქვენვე შეურაცხყოფთ... მაგრამ თუ გინდა გაიგო, მართლა, საერთო საქმეცა გვაქვს უკვე.

— რატომაც არა.

— საიმისო არა არის-რა, ისევ იმ მხატვარზეა საქმე... გვინდა ვიხსნათ როგორმე! ვიხსნით კიდევცა! მაგრამ საშიშიც კი აღარა არის-რა. აშკარა საქმეა!

— ვინ მხატვარია?

— როგორ? არ მიაბნინა განა? იქნება? მაგრამ, ჰო, თავი გაიმბე მართო... აის, ბებრუხანა რომ მოჰკლეს, მევახშე, მოხელის ქვრივი... იმ საქმეში ახლა მხატვარიც ვარის...

— ეგ მკვლელობა-კი შენზედ უწინაც ვიცოდით; მინდოდა კიდევ ნამდვილი როგორმე შემეტყო... მეტადრე... ერთის შემთხვევის გამო... გაზეთებიდანაც მახსოვს!

— ლიზავეტაც ხო მოკლეს!—წამოიძახა უცბად ნასტასია და რასკოლნიკოვს გადაჰხედა.

მთელი ეს ხანი ნასტასიაც ოთახში იდგა, კარებზედ მიყუდებული და ლაპარაკს უგდებდა ყურსა.

— ლიზავეტა? წაიდუღუნა რასკოლნიკოვმა ოდნავ.

— ჰო, ლიზავეტა! არ იყო, ვაქრობდა კიდევცა; არ გახსოვს, განა? ქვეით დაიარებოდა ხოლმე. ერთხელ პერანგიც დაგიკრა.

რასკოლნიკოვი კედლისაკენ გადაბრუნდა, გახუნებულსა და ქუჩკიანს შპალერზედ სადღაც ერთგან მიხაკის ფერ ხაზებიანი თეთრი ყვავილი ამოირჩია და სინჯვა დაუწყო: რამდენი ფოთოლი ჰქონდა, როგორ იყვნენ დაკუწუბებულები, რამდენი ხაზი ჰქონდა გავლებული და სხ?.. ჰგრძნობდა, რომ ხელ-ფეხი მთლად მოუღუნდა და მოეშვა, მაგრამ თვალს მაინც არ აშორებდა, განძრევა ვერ მოეხერხებინა.

— მერე რაო, რა გვინდაო? გააწყვეტინა რალაცა განსაკუთრებულის უკმაყოფილებით ლაპარაკი ნასტასიას ზოსიმოვმა.

ამოიოხრა ნასტასიამა, გაჩუმდა.

— რაო-და, მკვლელად ჩასწერეს! განაგრძნობდა ფიცხად რაზუმინინი.

— საბუთები რამ უპოვნეს, როგორ იყო?

— რის საბუთები, რას ამბობ! მაგრამ არა, საბუთები-კი იყო ვითომა, მაგრამ რა საბუთები, დამტკიცება არ უნდა? ესაც იმასა ჰგავს, პირველად რომ... რა ჰქვიან, აის... კოხი და პესტრიაკოვი დაიჭირეს. ფუჰ! რა სულელურად იქცვიან, გული მემღვრევა სწორედ! იქნება დღეს პესტრიაკოვმაც შე-მოიაროს... მართლა, როდიონ, ეს ამბავი ხომ იცი კიდევაც; ავადმყოფობამდე მოხდა, სწორედ წინა დღეს, კანტორა-ში რომ გული წაგივიდა; არ გახსოვს, მაშინ ლაპარაკობდნენ ამ ამბავზედა...

ყურადღებით გადაჰხედა ზოსიმოვმა რასკოლნიკოვსა. მაგრამ არ განძრეულა იგი.

— იცი, რა არის რაზუმინინ? მოუსვენარი რამა ხარ, — შეჰნიშნა ზოსიმოვმა.

— არა უშავს-რა, დავიხსნით მაინც! შეჰყვირა რაზუმი-ნინმა და მაგიდას მუშტი დაჰკრა. — ყველაზე მეტად, იცი, რა არის აქ საწყენი? ის-კი არა, რომ სტყუიან, ტყული მუდამ ეპატიება ადამიანსა; და კარგიც-კი არის, იმიტომ, რომ სი-მართლეს აჩენს ბოლოსა. ის არის საწყენი, რომ სტყუიან და თავიანთ სიმტყუენს თვითონვე აღიდებენ. პორფირი პეტ-როვიჩის პატივსა ვსცემ, მაგრამ... იცი, თავიდანვე რამ აუბ-ნიათ გზა-კვალი? კარები დაკეტილი იყო და მეეზოვე რომ შიიყვანეს, მაშინ-კი ღია დაჰხვდათ: ეტყობა; მაშ, კოხმა და პესტრიაკოვმა დაჰხოცესო! ეს არის იმათი მსჯელობა.

— ჰო, მაგრამ ძაან ნუ ცხარობ; დაიჭირეს მხოლოდ, სხვა ხომ არა უქმნიათ-რა. მაგრამ რა ექმნათ ან-კი... მართ-ლა: ი კოხი ხომ მეც მინახავს; ბებრუხანასაგან გამოუსყიდ-ველს გირაოებს ყიდულობდა ხოლმე, არა?

— ჰო, ვილაცა გაიძვერა! თამასუქებსაც ყიდულობს თურმე. მაგ საქმეებშია გართული. მაგრამ ჯანაბამდის გზაცა

ჰქონია? იცი, მე რა მამბრაზებს? ის მამბრაზებს, რომ გონება მთლად დაჰხშობიათ, ხავსი მოჰკიდებიათ, გაბრიყვებულ-გასადაგლებულან... აქ-კი, ამ საქმეში, შეიძლება სრულიად ახალთ-ახალი გზა აღმოჩნდეს. მარტოდ ფსიხოლოგიური საბუთე-ბიცა კმარა, რომ დაინახოთ, როგორ შეიძლება ქეშმარიტს კვალს მიაგნოს ადამიანმა. „ჩვენ აქ ფაქტები გვაქვს ხელთაო!“ მაგრამ საქმე ხომ ფაქტები არ არის; ნახევრად მაინც საქმე იმაზეა დამოკიდებული, ვინ როგორ მოიხმარს ფაქტებსა!

— მერე, შენ-კი შეგიძლიან ფაქტების მოხმარება?

— არ იცი, განა, რომ არ შეიძლება გაჩუმება, როცა ჰგონობ პირდაპირა, რომ შეგიძლიან საქმეს უშველო; ოღონდ... მაგრამ, ეჰ!.. მერე, იცი-კი სავსებით, საქმე როგორ არის?

— რომ აღარა მითხარი-რა.

— კარგი, მაშ, ყური დამიგდე: მესამე დღეს მკვლელობის შემდეგ, დილა ადრიან, ჯერ ისევ კოხსა და პესტრიაკოვს რომ მისჩერებოდა ყველა, — თუმცა თვითოეული თავისი ნაბიჯი ორივემ ნათლად დაუმტკიცათ! — უცბად მოულოდნელი ამბავი გამოცხადდა. ვიღაცა გლენს დუშკინს სწორედ იმ სახლის პირდაპირ სასმლის დუქანი ჰქონებია: მისულა კანტორაში, მიუტანია ძვირფას ნივთის ბუდე ოქროს საყურეებითა და უამბნია: „მხატვარმა მუშამ, სახელად მიკოლამ (წინა დღითაც შემოიბრინა ჩემთან) მომიტანა ეს კოლოფი ოქროს საყურეებითა და ქვებითა და გირაოში ორი მანეთი მთხოვა. როცა ვკითხე: ვინ მოგცა-მეთქი? მითხრა — ქუჩის ქვაფენილზე ვიპოვეო. ამის მეტი აღარა მიკითხნია-რა მაშინა, — ამბობს დუშკინი, — „გამოვეუტანე მანეთიანი ქალაღი“, ე. ი. მანეთი და „მივეცი, იმიტომა, ვიფიქრე, რომ მე არა, სულ ერთია, სხვას დაუგირავებდა და შესკამდა; სჯობს, მაშ, ისევ ჩემთან იდოს-მეთქი ნივთი: ხომ არ შეეკამ, შენახული იქნება, ხმა რამ დავარდება და გამოცხადდება და მეც გამოვაჩენ-მეთქი“. მაგრამ სტყუის, რასაკვირველია, იმიტომ, რომ თვითონ იგირავებს და მონაპარს ინახავს ეს დუშკინი; ამიტომაც იყო, რომ მიკოლასაგან სამ თუმნიანი ნივთი მანეთად დაიგირავა და არა

იმიტომ, რომ გამოეცხადებინა. მაგრამ შეეშინდა. თუმცა ჯანა-  
ბამდის გზა აქვს. ყური დამიგდე, რას ამბობს ღუშკინი: „ამ  
გლესს, მიკოლა დემენტიევს-კი, პატარაობიდანვე ვიცნობ,  
ჩვენი გუბერნიიდან არის, ზარაის მახრიდამა, იმიტომ, რომ  
ჩვენ თითონ რიაზანიდამა ვართო. მიკოლა, მართალია, ლოთი  
არ არის, მაგრამ გადაკვრა კი უყვარს და ვიცოდით ისიცა,  
რომ ისა და მიტრეი სწორედ იმ სახლში მუშაობდნენ, წა-  
მალს უსვამდნენ; მიტრეი და ის კი ორივე ერთი მხრიდან  
იყვნენ. მიიღო თუ არა მანათიანი, დაახურდავა მაშინვე,  
დალია ზედი-ზედ ორი ქიქა არაყი, წაიღო ხურდა და წავი-  
და; მიტრეი მაშინ იმასთან არა ყოფილა. მეორე დღეს გა-  
ვიგე მხოლოდ, რომ ალენა ივანოვნა და იმათი და ელიზა-  
ვეტა ივანოვნა ცულით მოეკლათ, ჩვენ კი ვიცნობდით იმა-  
თა; ეს იყო სწორედ, რომ ექვი შემეპარა საყურეების შესა-  
ხებ; იმიტომ, რომ ვიცოდით, განსვენებულა გირაოთი  
ფულს ასესხებდა. წაველი მაშინვე და ვიკითხე ჩუმათა: მი-  
კოლაი შინ არის, თუ არა მეთქი? მითხრა მაშინ მიტრეიმ,  
მიკოლაი ქეიფობს, დილით მოვიდა გათენებისას მთვრალი,  
ასე ათი წამი იყო შინა და ისევ წავიდაო; ამის შემდეგ მი-  
ტრეისაც აღარ უნახამს, მარტო მუშაობს. სამუშაო კი სწო-  
რეთ ერთ კიბეზე აქვთ, იმ სახლის მეორე სართულში, სა-  
დაც ალენა ივანოვნა მოჰკლეს. გავიგეთ ესა, მაგრამ მაშინ  
არავის-რა ვუთხარიოთ“, — ამბობს ღუშკინი, — „ხოლო რაც  
შეეხება მკვლელობას, ყველაფერი გავიგეთ და ისევე ისე  
ექვით სახლში დავბრუნდით. დღეს კი დილით, რვა საათზე“,  
ე. ი. მესამე დღეს. გესმის? — „ვნახოთ, შემოვიდა მიკოლაი,  
გადაკრულშია, მაგრამ არც ისე იყო, რომ ლაპარაკის გაგება  
არ შესძლებოდა. დაჯდა ტახტზე და არის ჩუმათა. სწორედ  
იმ დროს ღუქანში მარტო ერთი კაცი იყო უცხო, მეორე-  
საც იქვე ეძინა ტახტზე, ნაცნობობითა და ორიც ჩვენი ბიჭი  
იყო. — მიტრეი ნახე-მეთქი? — ვეკითხები, — არაო, არ მინა-  
ხავსო. — აქ არა ყოფილხარ-მეთქი? — მესამე დღეა, არა ვყო-  
ფილვარო. — მერე, დღეს სად გეძინა-მეთქი? — რიყეზედაო.

საყურეები ვინ მოგცა-მეთქი მაშინა?—ქვაფენილზე ვიპოვნეო,—და თან ისე ამბობს ამასა, თითქოს იგონებსო და პირდაპირ არ იყურება.—მერე, არა გაგიგია-რა, იმ ღამესა და იმ დროს სწორედ იმ კიბეზე რა მოხდა-მეთქი?—არა, არა გამიგია-რაო, და თან კი თვალები დააქვიტა და გაფითრდა მთლადა. ველაპარაკები ასე და ვნახოთ, ქუდს ეცა, წასვლა დააპირა. აქ კი მოვინდომე დამეჭირა: მოიცა, მიკოლა, არას დაჰლევ-მეთქი? თან ბიქს თვალი ჩაეუკარ, რომ კარები დაეჭირა და დახლიდან გამოვედი. მაგრამ გამისხლტა უცბად, გავარდა ქუჩაში, მოუხვია შესახვევში და სადღაც გაჰქრა, თვალი ველარ მოგკარი. აქ კი მთლად დაფრწმუნდი და გადავწყვიტე, იმიტომ, რომ ცოდვამ გააქციაო...“

— რასაკვირველია!.. ჩაილაპარაკა ზოსიმოვმა.

— მოიცა! მოიცა, ბოლოს დაუგდე ყური! რასაკვირველია, მაშინვე მიკოლას ძეგნას შეუდგენს; დუშკინი-კი დაიჭირეს და გაჩხრიკეს. მიტრეიც დაიჭირეს. მთელი რიყე გადაჩხრიკეს და მხოლოდ ამ სამის დღის წინად-ღა მოიყვანეს თითონ მიკოლა;—სკის საბაჟოს მახლობლად თურმე დაიჭირეს ბაკებში. მისულა იქა, შეუხსნია ვერცხლის ჯვარი გულიდამა და არაყი მოუთხოვია. მიუციათ. რამდენისამე წამის შემდეგ დედაკაცი ძროხების მოსაწველად შესულა და ჯუჯრუტანიდამ დაუნახნია, რომ მიკოლას ბოძზე სარტყელი ჩამოუბამს და მარყუჟი გაუკეთებია, შემდგარა კუნძზე და თავი თურმე უნდა გაყოს მარყუჟშია. დედაკაცს უცბად უკივლია ამ დროსა და მიცვივნილან: „ეჰე, ჰხედავთ, ვინა ბრძანებულა!“—„ამა და ამ ნაწილში წამიყვანეთ, ყველაფერში დაგნებდებითო“, უთქვამს. და აკი წარმოადგინეს კიდეცა, როგორც რიგი და წესი იყო. გამოიძიეს, ვინა ხარო, საიდამა, რამდენი წლისა? „ოც-და-ორისაო“, და სხ. და სხ. როცა ჰკითხეს: „შენ და მიტრეი რომ მუშაობდით, კიბეზე ხომ არავინ გინახამთ ამა-და-ამ დროსაო?“ უპასუხათ თურმე: „იქნება გაიარა ვინმემ კიდეცა, მაგრამ ვერ შევნიშნეთო“.

— „ყვირილი, ან სხვა რამ ხმაურობა ხომ არ გაგიგიათო?“ —





„არა გაგვიგია-რა მაგისტანაო“. — „მერე, იცოდი შენ, მიკოლამ, რომ სწორედ იმ საღამოსა და იმ დღეს ესა და ეს ქვრივი და იმისი და მოჰკლეს და გაძარცვესო“. — „არც არა ვიცოდი-რა და არც არაფერი. ზირველად ეს ამბავი აფანასი პავლიჩისაგან გავიგე მცსამე დღესა, იმის დუქანშიო“. — „მერე, საყურეები ვინ მოგცაო?“ — „ქვაფენილზე ვიპოვნეო“ — „რატომ მეორე დღეს მიტრეისთან ერთად სამუშაოდ აღარ მიხვედი?“ — იმიტომ, რომ ვქეიფობდიო“ — „სადა ქეიფობდიო?“ — „აქა და აქაო“. — „დუქანისაგან რათ გაიქეო?“ — „იმიტომ, რომ ძალიან შამეშინდაო“. — „რისა შამეშინდაო?“ — „რისა და იმისა, რომ სამართალში მიმცემდნენო“ — „როგორ შეგეშინდა, როცა დანაშაული არაფერში არ იყავიო?...“ გჯერა თუ არა, არ ვიცი, მაგრამ სიტყვა-სიტყვით ასე თურმე ეკითხებოდნენ, იმიტომ, რომ ვიცი ნამდვილათა; ასე გადმომცეს! როგორია, ჰა? როგორა გგონია?

— არა, გასამტყუვნებელი საბუთები კი არის.

— იმას ხომ არ ვამბობ, არ არის-მეთქი; გეუბნები მხოლოდ, კითხვებს როგორ აძლევდნენ, თავისი დანიშნულება როგორ ესმისთ! მაგრამ ეშმაკმა იცის იმათი თავი!.. წურეს საწყალი, წურეს და დაემორჩილა ბოლოს: „ქვაფენილზე კი არა, ბინაზე ვიპოვნე, რომელსაც მე და მიტრეი ვუსვამდით წამალსაო“. — „როგორ იყო, როგორაო?“ — „როგორ იყო და ასე იყო: მე და მიტრეი მთელი დღე იატაკს წამალს ვუსვამდით, რვა საათამდინ და წამოსვლა რომ დავაპირეთ, აიღო მიტრეიმ წამლის წასასმელი და პირზე წამისვა; წამისვა წამალი და გაიქცა; მეც უკან გამოვევიდე. მივდევ ასე უკანა და ვყვირი. კიბილამ რომ ეზოს კარისკენ შევუხვიე, უცბად მეეზოვესა და ვილაც ბატონებს წავაწყდი, მაგრამ რამდენნი იყვნენ, არ მახსოვს; მეეზოვემ შემომიკურთხა; მეორე მეეზოვემაც ლანძღვა დამიწყო, მეეზოვეს ცოლი გამოვიდა, იმანაც გაგვლანძღა; ეზოში ვილაცა კაცი და ქალი შემოდოდნენ, იმანაც შემოგვიკურთხა, იმიტომ, რომ მე და მიტკა გზაში გავიჩხირენით. მიტკას თმაში წავავლე ხელი

და წავაქციე, მუშტით დავუწყე ცემა, მიტკამაც თმაში წამავლო ხელი და მუჯლუგუნები დამაყარა; მაგრამ სიბრაზითა და ჯავრით კი არა ვცემდით ერთმანეთს, სიყვარულითა ვცემდით, ვეხუმრებოდით. გამისხლტა მერე მიტკა და ქუჩაში გავარდა; მეც უკან გამოვეკიდე, მაგრამ ვერ დავეწიე და უკანვე დავბრუნდი მარტოკა ბინაზე, — იმიტომ, რომ მისალაგებელი იყო იქაურობა. შევეკრიბე ყველაფერი და მიტრეის დავუწყე ცდა, იქნება მოვიდეს-მეთქი. ვნახოთ, უცბად დერეფანში, კარებს უკან, კუთხეში, რაღაცა კოლოფს ფეხი დავადგი. ვხედავ, ქაღალდში რაღაცა არის გახვეული. გავშალე ქაღალდი და ვნახოთ, რაღაცა პატარა კავებია; კავები ავხსენი, ვნახო, შიგ კოლოფში საყურეებია“...

— კარებს უკანა? კარებს უკან იდო? კარებს უკანა? — შეჰყვირა უცბად რასკოლნიკოვმა როგორღაც შეშინებულმა და ამღვრეულმა და თან რაზუმინის დაუწყო ყურება, დივანზედ დაყრდნობილმა მძიმ-მძიმედ წამოიწია.

— დიახ... მერე, რაო? რა დაგემართა? შენ რამ შეგაკრთო?

რაზუმინიმაც წამოიწია.

— არასფერი!.. ჩაილაპარაკა ოდნავის ხმით რასკოლნიკოვმა და ისევ ბალიშზე მიესვენა, კედლისაკენ იბრუნა პირი. ერთ ხანად ყველა გაჩუმდა.

— ჩასთვლიმა უთუოდ და ნამძინარემა წამოიძახა, — სთქვა ბოლოს რაზუმინიმა და ზოსიმოვს ჩაკითხვით გადაჰხედა.

ზოსიმოვმა ოდნავ თავი გააქნია უარის ნიშნად.

— განაგრძე, აბა, რა იცი კიდევ, — შეჰნიშნა ზოსიმოვმა.

— რაღა გავაგრძო! დანახა თუ არა საყურეები, იმავ წამს ყველაფერი დაავიწყდა: მიტკაცა და ბინაცა, — ეცა ქუღსა და დუშკინისაკენ გაქანდა; მიიღო იმისაგან, როგორც იცი, მანეთი; მოატყუა, ქვაფენილზე ვიპოვნეო და დაიწყო ქეიფი. რაც შეეხება მკვლელობას, ისევ იმასვე იმეორებს, რაც უწინ უთქვამს: „არა ვიცი-რა, არა გამიგია-რა, მხოლოდ მესამე

დღეს-ღა შევიტყუო. — „მერე, აქამდის რატომ არ გამოცხადდიო?“ — „მეშინოდაო“. — „თავი რაღად უნდა ჩამოგებო-ჩოვო?“ — „დარღისაგანაო.“ — „რა დარღისაგანაო?“ — „იმ დარღისაგან, რომ მიჩივლებდნენო.“ — ეს არის მთელი ისტორია. როგორა გგონია ახლა, რა შეიტყეს და გაიგეს აქედამა?

— რა ფიქრი უნდა აქა, ავად თუ კარგად, კვალისათვის მიუგნიათ. ფაქტი ხელთა აქვთ. მაშ, ხომ არ გაანთავისუფლებდნენ ამ შენს მხატვარსა!

— მერე, მკვლელათ რომ იმასა სთვლიან პირდაპირა! ექვიც-კი აღარა აქვთ.

— სტყუიხარ, ფიცხოვ. ეს საყურეები? დამეთანხმე, რომ, თუ იმავე დღესა და იმავე საათს ბებრუხანას ყუთიღამ საყურეები მიკოლას ამოაჩნდა, საიდანმე უნდა ჩაეგდო ხელთა თუ არა? ეს-კი ძაან დიდი რამ არის გამოძიების ღროსა.

— საიღამმე ჩაეგდო ხელთა! საიღამმე! შეჰყვირა რაზუ-მიხინმა. — მერე, შენ, როგორც ექიმი, რომელსაც ბევრნაი-რი საშუალება გაქვს ხელთ ადამიანის ბუნების შესასწავლად, ნუ-ოუ არ ჰხედავ ყველა ამიღამ, რა ბუნებისაც არის ეს მიკოლაი? ნუ-თუ არ ჰხედავ, რომ, რაც-კი უჩვენა გამოძიებელს, ყველაფერი ეს წმინდა სიმართლე არის? ექვი არ არის, ისე ჩაუფარდა სწორედ ხელში, როგორც უჩვენა. უცაბედად ფეხი დაადგა კოლოფსა და აიღო!

— წმინდა სიმართლე! მერე, პირველად რომ იცრუა და შერე-კი თვითონვე გამოტყდა!

— ყური დამიგდე ყურადღებით, ყური: მეეზოვეც, კოხიცი, პესტრიაკოვიც და მეორე მეეზოვეც, აგრეთვე ცოლი პირველის მეეზოვესი და ის დედაკაციც, რომელიც მეეზოვეს ოთახში თურმე იჯდა იმ ჟამადა, აგრეთვე ნადგორნი სოვეტნიკი კრიუკოვი, რომელიც ის-ის იყო ეტლიღამ თურმე გადმოხტა და მოდიოდა ვიღაცა მანდილოსანთან ერთად ხელი-ხელ გაყრილი, — ყველანი ერთხმად ამტკიცებენ, რომ მიკოლას შიტრეი წაექცია ეზოს შემოსავალს კარებშია და სთეთქვედა თურმე; შიტრეისაც თმებში ეტაცნა ხელი და მუჯლუგუნებით

უხურებდა გვერდებსა. იწინენ თურმე გასაღალს გზაშია და აღარავის უშვებდნენ. გამვლელ-გამომვლელნი თურმე ჰლანძღავენ, აგინებენ, ისინი-კი „პატარა ბავშვებივით“ (ასე ახასიათებენ თვითონ მოწმები) ერთმანერთს აგორავებენ, ჰყვირიან, იცემებიან, სასაცილოდ დათხუპნულები სიცილით იგულებიან და ერთმანერთს ქუჩაში მისდევენ დასაქერადა. გესმის? იგულისხმე მაშ ახლა: მოკლულთა გვამები-კი იქ, ზემოდ, ჯერ ისევ თბილები ყრია, ასე იპოვეს! როგორა გგონია ახლა, მართლა რომ იმათი დახოცილები ყოფილიყვნენ, ან თუნდაც მარტო მიკოლასი და გაეძარცვოთ, ყუთი გაეტეხოთ, მითხარი გეთაყვა: უდგება ასეთი სულიერი განწყობილება, — ე. ი. ყვირილი, სიცილი, ბავშვური ცემა-ტყევა და სირბილი, — ცულსა, სისხლსა, ბოროტს განზრახვასა, სიფრთხილესა და ძარცვასა? ეტყობა, მაშ, ის არის, ათისა თუ ხუთის წამის წინად დაუხოცნიათ, — იმიტამ, რომ მკვლელთა გვამები ჯერ ისევ თბილები იყო, — გაუნებებიათ უცბად თავი მოკლულებისათვისა და ბინისათვისა და ბავშვებივით იქვე, მიწაზედ, დაუწყვიათ ბლაძუნი და მასხარობა, თუმცა იცოდნენ კარგად, რომ ეს არის კაცებმა აიარეს იქითა და ყველაფერს ნახავდნენ და გაიგებდნენ. ამასა ჰმოწმობს ერთხმად ცხრა თუ ათი კაცი!

— რასაკვრელია, უცნაურია! რასაკვრელია, მაგრამ...

— არა, ძმაო, საქმე ეგ მაგრამ კი არა, ის არის, რომ თუ მართლა მიკოლას საყურეები ამოაჩნდა და ეს ამტყუვნებს, — თუმცა ყველაფერს ამას თავისი ახსნაცა აქვს და საკამათოა, — ყურადღება უნდა მიექცეს აგრეთვე მისს გამამართლებელსა და უტყუარს საბუთებსაცა. მერე, როგორა გგონია, ჩვენის მართლმსაჯულების ხასიათი რომ ვიცოთ, მიაქცევენ ყურადღებას ასეთს ფაქტს, როგორიც არის, მაგალითად, ფსიხოლოგიური ახსნა და შეუძლებლობა დანაშაულობისა აღნიშნულს გარემოებებში, ე. ი. მათი სულიერი განწყობილება, თუ უმთავრესად ნივთიერად გამამტყუვნებელს საბუთებს მიაქცევენ ყურადღებასა? რასაკვრელია, არ მიიღე-

ბენ პირველს და მთლიანად დაემყარებინა მეორეს; იმართებოდა, რომ კოლოფი უპოვეს და მეორეც, თავის ჩამოხრჩობა უნდოდა, „რასაც, ექვი არ არის, არ იზამდა, თუ ბრალი და დანაშაული არა ჰქონოდაო!“ აი, რა არის უმთავრესი საკითხი და რისთვისა ვცხარობ! გაიგე?

— დიახ, მეც ვხედავ, რომა ცხარობ. მაგრამ მოიცა, დამავიწყდა, მეკითხა: რითი დამტკიცდა, რომ კოლოფი და საყურეები სწორედ ბებრუხანას ყუთიდან იყო წამოღებული?

— ეგ-კი დამტკიცებულია, — უპასუხა დაღვრემით რაზუმინინმა. — კოხმა იცნო და დამგირავებელიც დაასახელა, რომელმაც დაამტკიცა ნამდვილათა, რომ ნივთი მართლაც იმისი იყო.

— ეგ ცუდი არის. მაგრამ ერთი კიდევა: არავის უნახავს მიკოლა იმ დროს სწორედ, კოხი და პესტრიაკოვი რომ ზევით იყვნენ და, თუ უნახავთ, არ შეიძლება დამტკიცდეს რითიმე ესა?

— საქმეც ეგ არის, რომ არავის უნახავს, — უპასუხა გულნაკლულად რაზუმინინმა, — ცუდიც ეგ არის. კოხსა და პესტრიაკოვსაც-კი არ დაუნახავთ, ზემოდ რომ აიარეს, თუმცა იმათს მოწმობას ახლა არც ისე დიდი მნიშვნელობა აქვს. „დავინახეთო, ამბობენ, რომ ბინა ღია იყო, რომ შიგ უთუოდ მუშაობდა ვინმე, მაგრამ ყურადღება არ მივაქციეთ და არ გვახსოვს კარგად, იყვნენ იქ იმ ქამად მუშები, თუ არაო.“

— ჰმ!.. სჩანს, მაშ, მაგ ერთმანერთის ჟებვისა და ხარხარის მეტი სხვა გასამართლებელი არა აქვთ-რა. მართალია, თავისს-თავად ეგაც დიდი საბუთი არის, მაგრამ... ნება მომეცი, გკითხო: თვითონ შენ როგორა ჰხსნი საქმესა? რითი ჰხსნი ამ საყურეების პოვნასა, თუ-კი მართლა ნამდვილს ამბობს, რომ იპოვნა?

— რითი ვხსნი? ასახსნელი არც-კი რამეა: აშკარა საქმეა! გზა მაინც, რომლითაც საქმე გამოირკვევა და დამტკიცდება, აშკარაა, კოლოფმა დაამტკიცა. კოლოფი დაჰკარგვია ნამდვილს მკვლელსა. მკვლელი ყოფილა მაღლა, კოხსა და

პესტრიაკოვს რომ უბრაგუნებიათ; მაგრამ კოხს სისულელე ჩაუდენია და ქვევით წამოსულა. უსარგებლნია ამ დროს მკვლელსა და თვითონაც ქვევით დაშვებულა; იმიტომ, რომ მეტი გზა არცა ჰქონდა. კიბეზედ ცალიერს ბინაში დაჰმალვია კოხსა, პესტრიაკოვსა და მეფხოვესა, ეს სწორედ იმ დროს, მიტრეი და მიკოლა რომ გამოაცვივდნენ, და მერე, ფეხის ხმა რომ მიწყნარებულა, გამოვარდნილა კარებს უკანიდამა და შვიდობიანად ჩამოუვლია კიბე, იმ დროს სწორედ, მიტრეი და მიკოლა რომ ქუჩაში გაცვივდნენ და ეზოს კარებში სულ აღარავინ იყო იქნება დაინახა კიდევ ვინმემ, მაგრამ ყურადღება არ მიაქცია: გამვლელ-გამომვლელი ცოტაა, განა? კოლოფი-კი ჯიბიდან ამოჰვარდა იმ დროს სწორედ, კარებს უკან რომ იყო დამალული და ვერა შეჰნიშნა-რა; იმიტომ, რომ იმისთვის არა სცხელოდა. კოლოფივე ამტკიცებს ნამდვილად, რომ იქა ყოფილა მკვლელი დამალული. აი, რაშია საქმე!

— ეშმაკობაა დიდი! არა, ძმაო, დიდი ეშმაკობაა! ყველაზედ საოცარი, აბა, თუ გინდა, ეს არის!

— რათაო მერე, რათა?

— იმიტომ, რომ ყველაფერმა ასე როგორღაც მშვიდობიანად ჩაუარა... თითქოს თეატრში ყოფილიყოს მოქმედებაო.

— ე-ეჰ! შეჰყვირა რაზუმინინმა, მაგრამ ამ დროს სწორედ კარი გაიღო და ოთახში ვილაცა სრულიად უცნობმა აღადიანმა შემოჰყო თავი.

ან-ანა.

(გაგრძელება იქნება)

## საქართველოს ეკლესია და მისი დასაწყისი

(ივერეთის ეპისკოპოსს ლეონიდს უძღვნის ავტორი).

### I

#### ისტორიული გადმოცემები

დოკუმენტურად დღევანდელი მოქანცული ქრისტიანობა სიამოვნებით ამოისუნთქა, როდესაც რომის იმპერიის დასავლეთის ერთ-ერთ ტახტზე ქრისტიანთა მწყობრელი და გულით ქრისტიანი კონსტანტინედიდი ავიდა (306 წ.). კონსტანტინეს გამეფება ახალი ხანის მომასწავებელი იყო არა მარტო რომის ქრისტიანთა მდგომარეობაში, არამედ მთელ კაცობრიობის ცხოვრებაშიაც. ქრისტიანთა დახმარებით მილვიის ხილთან მაქსენტიზე გამარჯვებამ (312 წელს) კონსტანტინეს ნახევარი იმპერია მოუბოვა და მისი გული კიდევ უფრო გადახარა ქრისტიანობისაკენ. ამას შედეგად მოჰყვა მილანის ედიქტი (313), რომელმაც ქრისტიანობა უფლების მხრივ ძველ წარმართულ სარწმუნოებას გაუთანასწორა და ქრისტიანობრივს ღვთის-მსახურებას თავისუფლება მიანიჭა. მალე ბაზილიკები ეკლესიებად იქცა და კონსტანტინემ არ დააყოვნა ქრისტიანთა სამღვდლოებისათვის ყველა ის უპირატესობანი მიენიჭებია, რომლებითაც წარმართთა ქურუმები სარგებლობდნენ.<sup>1)</sup>

1) შეადარე *Дж. Рабертсонъ. Исторія христіанской церкви. Спб. 1890 г. т. I, стр. 139—140; 167—170.*—*Lebeau: Histoire du Bas—Empire. Nouv. edit. t. I, p. 122—123.*

ეს იყო რომის იმპერიის დასავლეთში.

აღმოსავლეთში კი ამ დროს ჯერ ისევ ლიკინი მბრძანებლობდა და მფარველობდა წარმართობას. კონსტანტინემ ამისკენაც გამოილაშქრა. ადრიანოპოლის ომი (323 წ.) ერთი იმ ისტორიულ წუთთაგანია, რომელიც კაცობრიულ საზოგადოებათა ბედ-იღბალს გადასწყვეტს ხოლმე. ეს ბრძოლა ქეშმარიტათ ორი სარწმუნოებისა და ორ სხვა და სხვა საზოგადოების ბრძოლა იყო—წარსულისა და მომავლის. გაიმარჯვა კონსტანტინემ და მასთან ერთად ჯვარმაც გაიმარჯვა: ქრისტიანობა სახელმწიფოებრივი სარწმუნოება შეიქმნა.<sup>2)</sup>—ამავე დროს სავალდებულო სარწმუნოებად გამოაცხადეს ქრისტიანობა სომხის ერშიაც, თრდატ მე-III-ის მეფობაში, 318 წლის მახლობლათ.<sup>3)</sup>

ასეთი იყო ქრისტიანობის გარეგანი მდგომარეობა მე-IV საუკუნის პირველ მეოთხედში ორი ჩვენი მეზობელი სახელმწიფოს, რომისა და სომხეთის, მკვიდრთა შორის. საჭიროდ არ მიგვაჩნია აქ იმ საანბანო ქეშმარიტების დამტკიცებას გამოვუდგეთ, რომ როგორც იმპერატორი კონსტანტინე, ისე თრდატ მე-III-იც თვის ქვეშევრდამებში ქრისტეს მოძღვრების პირველი შემტანნი კი არ ყოფილან, არამედ მხოლოდ გამომხატველნი, ხელის-შემწყობნი და დამაკანონებელნი იყვნენ იმ ისტორიული ფაქტისა, რომელსაც ქრისტიანობის გამარჯვება და წარმართობის დამარცხება ეწოდება. დღეს ყველამ ვიცით, რომ როგორც რომის იმპერიაში ქრისტიანობამ პირველი საუკუნიდანვე მოიკიდა ფეხი და მესამე საუკუნეში თვით უძღვეველ მეფეთა და მმართველთა დევნულობასაც კი ბრწყინვალეთ გაუმკლავდა, — აგრეთვე ქრისტიანობის პირველ კერიის—პალესტინის მახლობლათ მდებარე სომხეთშიაც ქრისტეს მოძღვრებამ პირველი სამი საუკუნის განმავლობაში უკ-

<sup>2)</sup> *Дж. Рабертсонъ*. loc. cit. стр. 171—173.—*Lebeau*, loc. cit. p. 210—220.

<sup>3)</sup> *Ал. Аннинский*: История Армянской Церкви. Кишиневъ. 1900 г., стр. 11.



ვე საკმაოდ ძლიერი ნაბიჯი წარსდგა და მიმდევარი ათასობით და ათი-ათასობით გაიჩინა. 4) — გვაქვს საბუთები ვიფიქროთ, რომ მსგავსსავე ანუ დაახლოებით მაინც მსგავსსავე მდგომარეობაში უნდა ყოფილიყო ქრისტეს მოძღვრების შეთვისებისა და გავრცელების საქმე პირველი სამი საუკუნის განმავლობაში ქართველი ტომის ხალხთა შორისაც; განსაკუთრებით კი იმ ქართველთა შორის, რომელნიც სომხეთსა და რომის იმპერიას უახლოვდებოდნენ, მათთან ჰქონდათ ხშირი მისვლა-მოსვლა, ასეთი თუ ისეთი პოლიტიკური და საღებმიცემო ურთიერთობა და სხვა. ჩვენ ვამბობთ ეგრეთ წოდებულ „მოსხებზე“ ანუ მესხებზე და დასავლეთის საქართველოზე, რომელსაც ძველათ ბერძნები კოლხიდას უწოდებდნენ, მე-V-VI საუკუნეში ლაზიკა დაარქვეს და დღეს-კი ლიხთ-იმერეთს ვეძახით. ეს ორი მხარე, იმავე დროს, საკმაოდ დაშორებული იყო გეოგრაფიულად მთელი საქართველოს პოლიტიკურ და სარწმუნოებრივ ცენტრზე, მცხეთაზე, და, მაშასადამე, სარწმუნოების მხრივაც მისი ძლიერი გავლენის გარეშე იმყოფებოდა. მხედველობაში მისაღებიან ის გარემოებაც, რომ თვით წარმართული სარწმუნოება, რომელიც იმ დროს საქართველოში ოფიციალურ კულტად ითვლებოდა, ისეთს არას წარმოადგენდა, რომ ხალხის შეგნებულ ნაწილს მისთვის თავი გამოეღვა და გულწრფელად გამოქომაგებოდა. ისტორიამ ქართველ ერს ისეთი ტერიტორია არგუნა საცხოვრებლად, რომ

4) შედარე: *Исторія Арменіи Мойсея Хоренскаго. Новый переводъ Эмина. Москва. 1893 г. стр. 82—83.* — *Stéphan. Orbé- lian, Hist. de la Siounie. ch. IV.* უკანასკნელი ციტატა ბ-ნ ა. ანნინსკის თხზულებიდან მოგვაქვს (*Ист. Арм. Церкви, стр. 6, примѣча- ніе*). მართალია, თვით ანნინსკი სტეფანოზის მოწმობას უსაფიქვლოს ეძახის, მაგრამ ჩვენ შეგვიძლია ამ შემთხვევაში მის სასტიკს მსჯავრს არ დავეთანხმეთ: ის გარემოება, რომ სომხები შემდეგში მართლმადიდებლობითს ეკლესიას ჩამოშორდნენ, ნებას არ გვაძლევს და არც გვავალებს მაინც და მაინც სომეხთა ეკლესიის მოციქულებრივი ჩამოშავლობა უარვპყვით, სწორეთ ისე, როგორც სომეხთა ეკლესიის მოციქულებრივი ჩამოშავლობა სრულებით არ ამტკიცებს მისს დღევანდელს მართლმადიდებლობას.

არ დარჩენილა თითქმის არც ერთი დიდებული სახელმწიფო აზიისა და ევროპისა, რომელსაც პოლიტიკურად თუ სარწმუნოებრივად რაიმე კვალი არ დაეტოვებინოს ქართველი ერის ცხოვრებაში და ცნობიერებაში. სემიტების გავლენას უკან მოჰყვა სპარსეთის ბატონობა; სპარსეთის გავლენას ზედ დაერთო ბერძენ-რომაელთა ზედმოქმედება და სხვ. პირველმა საქართველოს შესძინა **გაჯა** და **გაიმა**, მეორემ **არმაზი** (Ahura-Mazda), ხოლო მესამემ — ნიადაგი მოუმზადა ახალი სარწმუნოების შეთვისებას, — ყველამ კი ძირი გამოუთხარა ძველს ადგილობრივს კულტს და იმდენად გადაახალისა იგი, რომ თვით ჩვენს მემკვიდრეებსაც ველარ გაურჩევიათ, თუ რომელია აქ დასახლებულ ღმერთებში წმინდა-ქართულ-ნაციონალური და რომელია ნასესხები.<sup>5)</sup> ადვილი მისახვედრია, რომ ამ გვარს გარემოებაში ხალხის უმრავლესობა ძველ სარწმუნოებაზე გულს ველარ დაიყარებდა და ექვის თვალით დაუწყებდა ცქერას როგორც ამ სარწმუნოებას, აგრეთვე ყველა იმ წარმართულ კულტებს, რომელნიც ისე გულმოდგინეთ სცდილობდენ ერთმანეთის შესუსტებას და დამარცხებას. ცხადია, მე-II-III საუკუნის ქართველთა მოწინავე ნაწილს წარმართობა ველარ დააკმაყოფილებდა და ადრე თუ გვიან იძულებული გახდებოდა სხვა უკეთესი სარწმუნოებისათვის დაეთმო ადგილი. ამიტომ, თუ მართალია ბიზანტიელ მწერალთა მიერ შენახული გარდამოცემა, რომ ანდრია პირველწოდებულმა ქრისტიანობა რიონის (ფიზისის) ნაპირებზე და აფხაზეთში იქადაგაო, ხოლო მისმა ძმამ, პეტრე მოციქულმა, ჩვენს მოსამზღვრე და ქართველთა ტომით დასახლებულ **ზონტშა** და **კაშადაკაშა**,<sup>6)</sup>

5) უფრო ვრცლათ ამ საგნის შესახებ იხ. ილ. ფერაძის: „საქართველოს საეკლესიო ისტორია“ (=„მოგზაური“ 1902 წ. № VII—VIII და XI—XII). შეად. *Н. Марр*. Боги яз. Грузии по др.-груз. источникамъ. Спб. 1901 г.

6) პეტრე მოციქულის ქადაგებას მოიხსენებს **ორიგენი** (100—258 წ.); ხოლო ანდრიას ქადაგებას კოლხიდაში და აფხაზეთში **წმ. დოროთეოს ტი-**

თუ ისტორიულ ფაქტად მისამჩნევია ის ამბავი, რომ იმპერატორის ტრაიანის მიერ შავიზღვის ჩრდილო ნაპირებზე განდევნილ რომის მღვდელმთავარს კლემენტოსს († 100 წ.), წმ. ირინეს მოწმობით (130—202 წ.), დიდი გავლენა ჰქონდა კოლხიდელებზე, —<sup>7)</sup> თუ რწმენის ღირსია ის ისტორიული ცნობა, რომ პონტის ეპისკოპოსი პალმი და მისი შვილი, მწვალებელი მარკიონი (მე-II საუკ. დასაწყისში), კოლხიდის

რელი ეპისკოპოსი (307—322 წ.), ეპიფანე კვიპრელი ეპისკოპოსი († 403 წ.), იერონიმეს მეგობარი სოფრონი († 390 წ.), ნიკიტა პაფლაგანელი († 873 წ.), ეკუმენი (მე-X საუკუნ.) და სხვანი. ვრცელი გამოკლევა ამ საგნის შესახებ იხ. *Архим. Макария, История христианства въ Россіи до равноапостольнаго князя Владиміра*. Спб. 1846 г. стр. 9—19. აქ ნაჩვენებია ყველა ის ადგილები, სადაც კი ანდრია მოციქულის ქადაგებაზე ლაპარაკი. — ამ ხუთიოდე წლის წინად ზ. ივ. ჯგავნიშვილმა კრიტიკულად გააარჩია ზემოდ დასახელებული თქმულება ანდრია მოციქულის ქადაგების შესახებ (იხ. „მოამბე“ 1900 წ. IV, გვ. 35—50), მაგრამ ყველა ზემორე ჩამოთვლილ ბიზანტიელ მწერლებში იგი მხოლოდ ორიგენისა და ნიკიტა პაფლაგანელის მოწმობას შეეხებოდა, დანარჩენებზე კი (მაგალ. სოფრონიზე, ეკუმენზე) ან სრულებით არა სთქვარა, ან ძლიერ ბუნდეთ და გაკვრით მოიხსენია (მაგალ. დოროთეოზი და ეპიფანე კვიპრელი). ამითი უნდა აიხსნებოდეს, ალბათ, ნაქაჩარები დასკვნა, რომელსაც მისი წერილის ბოლოს ვკითხულობთ ანდრია მოციქულის საქართველოში ქადაგების წინააღმდეგ. იმედია, მკვლევარი დაგვეთანხმება, რომ იმ მტკიცე გარდამოცემის დასარღვევად, რომელსაც ბიზანტია თითქმის ყოველ საუკუნეში იმეორებდა წერილობით, საკმაო არ არის ის ფაქტები და მოსაზრებანი, რომელნიც მას თავის წერილში აქვს მოტანილი. პონტის ნაპირებზე მდებარე ქვეყნებში ანდრია მოციქულის ქადაგება, მეცნიერულის მხრით, სარწმუნოდ მიაჩნია ცნობილ რუს-ისტორიკოსს, აწ გარდაცვალებულს, პროფესორს ი. შლიშევსკის. ნახ. მისი: „Сказаніе о посѣщ. русск. страны св. Ап. Андреемъ“ въ „Тр. К. Дух. Акад.“ за 1888 г. іюнь, стр. 300—350, განსაკუთრებით სამი უკანასკნელი გვერდი.

7) *М. Сабининъ: История Груз. Церкви до конца VI-го вѣка*. Спб. 1877 г. стр. 21. შეად. *Пл. Йоселиани: Краткая История Грузинск. Церкви*. Спб. 1843 г. стр. 8, примѣчаніе 11-ое. შეად., აგრეთვე, ი. შლიშევსკი, loc. cit., стр. 349, примѣчаніе 1-ое.

მკვიდრნი იყვენ ჩამომავლობით, —<sup>8)</sup> უკანასკნელ, უკეთუ არა უგულვებელ-საყოფელია ის ფაქტიც, რომ ქართველი ხალხის მიერ თითქმის იმ თავითვე ეროვნულ წმინდანად აღსარებულმა კაბადოკიელმა ქრისტეს მხედარმა, წმ. გიორგიმ, სწორეთ მე-IV საუკუნის იმ პირველ მეოთხედში მიიღო წამება (+ 305 წ.), რომელსაც მირიანის მოქცევა ეკუთვნის, — ვგონებთ, სრულიად საბუთიანად უნდა ჩაითვალოს ის ისტორიული ჰიპოტეზა, რომ ქრისტეს სარწმუნოებას, მე-III საუკუნის დამლევს და მე-IV-ის დამდეგს, ქართველთა შორის მარტო შორიდან მცნობელნი კი არა, მიმდევარნიც საკმაოდ უნდა ჰყოლებოდა, განსაკუთრებით დასავლეთ საქართველოში, ანუ კოლხიდაში, და მესხეთში. უამისოდ ჩვენ ვერ გავგიგია ჩვენთა მემკვიდრეთა სიჩუმე იმის შესახებ, თუ რა იყო მიზეზი, რომ წმ. ნინომ ქრისტიანობა თითქმის მთელს აღმოსავლეთის საქართველოს უქადაგა,<sup>9)</sup> ხოლო მესხეთ-კლარჯეთისა და მთელი დასავლეთის საქართველოს მოქცევის შესახებ კი უბრალო ანდერძიც არავისთვის დაუტოვებია. უეჭველია, მაშინ იქ მოსაქცევი ბევრი აღარავინ იქნებოდა და, მაშასადამე პირველდაწყებითი ქადაგებაც ზედმეტი უნდა ყოფილიყო. ეს მით უმეტეს საფიქრებელია, რომ იგივე „ქართლის ცხოვრება“, სადაც ეს ამბავი სხვა წყაროებზე უფრო ვრცლად არის მოთხრობილი,<sup>10)</sup> გადაქრით ამბობს, რომ მირიანი ჰფლობდა არა მარტო აღმოსავლეთის საქართველოს, არამედ დასავლეთ-

8) *Архим. Макарий*, Исторія хр. въ Россіи до кн. Влади-  
 міра. Спб. 1846 г. стр. 122 примѣч. 282-ое; *М. Сабининъ* loc.  
 cit. стр. 21—22, სადაც მოტანილია ტერტულიანის მოწმობა, რომელიც  
 ამ საგანს შეეხება; შეად. *Пл. Йоселиани*, loc cit. стр. 8.

9) შეად. „მოქცევაჲ ქართლისაჲ“ (თ. ჟორდანი, „ქრონიკები“ I,  
 33. 32—33. 37—39). — რომ წმ. ნინოს მოღვაწეობა უმთავრესათ  
 აღმოსავლეთის საქართველოში გამოიხატა, ამას სომხის წყაროებიც სავე-  
 ბით ეთანხმებიან. შეად., მაგალ., *Исторія Арменіи Моисея Хорене-  
 каго*, нов. пер. Эмина. Москва. 1893 г. стр. 133.

10) შეად. „ქართლ.-ცხოვრება“, გამოც. ზაქ. ჭიჭინაძისა. ნაწ I.  
 33. 134—135.

თისასაცო: „მეფობდა მირიან ქართლს, რანს, ჰერეთს და მოვაკანს, და აქვნდა ეგრისიგა ეგრის წელამდე“<sup>11)</sup>. საყურადღებოა, აგრეთვე, ის ცნობაც, რომ საბერძნეთიდან გზად მომავალნი მირიანის მოციქულები ერუშეთში ტაძრის ასაგებლათ ხუროებს სტოვებენ, თვით ადგილობრივ მკვიდრთა მოქცევასე კა ერთი სიტყვაც არაა ნათქვამი; სჩანს, ქრისტიანობა იქ უკვე გავრცელებული ყოფილა.<sup>12)</sup> ამასვე უნდა ამტკიცებდეს, ჩვენი ფიქრით, „ქართლის ცხოვრებისა“ და ბიზანტიელ მწერალთა სიჩუმეც მე-IV-<sup>o</sup> საუკუნეში დასავლეთის საქართველოს ანუ ლაზიკის მკვიდრთა მოქცევის შესახებ. ყველა ამ წყაროებში, თუმცა ლაზიკაზე ლაპარაკი არის, მაგრამ ქრისტიანობა ყველგან ნაგულისხმებია, როგორც უკვე არსებული სარწმუნოება, და მის პირველ დაწყებაზე კრინტიც არაა დაძრული. „ქართლის ცხოვრების“ თქმით, მირიანის მემკვიდრეები, ბაქან და მანდატ, ქრისტიანობას ავრცელებენ ან „გაგვასიანთა“ შორის, ე. ი. მთის მცხოვრებლებში, ან ტანში,<sup>13)</sup> ხოლო ერუშეთსა და კლარჯეთში მათი მოქმედება მარტო-ოდენ ეკლესიების გამშვენება-ადშენებაშია და მღვდლების „დადგინებაში“ გამოიხატა; მოქცევით კი მათ იქ არავინ მოუქცევიათ.<sup>14)</sup> მხოლოდ მე-VI საუკუნის ბიზანტიელი მწერალი პროკოპი მოგვითხრობს იმპერატორ იუსტინიანეს მიერ (527—565 წ.) აფხაზთა შორის ქრისტიანობის განმტკიცებას;<sup>15)</sup> მაგრამ, როგორც ვიცით, აფხაზეთი იმ დროს ბერძენთა სამფლობელო იყო და არა ნაწილი ლაზიკისა, რომლის ქართველი ტომის მკვიდრნი, თვით ბერძნულისავე წყაროების მოწმობით, არა თუ მე-VI საუკუნეში, არამედ მე-V-შიაც უკვე მტკიცე ქრისტიანებად ირიცხებოდნენ და მამა-

11) იქვე, გვ. 85.

12) იქვე, გვ. 126.

13) იქვე, გვ. 139.

14) იქვე, გვ. 140.

15) შვად. *Архим. Макария*, loc. cit. стр. 155, примѣчаніе.

პაპათაგან ნაანდერძევს ქრისტეს სარწმუნოებას გასაოცარის მამაცობით იცავდენ.<sup>16)</sup>

ამ რიგათ, ორ მეზობელ სახელმწიფოში — რომში და სომხეთში — ჯერის ძლევა-მოსილი ძლიერება, ხოლო შინ, საკუთარ ქვეშევრდომთა შორის, საკმაო რიცხვი ახალი მოძღვრების მიმდევართა, — ასეთი იყო ისტორიული გარემოებანი, რომლებშიაც მეფე მირიანს წილად ჰხვდა მბრძანებლობა და მართვა-გამგეობა საქართველოსი. მაგრამ იყო კიდევ ერთი გარემოება, რომელიც ქართულ წყაროებში არ არის ჩართული, თუმცა მსოფლიო ისტორიაში კი მოხსენებულია. ჩვენ ვგულისხმობთ, სპარსეთის შაჰის ნარსესა და რომის იმპერატორთა დიოკლეთიანეს და გალერის შორის მომხდარს ხელშეკრულობას (298 წელს), რომლის ძალითაც „ივერიის მეფენი ვალდებულნი გახდენ თვისი სამეფო უფლების ნიშნები (τα σμύβλα) რომაელებისაგან მიეღოთ“. პროფესორის ვ. ვ. ბოლოტოვის სიტყვით, ეს წესი 363 წლის ხელშეკრულობითაც არ გაუქმებულა.<sup>17)</sup> ცხადია, იმ დროს, რომელსაც ქართველთა მოქცევა ეკუთვნის, საქართველო რომის სავასსალო ყოფილა. ამიტომ, მას შემდეგ, რაც კონსტანტი-

16) ამის შესახებ იხ. Dubois, Voyage autour du Caucase t. II. ამ თხზულებიდან ამოკრებილი ადგილები ნახ. „ისტორიული ნარკვევი“ აღ. ტყეშელაშვილი. ტფილისი. 1890 წ. გვ. 334, 335 და სხვ.

17) В. В. Болотовъ: Отзывъ о сочиненіи ст. Георгія Гамрекелова, въ „Христ. Читеніи“ за 1898 г., апрѣль: „Журналы Совѣта Академіи“, стр. 258.—შეადარე თავ. ს. ბარათაშვილის „საქართველოს ისტორია“, რვეული I. ქუთაისი. 1895 წ. გვ. 158, სადაც აღნიშნულია გიბზონის აზრი ამავე საგნის შესახებ. ბიზანტიელ მწერალთა შორის აღნიშნულ ფაქტს იხსენიებს იუსტინიანე I იმპერატორის თანამედროვე (527—565 წ.) ისტორიკოსი ჰეტრე მაგისტროსი. ნახ. Византийскіе историки, перев. съ Греческ. Спир. Дестунисомъ. Сиб. 1860 г., стр. 303—304; აქ ამ ფაქტის თარიღად 297 წელია ნაჩვენები, თუმცა შეცდომით, რადგან იქვე ნათქვამია, რომ ეს მოხდა დიოკლეთიანეს მეფობის მე-14 წელსა, ხოლო ეს წელი უდრის 284+14=298 და არა 297 წ.

ნემ ქრისტიანობა ნება-დართულ სარწმუნოებად აღიარა და ჯვარის სახელით ორი თვისი უუძლიერესი მეტოქე დაამხო (312—323 წ.),—მას შემდეგ, რაც რომის იმპერატორის ვასალმა სომხეთის მეფემ, თრდატ მე-III-ემ, უარპყო მამა-პაპური წარმართული სარწმუნოება და წმ. გრიგოლ პართელის აღფრთოვანებულ ქადაგების მიმდევარი შეიქნა,—ქართველთა მეფეს, რომელიც, აგრეთვე, რომის ვასალად ითვლებოდა, განა შეეძლო მისი დროის ზოგადს მიმდინარეობას არ დამორჩილებოდა, თვისი ერის საუკეთესო ნაწილის მისწრაფებათა და სარწმუნოებრივ მოთხოვნილებათათვის იმ დროის შესაფერი პასუხი არ გაეცა და სასტიკს ისტორიულს აუცილებლობას არ გასწორებოდა? განა შეეძლო ქრისტიანობა სასურველ, საკირო და სავალდებულო სარწმუნოებად არ აღეარებია?..

ერთი სიტყვით, ახალი სარწმუნოების მისაღებად როგორც თვით ქართველ ერში, ისე მისი უმაღლესი გამგის გულში ნიადაგი უკვე მზად იყო: საკირო იყო მხოლოდ ნაპერწკალი, რომ სარწმუნოებრივი განახლების დაფარულ ცეცხლს ერთბაშათაღი აეარდნოდა და ურწმუნოთა გულნიც მსგავსისავე ცეცხლით გაეთბო და გაემსქვალა. და, აი, სწორეთ ამგვარ ნაპერწკლად მოევლინა ჩვენს ქვეყანას წმ. მოციქულთა სწორი, ქართველთა განმანათლებელი, ქალწული ნინო.

## II

### წმ. ნინო და მარანს მკეფი.

ვინ იყო ქართველთა განმანათლებელი და როგორი იყო მისი ჩამომავლობა?

„მეოთხე საუკუნის დამდეგს საქართველოში ქრისტიანობა იქადაგა ტყვემ; ქართველი მატრიანები მას ნინოს უძახიან,

სომხური ნუნეს. იმის ჩამომავლობისა და გვარტომობის შესახებ არა ვიცით-რა“<sup>18)</sup>.

ასეთია სასტიკი, მაგრამ საკმაოდ დასაბუთებული დასკვნა ბიზანტიურ, ქართულ და სომხურ წყაროთა კრიტიკულ-შედარებითი შესწავლისა ქართველთა განმანათლებელის ვინაობისა და ჩამომავლობის შესახებ. თვით უუძველესი პირველ-წყარო ჩვენის მატინისა, რომელსაც ჩვენამდე მოუწევია, სახელდობრ ქრონიკა „მოქცევაჲ ქართლისაჲ“ ნინოს ჩამომავლობის შესახებ არას ამბობს და, ბიზანტიელ მწერლების თანახმად, ისიც მას „ტყვეს“ ეძახის.<sup>19)</sup> მეოთხე საუკუნის ბიზანტიელმა მწერალმა რუფინმა (340—420 წ.), რომელსაც ქართველთა მოქცევის ამბავი ქართველი მეფის „ბაკურისაგან“ ჰქონია გაგონილი, წმ. მოციქულთა სწორის შესახებ მხოლოდ ის იცის, რომ იგი „ვინმე ტყვე-ქალა“ იყო.<sup>20)</sup>

რაც შეეხება „ქართლის მოქცევისა“ და მოსე ქორენელის თქმულებას, რომელიც წმ. ნინოს რიტსიმიანთა მეგობრად სთვლის და საბერძნეთიდან მათ სიელტოლას მოგვითხრობს,<sup>21)</sup> ეს თქმულება, როგორც სამართლიანათ ჰფიქრობს ბ.ნი ივ. ჯავახიშვილი,<sup>22)</sup> რუფინისა და ბაკურის შემდეგ უნდა იყოს მიმატებული, რადგან ამ თქმულებასთან მკიდროთ შეკავშირე-

18) ივ. ჯავახიშვილი. „ანდრია მოციქ. და წმ. ნინოს მოღვაწეობა საქართველოში“ (ნახ. „მოამბე“ 1900 წ. VI, გვ. 33).

19) თ. ჟორდანი: „ქრონიკები“ I, გვ. 28: „ტყვე ერთი დედაკაცი უშენიერი, სახელით ნინო“.

20) „Per idem tempus etiam Jberorum gens, quae sub axe Pontico jacet, verbi Dei foedera et fidem futuri successerat regni. Sed huius tanti boni praestitit causam mulier quaedam captiva...“ ნახ. *А. Хахановъ* Источники по введению христианства въ Грузію. Москва. 1893 г. стр. 4.—რუფინის ნათქვამს იმეორებენ მე-IV—V საუკუნის ისტორიკოსნი: სოკრატე, სოზომენი და თეოდორიკე. ნახ. იქვე გვ. 6. 8. 10.

21) ნახ. „ქრონიკები“ I, გვ. 28. შეად. *Исторія Арменіи Моисея Хоренскаго*, нов. пер. Эмина. 1893 г. стр. 132.

22) ნახ. „მოამბე“ 1900 წ. VI, გვ. 33—34.



ბულია იმავე მოსე ქორენელის თქმულება წმ. გრიგოლ განმანათლებელთან ქართველ მოციქულების გაგზავნის შესახებ,<sup>23)</sup> ხოლო ამ უკანასკნელი ამბისა რუფინმა და მისმა მეგობარმა ივერთა მეფემ ბაკურმა არა იციან რა, თუმცა, როგორც ქართველთა მოქცევის თანამედროვეთ, მათ უფრო კარგათ უნდა ცოდნოდათ ეს ამბავი;<sup>24)</sup> მაგრამ იგინი გადაჭრით ამბობენ, რომ ქართველთა მეფემ მოციქულები სამღვდელოების მოსაყვანად კონსტანტინე იმპერატორთან გაგზავნა,<sup>25)</sup> რასაც საესებით ეთანხმება იმავე „ქართლის მოქცევისა“ და „ქართლის ცხოვრების“ თქმულებანიც.<sup>26)</sup> არც ის შეგვიძლია ვიფიქროთ, ვითომც მეფე ბაკურს განგებ გადაემახინჯებიოს სომხეთში ქართველ მოციქულთა გაგზავნის ამბავი და ისე მოეთხროს რუფინისთვის, რადგან ამგვარი გადამხინჯების მიზეზი სომეხთადმი ნაციონალურ-სარწმუნოებრივი უკმაყოფილება უნდა ყოფილიყო, ხოლო, როგორც ვიცით, ამნაირი უკმაყოფილება ქართველთა და სომეხთა შორის მე-IV მსოფლიო კრების (451 წ.) ადრე არ

<sup>23)</sup> История Армении М. Хоренского. стр. 132. შეად. Хаханова loc. cit. стр. 13.

<sup>24)</sup> ჩვენ, რასაკვირველია, ვეთანხმებით, რომ მოსე ქორენელი († 489 წ.) თითქმის თანამედროვე იყო რუფინისა, მაგრამ როცა ამ უკანასკნელის მოწმობას უფრო მაღლა ვაყენებთ, სახეში გვაქვს ალფრედ ფონ-გუცშიდისა და ფრანგ არმენისტის კარიერის გამოკვლევანი, რომელთა აზრითაც დღემდე მოსე ქორენელის სახელით ცნობილი „ისტორია სომხეთისა“ ამ მწერალს არ ეკუთვნის, არამედ სრულიად სხვა პირისაგანაა დაწერილი „არა უადრეს მე-VIII საუკუნის პირველი წლებისა“. ნახ. Христ. Чтение, за 1898 г. апрѣль, стр. 255—отзывъ проф. В. В. Болотова.

<sup>25)</sup> აი ეს ადგილი: „Postea vero quam Ecclesia magnifice constructa est, et populi fidem Dei majore ardore sitiebant, captiva monitis ad imperatorem Constantinum totius gentis legatio mittitur... sacerdotes mittere oratur“. ნახ. Хахановъ, Источники по введению хр. въ Грузіи. стр. 6. შეად. გვ. 8, 10, 11.

<sup>26)</sup> ნახ. „ქრანიკები“. I, გვ. 31.—„ქართლ.-ცხოვრ.“ I, გვ. 120, 124, 125; შეად. გვ. 126.

დაწყებულა, ე. ი. იმ დროს, როცა აღარც ბაკური და არც რუფინი ცოცხალი აღარ ყოფილან.—მეორე მხრით, უსაფუძვლო არ იქნება ვიფიქროთ, რომ „ქართლის მოქცევის“—ქრონიკისა და წმ. ნინოს „ცხოვრების“ ის ადგილი, რომელიც რიფსიმესა და წმ. ნინოს ნაცნობობ-მეგობრობას აღიარებს და, ბ-ნ ივ. ჯავახიშვილის სამართლიანი შენიშვნით, „სომხურ და ქართულ ეკკლესიების პირვანდელ ერთობას გვიხატავს“,<sup>27)</sup>—იმ დროს უნდა იყოს შეთხზული და შეტანილი ქართულ წყაროებში, როდესაც სომეხთა და ქართველთა საეკლესიო განწყობილებაში ჯერ კიდევ მეგობრობა სუფევდა, ე. ი., ჩვენი ფიქრით, არა უგვიანეს მე-Ⅴ საუკუნის დამლევისა, როდესაც ხალკიდონის კრების (451 წ.) განაჩენთა წინააღმდეგობამ სომეხთა შორის უკვე საკმაოდ გარკვეული სახე მიიღო და ამ ორი ერის სამღვდლოების ერთმანეთთან დაშორებას ნიადაგი მოუმზადა.<sup>28)</sup>

თუ ყოველივე ზემოთ თქმული რწმენის ღირსია,—ძლიერ საეჭვოდ უნდა ჩაითვალოს ის აზრი, რომელიც, აღნიშნული თქმულების ძალით, ქართველთა განმანათლებელს „სომხას ქაღაღ“ აღიარებს.<sup>29)</sup>

მერმინდელ ჩანამატს უნდა წარმოადგენდეს წმ. ნინოს „ცხოვრების“ ის ადგილიც, რომელიც მის ბრწყინვალე ჩამომავლობისა და ნათესაობის ისტორიას აგვიწერს. მარ-

<sup>27)</sup> „მოამბე“ 1900 წ. VI, გვ. 34.—ორ-აზროვნობის თავიდან ასაცდენად აქვე შევნიშნავთ, რომ აქ სიტყვა „ერთობა“ ჩვენ იმ აზრის გამომხატველ ტერმინად მიგვაჩნია, რომელსაც რუსები ხატავენ სიტყვით: „единение, общение“ და არა—единство.

<sup>28)</sup> სახეში გვაქვს ვლასკერცის კრება 491 წლისა (ნახ. Аннинский, Ист. Арм. Церкви. გვ. 69). სამუდამოდ განშორება სომხის და ქართველ სამღვდლოებისა შედარებით უფრო გვიან მოხდა, სახელდობრ დვინის კრების დროს, 596 წელს (იქვე, გვ. 86).

<sup>29)</sup> „Santa Nina, —აბზოს ავრელიო პალმიერი,—seconda le nostro congetture, é una vergine armena, che le persecuzione di Tiridate costrinsero a cercare un asilo traimoutanari del Caucaso“. ნახ. P. Aurelio Palmieri, La Chiesa Gorgiana e la sue origini. Roma. 1901. p. 48.

თლაც, ძნელი დასაჯერებელია ნინოს მამას ისეთი დიდი ღვაწლი გაეწიოს რომის იმპერიისა და ქრისტეს ეკლესიისათვის („ბრანჯთა“ დაპყრობა და მათი მოქცევა),—როგორც ეს წმ. ნინოს „ცხოვრებაშია“ მოთხრობილი,<sup>30)</sup>—და მეოთხე საუკუნის ბიზანტიელ მოღვაწეებს კი (რუფინსა და ბაკურს) ან მსოფლიო ისტორიასამ ამბის შესახებ არა ცოდნოდესთ რა.<sup>31)</sup> აღარას ვიტყვით „აერუსალიმის ჰატრიაარქეპი, აბბენაღზე“, რომელიც ვითომ ნინოს დედის ძმა ყოფილიყოს და წმ. ნინოს აღზრდა ეტვირთნოს.<sup>32)</sup> იერუსალიმის ჰატრიაარქეს ხალკიდონის კრებამდე მსოფლიო ისტორია არ იცნობს. იმ დროს რომელსაც წმ. ნინოს ცხოვრება და მოღვაწეობა ეკუთვნის, იერუსალიმის ზღვდელმთავარი „ელაის ემასკოპოსად“ იწოდებოდა და კესარიის (პალესტინაშია) მიტროპოლიტს ექვემდებარებოდა.<sup>33)</sup> იერუსალიმის კათედრამ საპატრიორქო უფლებანი მხოლოდ ხალკიდონის მსოფლიო კრებაზე (451 წ.) მოიპოვა,—და ამ დროს, მართლაც, იერუსალიმის კათედრას „პატრიარქი იუვენალი“ განაგებდა.<sup>34)</sup> ცხადია, წმ. ნინოს „ცხოვრების“ ავტორს ან რედაქტორს მე-V საუკუნის პირი მე-IV საუკუნეში გადაუყვანია,—და ქართველთა განმანათ-

<sup>30)</sup> ნახ. ე. თაყაიშვილის მიერ გამოცემული შატბერდისეული „ცხოვრება“ წმ. ნინოსი შემდეგი სათაურით: „ახალი ვარიანტი წმ. ნინოს ცხოვრებისა ანუ მეორე ნაწილი ქართლის მოქცევისა“. ტფილისი. 1891 წ. გვ. 4—7. შეად. „ქ.-ცხოვრ.“ I, გვ. 86—88 და აგრეთვე სხვა ვარიანტებიც წმ. ნინოს „ცხოვრებისა“.

<sup>31)</sup> ამ საგანზე ვრცლათ იხ. ივ. ჯავახიშვილის წერილი. „მომამბე“ 1900 წ. V. გვ. 68—69 და VI, გვ. 18—21.

<sup>32)</sup> იხ. ე. თაყაიშვილი, „ახალი ვარიანტი...“ გვ. 7.

<sup>33)</sup> შეად. პირველი მსოფლიო კრების (325 წ.) შედეგად კანონი და ამ კანონის განმარტება ზონარასი, არისტინისა და ვალსამონის (Правила св. вселенскихъ соборовъ съ толкованіями. Часть I. Москва. 1877 г. стр. 28—29, აგრეთვე გვ. 26—27).

<sup>34)</sup> ნახ. *Н. Суворовъ*, Учебникъ Церковнаго права. Ярославль. 1898 г. стр. 44.—შეად. Прав. всел. соборовъ съ толкованіями. ч. I. стр. 27.

ლებელის ისედაც დაბნელებული გენეოლოგია კიდევ უფრო მეტათ აურევია და დაუბნელებია. რომ ნინოს ბრწყინვალე ჩამომავლობის ისტორია მერმინდელი შეთხზულია, ამას „ქართლის მოქცევის“ ქრონიკაც საკმაოდ ცხად-ჰყოფს: იგი ნინოს უწოდებს „ტყვედ“ და მისი ჩამომავლობის შესახებ არა იცის-რა. უეჭველია, წმ. ნინოს დიდებული ჩამომავლობის შესახები თქმულება მე-VII საუკუნეზე ადრე არ უნდა იყოს შეთხზული, ე. ი. იმ საუკუნეზე, რომლითაც „ქართლის მოქცევის“ უძველესი ნაწილი თავდება.<sup>35)</sup>

ასეა თუ ისე, დღეს გადაქრით მხოლოდ იმის თქმა შეიძლება, რომ ქართველთა განმანათლებელის ჩამომავლობისა და გვარტომობის გასარკვევად ჯერ-ჯერობით საკმაო საბუთები არ მოგვეპოვება. ადვილ-შესაძლოა, წმ. ნინოს მშობლებს სწორედ ის სახელები რქმეოდესთ, როგორც ეს ქართულ წყაროებშია მოხსენებული; ძლიერ სარწმუნოა ის ცნობაც, რომ წმ. ნინო კაბადოკიის მკვდირი იყო და პირველდაწყებითი აღზრდაც ერთ-ერთ სირიელ მღვდელმთავრის ხელმძღვანელობით ჰქონდა მიღებული; მაგრამ ისიც ყოველ ექვს გარეშეა, რომ ყველა ამ საგანთა შესახებს იმ პირვანდელ თქმულებას, რომელიც თვით წმ. ნინოსაგან უნდა ყოფილიყოს გარდამოცემული, დროთა მსვლელობაში ფრიად დიდი ცვლილება განუცდია. ასე რომ, დღეს მეტად ძნელია იმის

<sup>35)</sup> ვინც „ქართლის მოქცევას“ დაკვირვებია, უეჭველია, შენიშნავდა, რომ ამ ქრონიკის მოთხრობა სტეფანოზ მე-II-ის (639—663 წ.) მეფობის შემდეგ ერთბაშად სწყდება: თუ მანამდის თითქმის ყოველი მეფის ცხოვრებიდან თითო-ორორი ღირსშესანიშნავი ფაქტი მაინც ნაჩვენებია, მას შემდეგ უბრალო სახელები-ღაა მიყოლებული. ამ საბუთის ძალით ჩვენნი მკვლევარნი სრულიად სამართლიანად ჰფიქრობენ, რომ აღნიშნული ქრონიკის უუძველესი ნაწილი (სტეფანოზ მე-II-მდე) გაცილებით უფრო ადრე უნდა იყოს შედგენილი ვინემ ის ნაწილი, რომელიც სტეფანოზის მეფობას მოხდევს. შეად. ე. თაფაიშვილი, „სამი ისტ. ქრონიკა“, ტფილისი, 1890 წ. გვ. XCIV; თ. ჟორდანი, „ქრონიკები“ I, გვ. 104; *Хакановъ*, Очерки по истории Груз. словесности. вып. II, стр. 144.

გამოცნობა, თუ რა ეკუთვნის ამ თქმულებაში თვით წმ. ნინოს და რა—მერმინდელს რედაქტორს. ის კი ყოველ ექვს გარეშეა, რომ ქართველთა განმანათლებელი დიდი ჩამომავლობისა არ უნდა ყოფილიყო. რაც შეეხება იმ მოსაზრებას, თითქოს წმ. ნინოს თავისი თავისთვის „ტყვე“ იმ აზრით ეწოდებოდა, რომ იგი „ტყვე იყო ქრისტესი“, ე. ი. ქრისტეს მცნების მორჩილი და მოსამსახურე,—არ უარვყოფთ, რომ თავის-თავად არც ეს მოსაზრებაა ერთგვარს საფუძველს შოკლებული, მაგრამ მთელი ის ისტორიული მასალა, რომელიც დღეს ამ საგნის შესახებ მოგვეპოება, და ამ მასალის კრიტიკული შესწავლა უფრო მეტს საბუთებს იძლევა იმ აზრს დავადგეთ, რომ წმ. ნინო ტყვე იყო, ამ სიტყვის პირდაპირის მნიშვნელობით, რამდენათაც კითხვა საქართველოში მისი მოსვლის მიზეზს შეეხება; ხოლო ზნეობრივის მხრით, იგი „ტყვე“ იყო მაცხოვრისაც. ეს ორი ცნება ერთმანეთს არ ეწინააღმდეგება და ადვილათ შეიძლება წმ. ნინოს ერთსა და იმავე დროს მიეწეროს. ვიმეორებთ, წმ. ნინო ტყვე იყო ამ სიტყვის როგორც პირდაპირის, ისე არა-პირდაპირის მნიშვნელობით,—და, რა თქმა უნდა, მისი დატყვევება იმ ხელშეკრულებაზე აღრე (298 წ.) უნდა მომხდარიყო, რომელმაც საქართველო რომის სივასსალოდ აღიარა. ამიტომ წმ. ნინოს სამხრება გინდ ბეძმნება იგეთივე მცირე საფუძვლიანი ჰიპოტეზაა, როგორც მისი ქართველობა.<sup>36)</sup> ის გარემოება, რომ წმ. ნინო ქართულსა და ბერძნულ წყაროებში „ტყვედ“ იწოდება მაინც და მაინც მის უცხო-ტომობას არ ნიშნავს: შესაძლებელი იყო მცხეთელებს ტყვედ ჩავარდნოდან ხელში რო-

<sup>36)</sup> წმ. ნინოს ქართველობის შესახებ აზრს ამ ოთხიოდე წლის წინად ჩვენ შევხვდით ბ-ნ ალ. ხახანაშვილის ერთ-ერთ წერილში; სამწუხაროთ ვეღარ მოგვიგონია, თუ სახელდობრ რომელ რუსულ ჟურნალში იყო ეს.— ვაკვრით წმ. ნინოს ქართველობა ყველაზე უწინ მოხსენებული აქვს დ. ჩუბინაშვილს (=ნახ. აღ. კუონიას: „ისტორიული ნარკვევი“ ტფილისი. 1890 წ. გვ. 52). შეად., აგრეთვე, პ. კარბელაშვილის „იერარქია საქართველოს.“, გვ. 10.

გორც სომხისა და ბერძნის ქალი, ისე რომის იმპერიის იმ პროვინციათა მკვიდრიც, რომელნიც შიგა და შიგ ქართველ ტომის ხალხით იყო დასახლებული, როგორც, მაგალ., პონტი და კაბადოკია.<sup>37)</sup> მაშასადამე წმ. ნინოს იმნაირათვე შეგვიძლია ქართველთა მივაწეროთ, რანაირათაც ბეჭმნობა, გინა სომხობა.—მაგრამ შეგნებულ ქართველისა და ქეშმარიტ ქრისტიანისათვის განა სულ ერთი არაა, როგორი ჩამომავლობისაც გინდა ყოფილიყო ის პირი, ვისაც ისტორიულმა ცხოვრების მიმდინარეობამ ქართველთა განმანათლებლობა არგუნა? ნუ თუ ქართველს დაამცირებს, რომ წმ. ნინო ტომით სომეხი აღმოჩნდეს ან ბერძენი? ან, კიდევ, რა უნდა შეემატოს ქართველი ერის უკვე განვლილს ცხოვრებას, თუნდ რომ წმ. ნინოს ქართველობა დამტკიცდეს? ქართველი ხალხის ეროვნულ ღირსებას მისი განმანათლებელის უცხო-ტომელობა კი არ დაამცირებდა, არამედ ის, რომ ქართველ მეფესა და მოწინავე წოდებას თავისი დროისათვის აღლო ვერ აერთიანათ და დახვეცებულ კერპთ-თაყვანისმცემლობაში ჩაკეტილიყვნენ მაშინ, როცა ირგვლივ მეზობელ სახელმწიფოებში უკვე ცხოვრების პირობები შეიცვალა და ყოველი ადამიანი ჯგანმა და ჯვრის უძლეველმა ძლიერებამ აალაპარაკა.

ჩვენი საეკლესიო ისტორიის პირველი პიონერის, პლატონ იოსელიანის აქეთ, ზოგიერთ მკვლევართა შორის აზრი დაიბადა, ვითომც ჩვენი განმანათლებელის სახელი „ნანო“ მისი საკუთარი სახელი არ ყოფილიყოს.<sup>38)</sup> ამ აზრს გაკვირით იმეორებს აკადემიკოსი მარი ბროსეც, თუმცა გადაქრით კი არას

<sup>37)</sup> რომ პონტი და კაბადოკია უძველეს დროიდან ქართველი ტომით იყო დასახლებული, ამაზე ნახე ალ. ხახანაშვილის: „Древнѣйшіе предѣлы разселенія грузинъ по малой Азіи“. Москва. 1890 г.—შეადარე ჩუხინაშვილისა და Нуд Сларც-ის გამოკვლევანიც (ა. ქუანია, „ისტორ. ნარკვევი.“ გვ. 46—53).

<sup>38)</sup> ნახ. *И. Иоселиани*: Кратк. Исторія Грузинской церкви Спб. 1843 г. стр. 8—9, примѣчаніе 13-ое.

ამბობს. მისი ფიქრით, ქართული „ნინო“ და სომხური „ნუნე“ წარმომდგარია ლათინური „ნონა“-საგან, რომელიც **მონა-ზონს** ნიშნავს.<sup>39)</sup> ამ რიგად, გამოდის, რომ თავისი განმანათლებელის ნამდვილი სახელი ქართველებს დაკარგული ჰქონებიათ, ხოლო სახელწოდება „ნინო“, რომლითაც მას ყველა ჩვენი საისტორიო და საეკლესიო წიგნები იცნობს, მხოლოდ საზოგადო სახელი ყოფილა. მაგრამ ამ ხუთიოდე წლის წინად ბ-მა „**И. И.**“-მა სიხარულით აუწყა ყველას, „ვისაც კი საქართველოს ისტორია ეინტერესება“, რომ **წმ. ნინოს** დღემდე დაკარგული სახელი დღეს უკვე „აღმოჩენილია“: მისი ნამდვილი სახელი იყო „**თეოგნოსტა**“.<sup>40)</sup> ეს აზრი პატივცემულ ავტორს დამყარებული აქვს **ანბნულ, კთაიზურ და კაპტურ სვინაქსებში**. თქმულებაზე, სადაც მოთხრობილი ყოფილა „თითქმის სიტყვა-სიტყვით“ („**почти буквально**“) ყოველივე ის, რაც რუფინისა და ქართული წყაროებიდან მირიანის სასწაულებრივ მოქცევასა და სვეტის აღმართვაზე ვიცით, მხოლოდ იმ განსხვავებით, რომ იქ ქართველი მეფის სახელი მოხსენებული არ ყოფილა, საქართველოს მაგივრად „**ანდოეთა**“ და „**ტეივერია**“ (Тейверія) წერებულა, რომის იმპერატორის კონსტანტინეს მაგივრად—**ჭინარა და ანკადი** ყოფილან მოხსენებული, ხოლო ნინოს ნაცვლად—**თეოგნოსტა**. როგორც ვხედავთ, აქ ყველაფერი არეული ყოფილა: სახელი ქვეყნისა, რომელსაც ჩვენ ქართლს ვეძახით, ხოლო რუფინი და მისი მიმდევარნი—**ანბნას**; სახელი იმპერატორისა, რომელსაც იგივე რუფინი (=მეფე ბაკური) **კონსტანტანეს** უწოდებს და, უკანასკნელ, სახელი იმ ტყვე ქალისა, რომელსაც ეს ქვეყანა გაუნათლებია და რომელსაც ქართული და სომხუ-

<sup>39)</sup> იხ. Brosset, Histoire de la Géorgie. I, Spb, 1849. p. 90, not. 2.

<sup>40)</sup> ნახ. **Д. Д.**: „Настоящее имя просвѣтительницы Грузіи“ („Кавказъ“ за 1899 г. № 230). შედარეთ კრებული „Весь Кавказъ“ за 1903 годъ, отд. II, стр. 51—53, სადაც იგივე სტატიაა უკრიტიკოდ გადმობეჭდილი.

რი წყაროები მხოლოდ ნანას და ნუნეს სახელით იცნობენ, ხოლო ანტიოქურნი კი—ნანას ეძახიან.<sup>41</sup>) ახლა ვიკითხოთ: ნუ თუ ამდენი არევ-დარევის შემდეგ შესაძლებელია ბნ „I. I.“-ის მიერ დასახელებულ სვინაქსრებს ქართველთა განმანათლებელის, ვილაც ტყვე ქალის, სახელი სისწორით შეენახოსთ, როცა იგინი თვით ბიზანტიის იმპერატორისა და მთელი ჩვენი ქვეყნის სახელსაც კი ისე აუკუღმართებენ?! განა დასაჯერებელია ეს, მკითხველო?!... ნუ თუ ქართველთა განმანათლებელი იმდენად უმნიშვნელო პირი იყო და თვით ქართველები კი—იმდენად უმადურნი, რომ ქართველ სამღვდელოებას და ერს მისი საკუთარი სახელიც კი სისწორით ვერ შეუნახავსთ?! ნუ თუ შესაძლებელია—სადღაც შორს, ცხრა მთას გადაღმა, უფრო კარგად შენახულიყოს ეს სახელი, ვინემ იმ ერში, რომელიც უფრო დაინტერესებული იყო (და არის) ამ ძვირფასი სახელიდან ერთი ასოც კი არ დაკარგულიყო?! ჩვენ „ღრმათ დარწმუნებული“ ვართ, რომ ქართველთ განმანათლებელის საკუთარი სახელი არც დაკარგულია და არც შეიძლებოდა—დაკარგულიყო. ამიტომ სრულებით ზედმეტად მიგვაჩნია ამ უსაფუძლ კითხვის გარკვევა: „ნინო“ საკუთარი სახელია წმ. ნინოსი თუ არაო? ჩვენ უარპყყოფთ ამგვარათ კითხვის დაყენებას და ჩვენს უენიშვნას ამ საგნის შესახებ პატრიცემულის პროფესორის ე. ვ. ბოლოტოვის ავტორიტეტული მსჯელობით ვათავებთ: „ჩემის აზრითაო,—ამბობს განსვენებული,—ივერიის განმანათლებელი ტყვე-ქალი იყო, ამ სიტყვის პირდაპირი მნიშვნელობით. რომ მას ნანას ეძახდენ,—ამ ცნობის წინააღმდეგ საფუძვლიანი კამათი შეუძლებელია. ის კი შესაძლოა, რომ ქართველების ნანა გადასხვაფერებული ქალური სახელი ნანას იყოს, რომელიც კაპადოკიაში

<sup>41</sup>) შვად. მაგალ. ანტიოქელი მღვდელ-მონაზონის ნიკონ მოაშველის (მე-XI საუკ.) მოწმობა (= „Правосл. Палестинск. Сборник“, т. VI, вып. I, стр. 46) და ანტიოქელისავე მღვდლის მიხეილ ბრეკის სიტყვები („Труды Киевск. Дух. Акад.“ за 1874 г. т. II, 369 страница). აქ ორივეგან ნინო სახელწოდებულია „ნანნად“.



იხმარებოდა. ნანას სახელს ატარებენ წმ. გრიგოლ ღვთისმეტყველის დედა და ძმისწული. მცირეოდენი საფუძველიც არა გვაქვს ეს სახელი საზოგადო სახელად (=მონაზონად) მივიღოთ. რომ წმ. ნინო ჩამომავლობით კაპადოკიელი იყო, — ამის უარსაყოფელადაც, აგრეთვე, საფუძველს ვერა ვპოვებთ.<sup>42)</sup>

„ქართლის მოქცევის“ ქრონიკით, წმ. ნინო იყო „დედა-კაცი შვენიერი“<sup>43)</sup>, ხოლო ბერძნული წყაროებით, ეს სიმ-შვენიერე განსაკუთრებით სულის მაღალ ღირსებებში გამოიხატებოდა. მაღალ-ზნეობრივი ცხოვრება, მოთმინება, მარხულობა, ლოცვა-ვედრება და სწულთა მკურნალობა, — ამ რით დაუმსახურებია წმ. ნინოს ქართველთა ყურადღება და ნდობა-სიყვარული.<sup>44)</sup> ამგვარს მოღვაწეობაში დაუყვია წმ. ნინოს მცხეთელთა შორის რამოდენსამე ხანს და მოუსწრია, როგორც დედოფლის ნანას-მოქცევა, ისე მეფის მირიანისაც.<sup>45)</sup>

აქ საჭიროა შევჩერდეთ და შემდეგი კითხვა გავარჩიოთ: ვინ იყო ის მეფე, რომლის დროსაც ქართველებმა ქრისტიანობა მიიღეს — მარტინი იყო იგი, თუ ბაკურა? — დარწმუნებული ვართ, ეს კითხვა ბევრს გააოცებს, — და ჩვენც ჩვენი მხრითსრულიად ხელს ავიღებდით ამგვარი კითხვის გარჩევაზე, უკეთუ მას ისეთი საპატიო პირი არ უქერდეს მხარს, როგორიც აწ განსვენებული პროფესორი ვ. ვ. ბოლოტოვი იყო. მართალია ამ საგნის შესახებ პატივცემული პროფესორი გადაქრით არაფერს ამბობს, იგი მხოლოდ ჰიპოტეტიურათ შენიშნავს, რომ ვგონებთ უფრო სარწმუნოა ქართველებს ქრისტიანობა ბაკურის დროს მიეღოს, ვინემ მირიანის დროსაო, — მაგრამ, როგორც ვხედავთ, ეს ჰიპოტეზა თავისთავად იმდენათ ორიგინალურია, რომ უნებლიეთ იქცევეს ყურადღებას და საღაპარაკოთ გვიწვევს.

42) „Христ. чтение“ за 1898 г. апрѣль: Журналы Совѣта Академіи, стр. 263 და აგრეთვე შენიშვნაც იმავე გვერდზედ.

43) თ. კორღანი: „ქრონიკები“ I, გვ. 28.

44) შეად. А. Хахановъ, Источники по введ. Хр. въ Грузіи. стр. 4. 6. 8. 10

45) „ქრონიკები“ I, გვ. 28—29.

უმთავრესი საბუთები, რომლის ძალითაც პატივცემულ პროფესორს პირველ ქართველ ქრისტიან მეფის შესახებ ქართული წყაროების ცნობა უარუყვია და აღნიშნულ ჰიპოტეზისათვის მიუმართავს, არის სამი:

ა) საზოგადოთ, ქართულ წყაროებში ნაჩვენები სია ქართველი მეფეებისა ზოგან სრულებით არ ეთანხმება ბიზანტიელ მწერალთაგან შენახულ სახელებს ქართველ მეფეებისას, ზოგან კი თუმცა სახელები და ეპოქა ორივეგან ერთნაირათაა აღნიშნული, მაგრამ ანაქრონიზმების წყალობით ძლიერ ძნელი ხდება მათი შეთანხმება;<sup>46)</sup> ამას გარდა, არის რამოდენიმე ფაქტი, მაგალ., 298 წლის ხელშეკრულობა, რომელსაც მსოფლიო ისტორია იცნობს, ქართული წყაროები კი მათ შესახებ არას ამბობს; ყოველივე ეს ძლიერ საეჭვოდ ჰხდის უკანასკნელთა ისტორიულს ღირსებას;<sup>47)</sup>

ბ) კერძოთ იმ დროს, რომელსაც ივერთა მოქცევა ეკუთვნის, ბიზანტიელი მწერალი, აჰმან მარტვილი (დაიბ. 330 წ.), იხსენიებს სამ ქართველ მეფეს: მერაბანს (Meribanes) 360 წლის მახლობლათ, საგრომაკს (Sauromaces) — რომაელებისგან დაყენებულს 368 წლიდან, და ასპაკურს (Aspacures) — სპარსელებისაგან დადგენილს იმავე წლიდან; ვახუშტის ქრონოლოგიით კი მარაბანა, რომელიც ადგილი საცნობია მერაბანში, უკვე 265 წლიდან მეფობდა; ძნელი საფიქრებელია, მაშასადამე, ამ მეფეს 360 წლამდე ეცოცხლოს; რაც შეეხება საგრომაკს და ას-პაკურს, — ამათ ქართული წყაროები არ იცნობს;<sup>48)</sup>

გ) უკანასკნელ, რააბეს მიერ გამოცემულ (1895 წ.) პეტრე ივერიელის სირიულ „ცხოვრებაში“ შარგვედ ქრისტეან

<sup>46)</sup> ნახ. „Христ.—Чтение“ за 1898 г. апрѣль, Журналы Совѣта Академіи, стр. 257—258.

<sup>47)</sup> იქვე, გვ. 258 და 260: ავტორის აზრით, „научную исторію Грузіи въ древнѣйшій періодъ можно писать только при строжайшемъ, принципиальномъ недоверіи къ показаніямъ Цховреба и другихъ источниковъ того же типа“.

<sup>48)</sup> იქვე გვ. 258—259, შეად. გვ. 257.

მეფედ მოხსენებულია პეტრე ივერის პაპა (=დედის მამა), „დადა ბაკურა“ და არა მირიანი; ძნელი დასაჯერებელიაო, დასძენს ბ-ნი ბოლოტოვი, პეტრე ივერს არ ცოდნებოდეს, თუ რომელ მეფის დროს მიიღო ივერიამ ქრისტიანობა, ან განკებ მიეწეროს ეს საქმე თვის პაპა ბაკურისთვის. 49)

ამ საბუთების მიხედვით პატივცემული პროფესორი იძულებული გამხდარა შემდეგი ჰიპოტეზა შეექმნა:

„იმ საგენეალოგო შტოს მიხედვითო, — ამბობს იგი, — რომელიც სირიულ **ცხოვრებაშია** ნაჩვენები, შესაძლო ხდება ის დასკვნა გამოვატანოთ, რომ „დიდი ბაკური“ შპშ წლის მახლობლათ საკმაოთ შედგებულნი ქაბუკი („ВО ЦВѢТѢ ЛѢТѢ“) უნდა ყოფილიყო. ვეკობ, საქმე ასე არ მომხდარიყოს. ივერიელებს ქრისტიანობა მართლა ბაკურის დროს მიუღიათ. მაგრამ „ბაკური — Pakoros“ საკუთარი სახელია, რომელიც არა-იშვიათად სასანიდების მიერ სპარსეთში დამხოზილს არსაკიდების დინასტიაში გვხვდება. შესაძლებელია, იმ ქართველ სამეფო სახლს, რომელსაც ბაკური ეკუთვნოდა, რაიმე ნათესაობა (შორეული ნათესაობა მინც) ჰქონებოდეს სპარსეთის არსაკიდებთან, ან-და თვისი პოლიტიკური ტრადიციებით მათი თანამგრძობელი ყოფილიყოს. სპარსეთის გავლენას ივერიაში (ხოლო, შეიძლება, წარმართთა პარტიის რეაქციასაც ქრისტიანობის წინააღმდეგ) საქმე იქამდის მიუყვანია, რომ ბაკურის სიკვდილის შემდეგ (sic.) სამეფო გვირგვინი მერიბან-მირიანს რგებია, რომელიც ჩამომავლობით სასანიდების მომხრე გვარისა ყოფილა. ჯერ ერთია — და პეტრე ივერიელის **ცხოვრებადან** არა სჩანს, რომ ბაკურის მემკვიდრე მისი შვილი ყოფილიყოს. მეორეა და — **ქართლას ცხოვრებით** მირიანი პირველი ხოსროიანი ანუ სასანიანი იყო ივერიის ტახტზე და სამეფო გვირგვინიც თვისი წინამოადგილის, არსაკიდ ასფაგურის, ქალის ხელთან-ერთად ჰქონდა მიღებული, მესამეთ — ის ბაკური, რომლისაგანაც რუფინს ივერთა შორის ქრის-

49) იქვე გვ. 263.

ტიანობის გავრცელების ამბავი ჰქონებია გავონილი, იყო „მეფე ამ ერისა“ („царь этого народа“), მაგრამ 380 წლის მახლობლათ უკვე ბიზანტიის სამსახურში ითვლებოდა. ყველა ეს დაწვრილებითი ცნობანი თითქოს („какъ бѣдѣ“) ამტკიცებენ იმ აზრს, რომ მე-IV საუკუნის ნახევრის მახლობლათ ერთი ქართველ-სამეფო გვართაგანი, სახელდობრ, სახლი ბაკურისა, ტახტიდან ჩამოუგდიათ. მაგრამ შემდეგში, როდესაც ქრისტიანობა საშუალოთ დამყარებული ივერიაში, მირიანის დინასტიის მომხრეებს ქრისტიანობის პირველი შემოღება ტენდენციურათ ამ მეფისთვის მიუწერიათ.<sup>50)</sup>

ასეთია პატივცემულის ვ. ვ. ბოლოტოვის ჰიპოტეზა. როგორც ვხედავთ, ჩვენ მიერ ზემოთ ჩამოთვლილის უმთავრესი საბუთების გარდა, თვით ამ ჰიპოტეზაში კიდევ სამი ახალი საბუთია ნახსენები: შარფელა — ის, რომ წმ. პეტრე-ქართველის სირიულ ცხოვრებაში ნაჩვენები არ ყოფილა, თითქოს ბაკურის მემკვიდრე მისი შვილი ყოფილიყოს; მეგრე — „ქართლის-ცხოვრებით“ მირიანი ხოსროიანი ანუ სასანიანია, — და მესამე — ის, რომ რუფინის მთხრობელი ბაკური იყო „მეფე ამ ერისა“ ე. ი. ივერიელებისა.

ამ საბუთების განხილვა ბოლოდან დავიწყეთ.

იმ ბაკურის შესახებ, რომელსაც რუფინისათვის ქართველთა მოქცევის ამბავი გადაუცია, თვით რუფინი შემდეგს ცნობას იძლევა: ეს ჩვენ გადმოგვცაო, — ამბობს იგი, — ფრიად სარწმუნო კაცმა ბაკურმა, ძეფემ ამ ერისა; იგი იყო ძლიერ მორწმუნე და სათნო ადამიანი და, ბოლოს დროს, პალესტინის საზღვრების სარდლობას ასრულებდაო.<sup>51)</sup> როგორც ვხედავთ, ამ ცნობიდან სრულიადაც არა სჩანს, თითქოს ბაკური თვით ის მეფე ყოფილიყოს, რომლის

<sup>50)</sup> იქვე გვ. 263—264.

<sup>51)</sup> ნახ. Хахановъ, Источники по введ. Хр. въ Грузіи, стр. 6: „Haec nobis ita gesta, fidelissimus vir Bacurius, gentis ipsius rex, et apud nos Domesticorum comes (cui summa erat cura et religionis et veritatis) exposuit cum nobiscum Palaestini tunc limitis Dux, in Hierosolymis satis unanimiter degeret“.

დროსაც ივერიელებს ქრისტიანობა მიუღიათ. ივერთა მეფეს (= „მეფეს იმ ერისას“) შეეძლო ქართველების მოქცევაზე გაცილებით უფრო გვიან ემეფნა და რუფინს აღნიშნულ ამბავს მოჰყოლოდა, — მაგრამ ნუ თუ მასზე არ შეიძლებოდა თქმულიყო, რომ იგი „მეფე იყო იმ ერისაო“ ე. ი. ქართველებისაო?! ცხადია, აღნიშნული სიტყვები თავისთავათ არაფერს არ ამტკიცებს. უკეთუ რუფინს იმ აზრის გამოხატვა ნდომოდა, რომ ბაკური თვით ის მეფე იყო, რომლის დროსაც ივერიელები მოიქცნენო, რა თქვა უნდა, პირდაპირ იტყოდა: „თვით ის მეფეო“ და არა „მეფე იმ ერისაო,“ როგორც ნათქვამი აქვს; — ამას გარდა, ვერ გაგვივია: თუ მირიან — მერიბანი მართლა „ბაკურის საკუდაღის შემდეგ“ გამეფებულა, რაც 361 წელზე გვიან ვერ მოხდებოდა, რადგან მარცელინით ამ წელს მერიბანი უკვე ივერთა მეფე იყო, — მაშ როგორღა მომხდარა, რომ 380 წლის მახლობლათ იგივე ბაკური კიდევ ცოცხალი ყოფილა და რუფინისთვის თავის თავგადასავალი უამბნია?! ცხადია, ამ ჰიპოტეზის შეთხზვის დროს პატრივცემული პროფესორი საკუთარ სიტყვებს სრულის მეცნიერული სისასტიკით არ მოჰყრობია, თორემ ხომ არც ამგვარს წინააღმდეგობაზე აშენებულს ჰიპოტეზას შეჰქმნიდა.

სწორედ აგრეთვე, ჩვენ ძლიერ გასაოცრად დაგვიჩნა, როცა პატრივცემულ პროფესორის ჰიპოტეზაში ერთ-ერთ საბუთად, სხვათა შორის, „ქართლის ცხოვრების“ თქმულება დავინახეთ მირიანის ხოსროიანობის შესახებ. 52) როგორც აღვნიშნეთ, განსვენებულის პროფესორის აზრით, საქართველოს ძველი დროის სამეცნიერო ისტორიის დაწერა შეიძლება მხოლოდ იმ პირობით, უკეთუ „ქართლის ცხოვრების“ ცნობებს სასტიკის, პრინციპიალურის უნდობელობით მოვეპყრობით (ნახ. ზემოთ შენიშვნ. 47). და ჩვენც სავსებით ვე-

52) ნახ. „ქართლის-ცხოვრება“ I, გვ. 80: „მირიან, ძე სპარსთა მეფისა, ხოსროიანი“.

თანხმებით, რომ „ქართლის ცხოვრებაში“ ყველაზე უფრო საექვოდ ის ცნობები უნდა ჩაითვალოს, რომელნიც მსოფლიო ისტორიაში ვერავითარს პარალელს ვერ ვპოვებენ და იმავე დროს თვით ქართული უუძველესი წყაროების ცნობებსაც ეწინააღმდეგებიან. ამგვარია, მაგალითად, უკვე აღნიშნული თქმულება მირიანის სპარსელობის შესახებ, აგრეთვე—აზონის ბერძნობაზე, ალექსანდრე მაკედონელის შემოსევაზე<sup>53)</sup> და სხვანი. ერთი უუძველესი პირველ-წყარო ჩვენი ისტორიისა, სახელდობრ, „მოქცევაჲ ქართლისაჲ“ მთელი საქართველოს პირველ მეფედ სთვლის აზოს, ძეს ქართლის მეფის არანისას; ხოლო ფარნავაზს—მეორე მეფედ და მასთანავე მის სპარსელობაზე არას ამბობს;<sup>54)</sup> აგრეთვე მირიანს უწოდებს ქართველი მეფის ლევის ძედ<sup>55)</sup> და სრულიად უარყოფს „ქართლის ცხოვრების“ თქმულებას, თითქოს მირიანი სპარსეთის შაჰის შვილი და ქართველი მეფის, ასფაგურის, სიძე ყოფილიყოს.—მთელი საუკუნეების განმავლობაში საქართველო სპარსეთის ძლიერი გავლენის ქვეშ იმყოფებოდა, მისი მეფეები ხშირათ სპარსეთის შაჰებისაგან ლებულობდნენ სამეფო გვირგვინს,—და რა გასაკვირია, რომ „ქართლის ცხოვრების“ მოთხრობას, რომელიც უმეტესათ მეფის კარზე და სეფე-კაცებისაგან იწერებოდა ან მათის რედაქციით გამოდიოდა, ამგვარი ტენდენცია ემჩნეოდეს: მემატთანე ცდილობს ყველა ჩვენი შესანიშნავი მეფეები ძველი პერიოდისა (ბაგრატიონებამდე) ან სპარსელებად დასახოს (როგორც, მაგილ., მირიანი) ან სპარსეთის მონათესავე პირებად, როგორც, მაგალითად, ფარნავაზი და ვახტანგ-გორგასლანი.<sup>56)</sup> „მოქცევაჲ ქართლისაჲ“—კი უმთავრესად საეკლესიო მატთანეა და, როგორც აგეთი, მოკლებულია

<sup>53)</sup> შეად. „ქართლ.-ცხოვრ.“ I, გვ. 32—33.

<sup>54)</sup> თ. ჟორდანიას: „ქრონიკები“ I, გვ. 12—13.

<sup>55)</sup> იქვე, გვ. 18—19.

<sup>56)</sup> „ქართლ.-ცხოვრება“ I, გვ. 154. შეად. გვ. 35.

აღნიშნულ ტენდენციას, და ამიტომ საფიქრებელია, რომ იგი უფრო სისწორით უნდა გვიხატავდეს ჩვენი მეფეების გენეოლოგიას, ვინემ სპარსეთის თაყვანისმცემელ პირთა რედაქტორობით შემდგარი და გამოსული „ქართლის ცხოვრების“ უუძველესი თქმულებანი.—თუ ჩვენი მოსაზრება შესაწყნარებელია, გადაჭრით შეგვიძლია ვთქვათ, რომ პატივცემულის ვ. ვ. ბოლოტოვის მიერ აღნიშნული საბუთი მირიანის სპარსელობისა (=სასანიანობისა), რომელიც მას მისგანვე სასაცილოდ აგდებულის „ქართლის ცხოვრებიდან“ მოაქვს,<sup>57)</sup>—ძლიერ საეჭვო ღირსების საბუთად უნდა ჩაითვალოს, ან უკეთ რომ ვთქვათ, იგი საისტორიო საბუთად ვერ გამოდგება.

რაც შეეხება იმას, რომ წმ. პეტრე-ქართველის სირიულ ცხოვრებაში ბაკურის მემკვიდრედ მისი შვილი არ ყოფილა მოხსენებული, ამას არც ჩვენი უუძველესი საისტორიო წყარო უარჰყოფს: „ქართლის მოქცევით“ ბაკურის შემდეგ გამეფდა „ძმაი მისი თრდატ“ და არა „ძე მისი მირდატ,“ როგორც „ქართლის-ცხოვრება“ ამბობს.<sup>58)</sup> მაგრამ, იმავე „ქართლის მოქცევით,“ ბაკური შვილი-შვილი (ძის-ძე) და მემკვიდრე იყო მირიანისა და არა მისი წინამოადგილე, როგორც ეს პატივცემულს პროფესორს ჰგონია. ცხადია, მაშასადამე, რომ სიჩუმე სირიული „ცხოვრებისა“ ბაკურის მემკვიდრის შესახებ თავისთავათ სრულიადაც ვერ დაამტკიცებს იმ აზრს, თითქოს ბაკურის შემდეგ გვირგვინი მირიანზე გადასულიყოს და არა წინა-უკმო.

უმთავრესი საბუთი, რომელმაც პატივცემულ პროფესორს აღნიშნული ჰიპოტეზა წარმოათქმევინა და ჩვენი წყა-

<sup>57)</sup> ბ-ნ ვ. ბოლოტოვის აზრით, „Этот список царей, в. о. ქართლის-ცხოვრება, (до Гурама exclusiv...) представляет плодъ досужнаго сочинительства какогонибудь поздняго грамотея, который... большею частью писалъ отъ вѣтра главы своей.“ („Хр. Чт.“ 1898 г. апрѣль, стр. 260).

<sup>58)</sup> ნახ. „ქრონიკები“ I, გვ. 41. შეად. „ქ.-ცხოვრ.“ I, გვ. 140.

როების საერთო მოწმობაზე პირველი ქრისტიანი მეფის შესახებ ექვი შეატანია, — როგორც უკვე ნათქვამი გვაქვს, — გერმანელი მეცნიერის **რახარდ რაბეს** მიერ გამოქვეყნებული წმ. პეტრე-ივერიელის სირიული „ცხოვრების“ სიტყვები ყოფილა. მხოლოდ ამ საბუთისაგან ღებულობს შესაფერს ძალას და მნიშვნელობას ყველა ის ზემოთ ჩვენ მიერ გარჩეული საბუთები, რომელთაც თავისთავათ არაფრის დამტკიცება არ შეუძლიათ. საჭიროა, მაშასადამე, ეს უმთავრესი საბუთი გავარჩიოთ და მის ისტორიულს ღირსებას შეძლების დაგვარათ კრიტიკა ვუყოთ.

ამ ცხრა წლის წინათ ბ-ნ ნიკ. მარმა წმ. პეტრე ქართველის ორი ქართული „ცხოვრება“ გამოსცა და თავის გამოცემას შესაფერი წინასიტყვაობაც წარუძღვანა.<sup>59)</sup> ამ წინასიტყვაობაში პატივცემული მკვლევარი რაბესაგან გამოცემულ სირიულ „ცხოვრებასაც“ შეეხო და, სხვათა შორის, საკმაოდ დასაბუთა, ის აზრი, რომ რაბეს გამოცემა არ წარმოადგენს იმ პირველ-ორიგინალს, რომელიც აღნიშნული **ცხოვრების** პირველ შემდგენელის ზაქარია მაიუმელის (წმ. პეტრე-ქართველის მოწაფის) ხელიდან გამოსულა და რომლითაც შემდგომი ქართული ტექსტის მთარგმნელს მაკარ-მღვდელს უსარგებლნიაო.<sup>60)</sup> ეს გარემოება ჩვენთვის იმითია საყურადღებო, რომ წმ. პეტრეს „ცხოვრების“ ქართულ ტექსტში ამ წმინდანის მამად დასახელებულია „**დადა გარაზ-ბაგურ, მეოთხე მეფე... მარან მეფეთგან**“<sup>61)</sup> და ერთი სიტყვაც არაა ნათქვამი მის ვითომ-პაპა „**დადა ბაგურზე**“, როგორც ეს რაბეს მიერ გამოცემულ სირიულ ტექსტში ყოფილა. ამავე წინასიტყვაობაში ბ-ნ ნ. მარს პარალელურათ ნაჩვენები აქვს თითქმის ყველა ის ადგილები, რომლითაც ქარ-

<sup>59)</sup> ნახ. „Правосл. Палест. Сборникъ“ т. XVI, выш. 2: „Житіе Петра царевича-подвижника и епископа Майумскаго V вѣка“. Спб. 1896 г. XXXIX+126.

<sup>60)</sup> იქვე გვ. XXII—XXIII; შეად. გვ. XXXII და XXXV.

<sup>61)</sup> იქვე გვ. 3 და 61.



თული ტექსტი რააბეს ტექსტისაგან განსხვავდება, სახელდობრ აღნუსხულია ყველა ის განსხვავებანი, რომელნიც, მკვლევარის აზრით, „დაუჯერებლად ჰხდინ ქართული თარგმანის დამოკიდებულობას რ. რააბეს მიერ გამოცემულ სირიულ ტექსტისაგან“. <sup>62)</sup> მაგრამ ამ განსხვავებათა სიაში ჩვენ ვერ შევხვდით პეტრეს მამის გინა ჰაპის შესახებ ცნობას, თუმცა ბ-ნ მარსს შემთხვევა ნებას აძლევდა ამ საგნითვისაც ყურადღება მიექცია. <sup>63)</sup> ამით, რასაკვირველია, ჩვენ იმის თქმა კი არ გვინდა, თითქოს პროფ. ვ. ბოლოტოვს განგებ შეეთხზას პეტრეს გენეოლოგიის შესახები ცნობა, — ეს ჩვენი მხრით დიდი კადნიერება იქნებოდა, — არამედ მხოლოდ იმისი, რომ შესაძლოა პატივცემულს პროფესორს ის ადგილი რააბეს ტექსტისა, რომელიც პეტრეს ჩამომავლობას შეეხება, მთლად სისწორით ვერ ჰქონდეს წაკითხული ან გაგებული. ამას ჩვენ გვაფიქრებინებს შემდეგი გარემოება: როგორც სირიულ „ცხოვრებაში“ პეტრეს შაჰად (დედის-მამად) „დადა ბაკური ყოფილა დასახელებული, აგრეთვე ქართულ ტექსტშიაც პეტრეს შაჰად დასახელებულია „დადი ვარაზ-ბაკურ“; ამავე დროს ის ადგილი, სადაც ეს ცნობაა მოყვანილი, ქართულ ტექსტში იმნაირადაა სინტაქსიურის მხრით აშენებული, რომ, თუ ძალიან არ დააკვირდით, ერთი და ორი წაკითხვითაც კი გვეგონებათ, თითქოს წმ. ნინოს ჭადაგება და ქრისტიანობის გავრცელება ამ ვარაზ-ბაკურის დროს მომხდარიყოს. <sup>64)</sup> შესაძლოა, რააბეს ტექსტსაც ამგვარის კონსტრუქციით შეეყვანოს შეცდომაში პატივცემული პროფესორი. მაგრამ, იქნება, სულაც სირიული ტექსტის ავტორი „ანონაჰმა“ იყოს დამნაშავე: შესაძლოა მას ხელთ ჰქონებოდეს ბიზანტიელი მწერლების ცნობა რუფინის მთხრობელ ბაკურ-მეფეზე, რომელსაც თვით რუფინი უწოდებს: „Bacurius, gentis ipsius rex“ (= „ბაკურ, მეფე იმ ერისა“), და ეს ფრაზა სწორედ ისე გაეგოს, როგორც იგი

<sup>62)</sup> იქვე გვ. XXIII და ქვევით; განსაკუთრებით გვ. XXV—XXIX.

<sup>63)</sup> იქვე გვ. XII, სტრიქ. 1—3.

<sup>64)</sup> იქვე გვ. 3—4, თავი მე-3.

მე-XIX საუკუნეში ერთმა ჩვენმა მკვლევარმა გაიგო,<sup>65)</sup> სახელ-  
 დობრ იმ აზრით, თითქოს აქ თვით იმ მეფეზე ყოფილიყოს  
 ლაპარაკი, რომლის დროსაც ქართველებს ქრისტიანობა მიუ-  
 ღიათო. ეს მით უმეტეს სარწმუნოა, რომ როგორც ზემოთ  
 აღვნიშნეთ, ანონიმის ტექსტი არ ყოფილა იმ პირველი  
 ორიგინალის პირი, რომელიც ზაქარია მაიუმელის ხელიდან  
 გამოსულა და ქართულთარგმანს საფუძვლად დასდებია. ყოვე-  
 ლივე თქმული იძულებულს გვხდის, შემდეგს დასკვნას დავად-  
 გეთ: განსვენებულის ვ. ვ. ბოლოტოვის მიერ ნაჩვენები ცნო-  
 ბა რააბეს ტექსტისა ისეთს არას წარმოადგენს, რომ მისი ძა-  
 ლით შესაძლო იყოს ქართული წყაროების და ზეპირგარდმო-  
 ცემის ის საერთო რწმენა უარ-ვჰყოთ, რომ პირველი ქრისტიან-  
 ი მეფე საქართველოში იყო მირიანი, — პაპა და წინამოდგი-  
 ლე ბაკურისა და არა ამ უკანასკნელის ტახტის უზურპატო-  
 რი, როგორც ეს ვ. ბოლოტოვის ჰიპოტეზით გამოდის.

ამ რიგად, უმთავრესი საფუძველი, რომელზედაც აშენე-  
 ბულია აღნიშნული ჰიპოტეზა, ძლიერ საეჭვო ღირსების სა-  
 ბუთია და, როგორც ავეთი, სხვა საფუძვლების საფუძვლად  
 ვერ გამოდგება; ამასთან ერთად მნიშვნელობას ჰკარგავს ყვე-  
 ლა ის წვრილმანი საბუთები, რომელნიც აღნიშნულ საფუძ-  
 ველზე იყვენ დამყარებულნი.

რაც შეეხება ორს დანარჩენ საფუძველს, — უმთავრესი  
 მოსაზრება, რომელიც მათ სარჩულად უძევს, მოკლედ ასე  
 გამოიხატება: რომაულ და ბერძნულ წყაროებში შენახულია  
 რამდენისამე ქართველი მეფის სახელი, რომელთაგან ზოგი  
 სრულებით არ მოიპოვება ქართული წყაროების მეფეთა სიაში,  
 ზოგი კი ისეთს დროს არის ნაჩვენები, რომ მეტად ძნელია  
 მათი შეთანხმება ქართული წყაროების თანამოსახელე მეფეთა  
 ქრონოლოგიასთან; ეს კი იმის დამამტკიცებელია, რომ ქა-  
 რთული წყაროები თანამედროვე პირთაგან არ ყოფილა და-  
 წერილი და, მაშასადამე, არც მათი ცნობები გამოდგება სა-

<sup>65)</sup> შვად. შ. იოსელიანი: „Кр. Ист. Груз. Церкви“, стр.  
 18—19.

მეცნიერო ისტორიისთვისაო.—ასეთია ზემოთ აღნიშნულ ორ საფუძვლის არგუმენტები და იქიდან გამომდინარე დასკვნა, — და ჩვენც სავსებით დავეთანხმებოდით ამ დასკვნას, უკეთუ იგი ერთად-ერთი შესაძლო დასკვნა იყოს; მაგრამ იმავე არგუმენტებიდან შეგვიძლია სხვანაირი დასკვნაც გამოვიტანოთ, სახელდობრ: უკეთუ ქართული წყაროების ზოგიერთ მეფეთა სახელები ბერძულ-რომაულს წყაროებში შენახულ სახელებს არ ეთანხმება, — სჩანს, ან უკანასკნელთა ავტორებს სისწორით არ სცოდნიათ და, მაშასადამე, ვერც სისწორით ჩაუწერიათ ქართველი მეფეების სახელები ან-და შემდეგში გადამწერლებს ვერ ამოუკითხავთ იგინი სისწორით და აურევიათ; მეორე მხრით, უკეთუ ზოგიერთ მეფეთა სახელები ქართულსა და ბერძულ-რომაულ წყაროებში თანახმად არის ნაჩვენები, მაგრამ მათი მეფობის დრო კი განსხვავებულია, — სჩანს, ამ შემთხვევაში ბრალი იმ პირს უნდა დაედვას, რომელმაც ქართველ მეფეთა ქრონოლოგია დაადგინა და შესაფერი კრიტიკა ვერ უყო იმ საისტორიო და საქრონოლოგიო მასალას, რომლითაც სარგებლობდა; მაშასადამე, ჩვენი მოვალეობაა არა სრულიად ხელის აღება ქართული წყაროების ცნობებზე, არამედ მათი კრიტიკულად განხილვა და, შეძლებისადაგვარად, ბერძულ-რომაულ წყაროების და საზოგადოთ მსოფლიო ისტორიის ცნობებთან შეთანხმება. სწორეთ ამ-გვარ ცნობებად უნდა ჩაითვალოს ის ცნობები, რომელნიც დღეს გვანტერესებს, სახელდობრ:

ა) ცნობა მსოფლიო ისტორიისა 298 წლის ხელშეკრულობის შესახებ, რომლითაც რომის იმპერატორებს ქართველ მეფეთა დამტკიცების უფლება მინიჭებიათ;

ბ) ცნობა „ქართლის მოქცევისა“ იმის შესახებ, რომ მირიანი იყო ძე ქართველთა მეფის ლევისა, რომელსაც ასფაგურის შემდეგ უმეფნია, და არა სიძე ასფაგურისა და ძე სპარსთა მეფის ქასრე არდაშირისა, როგორც „ქართლის-ცხოვრება“ მოგვითხრობს;

გ) ცნობა თანამედროვე ამმიან მარცელინისა (დაიბადა 330 წ.) იმის შესახებ, რომ 361 წელს ივერიაში მეფედ იჯდა მერიბანი (=მირიანი); <sup>66)</sup>

დ) ცნობა „ქართლის მოქცევისა,“ რომ მირიანს შემდეგ ტახტი დაიჭირა მისმა ძის-ძემ (შვილიშვილმა) ბაკურმა და არა „ძემ“, როგორც „ქართლის-ცხოვრება“ გვარწმუნებს; ხოლო ბაკურს შემდეგ — მისმა ძმამ თრდატმა და არა „ძემ მირდატმა“, როგორც იგივე „ქართლის-ცხოვრება“ ამბობს;

ე) აგრეთვე, ცნობა იმავე მარცელინისა იმის შესახებ, რომ 368 წლიდან საქართველოს ტახტზე ორი მეფე ყოფილა დადგენილი: ერთი სპარსელებისაგან — **ასპაკურა** და მეორე — რომაელებისაგან **საგრამაკა**; <sup>67)</sup>

ვ) მსგავსადვე, ცნობა „ქართლის-მოქცევისა“ იმაზე, რომ თრდატის შემდეგ ტახტი რგებია ვარაზ — ბაკურს, რომლის დროსაც სპარსელების გავლენა შესამჩნევათ გაძლიერებულა საქართველოში, და რომლის ჩამომავლობაზედაც აღნიშნული ქრონიკა არას ამბობს. „ქართლის-ცხოვრება“ კი გვარწმუნებს, თითქოს იგი ძე ყოფილიყოს „მირდატისა“, რომელსაც ვარაზ-ბაკურის წინ „ქართლის მოქცევა“ არ იცნობს; <sup>68)</sup>

ზ) ცნობა რუფინისა და ბაზანტიის ისტორიისა იმის შესახებ, რომ 380 წლის მახლობლად ბიზანტიაში იმყოფებოდა ერთი ქართველთ მეფეთაგანი, მაშინ უკვე მეფობიდან გადამდგარი, **ბაკურა**, რომელიც 394 წელს ტირანს ევგენიოზთან ბრძოლაში მოკლულა; <sup>69)</sup>

ც) უკანასკნელ, ცნობა წმ. პეტრე მაიუმელის „ცხოვრებისა“ იმის შესახებ, რომ მამა პეტრესი, „დიდი ვარაზ-

<sup>66)</sup> ნახ. *Ганъ*: Извѣстiя древнѣйшихъ греч. и римск. писателей о Кавказѣ. Тифлисъ. 1884 г. ч. I, стр. 181.

<sup>67)</sup> იქვე გვ. 185.

<sup>68)</sup> თ. ჟორდანია: ქრონიკები I, გვ. 41—42. შეად. „ქ.-ცხოვრება“ I, გვ. 141. 146—147.

<sup>69)</sup> Lebeau, Histoire du Bas-Empire. t. III, p. 337 n. 2; V, 45. 46. 53.

ბაკურ“ თეოდოსე მცირის (408—450 წ.) მეფობის პირველ ნახევარში ცოცხალი ყოფილა. <sup>70)</sup>

ყველა ზემოთ ჩამოთვლილ ცნობების შესათანხმებლად საჭიროდ მიგვაჩნია დროებით „ქართლის-ცხოვრების“ დეტალები დავივიწყოთ, საექვოდ დავდვათ მისი თქმულება მირიანის სპარსელობაზე და, აგრეთვე, გვერდი ავუაროთ ვახუშტის ქრონოლოგიასაც, რომელიც უმთავრესათ „ქართლის-ცხოვრების“ ცნობებზეა დამყარებული.

უკეთუ ამ ორ პირობას შევასრულებთ, მაშინ შეგვეძლება ჩვენი ქვეყნის პოლიტიკური ცხოვრების უმთავრესი ფაქტები, ასფაგურიდან დაწყებული და ვარაზ—ბაკურის მეფობით გათავებული, შემდეგის თანდათანობით წარმოვიდგინოთ:

ასფაგურის სიკვდილის შემდეგ, რომელსაც ვახუშტი 26 წელს დასდებს, საქართველოს ტახტზე ასულა მეფე ლევი, „მამაჲ მირიანისი“, რომელსაც, ჩვენის ფიქრით, უნდა ემეფნოს დაახლოვებით იმ წლამდე, როდესაც რომის იმპერიასა და სპარსეთს შორის ნიზიზისის ხელშეკრულება მოხდა (298 წ.), რომლის ძალითაც საქართველო რომისგან დამოკიდებულ სამეფოდ იქმნა აღიარებული და ქართველი მეფეები იძულებული გახდნენ სამეფო ნიშნები რომის იმპერატორებისაგან მიეღოთ; დაახლოვებით ამავე წელს უნდა მომხდარიყო ლევის ძის, მირიანის, სამეფო ტახტზე ასვლაც. სავსებით ვეთანხმებით განსვენებულის ვ. ვ. ბოლოტოვის აზრს, რომ ამჟამინ მარცელინის „მეფე მერიბან“ში გაუქირვებლად შეგვიძლია ქართული წყაროების მირიანი ვიცნოთ“<sup>71)</sup>, ხოლო მისი მეფობის უკანასკნელ წლად დაახლოვებით ის წელი ვიგულოთ (361

<sup>70)</sup> ნახ. Правосл. Палест. Сборникъ. т. XVI, вып. 2: „ცხოვრება პეტრე ქართულისა“ გვ. 3 და 60—61. როგორც სჩანს, რააბეს მიერ გამოცემულ სირიულ ტექსტშიაც პეტრე-ქართველის მამად ვარაზ-ბაკური ყოფილა დასახელებული. შეად. ნ. მარრის სიტყვები, იქვე გვ. XII, სტრიქ. 1—3.

<sup>71)</sup> Христ.-Чтение, за 1898 г. апрѣль. стр. 258.

წელი), როდესაც მას ამჟამინ მარცელიონი იხსენიებს. მართალია, ეს თარიღი არ ეთანხმება ვახუშტი ბატონიშვილის თარიღს, რომლითაც მირიანის გარდაცვალება 342 წელს არის ნაჩვენები, მაგრამ ჩვენ უკვე შენიშნული გვაქვს, რომ ვახუშტის ქრონოლოგია უმთავრესად „ქართლის-ცხორების“ ცნობებზეა დამყარებული, ჩვენი კი — „ქართლის მოქცევისა“ და თანამედროვე ამჟამინ მარცელიონისაზე; მაშასადამე, ჩვენთვის სავალდებულო არ არის ის შეცდომები გავიმეოროთ, რომელნიც ვახუშტს ვერ აუცდენია.

ნიზიბისის ხელშეკრულობით დამყარებული წესი, როგორც უკვე შენიშნული გვაქვს, 363 წელსაც ისევ ძალაში ყოფილა დარჩენილი; მაშასადამე, ცხადზედ უცხადესია, რომ მე-III საუკუნის დამლევს და მე-IV-ის პირველ ნახევარში საქართველო რომის სავსისალო ყოფილა, რითაც ძლიერ ადვილი ასაღსნელი ხდება ის ფაქტი, რომ მე-IV საუკუნის პირველ მეოთხედში, იმპერატორის კონსტანტინეს თვით-მპყრობელობის დროს ქართველთა მეფემ ისე ადვილათ მიიღო ქრისტიანობა, რომელსაც ამ დროს სპარსეთმა უკვე ცუდის თვალთ დაუწყო ცქერა, როგორც მოქიშვე იმპერიის სახელმწიფოებრივ რელიგიას.<sup>72)</sup> შესაძლოა მირიანი 298 წელზე ცოტა უფრო გვიანაც ასულიყოს ტახტზე, მაგრამ ის კი ყოველ ექვს გარეშე უნდა ჩაითვალოს, რომ მისი მეფობა იმ ეპოქას ეკუთვნის, როცა, აღნიშნული ხელ-შეკრულობის ძალით, რომსა და საქართველოს შორის განსაზღვრული პოლიტიკური ურთიერთობა დამყარდა. თქმულის მიხედვით, მირიანის (=მერიბანის) გარდაცვალების წლად ჩვენ 361 წელი მიგვაჩნია, ხოლო ტახტზე ასვლის თარიღად კი 298 ან 300 წელი. ამ ქრონოლოგიით მირიანის მეფობის ხანგრძლივობა 63 წელს არ აღემატება ( $361 - 298 = 63$ ;  $361 - 300 = 61$ ), რაც, ცხა-

<sup>72)</sup> თუ როგორს პოლიტიკას დაადგა სპარსეთი ქრისტიანების მიმართ მას შემდეგ, რაც რომის იმპერატორებმა ქრისტიანობა სახელმწიფოებრივ სარწმუნოებად აღიარეს, — ამის შესახებ ნახ. დიუბუა დე-მონპერეს აზრი (ალ. ჭვინია, ისტორიული ნარკვევი. გვ. 334).

დია, უფრო სარწმუნოა, ვინემ ვახუშტის ქრონოლოგიის ჩვენება, რომლითაც აღნიშნული მეფობის ხანგრძლივობა 77 წლამდე აღწევს (342—265=77).

მირიანის მემკვიდრედ „მოქცევაჲ ქართლისაჲ“ მის შვილიშვილს ბაკურს აღიარებს: „და მოკვდა მირიან მეფე და დაეფლა... და დაჯდა მეფედ ბაკურ ძე რევისი“. <sup>73)</sup> ერთადერთი ფაქტი, რომელსაც „ქართლის მოქცევა“ ამის მეფობაში უჩვენებს, არის წილკნის ეკლესიის აშენება. თუ მაშინდელი ეკლესიების არხიტექტურას მივიღებთ მხედველობაში, ვეჭობთ ამ საქმეს 3—4 წელზე მეტი დრო მონდომებოდეს. ამიტომ იმავე ქრონიკის ცნობა, ვითომც ბაკურს წილკნის ეკლესიის აშენებაზე 25 თუ 34 წელი დაეხარჯოს, ძლიერ საეჭვო ქრონოლოგიურ ცნობად უნდა ჩაითვალოს. საყურადღებოა, აგრეთვე, ის გარემოებაც, რომ ბაკურის სიკვდილს „ქართლის მოქცევა“ წილკნის ეკლესიის დასრულებისათანავე მოიხსენებს: „ამან ბაკურ დაიწყო წილკნისა ეკლესიისა და განიშორა... და მოკვდა“. <sup>74)</sup> ბაკურის მიერ წილკნის ეკლესიის აგებას და მის გარდაცვალებას „ქართლის ცხოვრება“-ც „ქართლის მოქცევის“ თანახმად აღწერს, თუმცა წლებს არ აღნიშნავს. <sup>75)</sup>

ბაკურის შემდეგ, „ქართლის მოქცევით“, საქართველოს ტახტი მის ძმას თრდატს რგებია, რომლის მეფობაშიაც, აგრეთვე, ერთი ეკლესიის (ნეკრესის) განსრულებაა აღნიშნული, ხოლო რუსთავეში—რუეს გამოღება და ეკლესიის საფუძვლის დადება. ამისავე დროს აწყებს მღვდელ-მთავრობას საქართველოში სომხის კათალიკოსის ნერსეს ნადიაკნარი იოზ. <sup>76)</sup> დაახლოვებით ამავე ფაქტებს იხსენიებს „ქართლის-ცხოვრება“ მანდატის მეფობაშიაც: მისი ყურადღება უმეტესათ სამხრეთის საქართველოსკენ (კლარჯეთი, ერუშეთი, წუნდა)

<sup>73)</sup> ქრონიკები I, გვ. 39—40

<sup>74)</sup> იქვე გვ. 40—41.

<sup>75)</sup> ქართლ.-ცხოვრება I, გვ. 139—140.

<sup>76)</sup> ქრონიკები I, გვ. 41.

იყო მიქცეულიო,<sup>77)</sup> სადაც, სხვათა შორის, იმყოფებოდა რუსთაფიც, რომლის ეკკლესიის საფუძვლის ჩაგდებას „ქართლის-მოქცევა“ თრდატს მიაწერს. „ქართლის ცხოვრებითვე“ მირდატის დროს „მოკვდა იაკობ ეპისკოპოსი და დაჯდა იობ სომეხი, წერსე კათალიკოზისა დიაკონი“.<sup>78)</sup> მეორე მხრით, სიტყვები „მირდატ“ და „თრდატ“ იმდენათ ჰგავს ერთმანეთს, რომ საკმაო უნდა ყოფილიყო, ხუცურათ გინა მხედრულად დაწერილს მარცვალ-„მი“-ში, რომელიც ძველ ხელთ-ნაწერებში თითქმის მუდამ გადაბმულათ იწერება („მი“), ასოს „მ“-ს თავი წაშლოდა ან სიტყვა—„თრდატ“-ში „თ“-ს ზემოდან მცირეთ მოხრილი ხაზი მიბმოდა, და ეს ორი სახელი ერთმანეთში არეულიყო. ყოვლისავე თქმულის მიხედვით, გადაქრით შეგვიძლია ვთქვათ, რომ „ქართლის ცხოვრების“ **მანდატ** და „ქართლის მოქცევის“ **თრდატ** ერთი და იგივე პირია.

ამ რიგათ, მირიანს შემდეგ (+361 წ.), ჩვენი წყაროებით, ორ პირს უმეფნია: ბაკურსა და თრდატს (=მირდატს). საკმაო საფუძველი არა გვაქვს ამ ორ მეფეთა სინამდვილე უარ-გჰყოთ; მხოლოდ საჭირო ხდება მათი მეფობის დროდ 361—368 წელი დავნიშნოთ, რადგან 368 წლიდან ამჟამინ მარცვლინი მოიხსენებს უკვე ორს ივერთა მეფეს, როგორც თანამედროვეებს: **საგრომაკს** და **ას-ზაკურს**, რომელთაგან პირველი რომაელებისაგან ყოფილა დადგენილი, უკანასკნელი კი—სპარსელებისაგან. საგრომაკს ქართული წყაროები არ იხსენიებს, ალბათ მიტომ, რომ მისი ფაქტობა მეფობა საქართველოში ფრიალ მცირე ხნოვანი უნდა ყოფილიყო. რაც შეეხება **ას-ზაკურს**, როგორც ქართული წყაროების ცნობა, ისე ამჟამინ მარცვლინის მოწმობა ერთობით ხელს გვიწყობს ამ სახელში „ქართლის მოქცევის“ **განაზ-ზაკურა** დავინახოთ. ამჟამინ მარცვლინის თქმით, რომელიც თანამედროვეა მის მიერ აღწერილი ამბებისა (დაიბ.

77) ქ.-ცხოვრება I, გვ. 140.

78) იქვე გვ. 140.



330 წ.), ას-პაკური საქართველოში სპარსელებისაგან ყოფილა დადგენილი, მაშასადამე, იმ დროს სპარსელების გავლენა ამ ქვეყანაში უკვე საკმაოდ გაძლიერებულია. და „ქართლის-მოქცევაჲ“ მოგვითხრობს, რომ თრდატის შემდეგ „დადგა ვარაზ-ბაკურ მეფედ; და მისაზვევე სპარსთა მეფისა მარზაპარნი შემოვიდეს სიენიეთა, და იგი ხიდარდ უკუჯდა, და მთავარ-ეპისკოპოსი იყო იგივე იობ; და მაშინ მოვიდა ქრამ-ხუარ-ბორ-ზარდ სპარსთა მეფისა პატიახში ტფილისად ქალაქად ციხედ და ქართლი მისსა ხარკსა შედგა და სომხითი და სიენიეთი და გუასპურაგანი“. <sup>79)</sup> თვით ამჟამინ მარცვლინისავე მოწმობით, საერომაკი სპარსელების მიერ იქნა განდევნილი საქართველოდან და მხოლოდ რომაელთა ლეგიონების წყალობით ელირსა ტახტის დაბრუნება, თუმცა სულ კი ვერა: ნახევარ სამეფოს გამგედ სპარსელებისაგან დადგენილი ას-პაკურივე დარჩენილა. <sup>80)</sup> ამათ შემდეგ მე-VI საუკუნემდე ბიზანტიური წყაროები ქართველ მეფეებს აღარ იხსენიებს. თვით მარცვლინმა არ იცის, თუ საბოლოოვით რა ბედი ეწიათ საერომაკსა და ას-პაკურს. ეს გარემოება ნების გვაძლევს ვიფიქროთ, რომ საერომაკს ფაქტიურათ დიდხანს აღარ უნდა ემეფოს საქართველოში. რაც შეეხება ას-პაკურს, რომელშიაც ჩვენ მცირედანთ სახელ-შეცვლილს ვარაზ-ბაკურს ვცნობილობთ, იგი ვინა წლიდან მოკიდებული უცვლელად საქართველოს მეფედ დარჩენილა და 412 წელს მამა გამხდარა წმ. პეტრე ქართველისა. ნიკ. მარრიისა და ჟორდანიას ანგარიშით, წმ. პეტრე 412 წელს უნდა დაბადებულიყო; <sup>81)</sup> მაშასადამე, ვირაზბაკურის (ასპაკურის) სიკვდილი ამ წლის შემდეგ უნდა მომხდარიყო და არა 394 წელს, როგორც ვახუშტის ქრონოლოგია უჩვენებს. თუ მხედველობაში მივიღებთ იმ გარემოებას, რომ იმ დროს,

<sup>79)</sup> ქრონიკები I, გვ. 42—43.

<sup>80)</sup> *Гангъ*, Извѣстія... стр. 187—188.

<sup>81)</sup> ქრონიკები I, გვ. 43 შენიშვნ. 86.—Прав. Пал. Сборникъ т. XVI, выш. 2. стр. XXXVII.

როცა თორმეტის წლის მურვანოზი (=პეტრე) ბიზანტიაში მძევლად წაიყვანეს, მამა მისი ვარაზბაკური ცოცხალი იყო (ნახ. ზემოთ შენიშვნ. 70),—ყოველ ექვს გარეშე უნდა ჩაითვალოს, რომ უკანასკნელის სიკვდილი 424 წელზე ადრე ვერ მოხდებოდა. ამ საბუთების მიხედვით, ვარაზ-ბაკურის (=ას-პაკურის) მეფობას ჩვენ დავდებთ 368—425 წელს.

ახლა ვიკითხოთ: ვინ იყო ის ივერთა „მეფე ბაკური“, რომელსაც რუფინისთვის ქართველთა მოქცევის ამბავი გადუცია და 380 წელს უკვე ბიზანტიელთა სამსახურში ყოფილა ჩარიცხული, ხოლო 394 წელს ტირანს ევგენიაზთან ბრძოლაში მოკლულა? ცხადია, ეს ბაკური ვარაზ-ბაკური არ არის, რადგან უკანასკნელი 425 წლამდე ცოცხალი იყო და საქართველოს ტახტი არ დაუტოვებია. მაშ ვინ უნდა აყოს იგი? გადაჭრით შეგვიძლია ვთქვათ, რომ რუფინის ბაკური (Bacurius) არის ჩვენი მეფე ბაკური, რევის ძე და მირიანის მემკვიდრე, რომელსაც, ჩვენის ანგარიშით, სულ სამს ან ოთხს წელს უნდა ემეფნა (361—364 წ.). მხოლოდ საჭიროა ის, რასაც ამ მეფის შესახებ პროფ. ბოლოტოვი და ბ. თ. ჟორდანიას<sup>82)</sup> ამბობენ, შემდეგნაირად გადავაკეთოთ: 364 წელს ან მის მახლობლათ მირიანის მემკვიდრე ბაკური არ მომკვდარა; არამედ ან თვისი ძმის თრდატისაგან ძალით ტახტიდან ჩამოგდებულა, ან თვითვე დაუთმია მისთვის ტახტი და საბერძნეთში წასულა, სადაც იგი შესაფერისი პატივით მიუღიათ და პალესტინის საზღვრებზე ჯარის-უფროსობა მიუწოდებიათ. ამ ბაკურს რუფინი დიდათ მორწმუნე და სათნო ადამიანად ჰხადის, და ქართულ წყაროებშიაც საბუთები გვაქვს მის ამგვარს დახასიათებას სავსებით დავეთანხმოთ.

ამ რიგათ, ჩვენი საბოლოო დასკვნა შემდეგს აზრს შეიცავს:

პირველი ქრისტიანი მეფე საქართველოსი იყო მირიანი; ამას მოწმობს როგორც ყველა ქართული, ისე სომხური

<sup>82)</sup> შეად. ქრონიკები I, გვ. 41, შენიშვნ. 82.

წყაროები;<sup>83</sup>) ამას არ ეწინააღმდეგება რუფინის მოწმობაც, ხოლო ამჟამინ მარცელინის თქმულება (მერიბანზე), „ქართლის მოქცევის“ ცნობასთან (ლევინზე) ერთად, სრულიად ახალ შუქსა ჰფენს ამ მეფის ცხოვრების ქრონოლოგიას. მირიანი არც სპარსი ყოფილა და არც სპარსთა მიერ დაყენებული, არამედ რომის ვასალი იყო და იქიდანვე ჰქონდა საეფო ნიშნები მიღებული 298 წლის მახლობლათ. იგი თანამედროვეა, როგორც იმპერატორის კონსტანტინე დიდისა (306—337 წ.), აგრეთვე მისი მემკვიდრეებისაც 361-წლამდე. ხოლო თუ მისი მეფობის დრო ვახუშტს შეცდომით აქვს ნაჩვენები, ეს მართო ამ მეცნიერი ბატონიშვილის ბრალი არ არის, არამედ იმ საქრონოლოგო და საისტორიო მასალისაც, რომელიც მას ხელში ჰქონებია (უმთავრესათ „ქართლის-ცხოვრება“). ამ მასალის უმთავრესი ტენდენცია ქართველ მეფეთა შესახებ, როგორც უკვე შენიშნული გვაქვს, იმაში გამოიხატება, რომ თითქმის ყოველ წარჩინებულ მეფეს ძველი პერიოდისას სპარსულ ჩამომავლობას მიაწერს; „მოქცევაჲ ქართლისაჲ“-კი ამ ტენდენციას მოკლებულია და ამდენათ ჩვენს მოსაზრებას უფრო ამართლებს.

ახლა კი დროა გაწყვეტილ სიტყვას დავუბრუნდეთ და ქართველთა მოქცევის ისტორია განვაგრძოთ.

როცა მეფე მოიქცაო,—ამბობს რუფინი,—შეჰყარა ერი, შეატყობია, რაც მას და დედოფალს შეემთხვათ, და წინადადება მისცა ახალი სარწმუნოება მიეღო; ერთი სიტყვით, იგი შეიქნა მოციქული თვისის ერისა; ამავე დროს დედოფალი ქალებში მოქმედობდა: ამ საერთო მოღვაწეობის შედეგი ყოფილა ის, რომ ხალხს თანხმობა გამოუცხადებია სარწმუნოების გამოცვლაზე<sup>84</sup>) და, რამდენისამე ხნის შემდეგ, ეკლე-

<sup>83</sup>) შუად. *Исторія Арменіи, Монсея Хоренскаго. Нов. перев. Эмина. 1893 г. стр. 132.*

<sup>84</sup>) „Jgitur rex totius gentis populo convocato, rem ab initio quae erga se ac reginam gesta fuerat, exponit fidemque edocet et nondum initiatus in sacris fite suae gentis apostolus. Credunt viri per regem, feminae per reginam: cunctisque idem volentibus Ecclesia extruitur instanter“. *Хахановъ, Источники...* გვ. 5. შუად. იქვე გვ. 7 და 9.

სიის აშენებასაც შესდგომია. ეს ის ეკლესიააო, — მოკლედ შენიშნავს „ქართლის მოქცევა,“ — სადაც „სვეტი იგი იყო ძელისა, რომელი თვით აღმართაო“. <sup>85)</sup> ხოლო როცა ეკლესია განსურლებულ-იქმნაო, — განაგრძნობს რუფინი, — ტყვის რჩევით კონსტანტინე იმპერატორთან ელჩები გაგზანეს, საქმის მიმდინარეობა აცნობეს და სამღვდელოება ითხოვესო; იმპერატორს ძლიერ სასიხარულოდ დაურჩა ეს ამბავი, ელჩებს ყოველივე სათხოვარი აუსრულა და დიდის პატივით გამოისტუმრაო. <sup>86)</sup>

აქ რუფინის მოთხოვნა ერთბაშით სწყდება. მას აღარ აინტერესებს არც ის, თუ სახელდობრ რა და რა ღირსების სასულიერო პირთაგან შესდგებოდა ის სამღვდელოება, რომელიც კონსტანტინემ საქართველოში გამოგზანა, და არც ის, თუ რა ბედი ეწია ახლად დანერგულს ივერთა ეკლესიას, როცა იქ სამღვდელოება გაჩნდა და მოქმედება დაიწყო. ამ ნაკლს მცირეოდნათ თეოდორიტე კირელი ავსებს, როცა ამბობს, რომ „როდესაც კონსტანტინემ მოციქულთა მოსვლის მიზეზი შეიტყო, ელჩები დიდის სიხარულით მიიღო, მერე ამოარჩია კაცი შემკული სარწმუნოებითა, გონებითა და კეთილის ცხოვრებით, ღირსქმნილი ეპისკოპოსობისა, გაგზანა (საქართველოში) საქადაგებლად და თანაც მრავალი საჩუქარი გაატანაო“. <sup>87)</sup> მაგრამ ყველაზე უფრო გარკვეულათ ამ საგნის შესახებ, როგორც მოსალოდნელიც იყო, ისევ „ქართლის მოქცევის“ ქრონიკა მოგვითხრობს. იგი ამბობს: „და ვითარცა აღაშენეს ეკლესია, წარავლინა (მეფემან) მოციქული და წიგნა ნინოსი საბერძნეთა მეფისა კოსტანტინესა თხოვად მღუდელთა; ხოლო იგინი მსწრაფლ მიიწინეს; და მოსცა მეფემან (კოსტანტინემ) აოგანე ეპისკოპოსი და ორნი მღუდელნი და ერთი დიაკონი

<sup>85)</sup> ქრონიკები I, გვ. 29. — ამ ამბავს უფრო ვრცლად ბიზანტიური წყაროები მოგვითხრობს. შეად. Хахановъ, loc. cit. стр. 5. 8. 9. — ნახ. მსგავსივე მოთხრობა წმ. ნინოს „ცხოვრების“ ყველა ვარიანტებში.

<sup>86)</sup> Хахановъ, Источники... стр. 6.

<sup>87)</sup> Хахановъ, Источники... стр. 11.

და წიგნი ელენე დედოფლისაჲ და ხატი მაცხოვრისაჲ და ძე-  
ლი ცხოვრებისაჲ ნინოესთვის. და ვათარცა მოვადეს, ნათუ-  
ლი მაილა მარჯან მეფემან და დედოფალჲსან და ყოვლჲსან  
სახლჲსან მათჲსან“. <sup>88)</sup>

საინტერესოა, რომ არც სამღვდელთაობის რიცხვზე, არც  
ელენე დედოფლის წერილზე, არც მაცხოვრის ხატზე და არც  
„ძელი-ცხოვრების“ (მაცხოვრის ჯვრის ნაწილთა) გამოგზავ-  
ნაზე არავითარ ცნობას არ იძლევა ეგრედ წოდებული „ახა-  
ლი“ ანუ შატბერდისეული ვარიანტი წმ. ნინოს „ცხოვრები-  
სა“. იგი ამბობს მხოლოდ: „მაშინ მოვიდეს მოციქულნი სა-  
ბერძნეთით, მღვდელთ-მოძღვარი, მღვდელნი და დიაკონნი,  
და იწყეს ნათლისცემად, ვათარცა ზემო წერაჲა ანს“. <sup>89)</sup>  
მაგრამ „ზემო“ კი ერთი სიტყვაც არაა ნათქვამი ამ საგნის  
შესახებ. რას ნიშნავს ეს? ნუ თუ ზმნისართი „ზემო“ იმ სი-  
ტყვებს ეკუთვნის, რომელნიც ჩვენ „ქართლის მოქცევის“  
ქრონიკიდან ამოვწერეთ, იმ ქრონიკიდან, რომელიც შატბერ-  
დისეულ კრებულში წმ. ნინოს „ცხოვრებას“ წინ უზის და  
მასთან ერთად ატარებს სათაურს: „მოქცევაჲ ქართლისაჲ“. <sup>90)</sup>  
მაგრამ მაშინ ხომ აშკარათ გამოჩნდება, რომ წმ. ნინოს  
„ცხოვრების“ ის მე-11 თავი, სადაც აღნიშნული სიტყვებია  
მოტანილი, სიღონის დაწერილი კი არ ყოფილა, როგორც  
ამ თავის სათაური და პირველ-პირული მოთხრობა გვარწმუ-  
ნებს, არამედ სრულიად სხვა პირისა, რომელსაც „ქართლის  
მოქცევის“ ქრონიკის უუძველესი ნაწილის გადაწერის შემ-  
დეგ უნდა ეცხოვრა, ე. ი. არა უადრეს მე-ⅧII საუკუნისა.  
ჩვენთვის კი უამისოთაც ცხადია, რომ შატბერდისეული ვა-  
რიანტი, თუმცა პირველი-პირითაა დაწერილი, მაგრამ მაინც  
ყოვლად შეუძლებელია წმ. ნინოს „ცხოვრების“ უუძველეს  
ვარიანტად ჩაითვალოს. მასზე ბევრათ უფრო ძველი ის ვა-  
რიანტი უნდა ყოფილიყო, რომელიც „ქართლის მოქცევის“

<sup>88)</sup> ქრონიკები. I, გვ. 31.

<sup>89)</sup> ე. თაყაიშვილი: „ახალი ვარიანტი...“ გვ. 50.

<sup>90)</sup> ნახ. წერა-კითხვ. საზოგ. ხელნაწერი № 1141, გვ. 433—496.

ქრონიკას უძვეეს საფუძველად და რომლითაც, უეჭველია, უნდა ესარგებლინოსთ შემდეგში ვერედ წოდებულის „Chronique Armenienne“-ისა და „ქართლის ცხოვრების“ შემდგენელთ, აგრეთვე შემდგენელთ წმ. ნინოს „ცხოვრების“ იმ ვარიანტებისა, რომელთაც კი ჩვენ ხელი მიგვიწვდა და რომელნიც „ქართლის-მოქცევის“ ქრონიკასთან, „Chronique Armenienne“-სა და „ქართლის ცხოვრებასთან“ ერთათ აღიარებენ, რომ კონსტანტინესაგან მოსული ეპისკოპოსი იყო იოანე, რომ იმ დროს ელენე დედოფალი ცოცხალი იყო და „ძელი ქეშმარიტიც“ აღმოჩენილიო.<sup>91)</sup> „ქართლის ცხოვრება“ მოგვითხრობს, რომ კონსტანტინესაგან მირიანმა მიიღო „ერთი ეპისკოპოსი იოანე, ორი მღვდელი და სამი დიაკონი“, მიიღო აგრეთვე, საჩუქრები, წიგნი თვით იმპერატორისა და ელენე დედოფლისა, ხოლო რამდენისამე ხნის შემდეგ ახლად აღმოჩენილის „ძელი პატიოსნის“ ნაწილები და კალატოზებიცაო.<sup>92)</sup> ამასვე იმეორებს „Chronique Armenienne“-იც, თუმცა იგი ელენე დედოფლის წერილზე არას ამბობს, მაგრამ შენიშნავს კი, რომ კონსტანტინეს სიხარულს ქართველთა მოქცევის გამო ელენე დედოფალიც თანაუგრძნობდაო<sup>93)</sup>. რაც შეეხება იმ გარემოებას, რომ წმ. ნინოს „ცხოვრების“ შატბერდისეულ ვარიანტში აქ დასახელებული ცნობები არ მოიპოება, ამისი აღსნა მეტათ ადვილია მისთვის, ვინც მხედველობაში მიიღებს, რომ აღნიშნული ვარიანტის პირდაპირი მიზანი აპოლოგეტიურ და მოძღვრებითი ხასიათისა და არა რაიმე ისტორიულ-მეცნიერული ცნობების მოწოდება. ამ ვარიანტის დამწერი ცდილობს მკითხველებს დაუმტკიცოს,

91) შეად. საბინინის: „საქართველოს სამოთხე“, გვ. 148; აგრეთვე საეკლესიო მუზეუმის ხელნაწერები № 160, გვ. 308—309; № 170, გვ. 348. 352; № 176; აგრეთვე არსენ კათალიკოზის (მე-X საუკ.) მიერ შედგენილი „ცხოვრება წმ. ნინოსი“, გამოც. საეკლ. მუზეუმისა. ტფილისი 1902 წ. გვ. 35—36, და სხვანი.

92) „ქართლის-ცხოვრება“ I, გვ. 125. 126.

93) Brosset: Addit. et eclaircissem., p. 28.

რომ ქართველთა განმანათლებელი ჩამომავლობითაც ღირსეული პირი იყო და თვის მოქმედებაშიაც ყოველ ნაბიჯზე ზესთა-ბუნებრივ ძალთა შემწეობით ხელ-მძღვანელობდაო, — რომ ქართველთა მოქცევა და ახალ რჯულზე განმტკიცება მთლათ ერთიანათ ამ ზესთა-ბუნებრივ მოვლენათა შედეგი იყო და არა ქვეყნიურ გარემოებათა და კერძო პირთა მოქმედებით გამოწვეული მოვლენაო. მარტო ამ მიზნით აღიხსნება აღნიშნული ვარიანტის თითქმის სრული უყურადღებობა **ესტრაუელ გარქმეებათაჲში** და იმავე დროს ფრიად დიდი ყურადღების მიქცევა **სასწაულებზე**; ამავე მიზნით აღიხსნება მისი გარეგანი ფორმაც: მოთხრობა პირველი პირით, მესამე პირის ნაცვლათ, და მოამბეებადაც თანამედროვე პირების გამოყვანა (ნინო, სალომე უჯარმოელი, სიდონია, აბიათარ, იაკობ და მირიანი).<sup>94</sup>) ამით, რასაკვირველია, ჩვენ იმის თქმა კი არა გვსურს, თითქოს ის სასწაულ-მოქმედებანი, რომელნიც წმ. ნინოს „ცხოვრების“ შატერდისეულ ვარიანტშია მოხსენებული, მისი ავტორის გამოგონილი იყოს ან განგებ გაზვიადებული; ჩვენ დარწმუნებული ვართ, რომ „ცხოვრების“ ავტორს ამ სასწაულთა შესახებ მხოლოდ თქმულებათა შეკრება და წინდაწინვე განსაზღვრულ გეგმაზე დალაგება უნდა ეკუთვნოდეს და არა მათი შეთხზვა: შეთხზული ამბით, თუ მას თვით ხალხის თქმულებაში არა აქვს საფუძველი, ვერავის დაარწმუნებთ, — და ეს, რასაკვირველია, „ცხოვრების“ შემდგენელსაც კარგად ეცოდინებოდა. ამ მხრით ჩვენი „ცხოვრების“ ავტორი ძლიერ მიემსგავსება ბიზანტიელს მღვდელ-ისტორიკოსს რუფინს, რომელსაც ბაკურ-მეფის ნაამბობიდან მხოლოდ ის შეუტანია თავის „საეკლესიო ისტორიაში“, რაც უფრო მეტათ აოცებს და იზიდავს მორწმუნე ადამიანის გულსა და გონებას, სახელდობრ საკმაოდ ვრცელი თქმულებანი წმ. ნინოს მიერ მოხდენილ სასწაულებზე და სვეტის აღმართვაზე, —<sup>95</sup>) და თითქმის სრულიად უყურადღებოდ დაუტო-

<sup>94</sup>) თაყაიშვილი. „ახალი ვარიანტი...“, გვ. 3, 20, 29, 51, 55 68

<sup>95</sup>) Хахановъ, Источники... 4—5.

ვებია ის ისტორიული მოვლენანი და გარემოებანი, რომელნიც პოლიტიკურ და საეკლესიო სფერაში ქართველთა მოქცევას წინაუბრბოდა, ზოგი თან ახლდა და ზოგთაც ბიზანტიიდან სამღვდელოების მოსვლის შემდეგ უნდა ჰქონებოდა ადგილი. ერთ ამგვარ მოვლენად უნდა ჩათვალოს, რა თქმა უნდა, ქრისტეს სარწმუნოების გავრცელება მცხეთიდან საქართველოს სხვა და სხვა პროვინციებში; ეს ამბავი საკმაო სისრულით აწერილია, როგორც „ქართლის მოქცევის“ ქრონიკაში, ისე „ქართლის ცხოვრებაშიაც“; ძნელი დასაჯერებელია ამ მოვლენის შესახებ ბაკურ-მეფესაც არა ცოდნოდეს რა და თვის მეგობარ რუფინისათვის არაფერი ეამბოს, მაგრამ უკანასკნელი მის შესახებ ერთ სიტყვასაც არ ამბობს, შატბერდისეული ვარიანტი კი მხოლოდ გაკვრით იხსენიებს, რომ „მაშინ დაუტევა წმიდამან ნინო მცხეთა ქალაქი და წარვიდა მთეულთა ხარებად პირუტყვთ-სახეთა მათ კაცთა და შემუსვრად კერპთა მათთაო“<sup>96</sup>), და იმწამსვე ისევ სასწაულების აღწერას უბრუნდება. ცხადია, როგორც რუფინს, ისე შატბერდისეული ვარიანტის ავტორს ზესთა-ბუნებრივი მოვლენანი უფრო აინტერესებს, ვინემ ქვეყნიურ და ბუნებრივ მოვლენათა დეტალები. რაღა თქმა უნდა, ამგვარს ავტორებს ჩვენ ისეთს დაწვრილებითს ცნობებს ვერ მოვსთხოვთ, როგორიცაა, მაგალითად: საბერძნეთიდან მოსულ სამღვდელო პირთა სახელი, ხარისხი და რაოდენობა, ელენე დედოფლის თანამედროვეობა ამ მოვლენისა, წმ. ნინოს თაოსნობით შემდგარი მისიის ორგანიზაცია, მისი სამოქმედო რაიონის სივრცე და მოქმედების ხასიათი და სხვ. ამ გვარს ცნობებს მარტო „ქართლის მოქცევის“ ქრონიკა და „ქართლის ცხოვრება“ იძლევა, რაც თავისთავათაც ადვილი გასაგებია, რადგან, როგორც ისტორიულ წყაროებს, მათ უფრო ისტორიული გარემოებანი და ქვეყნიურ მოვლენათა დეტალები ეინტერესება, ვინემ სასწაულები და სხვა მსგავსი ზესთა-ბუნ-

<sup>96</sup>) თაყაიშვილი. ახალი ვარიანტი... გვ. 59.



ნებრივი მოვლენანი. ეს განსაკუთრებით „ქართლის მოქცევის“ ქრონიკაზე უნდა ითქვას.

ამ ქრონიკაში ჩვენ ვკითხულობთ: „მაშინ,—ე. ი. როცა თითქმის მთელი ბარის ქართლი „წარემართა“ ქრისტეს სარწმუნოებაზე,—ნეტარმან მან დედაკაცმან ნინო წარიყვანა იაკობ შღვდელი, საბერძნეთით მოსრული, და ერისთავი ერთი, წარვიდა, და დადგა წობენს და მოუწოდა მთეულთა: ქართალელთა და ფხოელთა და წილკანელთა და უქადაგა სარწმუნოებაჲ ქრისტესი; ხოლო მათ განუყარეს თავი და ერისთავმან მცირედ წარმართა მახვილი და შიშით მოსცნეს კერპნი მათნი დაღეწად; და გარდავიდა ერწოდ და დადგა ჟალეთს, დაბასა ედემს, და ნათელსცა ერწოდ-თიანელთა; და ყუარელთა ესმა ესე და გარდაკრბეს თოშეთა...; და ნინო შთავიდა კხოეთა და დადგა კაწარეთს და მონათლნა კხოელნი და სოჯნი ერთურთ მათით; და გარდავიდა კახეთა და დადგა ქცელდაბას და მოიყვანნა კაცნი მთავარნი და მონათლნა“<sup>97)</sup>. დაახლოვებით ამავე ადგილებს უჩვენებს მოსე ქორენელის ისტორიაც: „ნეტარი ნუნუ გაემგზავრა—რათა თვისი წმინდა ბავით დაემოძღვრა ივერიის სხვა ოლქებიც;... გავკადნიერდებით და ვიტყვითო, განაგრძობს იგი,—რომ მას შემდეგ, რაც იგი მოციქული შეიქნა, მან იქადაგა კხარჩებიდან დაწყებული ალანის ბქეთა და კასპის მახლობლათ მასკუტების საზღვრებამდე“<sup>98)</sup> ალანის ბქენიო, განმარტებს პროფ. ემინი,—ეს კასპის ქიშკრებია, რომელსაც ძველები იცნობდენ, მასკუტები—მასსაგეტებია, ხოლო კხარჩა—დიდ სომხეთში, გუგრის ოლქშიაო.—<sup>99)</sup> ამ თავისთავადაც ძვირფას ისტორიულ ცნობებს „ქართლის-ცხოვრება“ დასძენს, რომ, როცა მეფე მირიანმა წმ. ნინოს და ეპისკოპოსს თავისი სურვილი განუცხადა: „მნებავეს ესრეთ, რათა იძულებით, მახვილითა მოვაქციენით მთეულნი და სიძე ჩემი ფროზიო,“ — მაშინ წმ. ნინომ

<sup>97)</sup> ქრონიკები I, გვ. 32—33.

<sup>98)</sup> „Исторія Арменіи Моис. Хоренск.“ стр. 133.

<sup>99)</sup> იქვე გვ. 266.

უპასუხაო: „არა ბრძანებულ არს უფლისაგან მახვილისა აღებაჲ... არამედ... სახარებითა და პატიოსნითა ჯვართა ვუჩვენოთ გზა ჭეშმარიტებისა, მიმყვანებელი ცხოვრებად საუკუნოდ და მადლმან ღვთისამან განანათლოს ბნელი იგი გულთა მათთა.“ ხოლო, როცა ზოგიერთმა მთიულეებმა მართლაც უარი განაცხადეს ახალი სარწმუნოების მიღებაზეო, — ამბობს იგივე მათიანე, — მაშინ მეფემ ერთგვარი საშუალება იხმარაო, სახელდობრ, „დაუძძიმა მათ ხარკი“,<sup>100</sup>) ე. ი. ნივთიერ ღონისძიებას მიმართაო, რასაც, რასაკვირველია, საკმაო გავლენა ექნებოდა იმ მთის მცხოვრებლებზე, რომელნიც საზოგადოთ ყველა ისტორიულ ეპოქებში და თითქმის ყველა ქვეყნებში თვისი კონსერვატორობით არიან ცნობილნი.

ამ რიგად: მღვდელი, თვით წმ. ნინო და ერთიც ერისთავი (მათ-მათი მხლებლებით, რასაკვირველია), — აი ვისგან შესდგებოდა ის პირველი მისსია, რომელმაც მირიანის დროს საქართველოში მოქმედება დაიწყო;

თითქმის მთელი აღმოსავლეთის საქართველო და მთიულეთი, — აი ამ მისსიის სამოღვაწეო ასპარეზი;

ზოგან „მცირედ წარმართვა მახვილისა“, ზოგან „დამძიმება ხარკისა“, უმთავრესად კი — სახარების ქადაგებით და სწავლა-მოძღვრებით ჭეშმარიტი გზის ჩვენება, — აი, მოკლედ, ამ მისსიის მოქმედების ხასიათი.

ამგვარს მოღვაწეობაში დაჰყო წმ. ნინომ რამდენსამე წელს; შემდეგ, ბევრი ჯაფისაგან „დასწეულდა და წარმოემართა მცხეთად; და ვითარცა მოიწია კხოეთას დაბასა, რომელსა ჰრქვიან ბოდინი (==ბოდბე), ვერღარა ეძლო სლვად... და (მუნ) შეჰვედრა სული თვისი ხელთა ღვთისათა“.<sup>101</sup>)

ასე დასრულდა ამ დიდებული დედაკაცის მოციქულებრივი მოღვაწეობა საქართველოში.

ს. გოაგაძე.

(შემდეგი იქნება)

<sup>100</sup>) ქ.-ცხოვრება I, გვ. 134.

<sup>101</sup>) ქრონიკები I, გვ. 37—41.

# თანამედროვე უმე ცარია

პ. ბერდინისა.

(დასასრული \*)

თავისუფალი პოლიტიკური დაწესებულებანი თითქმის სულ წვრილმა ბურჟუაზიამ ჩაიგდო ხელში. მუშათა კლასი მაშინ მცხოვრებთა სულ მცირე ნაწილს შეადგენდა და თავისს შეხედულებითა და ხასიათით ამ წვრილ ბურჟუაზიას უახლოვდებოდა. პირველად რომ მუშებმა კავშირების შედგენა დაიწყეს, არც კი ესმოდათ, თუ კლასობრივის ინტერესებისათვის ბრძოლა რა ხილი იყო.

მუშათა პირველს კავშირს სახელად „ადამიანთა ზნობრივი საზოგადოება“ ერქვა და აზრად ჰქონდა აღეზარდა ისეთი მოქალაქენი, რომელთაც კარგად სცოდნოდათ თავისი უფლება-მოვალეობანი. პირველად ეს კავშირი ცხადათა ჰგმობდა ყოველსავე კლასობრივს ბრძოლას. როდესაც ბლიუნჩლიმ თავისს მოხსენებაში შვეიცარიის მუშათა კავშირს სახელად „ხელოსანთა კავშირი უწოდა, რომელიც პოლიტიკურს გაერთიანებას ცდილობსო“, მაშინ მუშათა კავშირმა უპასუხა, რომ „კავშირები მუშათა განსაკუთრებულს ინტერესებს არ იცავენ, პირ-იქით, ყველა წოდებათა ძმობა-ერთობასა სცდილობენ და უნდათ მთელ ხალხთა შორის ბედნიერება დაამყარონო“.

\*) იხ. „მოამბე“ № II.

ვხედავთ ამრიგად, რომ პოლიტიკურ თანასწორობის ატმოსფერაში ეკონომიური უთანასწორობა-განხეთქილება სრულიად იკარგებოდა. ყოველივე ეს გაბატონებულს კლასებს „სოციალურ მშვიდობიანობის“ ნიადაგზე აყენებდა; არსებულ წეს-წყობილების შეცვლის შიში რეაქციის მორევში არა ჰფლავდა შვეიცარიის ბურჟუაზიას.

ყველგან და ყოველთვის, ყველა დაწესებულებაში, ქალაქისა თუ კომუნალურს თვით-მართველობაში, სხვა-და-სხვა კლასების წარმომადგენელნი მუდამ ერთად მოქმედებდნენ, როგორც თანასწორნი; პოლიტიკური თანასწორობა აყუჩებდა იმ კრილობებსა და ტკივილებს, რომელსაც სოციალური უთანასწორობა ჰქმნიდა; ჰქრებოდა თვით ამ უთანასწორობის შეგნებაც.

აი, ამ სუბიექტიურმა ფაქტორებმა შეუწყეს ხელი იმ გარემოებასა, რომ შვეიცარიის დემოკრატიზმმა გადააფუჩქნა სოციალური განხეთქილება და მის წინააღმდეგ ბრძოლას ძირი გამოუთხარა.

როგორც ზევით დავინახეთ, ობექტიური პირობებიც ამას უწყობდა ხელსა. წარმოების წვრილი ფორმის ბატონობა და კერძო მესაკუთრეთა სიმრავლე ჰფარავდა და აყუჩებდა კლასობრივ უთანასწორობა-განხეთქილებასა.

ყველა ზემოდ ჩამოთვლილმა მიზეზებმა კი შეათანხმა შვეიცარიის ცხოვრების ერთმანეთის მოწინააღმდეგე ელემენტები, რომლებიც სხვა ქვეყნებში ერთმანეთს ებრძვიან და ეხეთქებიან. ფართო პოლიტიკური თავისუფლება-თანასწორობა, სხვა-და-სხვა კლასის წარმომადგენელთა ერთად მოქმედება კომუნალურ და ქალაქურ ცხოვრების გასაუმჯობესებლად, ამავე დროს მსხვილი წარმოების განუვითარებლობა, — ყოველივე ეს ოპოზიციონურს ხასიათს უკარგავდა შვეიცარიის პროლეტარიატს; ამავე გარემოებაში მყოფი ბურჟუაზია კი ნაკლებ მშიშარა და უფრო დამთმობი ხდებოდა, ვინემ ეგ სხვა ქვეყნებშია. მუშათა მოძრაობას აქ ჯერ კიდევ ბევრი რამ აკლია, ვიდრე ისეთს გარკვეულს ხასიათსა და სახეს მიიღებდეს, როგორც ეს გერმანიასა და საფრანგეთშია.

ზემოხსენებულ პირობებს გარდა, კლასობრივ უთანასწორობის დამალვა-გადაფუჩჩებას ძალიან შეუწყობ ხელი აგრეთვე ხალხის სწავლა-განათლების დემოკრატიულად მოწყობა-მოწესრიგებამაც. შვეიცარიის სკოლაში ყველა თანასწორია. მუშის შვილი აქ სრულიათაც არა ჰგრძნობს თავს დაჩაგრულად, არ არის ბურჟუაზიისაგან განკერძოვებულ-განცალკევებული, როგორც ეს სხვა სახელმწიფოებშია; მას საქმე აქვს უმაღლეს ბურჟუების შვილებთან, როგორც თანასწორს თანასწორთან. სკოლის ასეთ დემოკრატიზაციის წყალობით მუშათა შვილები ნაკლებად შურს ჰგრძნობენ მდიდართა წინააღმდეგ, ნაკლებ უკვირდებიან მათს ქონებრივს უთანასწორობას, რასაც ყოველ ფეხის გადადგმაზედ ჰგრძნობენ მოსწავლე ბავშვები სხვა ქვეყნებში, თვით საფრანგეთსა და გერმანიაშიც-კი.

სკოლის შემდეგ ხომ ყველა კლასთა წარმომადგენელი ერთმანეთს უდგანან მხარში საზოგადო სარბიელზე, სადაც კლასობრივ უთანასწორობისა ხსენებაც კი არსად არის.

ამ გვარად, როგორცა ვხედავთ, ფართო პოლიტიკურ თავისუფლება-თანასწორობის წყალობით შესძლო შვეიცარიამ დღემდე აეცილებინა თავიდან სოციალური განხეთქილება. ამის მიზეზად უნდა ჩაითვალოს დემოკრატიული აღზრდა, სწავლა-განათლების დემოკრატიულს ნიადაგზედ მოწყობა, დემოკრატიული დაწესებულებანი და, ერთი სიტყვით, მთელის პოლიტიკურ და ადმინისტრაციულ წესყობილების სრული დემოკრატიზაცია.

მაგრამ აი, საკითხი: დიდხანს შეუძლიან ამ ჯადოქარს დემოკრატის სოციალურ უთანასწორობის დამალვა-გადაფუჩჩება; დიდხანს შეუძლიან ისე მოაწყოს საქმე, რომ „თხა და მგელი ერთათა სძოვდეს?“

თუ კარგად გავიცნობთ შვეიცარიის ახალს ისტორიას, დავრწმუნდებით, რომ არ შეუძლიან.

უკანასკნელს წლებში წარმოება შვეიცარიაში წარმოუდგენელის სისწრაფით იზრდება. 1882 წლიდან 1895 წლამდე ქარხ-

ნების რიცხვა 124% ააწია და მუშათა რიცხვიც ისეთს ქარხნებში, რომლებიც საფაბრიკო კანონებს ემორჩილებიან, 200, 199-მდე გაიზარდა, მაშინ როცა 1882 წელს მხოლოდ 134, 862 მუშა ითვლებოდა. 1882 წელს საწარმოო დაწესებულებათა რიცხვი, რომლებიც ბუნებრივის ამამოძრავებელ ძალით არა სარგებლობდნენ, 1170 იყო: ისეთ დაწესებულებათა რიცხვი კი, რომლებიც სარგებლობდნენ ამ ძალით, უდრიდა 1.472-ს. 1895 წელს ეს რიცხვები იმდენად გაიზარდა, რომ პირველი გადიქცა 1.630-ად, მეორე 3.303. აქედან სჩანს, რომ პირველი რიგის წარმოებას 40 პროცენტი მოჰმატებია, მეორეს-კი მთელი 124 პროცენტი.

ამავე დროს თან-და-თან ვითარდება და იზრდება მწარმოებელ მუშათა კონტინგენტიც, რომლებიც დაქირავებულ შრომით სცხოვრობენ. ახლა იგინი უკვე ყოველს კავშირსა სწყვეტენ მიწასთან, კაპიტალისტურს ქახრაკში ცვივიან და მესაკუთრეთა რიცხვს არა თუ შედარებით, აბსოლიუტურადაც-კი ამცირებენ.

ამასთან ერთად იღვიძებს და იზრდება კლასობრივ მოძრაობის შეგნებაც შვეიცარიელ მუშათა შორის; უფრო და უფრო ერთდებიან და ჰქმნიან ძლიერს პოლიტიკურს პარტიას. ახალი მოძრაობა შიშის ზარსა ჰგერის შვეიცარიის ბურჟუაზიას; პოლიტიკურს დემოკრატიზმში ახლა სოციალურ განხეთქილებისა და ქარიშხლის ამცდენს საშუალებას-კი აღარა ჰხედავს, არამედ დიდი ხანია მას სოციალურ რევოლიუციის იარაღით წარმოუდგა. ასეთს შიშს ქვეშ მყოფი ბურჟუაზია ხშირად ივიწყებს საუკუნოების მიერ შემუშავებულს დემოკრატიულ ტრადიციებსა და რეაქციისაკენ აწვდის ორსავე ხელებს.

რეაქცია იხატება იმით, რომ ივიწყებს ღღეს თავისს „სოციალურს მშვიდობიანობასა“ და სცდილობს მუშათა პოლიტიკური უფლებანი შეზღუდოს. 1890 წელს შაფგაუზენის ერთის მსხვილ ქარხნის დირექციამ მუშათა ფერეანას (ამხანაგობის) გაუქმება მოითხოვა. ამავე წლებში ციურიხმა შეიმუშავა

ახალი პოლიტიკური წესები; წესებს აზრად ჰქონდათ დაეცვათ „მუშები, რომელთაც მუშაობა ჰსურდათ“ ისეთ მუშათაგან, რომელთაც მუშაობა „არა ჰსურდათ,“ ნამდვილად კი აღნიშნული კანონი შვეიცარიის მუშათა პოლიტიკურ უფლებების შეზღუდვა იყო.

ასეთი მაგალითები ბლომად შეგვიძლიან მოვიყვანოთ შვეიცარიის ახალ ისტორიიდან; ყველა ისინი ნათლად გვიმტკიცებენ, რომ პოლიტიკურმა დემოკრატია მხოლოდ დამალა, დადაფუჩეჩა და ძნელად დასანახი გახადა სოციალური უთანასწორობა, თორემ მოსპობით სრულიადაც არ მოუსპია იგი და არც-თუ შეეძლო მისი მოსპობა. მაგრამ ყოველს შემთხვევაში ექვს გარეშეა ის გარემოება, რომ შვეიცარიის დემოკრატია მესძლო უკანასკნელ დრომდე კლასების გაერთიანება დაახლოვებით და ხელი შეუშალა მათ განკერძოება—დაყოფვას, რასაც ჩვენ ევროპის სხვა ქვეყნებში ვხედავთ.

კლასობრივ დაყოფვის სისუსტე-კი წარმოშობა ის გარემოება, რომ შვეიცარიაში არ არსებობენ მკაფიოდ გამორკვეული პოლიტიკური პარტიები შემუშავებულის პროგრამებით. ყველა, ვინც კი შვეიცარიას ეცნობა, ჰხედავს ამ მოვლენას, რომელიც შვეიცარიის დამახასიათებელ თვისებად უნდა ჩაითვალოს. თვითეულ პარტიის პროგრამაში აქ ბევრი სიყალბეა, ბევრი რამ არის ნასესხები, რომელიც სულ სხვა სოციალურ ელემენტებისაგან შესდგება.

სულ შვეიცარიაში ხუთი უმთავრესი პოლიტიკური პარტიაა: **თავისუფალ მთაწრეთა, დემოკრატებისა, კონსერვატორებისა, კლერკალებისა და სოციალ-დემოკრატებისა.**

ა) თავისუფალ მთაწრეთა პრეგრამა (შედგენილია 1892 წელს) შეიცავს: შვეიცარიის დემოკრატიულ კანონმდებლობის პროგრესიულს განვითარებას; სახალხო სკოლის სარწმუნოებრივს სრულს ნეიტრალობასა და სხვა. სკდილობენ რკინის გზების გადაცემას სახელმწიფოს ხელში, სახელმწიფო დაზღვევის განვითარებას, ასანთსა (спички) და თამბაქოზედა

სახელმწიფო მონოპოლიის შემოღებას, საქარხნო კანონმდებლობის განვითარებასა და სხვა. უნდა შევნიშნოთ, რომ თუმცა ყველა ეს მოთხოვნილება აღნუსხულია თავისუფალ მოაზრეთ პროგრამაში, მაინც ბევრი მათგანი ხშირად თვალსაჩინოდ მოქმედებენ ჩამოთვლილ სოციალურ — პოლიტიკურ მოსაზრებათა წინააღმდეგ. მაგალითად, ეგრედ წოდებულ სახელმწიფო სოციალიზმის შესახებ პარტია ორ, ერთმანეთის მოწინააღმდეგე, ჯგუფათ გაიყო.

ბ) **დემოკრატიების პროგრამა** არსებითათ არ განსხვავდება თავისუფალ მოაზრეთა პროგრამისაგან და ნაციონალურ საბჭოში ორივე პარტია ერთად ჰმოქმედებენ. დემოკრატებს მხოლოდ უფრო გარკვეულად და ნათლად მოჰყავთ იგივე პრინციპები. დემოკრატთა პარტია, სხვათა შორის, თხოულობს შევიცარიის პოლიტიკურ წყობილების მეტს რემოკრატიზაციას; თხოულობს, რომ თვითონ ხალხი ირჩევდეს „კავშირის საბჭოს“, რომელსაც, როგორც ვიცით, დღეს კავშირის კრება ირჩევს ხალხის დაუსწრებლად. დემოკრატების პროგრამა უფრო დასაბუთებულია. ისინი, სხვათა შორის, თხოულობენ მუშათა დაზღვევას მოხუცებულობისა და მუშაობის შეუძლებლობის დროს, თხოულობენ ათ საათიან სამუშაო დღის შემოღებასა (ახლანდელი სამუშაო დღე თერთმეტ საათიანი), თხოულობენ პურით ვაჭრობაზედ სახელმწიფო მონოპოლიის შემოღებასა და სხვ.

გ) **კონსერვატორები** მსხვილ ბურჟუაზიას წარმოადგენენ; მათ ცენტრი უჭირავთ ნაციონალურს საბჭოში. ისინი მთელის შევიცარიის პოლიტიკურად გაერთიანების ძლიერი მომხრენი არიან; ეწინააღმდეგებიან ბიუროკრატიულ ტენდენციებს, უნდათ დაიცვან „კავშირის საბჭოს“ არჩევის ძველი წესი, ე. ი. სკდილობენ, რომ მას კავშირის კრება ირჩევდეს და არა პირდაპირ ხალხი. კონსერვატორები თხოულობენ ფრთხილს თვალყურის დევნებას სარწმუნოების თავისუფლებაზე; ისინიც, როგორც სხვებიც, თხოულობენ მუშათა დაზღვევას სიბერისა და უძლურების („ინვალიდობის“) დროს, თამბაქოზედ მონოპოლიის შემოღებასა და სხვ.



როგორც მკითხველი ჰხედავს, შვეიცარიელ კონსერვატორს არაფერი „მართლა კონსერვატიული“ არ შეაქვს თავის პროგრამაში და მათს პროგრამას ყველა ლიბერალი სიამოვნებით მოაწერს ხელსა.

მაგრამ დიდი შეცდომა იქმნება, იმავე დროს თუ ვიფიქრეთ, რომ შვეიცარიელი კონსერვატორები უიღბერალესი ადამიანები არიანო. საქმე იმაშია, რომ შვეიცარიელ პარტიების პროგრამები ხშირად სტყუიან; მათ უფრო გარეგნული სახე აქვთ, ვინემ ნამდვილი შინაარსი და გვიხატავენ იმ პოლიტიკურს პოზიციას, რომელიც ხსენებულს პარტიას უჭირავს.

დასამტკიცებლად ავიღოთ თუნდ ასეთი მაგალითი: კონსერვატიულს პარტიას თავისს პროგრამაში ერთი ასეთი მოთხოვნილება აქვს: — „დაარსებულ იქმნას კავშირის ბანკი ქალაქის ფულის მონაპოლით, რომლის შემოსავალშიაც ყველა კანტონები მონაწილენი იყვნენო“.

შემდეგ-კი, როცა ასეთი სახელმწიფო ბანკის დაარსების შესახებ მართლა ლაპარაკი აღიძრა, მისი მოწინააღმდეგენი კონსერვატორები გამოვიდნენ. აქ დემოკრატიულ ნიღაბს ქვეშ ნათლად გამოჩნდა მათი კლასობრივი ინტერესები. მოითხოვეს, რომ ამ ბანკში კერძო კაპიტალისტებსაც შესძლებოდათ მონაწილეობის მიღება და შემოსავლის განაწილება. პროგრამაში-კი კრინტიც არა ყოფილა ამის შესახებ დაძრული.

კონსერვატორების პროგრამა მხოლოდ იმის მაჩვენებელია, რომ ისეთ დემოკრატიულს ქვეყანაში, როგორიც შვეიცარიაა, ვერც ერთი პარტია ვერ ჰხედავს თავისს კლასობრივ ინტერესების განცხადება-გამომხვევებასა და ყველა დემოკრატიულს ტყავში ეხვევა.

დ) კლერნიკებს არავითარი პროგრამა არ წარმოუდგენიათ და მიზნად აქვთ ღითქოს ყოველთვის და ყველაფერში შვეიცარიის მართებლობის წინააღმდეგნი იყვნენ.

ე) სოციალ-დემოკრატები პოლიტიკურს სარბიელზედ პირველად 1888 წელს გამოვიდნენ. მათი პროგრამა არსე-

ბითად იგივეა, რაც თავისუფალ მოაზრეთა პროგრამმა. ახლაც იფიქრები ვნახოთ, ნაციონალურს საბჭოში არჩევნების დროს პარტიებმა რამდენი ხმა მიიღეს:

	მარცხენა (თავისუფ. მოაზრენი და დემოკრატები)	ცენტრი (კონსერვატორები)	მარჯვენა (კლერიკალები)
1881 წელი	169.788	77.687	97.976
1884 „	186.585	79.818	99.311
1887 „	173.028	67.747	80.099
1890 „	215.848	58.068	89.342

არჩეულ დეპუტატთა რიცხვი უდრიდა:

	მარცხენა	ცენტრი	მარჯვენა
1881 წელი	83	26	36
1884 „	88	22	35
1887 „	87	24	34
1890 „	92	19	36
1893 „	94	19	31

სოციალ-დემოკრატების პარტიამ თავისი ორი კანდიდატი ნაციონალურს საბჭოში პირველად 1884 წელს წამოაყენა ციურიხში. (მაშინ ეგ პარტია არ იყო ჯერ გაერთიანებული). ორივე კანდიდატი გააშავეს. ერთმა მათგანმა მიიღო მხოლოდ 1.636 ხმა, მეორემ 1.955 ხმა, მაშინ როდესაც დემოკრატების კანდიდატმა 5.321 ხმა მიიღო, ლიბერალებსამ 7.416 ხმა. 1888 წელს სოციალ-დემოკრატებმა ძლივს-ძლივით 2100 ხმა იშოვეს; სამაგიეროდ 1890 წელს სოციალ-დემოკრატმა ფოგელზანგერმა, დემოკრატების დახმარებით, 11952 ხმა მიიღო და კიდევაც არჩეულ იქმნა. 1893 წელს 14 საარჩევნო ოლქში ს.-დემოკრატებმა 15 კანდიდატი წამოაყენეს; მათ საერთოდ 30.000 ხმა მიიღეს. 1896 წამოაყენეს 21 კანდიდატი და მიიღეს 40.000 ხმა. დაბოლოს, 1899 წელს, სოციალ-დემოკრატებმა ყველა ამრჩეველთა ხმების ნახევარი მიიღეს ციურიხში, ბილში, ბერნში, ბაზელში, ზოლოტურნეში, ლოზანში და ნეინბურგში. 1899 წლის არჩევნებმა შემარცხენებებს 80 წარმომადგენელი მისცა,

კლერიკალებს—34, ხოლო ცენტრის პარტიას—13. სოციალ-დემოკრატებმა პირველი კანდიდატი (1). ნაციონალურს საბ-ქოში 1893 წელს გაიყვანეს; 1896 წელს მათ ორი წარმომადგენელი ჰყავდათ, და 1899 წელს კი უკვე 3.

სხვა წვრილ პარტიებსა და ჯგუფებს არ შეეხებოდა.

როგორც ზემოდ მოყვანილი ცხრილი გვიჩვენებს, 1890 წელს ნაციონალურს საბ-ქოში უმრავლესობას თავისუფალი მოაზრენი და დემოკრატები შეადგენდნენ ამ დროდგან სასწორი სულ მარცნივ იხრება. შემდეგ არჩევნების დროს პარლამენტში უკვე ახალი პარტიის—სოციალ-დემოკრატების—წარმომადგენელი გაჩნდა,

რადიკალებმა (მემარცხენეებმა) 1895 წელს 95 წარმომადგენელი წარმოგზავნეს, 1899 წელს კი—მხოლოდ 80; ცენტრს 1896 წელს 17 წარმომადგენელი ჰყავდა; 1899 წელს-კი მხოლოდ 13. მოემატა მხოლოდ კლერიკალურს პარტიას (მარჯვენას), რომელსაც შორეულ კინტონების მცხოვრებნი ეკირა ხელში, რადგან ეგ კუთხეები სოციალურ-ეკონომიურს პროგრესს ჩამოაჩენოდა. ამავე დროს სოციალ-დემოკრატების ძალა დღითი-დღე იზრდება, ყოველს არჩევნებზე მათს ხმებს უფრო და უფრო ემატება. სამის—1896—1899 წლის განმავლობაში მათ 10,000 ხმა მოემატა, თუმცა ასეთი ზრდა ძალიან სუსტია, მაგალითად, გერმანელ სოციალ-დემოკრატების ზრდასთან შედარებით. თვით შვეიცარიის პარლამენტშიაც ჯერ ძლიერ მცირეა სოციალ-დემოკრატების წარმომადგენელთა რიცხვი. (147 დეპუტატზე 3 სოციალ-დემოკრატია).

მაგრამ ამ სამ დეპუტატსაც დიდი მნიშვნელობა აქვს. ჯერ ერთი, რომ ს.-დემოკრატთა რიცხვი დღითი-დღე მატულობს და მეორე, ეს ზრდა იმის მაჩვენებელია, რომ შვეიცარიის ხალხში სოციალური დიფერენციაცია თან-და-თან ძლიერდება, მისი პარტიული ორგანიზაციები თან-და-თან მტკიცდებიან, რასაც საბოლოოდ ძირითადი ცვლილებანი უნდა მოჰყვეს. მსხვილი წარმოება თან და თან ფებს იკიდებს, ბატონდება,

აერთიანებს პოლიტიკურს ელემენტებს, ერთგვარებს ერთათ უყრის თავს; ხდება სოციალურ ელემენტების დანაწილება, რაც სოციალურს განვითარებაში განსაზღვრულ ხანის მაჩვენებელია. საბოლოოდ კი ასეთ პროცესს ის მოჰყვება, რომ საზოგადოების ყველა ძალები ორ რაზმად გაიყოფიან და ორს, ერთმანეთის მოწინააღმდეგე, ბანაკში ამოჰყოფენ თავსა.

შვეიცარიის ხალხის დემოკრატიული წარსული, ფართო პოლიტიკური თავისუფლება და ძალების თანასწორობა აქ არასოდეს არ მისცემენ სოციალურს ბრძოლას იმ მკაცრს ხასიათს, როგორც ეს ევროპის სხვა კუთხეებშია; მით უმეტეს, რომ ფართო დემოკრატიული წყობილება ხელს უწყობს უმრავლესობის მომწიფებულ საჭიროებათა დაკმაყოფილებასა.

მაგრამ შვეიცარიის ახალ ისტორიის ზოგიერთი სიმპტომები იმის მაჩვენებელი არიან, რომ შვეიცარიაშიაც იგივე პოლიტიკური პარტიები შემუშავდებიან, როგორც ეს მის შეზობელ საფრანგეთშია; თუმცა ეს შემუშავება არ დაჰკარგავს თავისს ნაციონალურს ხასიათს. დღევანდელი პარტიულად დაუნაწილებლობა მხოლოდ სოციალურ ჩამორჩენის ბრალთაა.

დასასრულ, შევჩერდებით იმ წინააღმდეგობაზე, რომელიც ჩვენის წერილის დასაწყისში მოვიხსენიეთ. — აღწერილს გარემოებაში ცხოვრება ძლიერი, მდიდარი, შინაარსიანი უნდა იყოს; ნამდვილად კი ერთობ უფერული და დარიბია. ამ ერთგვარს აუღელვებელს ცხოვრებას ზოგიერთი უცხოელი მკვლევარი მოთმინებიდან გამოჰყავს, ათასნაირს საყვედურს უცხადებს შვეიცარიის დემოკრატის, რომელმაც ვითომ ამ მდგომარეობამდე მიიყვანა შვეიცარია, გაამეფა უშინაარსო თვითკმაყოფილება და მომავლის ფართო და ნათელ პერსპექტივის გზები დაუხშო.

მაგრამ საკმაოა სულ უბრალო დაკვირვება, რომ გავიგოთ, დემოკრატიზმი აქ რა შუაშია. ცხადზე უცხადესია, რომ უდემოკრატიზმით დღეს შვეიცარიას არც იმისი მეთვლიანი განათლება ექმნება, რაც დღესა აქვს, რაიცა ყოველთვის

ადვილი დასანახია. თუ რომ შვეიცარიის ცხოვრება არა ჰღელავს და არა შფოთავს, სამაგიეროდ უსვენებლივ წინ მიდის იგი და ამ წინსვლას თითონ ხალხი უძღვის მუდამა.

მართლა მოუთმენარი მეთვალყურე ვერ ამჩნევს ამ მართლა-და ნელს წინსვლასა და შვეიცარია მას ერთს წერტილზე მიყინული ჰგონია, მაგრამ უფრო დაკვირვებული გამოკვლევა, ისტორიული მსვლელობის აწონ დაწონვა და გათვალისწინება ნათლად გვიმტკიცებს, თუ როგორის თან-და-თანობით მიდის აქ წინ კულტურული განვითარება და მუშაობა.

თუ რომ თანამედროვე შვეიცარიის დემოკრატიზმმა ვერ შექმნა ახალი გაბედული საზოგადოებრივი, პოლიტიკური და ოჯახური იდეალები, თუ ვერ გვაკვირვებს თანამედროვე ცხოვრების საჭირ-ვარამო კითხვების წამოყენებითა და გარდაწყვეტით, სამაგიეროდ არსად დედამიწის ზურგზედ არ არის მეორე კუთხე, სადაც ცხოვრების ურთიერთობის მოსაწყობად გადადგმული ნაბიჯი ისეთი მკვიდრი, ნაყოფიერი და შეურყვევლი იყოს, როგორც აქ, შვეიცარიაშია.

შვეიცარიელი ოცჯერ გაჰსჯის, სანამ გარდასწყვეტდეს რასმე, მაგრამ გარდასწყვეტის შემდეგ არასოდეს უკან აღარ დაიხევს, მის მიერ შექნილს პირობებს აღარ დაემალება. როგორც ყველგან, შვეიცარიაშიაც დგება დრო და დრო ისეთი მომენტები, როცა ხალხი ცოცხლდება, ცხოვრება ჰღელავს; არიან ისეთი წამებიც, როცა ყველაფერი ყუჩდება, თითქოს შაჯის ცემა შესწყდაო, მაგრამ ასეთი ცვლილებანი არსად ისე სუსტი და შეუმჩნეველი არ არის, როგორც შვეიცარიაში. ამის მიზეზია ხალხის ძვალსა და რბილში გამჯდარი ფართო დემოკრატიზმი, რომლის საღს კლდებზედაც იმსხვრევა რეაქციის დროებითი ტალღები.

და ვინ, რომელი მიუდგომელი მკვლევარი იქმნება, რომ შვეიცარიის დემოკრატიზმის ეს ისტორიული ღვაწლი უარ-ჰყოს!..

თუ ჩვენ აქ ვერა ვხედავთ ძლიერს საზოგადოებრივს ტალღებსა და ამიტომ შვეიცარიის ცხოვრება უფერულად გეჩვენება, სამაგიეროდ რეაქციის მღორე გუბეებსაც ვერ ვამჩნევთ, რამაც სხვა-და-სხვა მოდგმათა მუშაობა თუნდ ერთი წუთითაც არის შეაჩეროს. და, აი, ეს შეუწყვეტელი მუშაობა ერთი თაობიდან მეორეში გარდამავალი განახორციელებს იმ კულტურულს პროგრესს, რომელსაც შვეიცარია ჰქმნის.

ყოველთვის, როდესაც-კი შვეიცარიის უფერულსა და ერთგვარს ცხოვრებას ვუკვირდები, ექვი შემაქვს, პროგრესიულად წინ მიდის, თუ არა-მეთქი და ვხედავ მაშინ, რომ თავისებურად „მირბის და დგას“, რაც მაგონებს ჩვენს მოგზაურობას შვეიცარიის მთებში...

გულიან ძილის შემდეგ რამდენიმე ამხანაგი ხალისიანად გავუდგებოდით ხოლმე მთებისაკენ. თავს შესანიშნავად კარგადა ვგრძნობდით, წმინდა ცხოველსმყოფელი ჰაერი თავისს კეთილს გავლენას არ გვაკლებდა და ჩვენც მივბრბოდით ხოლმე, მივხტოდით მწვერვალისაკენ. გზაში ხშირად ვხედებოდით გარეგნობით მოუხეშავსა, მაგრამ მაგარსა და ამტანს შვეიცარიელს, რომელიც ფილოსოფიურად დინჯად და აუჩქარებლად მიაბიჯებდა ხოლმე. მახსოვს, ჩვენ მუდამ დავსცინოდით ხოლმე შვეიცარიელებს, რომლებიც ისე მიიზღაზნებოდნენ, თითქოს ორსულად არიანო... დარწმუნებულნი ვიყავით მუდამ, რომ სანამ ის მწვერვალს მიაღწევდა, ასვლასაც მოვასწრებდით და დაბრუნებასაც... მაგრამ გადიოდა საათები, ვზომავდით ბილიკებსა და ვგრძნობდით, როგორ გველეოდა ხოლმე ღონე. მძიმე საცმელები ფეხებს საშინლად გვიღესავდა, მხარზედ გადაგდებული უბრალო ჩანთა ვეებერთელა ტვირთათ გვეჩვენებოდა, თავსა და პირში სისხლი გავწვებოდა. მივიდიოდით ხოლმე ცალკე-ცალკე და ერთმანეთზედა ვბრაზობდით. მერე ვისვენებდით, სულ ვისვენებდით.

საქმე თავდებოდა იმითი, რომ „საზიზღარი“ შვეიცარელები ჩვენთან ერთად, —ან ხშირად უფრო ადრეც, —მწვერვალზედ მოექცეოენენ ხოლმე. მაგრამ მაშინ, როდესაც ჩვენ

დაქანცულ-დაღალულნი მკედრებივით დავეყრებოდით ხოლმე მიწაზედ, ისინი, სრულიად დამშვიდებულის სახითა და აულელვებელად, გასცქეროდნენ ხოლმე მალლობიდან არე-მარესა და თვალის წარმტაც სურათების ცქერითა სტკებოდნენ. ჩვენგანს ვის ჰქონდა მაგისი თავი!..

არ გავცვლი მაინც ჩვენს ცოცხალსა და ხალისიანს მოგზაურობას შვეიცარიელის ერთ გვარსა და მძიმე მოძრაობაზედ, თუმცა ეს მოგონება ნათლად მიჩვენებს, თუ როგორ შესძლო აულელვებელმა და ზანტმა შვეიცარიელმა ასეთი ნელი თანაბარი სიარული და თან კი განათლების მწვერვალზედ მოექცა? ეჭვი არ არის, აქაც, ამ კურთულურ გზაზედაც, ისევე აულელვებლად, მაგრამ შეუსვენებლივად და თანაბრის ნაბიჯით, მიდის შვეიცარიელი, როგორც იქ, მთებში მოგზაურობის დროს.

მ. ნანაძე

# ცხოვრება და ღვაწლი

თედის გრიგოლ ორბელიანისა

XX

(დასასრული \*)

„ზენა-სჯული“, რომელსაც ასე „უშიშრად“ ელოდა პოეტი იუბილეს დღიდან, აღსრულდა: 21 მარტს 1883 წ., დღესა ორშაბათს, ორბელიანი გარდაიცვალა.

ავათმყოფობა მისი არ გაგრძელებულა დიდხანს. ის შეიქნა უძლებად შუა თებერვალს, შემდეგ ერთისაათის სეირობისა დიდუბეს, საცა, ამბობენ, ვილაცასგან გაჯავრებული წასულა ის „სევდიანი, ფიქრთ გასართველად“. ამ სეირნობაში პოეტი გაციებულა და იმას გაუჩნდა ნაწლავის ანთება. სწამლობდა იმას მისი შინაური ექიმი, დოქტორი კასპარიანცი. ჟექვველია, კასპარიანცი კარგი ექიმი, მაგრამ იმ ანდაზისა არ იყოს „ერთი ჭკუა კარგია და ორი უკეთესიო“, რიგი იყო ნათესავებს მოეწვიათ სხვა ექიმებიც შესანიშნავის ავათმყოფის სანახავად, გარნა, სამწუხაროდ, ეს არ მოხდა და ერთი თვის შემდეგ, შუა მარტს—ვინ იცის ვგებ კასპარიანცის მიუხედავლობით—უეცრივ ქალაქში გავრცელდა ხმა, რომ

\*) იხ. „მოამბე“, № II.



ორბელიანი სიკვდილის პირზეარისო. გაზეთმა „მშაკმა“ პირველად დაბეჭდა ბიულეტენი იმის ავადმყოფობაზე, შემდეგ „ღროებამ“ და „კავკაზმა“. 18 მარტს „კავკაზში“ დაბეჭდილი იყო შემდეგი ბიულეტენი:

„У князя Григорія Дмитріевича брюшной тифъ. Вчера, 16 марта, былъ 34 день болѣзни. Въ 10 часовъ вечера температура 38, 1, пульсъ 96 качественно пульсъ удовлетворительный; дыханіе 24; кашель незначительный; въ правомъ легкомъ застой крови, такъ какъ больной больше лежитъ на этой сторонѣ; общее состояніе здоровья, равно какъ и питаніе удовлетворительное и, за исключеніемъ глубокой старости, не представляетъ опасности; больному по формулярному списку 83 года. Д—ръ Каспарьянцъ

მაღე პოეტმაც იგრძნო აღსასრულის მოახლოვება. საკვდილის წინა დღეს მან მიიღო წმიდა საიდუმლო ზიარებისა, თითონ წაიკითხა ლოცვები და ერთხანს ემუსაიფა თავის მოძღვარს, ღირსეულს მღვდელს ბესარიონ ზედგინიძეს. მისმა ჩვეულებრივმა კარგმა გუნებამ არ უმტყუნა მას სიკვდილის სარეცელზედაც. იშვიათ მნახველებს, რომელთაც შეეძლოთ პოეტთან შესვლა, ის მიიღებდა მუდმივის მისის თავაზით და ხუმრობით.

— ეჰ! მახლას, ბაბაღე, მივდივარ! ეუბნება ის კნ. ბაბაღე ბარათოვისას, რომელიც მოვიდა იმის სანახავად რამდენიმე დღის წინად სიკვდილამდის.

21 მარტს დილის 9 საათზე დაიწყო ავადმყოფის სულთაბრძოლა. ამ დროს — მე თითონ ვნახე ჩემის თვალით — მისი განსასვენებელი ადგილი წარმოადგენდა შემდეგს სურათს: სულთ-მობრძავი იწვა ქვემო-სართულის დიდ-ხალაში, მარცხენა ოთახის კარებთან. მის თავთან ანალოიზე ესვენა მაცხოვრის ხატი, რომლის წინ ენთო წმიდა სანთელი და მოშორებით დაბალის ჩაწყვეტილის ხმით დიაკვანი კითხულობდა რაღაც სამღვთო წიგნს. პატარა ოთახში, გვერდით, ირეოდნენ პოეტის ნათესავნი ქალნი, რომელთ პირის-სახეზე და თვალის გამომეტყველობაზე იხატებოდა ნამდვილი მწუხარება.

პოეტის ერთგულნი და მოსამსახურენი, პოეტის მოძღვარი სასოწარკვეთილებით დაჰყურებდნენ მომაკვდავს, გარეშე ნაცნობნი განუწყვეტლად მოდიოდნენ, ან გზავნიდნენ კაცს ავათმყოფის ამბის შესატყობად. აი, სხვათა შორის, გენერალი ტრუბეცკოი. ვხედავთ, ის მოუახლოვდა სახლს და რა შეიტყო ავათმყოფის სულთა-ბრძოლის დაწყება, მუხლი მოიძვარა ეზოში, პირს-ჯვარი გადაიწერა, თაყვანი სცა სახლს და განშორდა. თითონ სულთ-მობრძავი ზეწარ გადაფარებული გაწოლილი ჩყო ფართო კრაოტზე და ძალზე ხენეშოდა. მის ფართე შუბლს ხვითქივით გადმოსდიოდა გაქივრების ოფლი; ვეებერთელა ტანი დავარდნილ-იყო; პირი დასწმედოდა; თვალებს დაჰკარგოდა გამომეტყველება, თუმცა კი მომაკვდავი გასტერებულად იყურებოდა აქეთ-იქით და ხელის მოძრაობით თითქო გვანიშნებდა, რომ გრძნობა და მოსაზრება ჯერ სწულად არ დაჰკარგოდა იმას. მუდამ მოპარსულ ნიკაპზე თეთრი წვერი გასწორებოდა ბაკენბარდებს და მისი პირის-სახე ერთის შეხედვით ძნელად საცნობი შეექმნა... მთელი დღე გასტანა სულთა ბრძოლამ. მხოლოდ 4 საათზე და 35 წამს განუტევა მომაკვდავმა თვისი სული.

პოეტის გარდაცვალების ამბავი მოეფინა მსწრაფლ მთელს კავკასიას და, რასაკვირველია, ყოველგან დიდი მწუხარება აღძრა. ტელეგრაფს ყოველგნით მოჰქონდა განსვენებულის მემკვიდრეებთან, თუ „დროების“ რედაქციაში სამძიმარის დეპეშა და ყოველგან საქართველოში და საქართველოს გარეც, საცა ქართველები იყვნენ, გაიმართა პანაშვიდები პოეტის სულის განსასვენებლად. პანაშვიდი გადაიხადეს, სხვათა შორის, პეტერბურგშიაც დიდის მთავრის მიხაილ ნიკოლოზის ძის სასახლეში, საცა დაესწრნენ, სახლის უფალის სურვილისამებრ, პეტერბურგში მყოფნი ქართველნიც და პანაშვიდის შემდეგ აღრინდელმა კავკასიის მთავარ მართებელმა სამძიმარის დეპეშა გამოუგზავნა განსვენებულის ნათესავთა. მთავარ-მართებელმა ი. დონდუკოვ-კორსაკოვმა, რომელიც ამ ქამად პეტერბურგს იყო, სამძიმარს გარდა, მოსწერა მის მოადგილეს გენე-

რალ-ლეიტენანტს სტაროსელსკის განსვენებული დასაფლავებინათ სრულის პატივით, რომელიც შეეფერებოდა მის სახელს და მაღალს ღირსებას. 23 მარტს ტელეგრაფმა მოიტანა თბილისის ხელმწიფე იმპერატორის სამძიპარიც თ. ლევან მელიქოვის სახელზე. აი თითონ ეს ღვაწლი:

Обращаюсь къ вамъ съ просьбою передать семейству князя Григорія Димитріевича Орбелиани мое искреннее соболъзнованіе въ ихъ чувствительной утратѣ; глубоко сожалѣю о смерти столь благородной и уважаемой личности. Александръ.

თითონ ქალაქში დიდი შთაბეჭდილება მოახდინა პოეტის გარდაცვალებამ. სამხედრონი, სამოქალაქონი, სასულიერონი, რუსნი, ფრანგნი, ქართველნი, სომეხნი, ყოველი წოდება, ყოველი ხელობა შეაწუხა მისმა სიკვდილმა. დღიღამ გარდაცვალებისა დასაფლავებამდის განსვენებულის ეზო აღდგომის ღამესავით გადაჭრელებული იყო პანაშვიდისთვის ანთებულის სანთლებისაგან. საქართველოს ექზარხოსი პავლე და სხვ. მაღალი მართლ-მადიდებლობის სასულიეროება ყოველ საღამოს უხდიდნენ განსვენებულს პანაშვიდს, რომელზედაც მთელი თბილისის მაღალი საზოგადოება დადიოდა უკლისად. საზოგადო მანიჩესტაცია იქამდის მივიდა, რომ ერთს პანაშვიდზე მაღალი წოდების ქართველ ქალებმა ქართული ვალოზის ხორა გამართეს. ურიცხვთა გვირგვინთ ყვავილები—თაყვანის-ცემის და პატივის-ცემის ნივთიერთა ნიშანთა—სულ ერთიანად დაჰფარეს განსვენებულის კუბო!..

გასვენების დღედ დაინიშნა შაბათი, 26 მარტი. დასაფლავების ცერემონიალის შესადგენად დაწესდა კომისია, რომლის წევრნი იყვნენ თავადნი: ნიკო ჭავჭავაძე, ნიკა ამილახვარი, ი. ჭავჭავაძე, თავად-აზნაურობის წინამძღოლი დ. სუმბათოვი, კამენდანტის თანაშემწე ბატონი რეიტერი, ქალაქის თავი ბ. მატინოვი, მთავარ-სამმართველოს კანცელიარის უფროსი ბ. იაკიმოვი და ამ სტრიქონის მწერალი. დასაფლავების წინა დღეს კომისია შეკრბა თ. ნიკო ჭავჭავაძესთან

„კავკაზის“ სასტუმროში და, შემდეგ ერთის საათის ბაასისა, დადგინა თავ-და-რიგი მიცვალებულის გასვენებისა: რა ქუჩებით უნდა გაეგლო პროცესისას, ვის რა ადგილი დაეჭირა კორტეჟში, სად წარმოეთქვათ სიტყვები და სხ. რადგანაც სიონის სობორის ამ ქამად ახალს იატაკს უკეთებდნენ, განსვენებულის მოსახსენებელი წირვა გადასწყვიტეს მომხდარიყო ანჩისხატის ეკლესიაში. ერთ დროს დააპირეს კორპუსის ეკლესიაში გასვენება, მაგრამ, რადგანაც ეს ეკლესია ერთობ ახლოს იყო პოეტის საბლიდამ და პროცესისა ამ პატარა ადგილზე ვერ გაიშლებოდა, ეს ჰაზრი დაუტევეს. დასაფლავების ადგილად, ნათესავების სურვილით, დაინიშნა ქაშვეთის ეკლესია, საცა დამარხულია პოეტის ძმა ილია. განსვენებულის სურვილი რომ ხსოვნებოდა ვისმე ან კომისიაში, ან ნათესავებს, ის, შეიძლება, ქაშვეთის ნაცვლად კუმისის სამების ეკლესიაში დაემარხათ, რადგანაც მისი ძმის ზაქარიას სიკვდილის გამო პოეტი სწერდა ერთ დროს თავის რძალს ქეთევანს: „ზაქარია კუმისის სამებაში დაასვენეთ და მეც იქ დამმარხეთო“...\*)

დასაფლავების დღისათვის ქალაქში დიდ-ძალი ხალხი ჩამოვიდა ქართლიდამ, კახეთიდამ, იმერეთიდამ. ქუთაისიდამ მოვიდნენ, სხვათა შორის, ქუთაისის გუბერნიის თავად-ახნაურთა წინამძღოლი, ქალაქის თავი, გაზეთის „შრომის“ რედაქტორი, „ქალების ბიბლიოთეკის“ რედაქტორი — სულ ყველანი ყვაფილებითა და გვირგვინებით. გორმაც გამოგზავნა თავისი ქალაქის თვით-მმართველობის წარმომადგენელი.

დასაფლავების წინა ღამეს ცოტა იწვიმა, მაგრამ ცისკარზე ცა ერთბაშად მოიწმინდა და რიჟრაჟზე პოლიციის უფროსის რასინსკის განკარგულებით ორას-სამასმა მუშამ მსწრაფლად გასწმიდეს ის ქუჩები, რომელზედაც უნდა გაეარა სამწუხარო კორტეჟს. ათი საათისთვის ქუჩები თითქმის სრულიად გაშრა.

დილის რვა საათიდან დაიწყო ქალაქში ხალხმა რევა. ყოველ უბნიდან გამოეფინა ქალი და კაცი, როგორც დიდ

\*) წერილი 9 დკ. 1847 წ.

დღესასწაულებში გინახავთ. უბრალო ხალხი მიეჩქარებოდა სახელოსნო გამგეობაში, საიდანაც უნდა წასულიყვნენ ამქრები ბაირაღებით. მოქალაქენი, მოხელენი, სამხედრონი, სასულიერონი, მოზარდა თაობა, სხვა-და-სხვა საქველმოქმედო საზოგადოების და ქალაქების წარმომადგენელნი მიეშურებოდნენ განსვენებულის სახლისკენ. საათის ცხრიდან ყველა ქუჩები, საცა კი უნდა გაეგლო პროცესიას, აივსო მაყურებლებით, ეგრეთვე ბალკონები, ფანჯრები, სახლის სახურავები. ბოლოს მივიდნენ სახლთან ამქრები და ჯარი ზარბაზნებითა, როგორც წესია გენერალ-ადიუტანტის დასაფლავებისა.

მეთე საათზე წოტოგრაფმა ფილიპოვიჩმა გადაიღო განსვენებულის სახე ყვავილის გვირგვინებით გარ-შემორტყმული და მთავარ-სარდლის თანამდებობის აღმასრულებელმა გენერალმა ჯომარჯიძემ დასდვა კუბოზე გვირგვინი „კავკასიის ჯარებისაგან“ შესაფერის სიტყვითა. შემდეგ წარმოსთქვა სიტყვა მაჰმადიანების დეპუტაციის წევრმა ჰუსეინ გაიბოვმა და საქართველოს ექსახორსმა ჩამოილოცა მცირე პანაშვიდი.

ათ საათზე პროცესია დაიძრა.

პირველად გაემართა ცხენოსანთა ჟანდარმების კამანდა, რომელთ მორთულობა წითელ-ყვითლად ელვარებდა მზის სხივისაგან; იმათ მოჰყვა ხორუგვები და გვირგვინები—რიცხვით ორმოცდა ათამდის—სხვა და სხვა ქალაქებისა, ქველ-მოქმედ საზოგადოებათა, რედაქციებისა, სკოლებისა, გიმნაზიებისა და უნივერსიტეტების მოსწავლეთა, ხელოსნებისა, თავად-აზნაურობათა, კლუბების და სხვათა და სხვათა, სხვა და სხვა გვარის წარწერილობით, უმეტეს ნაწილად განსვენებულის ლექსებიდამ. უკანასკნელად მიჰქონდათ ორბელიანთა გვარის ვერცხლის გვირგვინი, მშვენივრად მორთული. გვირგვინებს მოსდევდნენ პოეტის ორდენები, რომელიც ექვსს თუ შვიდ აფიცერს მოჰქონდა მაყვლის ფერს ხავერდის ბალიშზე დაკერებული. შემდეგ მოდიოდა უკლისად მთელი თბილისის მართლ-მადიდებელის სარწმუნოების სამღვდლოება საქართველოს ექსარხოსით და არქიმანდრიტე-

ბით.—იმერეთის ეპისკოპოზი გაბრიელ თუმცა მოწვეული იყო, ვერ დაესწრო პოეტის გასვენებას, რადგანაც ვილაც ჯაფარიძის გასვენებაზე ყოფილა შეპირებული.— შემდეგ მოჰქონდა ხალხს კუბო, რომელიც სახლიდამ გამოასვენეს გენერლებმა: ნიკო ქავჭავაძემ, ზაქარია ქავჭავაძემ, ივანე ამილახვარმა, ა. საგინოვმა, ნ. წერეთელმა და ვეზიროვმა, მ. ერისთავმა და სხვათა საქართველოს თავადთა. კუბოს მოსდევდნენ პოეტის ახლო ნათესავნი და შემდეგ გენერლობა, თავად-აზნაურობა, ქალაქის წარმომადგენელნი, ამქრები, სოფლიდამ ჩამოსული ხალხი, ქალაქის მუშები და დასასრულ—ჯარი და ზარბაზნები. პროცესსიათითქმის ნახევარ ვერსტზე გაიშალა. ქალაქს დიდი ხანია არენახა ასეთი დიდებული დასაფლავება. პროცესსიის გზა ჯერ მიდიოდა მადათოვისა და ბარიათინსკის ქუჩებით, მერე გოლოვინის პროსპექტით, სასახლის ქუჩით, ერევნის მოედანით, შუა ბაზრით, პატარა პრიკაზის ქუჩით და გუბერნატორის მოედანით. ამ მოედანზე ვიწროობისა გამო პროცესსია შეჩერდა და გზა მისცა მიცვალებულს და ნათესავებს დიდ-კაცობით. სანამ წირვა გათავდებოდა, რაც ხალხი ვერ დაეტია სიმცირისა გამო ანჩისხატის ეკლესიაში, გაჩერებული იყო ეკლესიის გალავანში და მოედანზე. წირვა რომ გათავდა, სამი სიტყვა წარმოითქვა ეკლესიაში: ერთი მღვდლის ჯანაშვილისაგან განიცადებზე, მეორე არხიმანდრიტის გრიგოლისაგან და მესამე ექსარხოსისაგან. მშვენიერი სიტყვა იყო ექსარხოსისა. შვიდის სიტყვისაგან, რომელიც წარმოითქვა ამ დღეს რუსულსა და ქართულს ენაზე, ის იყო საუკეთესო. აი ერთი ნაწილი ამ სიტყვისა:

. . . Въ храмѣ Божіемъ, гдѣ все напоминаетъ намъ, что одинъ только Богъ—великъ, безпредѣльно великъ, все-совершенъ, всехвалецъ и всеславецъ, какъ дерзнуть изречь хвалы брэнному человѣку? Предъ Богомъ, единымъ великимъ—ничтожно все: ничтожны высшіе всесовершеннѣйшіе духи,—херувимы и серафимы; ничтожны величай-

шие праведники, сильнѣйшіе люди. Предъ Богомъ все твореніе ничтожныѣ, чѣмъ капля воды—предъ безбрежнымъ моремъ, песчинка—предъ цѣлымъ мірозданіемъ. Что-же передъ Нимъ мы—ничтожные люди, со всеми нашими ничтожными доблестями и совершенствами, со всею нашею славою? Какъ-же намъ восхвалять человѣка предъ лицомъ Всесовершеннаго. Но, съ другой стороны, какъ-же и не дать доброму чувству излиться изъ сердца?.. Да, если-бы во святыхъ Своихъ не былъ дивенъ Самъ Богъ; если-бы богатяя, природныя дарованія человѣка не были даромъ Божиимъ человѣку; если-бы слава добрыхъ дѣлъ человѣческихъ не относилась наиболѣе всего къ Богу, силою Котораго мы творимъ все доброе: то никто не дерзнулъ-бы въ храмъ Божию—въ мѣстѣ особаго благодатнаго присутствія Божія, изрекать хвалы обыкновенному человѣку. Но, коль скоро мы знаемъ, что и великими талантами и добрыми дѣлами, болѣе чѣмъ самъ человѣкъ, обладающій ими, прославляется Богъ—Податель всѣхъ благъ человѣку: тогда мы съ дерзновеніемъ изрекаемъ хвалу и смертному человѣку, особенно доброму христианину.

Почившій рабъ Божій князь Григорій былъ щедро на-дѣленъ отъ Господа Бога разнообразными дарами. Богъ даровалъ ему мужественное сердце, содѣлавшее его доблестнымъ воиномъ. Богъ даровалъ ему мудрость, содѣлавшую его мудрымъ и добрымъ правителемъ. Богъ одарилъ его поэтическимъ духомъ, обладая которымъ онъ сладостно волновалъ сердца человѣческія, возбуждалъ въ нихъ добрыя, святыя чувства и стремленія. по своему хотѣнію, такъ говорятъ, заставлялъ другихъ и восторженно радоваться и плакать. Богъ даровалъ ему долгую жизнь, украшенную дѣлами славными и благими. Онъ уже служилъ, когда даже старѣйшіе изъ насъ еще не родились, и служилъ такъ доблестно, что служба его высоко цѣнилась Вѣнценосцами, уважалась сослуживцами, возбуждала чувства любви и благодарности въ тѣхъ, во благо которыхъ ближайшимъ образомъ направлялась его служебная дѣятельность. Слава Богу за все это! Слава и тому, кто не скрылъ въ землю даннаго ему Богомъ таланта, а употребилъ его въ дѣло,—слава доблестному дѣятелю во благо общее,—почившему князю Григорію.

Но тайна неебывайной любви, которую возбуждалъ къ себѣ почившій во всѣхъ съ нимъ приходящихъ въ соприкосновеніе, кроется не въ этихъ качествахъ и дѣлахъ, хотя и они достолюбезны. Причина этой любви иная, болѣе глубокая.

Иногда Господь посылаетъ въ нашъ грѣшный міръ, *აზნაძის ის გრ. თბილისზე*, личности исключительныя, съ особою чарующею нравственною организаціей, съ особою духовною печатью на челѣ, съ особымъ обаяніемъ, привлекающимъ къ нимъ всѣхъ. Эти личности вездѣ, гдѣ только онѣ явятся, вносятъ теплоту, миръ, любовь. Онѣ, какъ-бы волшебствомъ, умиротворяютъ и украшаютъ даже души озлобленныя и ожесточенныя; онѣ хотя на минуту вносятъ чувство любви даже въ тѣ души, въ которыхъ клопочутъ ненависть и злоба, и давая этимъ душамъ возможность видѣть сладость любви, призываютъ ихъ къ любви постоянной. Онѣ ходятъ среди опасностей, но опасности бояться коснуться ихъ. Онѣ удостоиваются славы и почета, но ихъ слава и почетъ не возбуждаютъ въ другихъ зависти и вражды. Эта способность нѣкоторыхъ избранныхъ людей привлекать къ себѣ—есть величайшій даръ Божій, ниспосылаемый немногимъ. Сами эти люди—особый даръ Божій міру.

Совершеннѣйшимъ выраженіемъ этого типа людей былъ святыи Апостолъ и Евангелистъ Іоаннъ Богословъ, возлюбленный ученикъ Христовъ. .

Къ типу людей, подобныхъ Іоанну Богослову, людей любвеобильныхъ, получившихъ отъ Бога особую духовную организацію, располагающую къ нимъ всѣхъ, принадлежалъ и почившій собратъ нашъ князь Григорій... И здѣсь именно разгадка всеобщей любви къ нему. Этой любви удостоивали его и торжественно заявили о ней и Русскіе Монархи. Голосъ любви онъ слышалъ и слышитъ отовсюду: и изъ дворцовъ, и изъ жилищъ, отъ людей знатныхъ и худародныхъ, богатыхъ и бѣдныхъ... Какъ доблестный воинъ и вождь, онъ блюлъ воинскую дисциплину; какъ правитель—охранялъ порядокъ, творилъ судъ и правду и умѣлъ все это дѣлать, не возбуждая вражды, а привлекая къ себѣ сердца. Онъ удостоенъ высокаго положенія, великихъ почестей въ государствѣ; онъ





სთაჟაჟს სეხს სლავუ ლუბიმაგო ნაროდნაგო პოეტა: ი—ონხ ნე ნაჟილ სეხს ჯავისტნიკოხ. ონხ პრირლეკალხ კხ სეხს ხსხ, კო ხოთა ნა კოროტკოე ხრემა პრირხილხ ხს სოპრიკოსნოენიე ხს ნიხ... ხელიკა სილა ლუბვი! ონხ ხპოლნხ ესთესთენო პრირლეკაეთ კხ სეხს ლუბოხ...

„...ღვთისა ტაძარში, სადაც ყოველივე მომავანებელია იმისა, რომ მხოლოდ ღმერთია ერთი დიდებული, უსაზღვროდ დიდებული, იგია მხოლოდ ყოვლად სრული, ქებული და განდიდებული, ვითარ გავკადნიერდე და შევაქო ხრწნიადი ნეშტი მიცვალეხულისა? მხოლოდ დიდებულისა ღვთისა წინაშე ყოველივე არაა და ამაო არის: არარანი არიან ზესთა უუსრულესნი სულნი—ქერუბიმნი და სერაბიმნი; არარანი არიან უუდიდებულესნი მართალნი და ძლიერნი ამა ქვეყნისანი. მრთელი მსოფლიო ქმნილება ღვთისა წინაშე უფრო-ლა არა რა არის, ვიდრე ცვარი წყლისა უსა--ზღვრო ზღვისა წინაშე, ვიდრე უბრალო მტვერი მრთელის ქვეყნიერების წინაშე. რანი ვიქნებით მაშ, ჩვენ, უბრალო მომაკვდავნი ჩვენის არად საჩენის ქველობითა, ღირსებითა და დიდებითა? ყოვლად სრულისა და უნაკლულო შემოქმედის წინ როგორ-ლა ვაქოთ ადამიანი? მაგრამ კეთილს გრძნობასაც გზა ვით დაეუხზოთ, გულს ნამდვილი არ ვათქმევინოთ?.. დიახ წმიდანთა თვისთაგან რომ არ იდიდებოდეს ღმერთი; მდიდარი ბუნებრივი ნიჭი ადამიანისა რომ ღვთისგანვე არ იყო მამადლებული; ადამიანის კეთილ საქმეთა დიდება თვითონ ღმერთსვე არ მიეწერებოდეს, რომლის ძალითაც მოვიქმედო ყოველს სიკეთესა,—არავინ არ გავკადნიერდებოდა მაშინ და ღვთის ტაძარში, სადაცა ჰსუფევს მადლით თვისით უფალი ჩვენი, უბრალო ადამიანს ქებას არავინ ეტყოდა. მაგრამ, ვუწყით-რა, ვინაიდგან დიდებულის ნიჭითა და კეთილი საქმით უმეტეს ადამიანისა იდიდება ღმერთივე, მათი მიმნიჭებელი,—გავკადნიერდებით და უბრალო მომაკვდავსა და განსაკუთრებით კეთილს ქრისტეანს შევკადრებთ ქებას.

განსვენებული მონა ღვთისა თავადი გრიგოლ უხვად იყო ღვთისაგან მრავალის სხვა-და-სხვა ნიჭით დაჯილდოვებული. ღმერთმან მიანიჭა მას ვაჟკაცური, მამაცი გული და ამან შეჰქმნა იგი სასიქადლო მეომრად. მიანიჭა სიბრძნე და შეიქმნა კეთილი და ბრძენი მმართველი ქვეყნისა. მიჰმადლა ღმერთმა სული და გული პოეტისა, რომლის წყალობითაც ტკბილად აღლევებდა ხალხისა გულსა, უნერგდა კეთილს და წმიდა გრძნობებს და სურვილისამებრ ახარებდა კიდეცა და ატირებდა კიდეცა მკითხველს. მიანიჭა მას მრავალის კეთილისა და სამადლო საქმით გამწვენებული დღეგრძელობა. იგი ჰმსახურობდა უკვე, ოდეს ჯერ უხუცესნიცა ჩვენგანნი არ იყვნენ დაბადებულნი და ჰმსახურობდა იმ ზომად სასიქადლოდ, რომ გვირგინოსანი მეფენიც-კი ღრმად უფასებდნენ სამსახურს;

პატივის სცემდნენ თანამსახურნი და ყველანი, ვის-და სასიკეთოდაც იყო მიმართული მისი მოღვაწეობა და სამსახური, უზომო მადლობისა და სიყვარულის გრძობით იყენენ მისდამი გამსჭვალულნი. მადლობა დმერთს ყოველისავე ამისათვის! მადლობა მასაც, ვინც ღვთისაგან მიმადლებული ნიჭი უქმად არ დაჰტლა მიწაში და სასიკეთოდ მოიხმარა,—დიდება სასიკადულო და ქველს საზოგადო მოღვაწეს,—განსვენებულს თავადს გრიგოლს.

მაგრამ საიდუმლოება არა ჩვეულებრივ სიყვარულისა, რომელსაც ყველა მასთან დაახლოებული ჰგრძობდა, ამ თვისებებსა და საქმეებში როდია დაფარული, თუმცა თავისს თავად იგინიც ღირსნი არიან სიყვარულისა. უფრო სხვაა და ღრმა მიზეზი ამ სიყვარულისა.

უფალი ჩვენი ზოგჯერ სრულიად განსხვავებულს, მომზიბღველის ზნეობისა და განსაკუთრებულის სულიერ ნიჭისა და მადლის მქონე ხალხს მოუფლენს ზოლმე ცოდვილს ქვეყანასა, რომლებიც შესანიშნავის სიყვარულით იზიდავენ ყველასა. ყველგან, სადაც-კი ფეხს დასდგამენ, სიყვარულსა, შიშვიდობიანობასა და კეთილს განწყობილებას ამყარებენ; თითქოს ჰზიბლავენ და ისე ამშვიდებენ თვით ბოროტისა და მკაცრის ბუნების პატრონებსაც-კი. ერთის წამითაც არის აგრძობიწებენ სიყვარულს შურის ძიებითა და ბოროტებით აღვსილთ და სამუდამო სიყვარულისადმი იწვევენ. გარს ათასი საფრთხე და შიში ახვევიათ, მაგრამ არც ერთი მათგანი ახლოს არ ეკარება. ყველგან პატივისა და დიდების ღირსადა სცნობენ. მაგრამ დიდება და პატივი მათი არავის შურსა და მტრობას არ იწვევს. ეს არის უდიდესი ნიჭი ღვთიური მხოლოდ იშვიათ რჩეულისა. და თვით ხალხიც, ესრედ რჩეული, განსაკუთრებული მადლია ღვთისა.

ასეთის ნიჭით იყო დაჯილდოვებული წმიდა მოციქული და მანარობელი, საყვარელი მოწაფე ქრისტესი იოიანე ღვთისმეტყველი...

ასეთის ნიჭისა იყო განსვენებული თავადი გრიგოლიც. და აი, საყვარელთა სიყვარულის მიზეზიც სწორედ აქ არის დაფარული. ამ სიყვარულის ღირსადა სცნეს და დიდებულად აღიარეს თვით რუსეთის თვითმპყრობელებმა. ყველგან და ყველა მხრიდან: სასახლიდამა თუ ქოხიდამ, დიდებულთა თუ მცირეთაგან, მდიდრებისა თუ ღარიბებისაგან, ყველასგან სიყვარულის სმა ესმის... როგორც სასიკადულო და ქველობით საესე მეომარი იცავდა სამხედრო წესიერებას; როგორც მმართველი —სამოქალაქო წესებს, ასამართლებდა სიმართლითა და მტრობისა ნაცვლად ყველას გულსა ჰზიბლავდა და იზიდავდა. ღირს იქმნა მალალის სახელმწიფო თანამდებობისა და პატივისა და საყვარელ სახალხო პოეტის სახელი მოიხვეჭა:—და შური არავისი დაიმსახურა. დიდია ძალა სიყვარულისა და სრულიად ბუნებრივი მისდამი სხვათა სიყვარული..."

ანჩის-ხატიდამ პროცესისა იმავე რიგით და იმავე ქუჩე-ბით დაბრუნდა გოლოვინის პროსპექტზე, საიდანაც შეუხვია ქაშვეთის ეკკლესიაში.

ქაშვეთის გალავანში, ეკკლესიის კარების წინ ორბელიანის კუბო უკანასკნელჯერ დაასვენეს მიწაზე და დაიწყო გამოსათხოვებელი სიტყვები. პირველი სიტყვა იყო კორპუსის კამანდირის დეველისა. მოკლე იყო ეს სიტყვა, მაგრამ ისეთის გრძობით თქმული, რომ მაყურებელთა ცრემლები ვერ შეიკავეს, როდესაც კორპუსის კამანდირმა მაღალის მთრთოლვარეს ხმით დაიქუხა:

„Тяжело, грустно видѣть бездыханный трупъ маститаго воина, на тлѣнныхъ костяхъ котораго глубоко зарублены 62 года честнѣйшей офицерской службы. Болѣе полвѣка ты стоялъ въ рядахъ непобѣдимой кавказской арміи, она сроднилась съ именемъ твоимъ... и въ эти печальныя минуты нашу привычную любовь и уваженіе къ тебѣ ты уносишь съ собою въ холодную могилу. Да, ты уже не отзовешься на искренній привѣтъ твоихъ сослуживцевъ, а мы болѣе не услышимъ звучную рѣчь нашего Злотоуста, твоя жизнь погибла для насъ, ибо неизбѣжное уже совершилось!

„Итакъ, прощай, маститый воинъ! Прощай отъ имени всѣхъ войскъ Кавказа, среди которыхъ ты былъ глубоко чтимымъ воиномъ и многолюбимымъ человекомъ. Прощаясь съ тобою, мы не заканчиваемъ своихъ счетовъ! Нѣтъ, кавказскія войска сохранятъ о тебѣ, князь Григорій, добрую и вѣчную память!“

„მძიმეა და სამწუხარო, რომ მხცოვანის მეომრის გვამს, რომლის ხრწინადას ძვლებზედაც ღრმად არის ნაჭდევი 62 წელი პატიოსნურად გატარებულ ოფიცრის სამსახურისა, უსულოსა ვხედავთ. ნახევარ საუკუნეზედ მეტი ურყევლად იდექი კავკასიის უძლეველ მხედრობის წყებებში, მისი სახელი შენ სახელთან მჭიდროდ იყო დაკავშირებული... და ჰა, ამ სამწუხარო წამებში მთელი ჩვენი შენდამი პატივისცემა და სიყვარული ციეს სამარეში უნდა ჩაიტანო. დიან, აღარ მოგვცემ პასუხს ჩვენს გულწრფელს სალაზზედა და ველარც ჩვენ მოვისმენთ ჩვენის ოქროპირის საამო სიტყვებს, მოისპო შენი სიცოცხლე ჩვენთვის, ვინაიდგან აუცილებელი უკვე მოხდა!

„მშვიდობით, მაშ, მსცვანო მეომარო! მშვიდობით, კავკასიის ყველა ჯარების სახელით, რომელთა შორისაც დიდად პატივცემული მეომარი და საყვარელი კაციც იყავი. მაგრამ ჩვენს შენდამი ანგარიშებს ამ გამოთხოვებით როდი ვათავებთ! არა, თავად გრიგოლ! კეთილსა და სამარადისო ხსენებას შენსას არასოდეს კავკასიის მხეჯრობა არ დაივიწყებს!“

შემდეგ ილაპარაკეს: ილია ქავჭავაძემ, აკაკი წერეთელმა და ნიკო ყიფიანმა. სამწუხაროდ, ვერაფერს ვერ ვიტყვი იმათ სიტყვებზე. ორმა ჩვენმა სასიკაძულო მწერალმა, ჩემის ფიქრით, ვერ გაიგეს ამ მომენტის მაღალი მნიშვნელობა ჩვენის პაწია ხალხისა და მწერლობისთვის. ასაფლავებდნენ კაცს, რომელსაც დასტიროდა მთელი საქართველო, რომელმაც ქართველის სახელი და ქართული სიტყვა აღიყვანა იმ სიმაღლეების, რომელსაც არავინ შესწვდენია არა მარტო ამ საუკუნეში და ნაცვლად იმისა, რომ წარმოეთქვათ მამულის სიყვარულისაგან ნაკარნახევი და გულის სიღრმისაგან გამოსული სიტყვა, წინ და წინ საქრისტიანობად განმზადებული, რომელშიაც გამოეხატათ პიროვნება და მნიშვნელობა გარდაცვალებულისა, პირველმა მათგანმა პოეტის ნაწერებიდამ ამოდებული სიტყვებით რაღაც გვარი ფელეტონური სიტყვა შეთხზა, რომელშიაც საკუთარი მარტო ის ჰაზრი იყო, რომ პოეტის ნიჭი სიტყვასაც საქმედ შეიქმნა... თითქო განსვენებულის 80 წლის ცხოვრებაში ამ საპარადოქსო ჰაზრის მეტი სხვა არა ყოფილიყო რა; მეორემ... მაგრამ, ეჰ! სჯობს მეორესაც თავი ვანებოთ და მესამესაც. არც ერთი არ იყო შესაფერი სამწუხარო შემთხვევისა. ღმერთმა დაუმაღლოს საქართველოს ექსარხოსს! იმან მარტო დაიცვა ამ დღის პატივი.

მეოთხე საათზე სიტყვები გათავდა და გოლოვინის პროსპექტიდამ მოისმა იქ გამწკრეული ჯარის თოფის გრიალი. თოფებს ბანი მისცეს მტკვრის პირიდან ზარბაზნებმა და კუბო ჩაეშვა სამარეში.

„. მკუნარგა

## ექიმის დანიშნულება \*)

საკირო არ არის სიტყვა გავაგრძელოთ იმის დასამტკიცებლად, რომ აწინდელს მდგომარეობაში ექიმს ძალიან სუსტი გავლენა აქვს ავადმყოფობის განვითარებაზედ და დაბოლოვებაზედ.

ამის მიზეზი ის გახლავთ, რომ ექიმი ავადმყოფობის დასაწყისს კი არა, უფრო ხშირად დაბოლოვებას-ლა ჰხედავს.

ავადმყოფობისა დასაწყისი უნდა ნახოს ექიმმა, რომ დახმარება აღმოუჩინოს რამე აღამიანს; სწეულებასთან ბრძოლა შესაძლებელია პირველს ხანებში და არა შემდეგ, როდესაც მაგრად ფესვს გაიდგამს და მძვინვარებს.

ავადმყოფობა რომ თავს იჩენს, ეგ ის არის, რომ თავის განვითარების მესამე ხანაში გადავიდა. პირველ ხანად ავადმყოფობის, იერიში მივიღოთ ორგანიზმზედ; მეორედ—ავადმყოფობისაგან ორგანიზმის სხვა-და-სხვა ფუნქციის დარღვევა, ორგანიზმის წინააღმდეგობა და დარღვეულის შეკეთება.

სწორედ ამ დროს, ავადმყოფობის მეორე ხანაში, შეუძლიან ექიმს ნამდვილი დახმარება აღმოუჩინოს, რადგან ავადმყოფობას ჯერ კიდევ თვით ორგანიზმი ებრძვის და ექიმისაგან მხოლოდ დახმარებას მოითხოვს, ჰიგიენურს და მკურნალურს. გამოცდილებით არის დამტკიცებული, რომ ავადმყოფობას დაუჯაბნია ორგანიზმი, მარტო იმიტომ, რომ მას არ ჰქონია უსაკიროესი პირობანი ჰიგიენურ ცხოვრებისა.

\*) D-r Héricourt: le médecin de s'avenir.

საუბედუროდ, ამ ხანაში ექიმს არავინ იწვევს, რადგან ავადმყოფს ჯერ „საიმიისო არა სჭირს რა.“ ავადმყოფობას თვით ბუნება ებრძვის, ორგანიზმი უმაგრდება და არ ამარჯვებს, თავს არ აჩენინებს. უნდა გათავდეს ეს ბრძოლა, რომ დამარცხებულს ორგანიზმს ავადყოფობა გამოაჩნდეს.

ექიმსაც მაშინ მიმართავენ, როდესაც ავადმყოფობამ თავი იჩინა, ესე იგი მესამე ხანაში გადავიდა. ავადმყოფი ხედავს, რომ მეტი გამაგრება აღარ შეუძლიან, რაღაც დაემართა და ჩვეულებრივი ცხოვრება შეაწყვეტინა. სხვა სიტყვით რომ ვთქვათ, ორგანიზმი უკვე დამარცხდა, ავადმყოფობამ გაიმარჯვა. ავადმყოფობის პირველმა და მეორე ხანამ გაიარა, დაიწყო მესამე, რომელიც ავადმყოფის სიკვდილით გათავდება, ან სნეულების ბუნებრივ მიმდინარეობით და ავადმყოფის გასაღლებით; ექიმის დახმარება ამ ხანაში მეტად სუსტი და უმნიშვნელოა-ლა არის.

ან რაღა შეუძლიან ექიმს ორგანიულ რაიმე ავადმყოფობასთან? რაღას უშველის თირკმელების ანთებას, ღვიძლის ტკივილს, გულის ფრიალს, შარდის დენას? შეიძლება ტკივილი შეუმსუბუქოს, ავადმყოფობის მიმდინარეობა შეაგვიანოს, მაგრამ თვით სნეულებას კი ვეღარ აღმოფხვრის. თავის დროზედ რომ მიემართნათ, ჯერ ისევ მაშინ, როდესაც მარტო მოშლილი კუჭი მოწმობდა ავადმყოფობის დაწყებას, დიდად დაეხმარებოდა, რადგან შერყეული საზრდოების ნაგვიანები შედეგია აქ ნახსენები ავადმყოფობანი.

იგივე ითქმის გადამდებ სნეულებათა შესახებ. დამტკიცებულია, რომ კლექის მორჩენა მესამე ხანაში შეუძლებელია; წინა ხანებში კი ბუნების დახმარებით და ხელშეწყობით აღვილად შესაძლებელია.

სხვა და სხვა ქირში ხომ სრულიად უსარგებლოა ექიმი; ვისაც ქირთან ბრძოლა უნდა, მის გაჩენის და გავრცელების ხელშემწყობი პირობები უნდა მოსპოს; სხვათრივ მასთან ბრძოლა ამაო არის.

II

კარგი არ იქნებოდა, ასეთ უსარგებლო და უნაყოფო შრომის მაგივრად ექიმს ჯანსაღებისთვის შეეძღვნა თავისი ცოდნა და ღვაწლი? თავისი ჯანსაღი პაციენტები დაეფარა ავადმყოფობისაგან? რამდენად ნაყოფიერი და მადლიანი იქნებოდა მაშინ ექიმის შრომა! რა დიდებული, ღირსეული საზოგადოებრივი და ზნეობრივი მნიშვნელობა ექნებოდა მის მოღვაწეობას. ვის არ გაუგონია ეს შენიშვნა, ექიმებისთვის გულსატკენი და დამამცირებელი:

— საზიზღარი რამ არის ექიმის მდგომარეობა! სხვის ქირითა ცხოვრობს და მადლიერი მარტო მაშინ არის, როდესაც ხალხში სნეულება რამე მძვინვარებს.

თუ გნებავთ ექიმის გული მოიფოთ, — ბევრი ავადმყოფი გყავსო? — ჰკითხეთ.

სწორედ ექიმური ჩამქრალი გრძნობიერება უნდა ჰქონდეს კაცს, რომ არ იწყინოს ამ გვარი მისაღმება და კომპლიმენტი.

ნუ თუ საქიროა ვთქვათ, რომ სხვისი ტანჯვა და ტკივილი არავის არ უნდა ახარებდეს? თვით ექიმსაც კი არა? და რადგან ექიმი უბრალო ადამიანია, უბრალო მომაკვდავი, საქიროა ისე მოგვარდეს საქმე, რომ სხვებთან ერთად იმასაც ახარებდეს ავადმყოფობათა იშვიათობა.

უცნაური ნუ გგონიათ ამ გვარი მდგომარეობა ექიმისა, რადგან იგი უკვე არსებობს და ნორმალურად მიაჩნია ყველას. მაგალითებზე სამხედრო ექიმს უხარია, როდესაც ავადმყოფები არა ჰყავს; იკვების კიდევ, იმიტომ რომ ჯარის ჯანსაღობაზედ არის დამოკიდებული იმისი სახელი და მოსვენება. ექიმი ყოველ დღე ხედავს ჯანმრთელ ჯარისკაცებს, იმათ ცხოვრებას, ბინას, საქმელს და სულ იმის ცდაშია — ავადმყოფობა არა შემომეპაროს რაო. სამხედრო ექიმი ავადმყოფობას კი არა, ავადმყოფობის გამჩენ მიზეზებს ებრძვის; ის უფრო ჰიგიენის მსახურია, ვიდრე მედიცინისა.

ჯარის უფროსებს რომ კარგად ესმოდეთ თავიანთი სარგებლობა, გულმოდგინედ მოისმენდნენ და სამხედრო ექიმის ყოველ რჩევას აასრულებდნენ.

ზოგმა მექარხნემაც გაიგო, რა სარგებლობას მოუტანდა მრეწველობას მოსამსახურეთა და მუშათა ცხოვრების ჰიგიენურად მოწყობა, მათი ჯანმრთელობა და მაშასადამე ხალისიანი შრომა. შეგნებული მექარხნეები ექიმებს ჯამაგირს იმისთვის კი არ აძლევენ, სნეულები განკურნეთო, არამედ იმისთვის, რომ ჰიგიენურად მოაწყონ მუშათა და მათი ცოლ-შვილის ცხოვრება და მით შეუძლებელ ჰყონ სნეულების გაჩენა. და როგორც სამხედრო ექიმს, ისე ქარხნისას, ცხადია, ის უნდა უხაროდეს, რომ ავადმყოფები არ ჰყავდეს.

აი წმინდა მედიცინა, ზნეობრივაც და მატერიალურადაც კეთილშობილი მოღვაწეობა ექიმისა!

განა არ შეიძლება, მაშინ კი არ მოვიწვიოთ ექიმი, ხშირად სრულიად უცნობი, როდესაც სნეულებამ უკვე თავი იჩინა და თითქმის ამაოდ რჩება ექიმის მეცადინეობა; არამედ წინააღმდეგ, როდესაც ჯერ ფიქრიც არავისა აქვს ავადმყოფობისა? განა არ შეიძლება წლიურად, გადაჭრილ საფასურით თავისი ექიმი ჰყავდეს ყველას, რომ თვალყურს ადევნებდეს მთელს ოჯახს, მის სტუმარს, მოსამსახურეს? ამაო წამლობის მაგივრად, მედგრად შეიარაღებული დაუხვდეს ავადმყოფობას და სახლში არ შეუშვას?

დაკვირვებით, თავის ჯანსაღ პაციენტების შესწავლით და მათი ცხოვრების მეცნიერებისამებრ მოწყობით ექიმი მრავალს ავადმყოფობას, ტანჯვას და წამლების ამაო ხარჯს ააცილდნენდა კაცს და წლის დამლევს ორივე კმაყოფილნი იქნებოდნენ, — პაციენტიც და ექიმიც.

### III

თქმა არ უნდა, ერთხელც იქნება, სწორედ ასე იცხოვრებს კაცობრიობა. მაგრამ ამისთვის საჭიროა ყველამ შეიძი-



ნოს ნამდვილი მნიშვნელობა მედიცინისა, რომლის წინსვლამ და განვითარებამ იგი ავადმყოფობათა ამცდენ მეცნიერებად აქცია, თუმცა ხალხს იგი ძველებურად მკურნალ მეცნიერებად მიაჩნია. თავის თავად კი არ მოვა ეს ნეტარი დრო; საჭიროა მოვიახლოვოთ იგი და მის მოახლოვებას თვით ექიმები უნდა ცდილობდნენ, რადგან დღეს უკვე დამტკიცებულია, რომ ოთხში ერთი ექიმი თუ შოულობს პატიოსნად თავის ლუკმა პურს.

ჯერ-ჯერობით ძალიან შორსა ვართ ჩვენგან დახატულ იდეალურ მდგომარეობისაგან, და მის განხორციელებას თვით ექიმებიც უნდა დაეხმარონ; სიტყვით და კალმით, ყოველგან იმას უნდა ქადაგებდნენ, რომ სასურველი და სასარგებლო ჯარისთვის, ხომალდისთვის, სკოლისთვის, ქარხნისთვის, არანაკლებ სასარგებლო და სასურველი უნდა იყოს ოჯახისთვისაც.

დასავლეთ ევროპაში მრავალი საზოგადოება არსებობს, რომელთა უმრავლესი მიზანი ის არის, რომ უსასყიდლო წამლობა და ექიმობა აღმოუჩინონ თავიანთ წევრებს.

ამ საზოგადოებათა არსებობაც თავისებურად უნდა გამოიყენოს ექიმმა და ისე უნდა მოაწყოს საქმე, რომ თითონაც მოიგოს და საზოგადოების წევრთაც მოაგებინოს.

უნდა შეაგნებინოს ამ საზოგადოებათა წევრებს, რომ უმთავრესი მათი დანიშნულება ავადმყოფობასთან ბრძოლა კი არა, უფრო დიდი და წმინდა უნდა იყოს — სახელდობრ იმ გვარად მოწყობა ცხოვრებისა, რომ ავადმყოფობა ვეღარ ჩნდებოდეს. უნდა შეაგნებინოს, რომ დიდად სასარგებლოა ავადმყოფობის დროს მუქთი ექიმი და წამალი; მაგრამ უფრო სასარგებლო ის იქნება, რომ თვით ავადმყოფისაგან დაზღვეულ იქმნას ადამიანი. მაშინ ეს საზოგადოებანი ჯარს დაემსგავსებოდნენ და მათი ექიმების ერთად ერთი საზრუნავი ის იქნებოდა, რომ ავად არავინ გახდომოდათ. მართალია გაცილებით მეტი შრომა დასჭირდებოდათ, დაფიქრება და დაკვირვება ამ ახალს თანამდებობაში, მაგრამ ექიმის დანიშნულება

სწორედ ეს უნდა იყოს და არა უსარგებლო რეცეპტების წერა.

წაბაძვას ჯერ კიდევ დიდი ხანი ექნება თავისი ძალი და ამ საზოგადოებათა მიხედვით კერძო პირნიც აიჩენდნენ საკუთარ ექიმს, მას მიანდობდნენ თავიანთ ჯანმრთელობაზე ზრუნვას და ყოველგვარ ავადმყოფობათა აცილებას.

#### IV

ექიმს ძვალსა და რბილში უნდა ჰქონდეს გამჯდარი ის წმინდა ქეშმარიტება, რომ მას საზოგადოების ჯანმრთელობა უნდა აცხოვრებდეს და არა სნეულება. მაგრამ ამგვარ ექიმს მომავალი შექმნის, როდესაც იგი სულ სხვაფრივ იქნება აღზრდილი, ვიდრე დღეს არის; აღზრდის გარდა, მაშინ ცოდნაც მეტი ექნება და გამოცდილებაც. მისი მოქმედება დამყარებული იქნება მსწრაფლწარმავალ ნიშნების დაკვირვებაზე და ლოლიკურად მოსალოდნელ შედეგთან ბრძოლაზე. მისი დადგენილება დაფუძნებული იქნება მჭიდრო, უტყუარ საბუთებზე, და თუ შემცდარი გამოდგა, ეგ იმიტომ მოხდება, რომ ადამიანი ღმერთი არ არის, რომ შეუცდომელი იყოს.

მაშინ ექიმი დღევანდელივით ხელოსანი კი არ იქნება, რომლის დანიშნულებას თუ გაქირდა აფთიაქარიც ასრულებს, ბეითალიც და თვით ვარსამიც! მაშინ ნამდვილი მეცნიერების წარმომადგენელი იქნება ექიმი და მარტო ის იქნება აღჭურვილი იმ ცოდნით, რომელსაც შეეძლება მოსალოდნელ სნეულებათა აციენა. მაშინ კვლავ მოიხვეჭს ექიმი სასწაულთ-მომქმედის სახელს, რომელიც ასე სამარცხვინოდ დაჰკარგა.

მაგრამ მარტო ექიმი კი არ არის დამნაშავე: საზოგადოებას დაჰკარგვია ექიმის ნდობა და, კიდევ რომ გაჩნდეს ვინმე მადლიანი და ჰიგიენაზედ ბაასი ჩამოავდოს, ყურს არ ათხოვებენ. აზვიადებსო, იტყიან, საცა ბუზიც არ არის, იქსპილო ელანდებაო... და სხვას მოსძებნიან, რომელიც თავის დანიშნულებას მარტო რეცეპტის წერაში ხედავს.

რაკი ნახავს ექიმი, — ავადმყოფები იმიტომ დავკარგე, რომ მათი სიკეთე მინდოდაო, გულში ღრმად ჩაიმაჩხავს თავის თეორიებს, პირზედ ნიღაბს ჩამოიცვამს და მგლებთან მგლურად იწყობს ღმუილს.

დარბაისელი, ჩაფიქრებული შეხედულება; მშვენიერი ტანისამოსი; სწრაფი გამოკითხვა ავადმყოფისა, უფრო სწრაფი გასინჯვა; მაჯა, ენა, რეცეპტი, და... გზა! უკვე მიბრძანდება ბატონი ექიმი! ეჩქარება, ავადმყოფები ელიან!

აი ნამდვილი ექიმი, რომელიც სწამს ჩვენს საზოგადოებას! ყველაფერს მას ჰკითხავენ, თუმცა არაფერი არ ეკითხვის!

ჩინეთშიც კი თავის კლიენტების ჯანმრთელიაბით ცხოვრობს ექიმი, და არა მათ სნეულებით.

ფრიად საინტერესოა ჩინური ჩვეულება: ყოველ ოჯახს თავისი ექიმი ჰყავს, კაცის თავზედ დღიურად გადაწყვეტილს სასყიდელს აძლევს...

თუ ღმერთი ვაუწყრა ექიმს და ავად გაუხდა ვინმე, აღთქმული სასყიდელიც ეკარგება და ავადმყოფსაც მუქთად უნდა მოუაროს.

ჩინეთში მრავალი ჩვეულება და დაწესებულება არის დამყარებული უსამძღვრო სიბრძნეზედ და სასტიკ ლოგიკაზედ, და, სხვათა შორის, ექიმის და მის კლიენტების დამოკიდებულება: კლიენტებისთვის სასარგებლო, ექიმისთვის — სასახლო!

ჩინური ჩვეულება პირდაპირ მოწმობს, — ექიმის დანიშნულება ის არის, რომ ოჯახში სნეულება არ შეუშვას და ძირი არ გაადგმევინოს. ექიმი თავის კლიენტის ჯანსაღობას ზრუნავს და ამიტომ უყვარს იგი ღიღსა და პატარას.

კლიენტი ავად გახდა! ექიმის ბრალია! ექიმმა უმტყუნვა თავის მოვალეობას, დააკლდა, ან ვერ გამოიყენა თავისი ცოდნა-გამოცდილება, შორსმჭვრეტელობა... მაშ თავისი შეცდომა თითონვე გაასწოროს! დეე, ყოვლად უსასყიდლოდ მოუაროს ავადმყოფს. მაშინ თავის სინიღისიცი ველარას უსაყვედურებს, რადგან პირადი მისი ინტერესი აიძულებს

რაც შეიძლება კარგად უეჭიმოს და ჩქარა განკურნოს სნეული.

სწორედ სათაყვანოა ეს ჩვეულება, რომელიც ცხადად გვიჩვენებს, რა კარგად სცნობიათ ჩინელთ ადამიანის გული და რა ღირსეული სამსახური დაუვალებიათ საექიმო მეცნიერებისთვის.

მაგრამ რა? ჩავიდა ჩინეთში „განათლებული“ ევროპელი, ბევრი სხვა ღირსეული ჩვეულება დაავიწყა და იქნება ესეც დაავიწყოს. ამ შემთხვევაში, როგორადაც მრავალ სხვაში, ფრიად სასურველი იქნებოდა ევროპიულ და ჩინურ კულტურათა დაახლოვება და ერთმანერთის შევსება: ჩვენ ჩინელთ ჩვენებურს ცოდნას მივაწვდიდით, ურომლისოდ უნაყოფო უნდა იყოს მათი სამაგალითო ჩვეულება; და ჩინელთაგან მათს ჩვეულებას შევიძენდით, ურომლისოდ ყოველად უნაყოფო დარჩება ჩვენი მეცნიერება.

## V

ეს წერილი უკვე დაწერილი მქონდა, როდესაც სასკოლო ჰიგიენის კონგრესი შეკრბა. კონგრესმა დასაწყისშივე მოისმინა მოხსენება ბ. ლეჟანდრისა სკოლის ექიმის მოვალეობათა შესახებ. სკოლის ექიმის დანიშნულება ბ. ლეჟანდრმაც სწორედ ისევე განმარტა, როგორადაც ჩვენ აღვნიშნეთ ამ წერილში.

ლეჟანდრის სიტყვით, უმთავრესი ნაკლულეგანება აწინდელ სკოლისა სანიტარულ მხრივ, რასაკვირველია, — ის არის, რომ ექიმი მარტო მაშინ ხედავს მოსწავლეს, როდესაც იგი ავად გახდება; ბავშვის ავადყოფობამდე კი არც იმას იცნობს ექიმი, არც იმის მშობლებს, არც იმის სახლს და ცხოვრების განწყობილებას. უმთავრესი ვალდებულება ექიმისა ის არის, რომ ყოველ წლივ სწავლის დაწყებისათანავე გასინჯოს მოსწავლენი, ყოველი ბავშვის შესახები დაკვირვება ჩაიწეროს, ეს დაკვირვება ნიადაგად დაიდოს და იმდენი იზრუნოს, რომ

სუსტს და ავადმყოფობისადმი მიდრეკილების მქონე ბავშვს ავადმყოფობა ააცდინოს. ეს უნდა იყოს დასაწყისი სასკოლო პროფილაქსიისა — ავადმყოფობათა აცდენისა; თვით ჰიგიენის საზოგადო კანონების აღსრულება შეცვლილ უნდა იქმნას მოსწავლეთა აგებულების დაკვალად: უნდა გაჩნდეს ინდივიდუალური ჰიგიენა.

მრავალი ავადმყოფობა, რომელიც შემდეგში გამოაჩნდება ადამიანს, უკვე ბავშვის ორგანიზმში იმყოფება ნასახად დამალული, მაგ. ქარები, ნერვების სისუსტე, ქლექი, ანუ ქლექისადმი მიდრეკილება. ამზადებს ნიადაგს ყველა ავადმყოფობისას, თვით გადამდებ სენისასაც, საზრდოების უვარგისობა, რომელიც ან მემკვიდრეობითი არის, ანუ უჰიგიენო ცხოვრების გამო შენაძენი.

თავის დაკვირვებანი ექიმმა წელიწადში ორჯერ, და თუ შეიძლება, სამჯერაც უნდა გადასინჯოს. მათი შინაარსი საქიმო საიდუმლოებას უნდა შეადგენდეს და ექიმის მეტი მათ არავინ არ უნდა ხედავდეს.

სასწავლებლის ექიმმა დიდი ყურადღება უნდა მიაქციოს მოსწავლეთა კანს და ლორწოს, რომელნიც შესავალს კარს წარმოადგენენ მრავალ ავადმყოფობისას. აღმზრდელთა დახმარებით იმდენს იზამს ექიმი, რომ ყოველთვის და რიგზედ იხმარონ ბავშვებმა თავის საწმენდი, ფრჩილებისა და კბილის სახეხი.

არა ნაკლები ყურადღება უნდა მიაქციოს ექიმმა მოსწავლეთა საზოგადოებას და ხშირი, ყოველდღიური სტუმარი და მეთვალყურე უნდა იყოს სამზარეულოსი.

ფიზიკური ვარჯიშობაც ექიმის რჩევისამებრ უნდა სწარმოებდეს სკოლაში, რადგან კარგად შეხამებული ვიშნასტიკი არა მარტო ფიზიკურად განავითარებს ბავშვს და მის სიმართლეს, არამედ დიდს გავლენას იქონიებს მის ზნეობრივ და გონებრივ ზრდაზედაც.

დასასრულ ბ. ლეჟანდრი ამტკიცებს, ექიმს არა მარტო ფიზიკური ჰიგიენა ეკითხვის, არამედ გონებრივიცაო: სრულს უსაფუძვლოებას წარმოადგენს დღეს ადამიანის ფიზიკურსა და გონებრივ ცხოვრებათა შორის რალაცა საძღვრის ჩადება, ტანისა და გონების განშორება; ამ განშორებამ უკვე მოჰამა თავისი დღენი. ერთობა ცოცხალ არსებისა ბიოლოგიურ

კანონად არის დღეს აღიარებული, და იმდენად ცხადი და თვალსაჩინოა ეს კანონი, რომ ვეღარც-კი წარმოგვიდგენია, როგორ შეიძლება ბავშვის სრულს განვითარებას ვცდილობდეთ და ამ მიზნის მისაღწევად მის ორგანიზმის ყოველს ფუნქციას კი არ ვავითარებდეთ; დღეს ანბანურ კეშმარიტებად გამხდარა—გონებრივ განვითარებას ნიადაგად ფიზიკური განვითარება—მოძრაობა და მონელება უნდა ჰქონდესო. ექიმს უნდა ეკითხებოდეს—დღეში რამდენს საათს უნდა სწავლობდეს ბავშვი. გარდა ამისა მასწავლებელი იძულებული უნდა იყოს ექიმს აცნობოს ხოლმე შეგირდის სწავლაში დაქვეითება და დასუსტება; ეს იმიტომ, რომ სისუსტე გონებისა და ნებისა უფრო ხშირად შედეგია ფიზიკურ მიზეზებისა, რომლის წამლობა და აღდგენა ექიმის საქმეა.

## VI

სკოლის ექიმისთვის აქამდე ისიც კმაროდა, ბავშვები ჰყვარებოდა და ხეირიანი მკურნალი ყოფილიყო, რომ სრულიად დაეკმაყოფილებინა სასწავლებლის გამგეობაც და მოსწავლეთა მშობლებიც. მომავალში კი სულ სხვა გვარი მოვალეობა ექნება ექიმს და ამ თვისებათა გარდა, სპეციალური მომზადებაც დასჭირდება. მაგრამ საზოგადოებრივ ცხოვრებაში, როგორადაც ბიოლოგიაში, ორგანს ფუნქცია შექმნის: როდესაც ექიმი შეიგნებს, რას ავალებს მას საზოგადოება ბავშვის აღზრდის, გაუმჯობესობის საქმეში, ყოველ საექიმო ფაქულტეტზედ გამოჩნდებიან მსურველნი, რომელნიც თავიანთ მეცნიერულ ტვირთს სპეციალურ ცოდნას დაუმატებენ—ჰიგიენურს და პედაგოგიურს—და შეჰქმნიან კეშმარიტს ექიმს სკოლისას.

დღეს სამხედრო ექიმი გვყავს, რომელიც დიდს ღვაწლს დასდებდა ჩვენს წინმსლედობას, რომ კარგად ესმოდეს თავისი დანიშნულება და ნებაცა ჰქონდეს თავისუფლად მოქმედებისა; ხვალ ზემოდ აწერილი სკოლის ექიმები გვეყოლება; ზედ საზოგადოების მოთხოვნილება დაერთვის და გაჩნდება ის ექიმი, რომელსაც ხალხის ჯან მრთელობა ასაზრდოვებს, და არა დღევანდელივით ხალხის სწეულება.

ავ. მაჭავარიანი

## ნ ა რ ე ვ ი

1) ქვეყანა დიდია.—2) ამერიკული მწერლობა.—3) გაფიცვის ნაყოფი.—4) ვიანგარიშობა.—5) შეიძლება ამ ყამად სწავლის დაწყება?—6) მეცნიერული ქეშმარიტება და საზოგადოებრივი წინსვლელობა.—7) ომსა დიდი ცოში უნდა, უღვეელი საფანელი.—8 გაკანონება უკანონობისა.

**1. ქვეყანა დიდა,** ამტკიცებს პროფესორი სპალერი, ზედ თავისუფლად იცხოვრებს კაცობრიობაო... ურწყავი მიწები რომ მოიწყას და გაშრეს ქაობები, იმოდენი მამული მიემატება ევროპასაც, აზიასაც და ამერიკასაც, რომ უმამულობაზედ ლაპარაკი სიცრუვედ გახდება. ევროპაში, ჰოლლანდიაში უკვე სცადეს ქაობის გაშრობა და დიდი მამულიც შესძინეს ღარიბ ხალხს. ამერიკაში რამდენიმე მილიონი დღიური მიწა შეემატა მარტო შეერთებულ შტატებს. აზიაში ადვილად განაყოფიერდება ვრცელი მინდვრები, რომელნიც ერთხელ სარწყავი და მდიდარი ყოფილა, და დღეს კი უდაბნოდ ქცეულა. დედამიწა მეტად დიდია და მთელს კაცობრიობას გამოჰკვებს, ოღონდ ცოტა შრომა გასწიოს ადამიანმაო, ბრძანებს პროფესორი სპალერი... და ოღონდ სამართალი იყოს, დავუმატებთ ჩვენ: ამას წინად მოკლულს მოსკოვის გენერალ-გუბერნატორს, დიდ მთავარ სერგის ოთხას-ოცდა ათი მილიონი მანეთის შეძლება დარჩა, უმთავრესად მამულები... და გლეხ-კაცს კი ორი დღის მიწა ენატრება, რომ ქადით მაინც გააძღოს თავისი ცოლშვილი.

**2. ამერიკული მწერლობა.** რამ დასცა, რამ დააქვეითა ასე ჩვენი მწერლობაო, კითხულობს ერთი ამერიკელი მწერალი და შემდეგ პასუხს ჰპოვებს: ჩვენი მწერლობა დაამხო გავლენამ ქალისამ, რომელსაც გარეგანი სილამაზე უყვარს, და საქმიანობამ ამერიკელისამ, რომელსაც ფულის მოგების იქით სხვა მიზანი არა გააჩნია-რა... ინგლისელის ცხოვრების მიზანი, საიდუმლო რასაკვირველია, სისქე და სისუქნე არის; ფრანგისა — აკადემიის წევრობა; გერმანელისა — ოთხ ტომიანი წიგნის დაწერა მარსის მცხოვრებთა ენებზედ. ყველა თავის მიზანს შესტრფის და მით იტკობს სიცოცხლეს. დიდი ხანი ვეძიე ამერიკელების ცხოვრების მიზანი და ბოლოს სრულიად შემთხვევით მივაგენ ერთ დამზღვევ საზოგადოების განცხადებაში შემდეგ სიტყვებს: კეთილი ცხოვრება და ფულის მოგება, — აი ჩვენი მიზანი და დანიშნულებაო. მართლაც და აი ცხოვრების მიზანი ამერიკელისა: კარგი საქმელსასმელი, კარგი სახლი, კარგი ტანისამოსი, ბევრი ფული და სიმდიდრისა გამო პატივისცემა! ერის იდეალი რომ სმა-ქმადა და ფულად იქცევა, იქ მწერლობა ველარ იხეირებსო, დასძენს ამერიკული ჟურნალი.

\* \*

**3. გაფიცვის ნაყოფი.** ბელგიაში 1893 წელს მუშათა ერთის დღის გაფიცვამ/იმოდენი გავლენა იქონია ჰარლამენტზე, რომ საარჩევნო უფლება მიანიჭა იმათაც, რომელთაც არავითარი შეძლება არა ჰქონდათ; მართებლობას ისე ეშინოდა მუშათა გაფიცვისა, რომ ამ უბედურების ასაცდენად გადადგა ვანდენბომის სამინისტრო კაბინეტი; რადგან მამულისა და ფულის პატრონთ ბელგიაში ორი და ხშირად სამი ხმაცა აქვთ ერის წარმომადგენელთა არჩევანში, 1902 წელს 350 ათასი მუშა დაემუქრა მართებლობას: ან კაცზე ერთი ხმა იყოს, ან არა და გავიფიცებითო, მაგრამ აქ კი ველარ აჯობეს; ბელგიელ სოციალისტებს დღემდის არ დავიწყებიანთ ეს დამარცხება. ბარცელონში, ისპანიაში, 1902 წელს საზოგადო გაფიცვა მოხდა ანარქისტების ზედგავლე-



ნით: წყლის მიღები დახეთქეს, ასანთები გაზის მიღები და-  
ანგრიეს, დაწყვიტეს ტელეგრაფის და ტელეფონის მავთუ-  
ლები, აიკლეს ხაბაზის, სანოვანის და ღვინის საწყობები,  
და ხალხი დაამშინეს; ამ გაფიცვაში სოციალისტები არ ჩა-  
რეულან. სტოკჰოლმის (სვედიაში) მუშათა გაფიცვა სამს-  
ლდეს გაგრძელდა და მიზნად საყოველთაო საარჩევნო უფ-  
ლების მოპოვება ჰქონდა; 120 ათასი მუშა იყო გაფიცული:  
თავიანთი მოთხოვნილება სთქვეს და წესიერება არაფრით  
დაურღვევიათ. ნამდვილი საყოველთაო გაფიცვა მოხდა იტა-  
ლიაში 16 ენკენისთვის 1904 წ. სარდინიაში ჯარების მიერ  
მუშათა დახოცვის გამო: გაფიცვამ სრულიად შეაყენა საზო-  
გადობრივი ცხოვრება; აღარც ასანთები გაზი იყო, აღარც  
ელექტრონი, აღარც ტრამვაი, აღარც რკინის გზა და ფოსტა.  
რკინის გზის ლიანდაგზე ქალები და ბავშვები იწვნენ და  
არ უშვებდნენ მატარებელს. მალაზიები ყველა დააკეტინეს,  
თვით აფთიაქებიც კი. წყალში ისროდნენ ბოთლებით რძეს—  
ავადმყოფთათვის დანიშნულს... შედეგი ამოდენ შევიწროე-  
ბისა ის იყო, დასძინს საზოგადო გაფიცვის ამწერი სიღნეი-  
ვებში, რომ საცა კი გაფიცვა მოხდა, ყველგან თითქმის  
ყველგან გაიმარჯვეს მუშებმაო.

\*\*

4. **განგაზრდით!** ჩინეთის რკინის გზა რუსეთს 500 მილ-  
ლიონი მანეთი დაუჯდა. ქალაქ პორტ-არტურის და დალნის  
აგება—იმდენივე. დღევანდლამდე ომზედ დახარჯულია 1000  
მილლიონი მანეთი. თუ ორუსეთის ფლოტი დამარცხდა, ამ  
ორი ათას მილლიონს ფლოტის ფასი მიემატება; აგრეთვე  
ზარალი, რომელსაც რუსეთი იაპონიას უზღავს და კუნძული  
სახალინი, სხვა რომ არა ვთქვათ რა. სახალინი რომ აიღოთ,  
ჩვენ მოგვეცით იჯარით და იჯარის გადასახადს წელიწადში  
ასს მილიონ მანეთს ეხლავე მოგცემთო, ეუბნებიან ამერიკე-  
ლები იაპონიას; მაშასადამე სახალინის ფასი ათასი მილიონი ყო-  
ფილა; კონტრიბუციაც ამაზედ ნაკლები არ იქნება, თუ ერ-  
თი ორად მეტი არ იქნა. ამგვარად ეს უაზრო ომი, რომე-

ლიც რამდენმამე წარჩინებულმა რუსმა მოხელემ გამოიწვია—  
 რუსეთი უკვე გავყვლიფეთ და ახლა კორეის გაყვლიფა გვინ-  
 დაო—დიად, ეს უაზრო ომი სულ ნაკლები რომ ვთქვათ ოთხ  
 ათას მილიონ მანეთად უზის რუსეთს, გარდა საკუთარ დანა-  
 ხარჯის და ფლოტისა. ამოდენი ფულის ფლანგვა, როდესაც  
 შინ, მთელი რუსეთის იმპერიაში, არც სადმე სკოლაა, არც  
 გზა, არც მრეწველობა, და ხალხის სილატაკე საზღაპროდ  
 გამხდარა, შეეძლო მარტო ბიუროკრატის, რომელსაც  
 არად გააჩნია არც ქვეყანა, არც ქვეყნის ბედი და ქართული  
 ანდაზა გაუხდია თავის დევიზად: ვინც რა უნდა სთქვასო,  
 წისქვილმა კი ფქვასო. 97 გუბერნია ითვლება რუსეთის იმ-  
 პერიაში და ეს ფული რომ შინ დატრიალებულიყო, ქვეყნის  
 სასარგებლოდ, თითო გუბერნიას 41 მილლიონი მანეთი შეხ-  
 ვდებოდა და, თუ კი საქმეს მოხმარდებოდა, ააყვავებდა რუ-  
 სეთს. შინ რომ ბავშვები ტიროდნენ, გარეთ ტაბლას რა ხე-  
 ლი აქვსო, ნათქვამია. აქამდინ ჩუმაღ ტიროდნენ ბავშვენი, —  
 არ გავგიგონ და სიმშლითან ერთად კი მათრახებიც არ მოგ-  
 ვარტყანო! დღეს კი საშინელი ხმით ღრიალებენ და... მაინც  
 გარედ გავა ტაბლა, თუ ხელიდან ძალად არ გამოსტაცეს.

\*\*

5. შეიძლება ამ ვამად სწავლის დაწყებაო, დაეკითხნენ  
 უნივერსიტეტების საბჭოებს. მოსკოვის უნივერსიტეტმა დაა-  
 დგინა, შეიძლება თუ უნივერსიტეტს მიანიჭეს უფლება, რომ  
 თითონ განაგოს თავის საქმეები, ესე იგი ავტონომიაო. პე-  
 ტერბურგის უნივერსიტეტის საბჭო კი პროფესსორთა უმრავ-  
 ლესობით პოლიტეხნიკუმს მიემხრო და დაადგინა: ვიდრე სა-  
 ხელმწიფო წეს-წყობილება ძირიანად არ შეიცვლება, სწავ-  
 ლის დაწყება შეუძლებელიაო... კიდევ რომ მიენიქოს უმაღ-  
 ლეს სასწავლებელს სრული თვით-მმართველობა, თუ სახელ-  
 მწიფოს წესწყობილება სრულიად არ განახლდა, სწავლის დაწყება  
 არ შეიძლებაო. და მართლაც, როგორ უნდა დაამშვიდოს მოსწავ-  
 ლე ყმაწვილ კაცობა უნივერსიტეტის თვით-მართველობამ,  
 თუკი მიზეზი აღშფოთებისა—ადამიანის უფლებათა აუარყოფა

და გათახსირება, ხალხის სილატაკე და ბიუროკრატთა პარ-  
პაში—ძველებურად უცვლელი დარჩება? ავტონომიაც რომ  
ჰქონდეს უნივერსიტეტს, თავისუფლად ხომ ვერ იტყვის თავის  
რწმენას სტუდენტების წინაშე პროფესორი: თუკი  
აწინდელი წესწყობილება იქნება, თავისუფალ სიტყვას  
იგივე შედეგი მოჰყვება, ესე იგი ჟანდარმები, სახლის გაჩხ-  
რეკა, ოჯახის დაწიოკება, ციხე და აქეთური ციმბირი... ამ-  
ბობენ, სახალინი და იქითური ციმბირი იაპონელებს დარ-  
ჩებათო.

\* \*

**6. მეცნიერული ჭეშმარიტება და საზოგადოებრივი წინ-  
მსვლელობა.** პეტერბურგში უმაღლეს სასწავლებელთა დო-  
ცენტების და ლაბორანტების კრებაზედ ავადონოვმა წარმო-  
სთქვა სიტყვა მეცნიერულ ჭეშმარიტების და საზოგადოებრივ  
წინმსვლელობის შესახებ. ჩვენ, მეცნიერების მსახურნი, იმას  
უნდა ვცდილობდეთ, რომ ხალხს მოვფინოთ და შევავანებო-  
ნოთ მეცნიერება და მისი ჭეშმარიტებანი! მეცნიერება მაშინ  
გაჩნდა, როდესაც ადამიანი თავის ტოლად, სწორად აღიარა  
სხვა ადამიანი. პირდაპირი და უშმინდესი დანიშნულება მე-  
ცნიერებისა ის არის, რომ რამდენადაც შეიძლება ხალხის კუ-  
თვნილებად იქცეს და ძვალრბილში გაუჯდეს. თუ კაბინეტში  
ჩაიმწყვდა და განშორდა ხალხს, არა თუ აღარ განვითარდება,  
პირიქით, დაქნება და ჩაკვდება, რადგან მეცნიერება დემო-  
კრატიული ბუნებისა არის. სახალხო უნივერსიტეტები ინგ-  
ლისში მარტო ქველმოქმედებამ კი არ შექმნა, არამედ შე-  
გნებამ, რომ მეცნიერების ზრდას და განვითარებას საფუძე-  
ლად ხალხის განათლება უდევს. გამოჩენილნი მეცნიერნი --  
ფარადეი, ტინდალი, ჰელმჰოლცი, უელესი არ იშურებდნენ  
ხალხისთვის დროს და ლექციებს უკითხავდნენ. ამ მხრივ, მე-  
ცნიერების ნიადაგის მომზადებით, ესე იგი ხალხთან დაახლო-  
ვებით, ამ მსწავლულთ არა ნაკლები სამსახური გაუწიეს  
კაცობრიობას, ვიდრე თავიანთ გამოკვლევებით. საქმე ის არის,  
რომ რჩეულ პირთა კუთვნილებად კი არა, ხალხის კუთვნი-

ლებად აქციოს მსწავლულმა მეცნიერების საღარო, და თუ ამ საქმეს ემსახურება, თუნდა თვით მეცნიერებას ახალი არაფერი შესძღვნას, მაინც დიდ ღვაწლსა სდებს მის განვითარებას. მსწავლულის ამ გვარი მოღვაწეობა აერთებს მეცნიერების და საზოგადოებრივ წარმატების მოთხოვნილებას. რა საშინელ მდგომარეობაში არის ხალხის სწავლა-განათლება რუსეთის იმპერიაში, ეს ყველამ იცის. ბიუროკრატია მჯაჭვი შეაბა საზოგადოებას და სული ამოხუთა სკოლას, რადგან სწავლა—შეგნებაა, და შეგნება—თავისუფლება. ჩვენს მსწავლულთ რომ ესმოდეთ ხალხის განათლების მნიშვნელობა მეცნიერებისათვის და სასწავლებლების უკიდურესი მდგომარეობა, პირველნი თითონ დაიძახებდნენ—ამ გვარ პირობებში მეცადინეობა შეუძლებელიაო! მაგრამ პროფესორებს და მასწავლებლებს იმისთანას ირჩევდა ყოველთვის მართებლობა, რომ საკუთარი, პირადი შეხედულობა არაფერზედ ჰქონოდათ და ცარიელ ქვევრებით ის ეთქვათ, რასაც უფროსნი ჩასძახებდნენ. არც სამშობლოს კეთილდღეობა აგონდებოდათ, არც ხალხი, არც მეცნიერება! სახალხო სკოლებში დღეს რვა ბავშვზედ მარტო ერთი სწავლობს და ისიც ისე, რომ არაფერი იცის; გიმნაზია გარდაუქმნიათ ბუდედ პირმოთნეობისა, გარყვნილებისა და უაზრობისა; უმაღლესი სასწავლებელი—კანცელარიად, სადაც ფორმის ტანისამოსით გამოწყობილი მოხელე უაზრო ლექციებს კითხულობს, ყმაწვილ კაცობის გამრყენელს და გამათახსირებელს; სტუდენტების უმრავლესობა ქედს იხრის და დიპლომის მეტს არასა სთხოვს უმაღლესს სასწავლებელს; უმცირესობა კი, საუკეთესო ნაწილი ჩვენი მომავალი თაობისა, ვერ ურიგდება ამ ქაობს, მიზეზს ეძებს უნივერსიტეტიდან თავისუფალ მეცნიერების განდევნისას, პოლიტიკაში ერევა და იღუპება. იაპონელების გამარჯვებამ, დაღუპულმა მილიარდებმა, დახოცილთა და დაჭრილთა საცოდავობამ ძირიანად შეანძრია რუსეთში მცხოვრები ხალხნი და გაუღვიძა საზოგადოებრივი ცნობიერება... შეუძლებელია ასეთი ცხოვრება! უნდა გამოიცივალოს, ძირიანად უნდა აღმოიფხვრას წარსული, ჩვენი დამ-

ღუპველი წყობილება და ახალი ცხოვრება დაარსდესო, დაიძახა ერთხმად მთელმა რუსეთმა. რუსეთმა ომი გამოუცხადა ბიუროკრატს. რუსეთი ორ ბანაკად განაწილდა: უმცირესობა ამ ბიუროკრატის იცავს, უმრავლესობა ადამიანის და საზოგადოების თავისუფლებას ითხოვს. ვის მიემხრობიან მსწავლულნი, მსახურნი მეცნიერებისა? მეცნიერული ქეშმარიტებაც და საზოგადოებრივი წინმსვლელობაც ერთსა და იმავე ბრძანებას აძლევენ ადამიანს: ბრძოლით შეიძინე თავისუფლება, თორემ მეცნიერება ვერას გააწყობს და ხმად მლაღადებელისა დარჩება უდაბნოსა შინაო. საზოგადოებრივ ცხოვრების იმ დროს, როდესაც სისხლის ღვარი დის, ცალკე გარეთ და ცალკე შინ, იმას კი არ უნდა ცდილობდეს მსწავლული, რომ მაცნიერებას ემსახუროს და ახალი განძი შესძინოს მის საღაროს; იმავე მეცნიერების წინმსვლელობისთვის ნიადაგის მოპოვებას უნდა ცდილობდეს ხალხისგან თავისუფლებაში, და მაშასადამე ვერც ბრძოლას მოერიდება.

\* \*

**7. ომსა დიდა ცომა უნდა, უღვეკედი საფანელია,**  
 ტყუილად კი არ არის ნათქვამი. და როდესაც ცომისთვის ფქვილი გამოიღვეს, ხალხს მიმართავენ და იმას წაართმევენ ფქვილსაც და კიდევაც მეტსაც. ფქვილის მოსაპოვებლად სახელმწიფო ხაზინას განუძრახავს შემდეგი საშუალებანი: 1. სახელმწიფო სამსახურში მყოფთ საპენსიო თანხის შესადგენად უფრო მეტს გამოურიცხავენ ჯამაგირიდგან, ვიდრე აქამდე იყო; 2. ხარჯს დაადებენ მამულის უსასყიდლოდ შეძენას (ნაჩუქარს, ნაანდერძებს და 16.); 3. აქციზს მიუმატებენ ლუდს; 4. აქციზს მიუმატებენ ასანთს; 5. აქციზს დაადებენ ნავთის ზეთებს.

დღეს პენსიებზედ იხარჯება წელიწადში 40 მილ. მანეთამდე, მოსამსახურეებს ურიცხავენ ჯამაგირიდგან (ასზედ ორს) სულ სამ ნახევარ მილიონს; მაშასადამე დანარჩენი ხაზინამ უნდა გაიღოს. ამ ზარალის შესავსებად განუზრახავთ საპენსიოდ ასზედ ორის მაგივრად ოთხი გამოურიცხონ იმ

მოხელეთ, რომელთაც სამოც თუმანზედ მეტი აქეთ წელიწადში ჯამაგირი. ამ საშუალებით წელიწადში ორი მილ. მანეთი ემატება ხაზინას.

ლუდზედ გადასახადი ასის მაგივრად  $13\frac{1}{3}$  იქნება და ხაზინას წელიწადში სამ მილ. მანეთს შესძენს. ლუდის ფასს ამით არაფერი მიემატებაო, ამტკიცებს ხაზინა, რადგან 16—17 ბოთლს სულ 6 კაპეიკი დაედება და მაშასადამე არ უნდა გაძვირდესო.

ასანთს აქამდე კაპეიკის მეოთხედი ელო კოლოფზედ; დღეის შემდეგ ნახევარ კაპეიკი დაედება. ათი კოლოფი ეხლა 6—8 კ. ღირს, ამის შემდეგ  $2\frac{1}{2}$  კპ. მიემატება; ხაზინას ჰგონია, ათი კოლოფი ორ შაურად გაიყიდება და ცალკე კოლოფი კაპეიკადაო; მაგრამ 8 კაპ. და  $2\frac{1}{2}$  კაპ.  $10\frac{1}{2}$  კაპ. იზაშს და ვინ გიყი გაჰყიდის  $10\frac{1}{2}$  კაპეიკად ღირებულ საქონელს 10 კაპეიკად. ცხადია, ათი კოლოფი 11-12 კაპ. გაიყიდება და ცალკე კოლოფი  $1\frac{1}{2}$ -2 კაპეიკად. იქნება ბრძანონ, ღირს კი ნახევარ კაპეიკებზედ ლაპარაკიო! ღირს, რადგან დამტკიცებულია: გლეხი-კაცი რომ ხარკს იხდის, ერთ მეათედს ასანთისას იხდის. გარდა ამისა, გლეხი-კაცი ხშირად 7-8 კაპ. იღებს დღეში და მაშასადამე მისთვის ნახევარ კაპეიკიც ფული ყოფილა. ასანთის აქციზის მომატებით ხაზინას დღევანდელი 8 მილ. მაგივრად 16 მილ. მანეთის აღების იმედი აქვს

ნავთის ზეთთაგან დღევანდელამდე მარტო საწვავ ზეთს ეღვა აქციზი. საწვავის გარდა, ნავთისას სხვა ზეთებსაც ხდიან, რომელთა ფასი 3-4 ჯერ მეტია, ვიდრე საწვავისა; გარდა ამისა ბაქოლგან წელიწადში 300 მილ. ფუთი ნავთის ნაშთი გადას. არც სხვა ზეთებს, არც ნავთის ნაშთს აქციზი არ ეღვა. ჯერჯერობით მარტო ზეთებს ადებენ ხარჯს და ამით  $2\frac{1}{2}$  მილ. მანეთს იძენენ. საწვავ ნავთს ფუთზედ ოთხი აბაზი ადევს და ეს ხარჯი ისე აძვირებს მას, რომ სოფელში ნავთის შოვნა მეტად ძნელია და რუსეთში ეხლაც მრავალი ხალხი ხმარობს კვარს. დიდი ხანია, გაიძახიან, აქციზი ან

გამოუხდელს ნავთს დაადეთ, ან ნავთის ყველა გამონახადს, ესე იგი საწვავ ზეთს, სხვა ზეთებს და ნავთის ნაშთს, რომ ამ ხარჯს მართო საწვავი ზეთის მყიდველი არ იხდიდესო... მაგრამ ვინ იყო გამგონი? ამასთან ისიც უნდა მოვაგონოთ მკითხველს, რომ საზღვარგარეთ გატანილს ჩვენს საწვავ ნავთს აქციზის ხარჯს არ ახდევინებენ და ამიტომ არის, რომ დასავლეთ ევროპაში ჩვენი ნავთი უფრო იაფად იყიდება, ვიდრე თბილისში და ნავთის მწარმოებელს გაცილებით მეტს მოგებას აძლევს, ვიდრე ადგილობრივი აქციზით შეზღუდული ბაზარი.

სწორეთ ასეთსავე მდგომარეობაში ჩააყენა ბიუროკრატიამ შაქარი: თუ რუსეთის იმპერიაში გაიყიდა რუსული შაქარი, აქციზი ადევს; თუ საზღვარ-გარეთ გაიტანეს, აქციზს არ ახდევინებენ; ამიტომ არის, რომ რუსეთში გლეხკაცს ათასში ერთსაც არა აქვს შეძლება შაქრის ყიდვის და ჩაის სმისა; და ინგლისში კი იმდენად იაფია რუსული შაქარი, რომ მით ღორებს ასუქებენ. საკვირველია, შაქარი რაღად დავიწყებიათ და ხარჯი არ მიუმატებიათ?

\* \*

**8. გაკანონება უკანონობისა.** სადაც თავისუფლება არ არის, ვერც ხელოვნება იხეირებსო, სწერენ გამოჩენილი დრამატურგნი რუსეთისა და მათ შორის „ლალატის“ ავტორი ა. სუმბათაშვილი. ჭეშმარიტი ხელოვნება სრულიად დამოუკიდებელი უნდა იყოს სახელმწიფოს არსებულ რეჟიმისაგანაო...

დრამატიული მწერლობა უმაღლესი ხარისხია ხელოვნებისა და თეატრი სრული და ერთად-ერთი მისი გამომეტყველი. ამასთან თეატრი არის საფუძველი საზოგადოებრივობისა. თეატრის მდგომარეობა უტყუარი მაჩვენებელი არის ხალხის კულტურულ განვითარებისა, მის წარმატების, ან დაქვეითებისა. ჩვენს დროში თეატრი არსად იმყოფება იმისთანა უკიდურესს ყოფაში, როგორადაც რუსეთშია. უმთავრესი ამისი მიზეზი არის დრამატიული მწერლობის მართებლობის მიერ შევიწროვება.

მწერლობის არც ერთი დარგი არ იტანჯება ბიუროკრატიის უკანონო დევნისაგან ისე ძალიან, როგორადაც დრამატურგია.

დასავლეთ ევროპაში თეატრი წინ მიუძღვის საზოგადოებას; ჩვენში-კი ბორკილები აქვს დადებული. ჩვენი დრამატიული მწერლობის ბედ-იღბალი რამდენიმე მოხელის ხელთ არის და რასაც მოინდომებენ, იმას სჩადიან: პიესის შინაარსს სცვლიან, აზრს ამახინჯებენ, დახატულ ტიპებს ფერს უცვლიან და დასასრულ ბრძანებას აცხადებენ: საზოგადო ცხოვრების ამა და ამ მოვლენათ ნუ შეეხებით, თორემ პიესას აგიკრძალავთო. ამასაც არ გვაკმარებენ და ნებადართულ პიესას, როცა ნებავთ, აკრძალავენ ან სრულიად, ან ზოგ-ზოგ ქალაქებში წარმოსადგენად და მიზეზად იმას მოიყვანენ, რომ წარმოდგენის დროს ტაშით მიიღო საზოგადოებამ რამდენიმე სიტყვაო...

რა კანონზედ აფუძნებენ ამ სასტიკ საქციელს, ჩვენ, დრამატურგებს, არ გვეუბნებიან და, გვეგონია, ჩვენს დღეშიც არ გვეტყვიან, რადგან ამ კანონის სახელი უკანონობაა და პირადი ეჩინი.

დრამატიულ მწერლობის გასავეითარებლად ერთად ერთი საშუალება გამოდგება—ძირითადი გამოცვლა რუსეთის სახელმწიფო გამგეობისა და საყოველთაო საარჩევნო უფლებაზედ დამყარებული კონსტიტუციური წესწყობილობა. ამ წერილს ხელს აწერს 49 დრამატურგი.



## შინაური მიმდევრობა

საერთო ხასიათი მდგომარეობის.—14 აპრილის განმარტება.—  
 ეროვნების დევნა, როგორც ერთ-ერთი მიზეზი ეხლანდელის მო-  
 ძრაობისა საქართველოში.—კავკასიის ნამესტნიკის გრაფ ი. ი.  
 ფორონცოვ-დაშკოვის გეგმა.—აგრარული კითხვა.—თვალ-აზნა-  
 ურთა საგანგებო კრებები.—ავტონომია და „დასელები“.

განმათავისუფლებელი მოძრაობა, რომელიც ამ რამდენ-  
 ინსამე თვის წინად რუსეთის პუბლიცისტთა პოეტურ ოცნე-  
 ბას „გაზაფხულის“ სახით ჰქონდა წარმოდგენილი, დღეს  
 უკვე თავზარ დამცემ საშინელ ძალად არის გადაქცეული.  
 ცხრა იანვარის ამბებმა ცხადად დაამტკიცეს, რომ ხალხის  
 მისწრაფება თავისუფლებისაკენ მხოლოდ შორიდან მაყურე-  
 ბელს შეუძლიან წარმოიდგინოს ფანტასტიურ მშვენიერებად  
 და სუფთა ჰაეროვან ზოლებად. ხალხი, რომელიც საუკუნე-  
 თა განმავლობაში მძიმე ტვირთის უღელ ქვეშ ჰყვანდა ჩაბ-  
 მული ბიუროკრატის, ყველაფერს იტანდა, სიმშინის, უსა-  
 მართლობას და თვით სიკვდილსაც კი, მაგრამ როდესაც ეს  
 ხალხი, წინად უტყვი და მორჩილი, თავის ადამიანურ ღირ-  
 სების აღსადგენად მხარბეჭს ისწორებს, მაშინ ყველამ უნდა  
 იცოდეს, რომ ის არავითარს დაბრკოლებას არ შეჭხედავს,  
 არავითარს ხიფათს არ მოერიდება, არ დაჰზოგავს არც თა-  
 ვის თავს, არც სხვას, და პირდაპირ გასწევს თვალში ამო-  
 ღებულ მიზნისკენ. ხალხის განმათავისუფლებელი მოძრაობა  
 სტიქიონური ძალაა, რომელსაც ვერავითარის მეცადინეობით  
 ვერ შეაჩერებთ; რაკი ერთი დაიწყო ეს მოძრაობა, იმან

აუცილებლად უნდა გაიაროს მთელი გზა, რომელიც მხოლოდ იქ შესწყდება, სადაც ხალხი თავის მიზნის ან იდეალის განხორციელებას იპოვის. ისეთს პირობებში, რომელშიაც დღეს რუსეთი იმყოფება, სრულიად უადგილოა და უქმი მსჯელობა, თუნდაც საბუთიანი და მეცნიერული, იმის შესახებ, თუ რამდენად შესაწყნარებელია ხალხის მოთხოვნა და რამდენად ხელსაყრელია თვით ხალხისთვისავე მისის იდეალის განხორციელება. როგორც უნდა იყოს ხალხის მისწრაფება, ის მაინც აუცილებლად უნდა განხორციელდეს, რადგან წინააღმდეგ შემთხვევაში უსაშინელესი ბრძოლა, უსაშინელესი ომი უნდა ასტყდეს. ვისაც ხალხის ინტერესი უბრალო ხელზე დასახვევ საბუთად არ მიაჩნია, ვინც მართლა ამ ხალხის ინტერესისთვის ჰზრუნავს და არა თავის თავისთვის, ის დღევანდელს პირობებში აუცილებლად წინ უნდა შეეგებოს ხალხის სურვილს... ამას მოითხოვს სულ უბრალო და მარტივი ლოლიკა.

18 თებერვლის დიდ-მნიშვნელოვან აქტების შემდეგ რუსეთის ბიუროკრატის დღემდე ერთი ნაბიჯიც აღარ გადაუდგამს წინ იმ გზაზე, რომელსაც შეუძლიან ხალხის მოძრაობა სახიფათო მდგომარეობიდან გამოიყვანოს; პირიქით, შინაგან საქმეთა მინისტრის განკარგულება 14 აპრილის თარიღით უეჭველ ჰყოფს, რომ ბიუროკრატია მხოლოდ ორთქლის გამოშვებით იმედოვნობს მოძრაობის ჩანელებას და, მაშასადამე, კულანდელ, თვით უმაღლეს მთავრობისაგან დაწუნებულ წესწყობილების შერჩენას. რუსეთის იმპერიის ძირითადი კანონები დღეს ხალხის თვალში იმ ღერძს წარმოადგენს, რომელზედაც ტრიალებს აწინდელი ბიუროკრატიული წესრიგი, ხალხს სწორედ ამ საგანთა შესახებ ჰსურს შეიმუშავოს ნათელი წარმოდგენა. ხალხის მისწრაფებას დღეს რაიმე კერძო რეფორმები კი არა, ბიუროკრატიულ მმართველობის ძირითადი რეფორმა შეადგენს. რას ითხოვს ხალხი და რა სწადიან იმას, რა თქმა უნდა, შინაგან საქმეთა სამინისტროს მოხელეებს კარგად მოეხსენებათ, მაგრამ, ამის მიუხედავად, მინისტრი შესაძლოდ სცნობს,



ნება დაპრტოს რუსეთის მკვიდრთ მხოლოდ იმ ზომამდე იქონიონ მსჯელობა სახელმწიფო და ხალხის კეთილდღეობის საგნების შესახებ, რამდენადაც ეს მსჯელობა არ ეწინააღმდეგება იმპერიის ძირითად კანონებს. მარტივად და გასაგებად რომ ესთქვათ, 14 აპრილის განკარგულება ნებას გვაძლევს ვილაპარაკოთ ყოველივე საგანზე გარდა იმისა, რაც დღევანდელ განმათავისუფლებელ მოძრაობის დედა აზრს შეადგენს. თან და თან ირკვევა, რომ „გაზაფხული“ ავღრიანი იქნება, ცაზე შავი, სეტყვის მომასწავებელი ღრუბელი იკრიფება.

წარმომადგენლნი კონსერვატიულის მიმართულებისა რუსეთში დღემდე იმ აზრისანი არიან, ვითომც თანამედროვე განმათავისუფლებელი მოძრაობა გამოწვეული იყოს მცირე რიცხვოვან ინტელიგენტთა ჯგუფისაგან, რომელსაც სძულს რუსეთი და ყოველსავე ღონეს ჰხმარობს იმისთვის ძირის გამოსათხრელად. ჩვენ არავითარი სურვილი არა გვაქვს სხვისა გულში ჩამარხულ აზრების წრფელობა უარყოთ და თვალთმაქცობა დავწამოთ რომელიმე აზრის მიმდევრებს; პირიქით, ჩვენ გვგონია, ის ოფიციალური რუსეთი, რომელიც მთელის საუკუნის განმავლობაში განუწყვეტლივ ამოწმებდა „ყოველივე საკეთილოდ არის მოწყობილი“, უეცრივ ვერ შეიცვლის აზრს და ერთბაშად ვერ დაინახავს იმ გასაქირს, რომელმაც დღეს ხალხი აამოძრავა. გასაქირი კი დიდია და უზომო. „ჩვენ ვთხოულობთო, სთქვეს გურულებმა, მთელის რუსეთის მშრომელ ხალხის სახელით, მიწას, პურს და სამართალს“. დაჩაგრულის ხალხის გასაქირს დამჩაგვრელნი ჩვეულებრივ ვერა ჰხედავენ და ვერა ჰგრძნობენ. ძველის საბერძნეთის და რომის მეცნიერნი და ფილოსოფოსნი, რომელთა გონებრივი ავტორიტეტი დღესაც ძლიერია, ვერ ჰხედავდნენ მონობის უკუღმართობას და ბუნებრივ სამართლიანობად აღიარებდნენ, რომ სახელმწიფოში ერთი ნაწილი ხალხისა ბატონი ყოფილიყო და მეორე კი ყოველსავე უფლებას გამოკლებული სულდგმული ნივთი. ამ გვარივე მოვლენაა დღეს რუსეთის

ცხოვრებაში, და სწორედ ამიტომ მიგვაჩნია ახლო მომავალი თავზარ დამცემ საშინელების ასპარეზად.

აქართველო, როგორც რუსეთის ნაწილი, მთელის საუკუნის განმავლობაში რუსის ხალხთან ერთად განიცდიდა თავის ზურგზე იმ მართვა-გამგებლობის სიმკაცრეს, რომელმაც შექმნა ეხლანდელი ეკონომიური ძალმიხდილობა და უუფლებობა. მაგრამ ტანჯვა და მწუხარება საქართველოს მკვიდრთათვის გაორკეცებული იყო ბიოროკრატიულ მთავრობის მისწრაფებით, მოეჭრა ქართველის ხალხისთვის ყოველივე გზა ეროვნულს ნიადაგზე განვითარებისა და წინსვლულობისა. ამ განზრახვით საქართველო, როგორც განაპირი ქვეყანა, აღიარებულ იქმნა კულტურის მხრივ ჩამორჩენილ მხარედ და ამას მოჰყვა მთელი სისტემა ხალხის მდგომარეობასთან შეუთანხმებელ ადმინისტრაციულ ზომებისა. კანონი და კანონის აღმასრულებელი, სასამართლო და სკოლა, ყოველივე ქართველის ერისთვის თანდათან იმ უცნაურ დაწესებულებად გადაიქცა, რომელიც ხალხის ინტერესის სახელით ხალხს სჩაგრავდა და აწუხებდა; ხალხი, რომელიც მოწადინებულია სწავლას და ცოდნას, ეს ხალხი ხშირად თვით სკოლის წინააღმდეგ მხედრდებოდა და ზოგჯერ იმის შენობასაც კი ცეცხლს აძლევდა. 1902 - 1903 წელს მთავრობისაგან მოწვეული კომისია სასოფლო მეურნეობის საქიროებათა გამოსარკვევად სწერს თავის მოხსენებაში: „იყო აგრეთვე შემთხვევები დაუფარავის მტრულის განწყობილებისა მცხოვრებთაგან სკოლისადმი, შემთხვევები სკოლის გადაწვისა (სოფ. ზოდი, წირქვალის საზოგადოებისა), დანგრევისა და გაუქმებისა სოფლის საზოგადოების დადგენილებით (ხუნევის და ლიჩის საზოგადოებანი). გლეხების სიტყვით, მიზეზები ასეთის სამწუხარო ფაქტისა შემდეგია: 1) სკოლამ იმედები არ გაამართლა და, რადგან სწავლა რუსულს ენაზე სწარმოებს, იქ კურს დამთავრებულმა ბავშვებმა არც ერთს ენაზე წერა-კითხვა არ იციან, 2) სკოლა ტყუილად აკარგვინებს დროს ბავშვებს,

რომელნიც შინ რომ დარჩენილიყვნენ, მეურნეობას მაინც მიეჩვეოდნენ, 3) სკოლა ჩვეულებრივ სოფლის შუაგულში კი არა, განაპირას იმყოფება, რასაც ცოტა მნიშვნელობა არა აქვს, რადგან ბევრი სოფელი დიდს ადგილზეა გაშლილი, 4) რადგან მასწავლებლები საკმაოდ მომზადებულნი არ აღმოჩნდნენ, განსაკუთრებით ერთ კლასიან სკოლებში, ამიტომ მათ ხალხის ნდობა ვერ დაიმსახურეს და 5) მიუხედავად იმ გარემოებისა, რომ გლეხის თვალში სკოლა უსარგებლო დაწესებულებაა, ის მაინც მოვალეა ხარჯი გასწიოს სკოლის შესანახად, თუნდაც არც ერთი იმისი ბავშვი არ დაიარებოდეს იქ.“ როდესაც მომავალი ისტორიკოსი საქართველოს ცხოვრებისა მეცხრამეტე საუკუნეში გადაშლის დღეს საადმინისტრაციო დაწესებულებათა არქივში ცხრა კლიტის ქვეშ დაფარულ საბუთებს, იმის თვალწინ სახარელი სურათი ქართველის ხალხის უმწეო არსებობისა ისეთის ძლიერებით აიშართება, რომელმაც იქნება სრულიად დაჩრდილოს ჩვენის მრავალ საუკუნეან ისტორიის ის ფურცლები, რომლებიც მოგვითხრობენ მუსულმანებისაგან სარწმუნოების დევნას და რჯულისთვის წამებას... მოკლეთ, საქართველო რუსეთთან შედარებით გასულს საუკუნეში ორკეცად იტანჯებოდა, იგი იტანჯებოდა როგორც მშრომელ ხალხის ქვეყანა და როგორც არა რუსის მხარე. ამ უმწეო მდგომარეობის ორკეცს ხასიათს უნდა მიეწეროს ის გარემოება, რომ განმათავისუფლებელმა მოძრაობამ საქართველოში შიდა გუბერნიებზე უფრო ნაყოფიერი ნიადაგი იპოვა, უფრო ადრე დაიწყო და უფრო ნორმალური ხასიათიც მიიღო. საყურადღებოა, რომ ის განაპირა ქვეყანა, რომელიც საქართველოსავით ეროვნულ დაჩაგვრის არენად იყო აღიარებული გასულს საუკუნეში ბიუროკრატიისაგან, სახელდობრ პოლონეთი, დღევანდელს განმათავისუფლებელს მოძრაობაში ისევე, როგორც საქართველო, რუსეთის შიდა გუბერნიებს წინ უსწრობს. სჩანს, ერთგვარს ისტორიულს მიზეზს ერთგვარივე ისტორიული შედეგი სცოდნია.

გურიის გონივრულმა მოძრაობამ, რომელიც სწრაფად გადავიდა საქართველოს სხვა ადგილებზედაც, მთელის განათლებულის რუსეთის ყურადღება მიიქცია. ის ხალხი, რომელიც დღევანდლამდე რუსის პროგრესისტებსაც კი ძალიან ნაკლებ ჰყვანდათ გაცნობილი, ეხლა დიდ ინტერესს უღვიძებს იმათ, მაგრამ არ შეგვიძლიან არ აღვნიშნოთ, რომ საქართველოს მოძრაობას ისინი უფრო კავკასიის მოძრაობის სახელათ იცნობენ. არც თუ საკვირველია: კავკასია, როგორც ადმინისტრაციული ერთეული, ისეთი ცნებაა, რომელიც ეროვნებასთან არ არის დაკავშირებული, და აი სწორედ ამ უეროვნო ადამიანებად ჰსურდა რუსეთის ბიუროკრატის გადაედნო როგორც ქართველი, ისე სომეხი და ყველა სხვა კავკასიაში მცხოვრები არა რუსი. რუსეთის პროგრესიული ელემენტები, მიუხედავად თავის პროგრესისტობისა მაინც ისევ რუსები არიან, და ამიტომ ადვილად შეითვისეს ეს ადმინისტრაციისაგან გამოგონილი ცნება. დღეს ამაზედ მეტის თქმაც შეგვიძლიან: თვით ჩვენს ქვეყანაში მოიპოვება აზრის ისეთი მიმართულება, რომელიც განგებ თუ შეცდომით თვალსა ჰხუჭავს ეროვნების წინაშე და კავკასიაში მცხოვრებს „კავკასიელს“ უწოდებს, რომელიც ვითომდა საძირკველს წარმოადგენს ახალ ეროვნების წარმოსადგომად. დიდი და შეუწყნარებელი შეცდომაა! ის ეროვნება, რომელსაც მრავალ საუკუნიანი ისტორიული წარსული აქვს, რომელსაც საკმაოდ განვითარებული ენა და მწერლობა მოეპოვება, არასოდეს არ შეიძლება მოისპოს, დადეს და უარჰყოს თავისი ეროვნული ხასიათი; მართალია ეროვნებათა წარმოდგომის ისტორია რამდენსამე ისეთს ფაქტს გვაძლევს, რომლებიც ამოწმობენ, რომ სხვა და სხვა მოდგმის ხალხი, თუ ერთმანეთში აირივნენ, ახალს ეროვნებას ჰქმნიან ხოლმე, მაგრამ ამისთვის საჭიროა: ერთმანეთში არევა, დანათესავება და არა ერთი საადმინისტრაციო სახელით მონათვლა; საჭიროა, აგრეთვე, რომ კულტურული სიმაღლე სხვა და სხვა მოდგმის ხალხისა დაახლოვებით ერთს საფეხურზე იდგეს, რაც შეუძლებელია კავკასიის

ერებზე ითქვას; საჭიროა აგრეთვე საერთო ინტერესი, რომელმაც უნდა შეადულოს ერთ ეროვნებად სხვა და სხვა მოდგმის ხალხი, და დასასრულ, რაც ყველაზე დიდ მნიშვნელოვანი გარემოებაა: ახალის ეროვნების ელემენტებად შესაძლოა სხვა და სხვა მოდგმის ხალხი გაჰხდეს და არა უკვე არსებული ეროვნებები. ინგლისელს ან ფრანგსა, მაგალითად, მხოლოდ იმ შემთხვევაში შეუძლიანთ ახალის ეროვნების შექმნა, როდესაც ყოველივე კავშირს შესწყვეტენ თავის სამშობლოსთან, მიანებებენ თავს საკუთარს ნაციონალურს მიწას, ჩვეულებებს, დაწესებულებებს და უცხოეთში სადმე გადისხნებიან, როგორც ფრანგულს იმ ინგლისურს ენაზე მოლაპარაკე ავანტიურისტები, და არა როგორც ფრანგი და ინგლისელი. ამერიკელების ნაცია ევროპიდან გადასახლებულთაგან წარმოსდგა, მაგრამ თვით ევროპაში კი, სადაც იგივე ევროპიელები მუდამ მეზობლად სცხოვრობდნენ და სცხოვრობენ, დღემდე ევროპიელების ნაცია არ შექმნილა და არც არავითარი ნიშნები სჩანს იმისი, რომ მომავალში მაინც ყველა ევროპის ნაციებმა რომელიმე ახალის ნაციის ხალხად აღიაროს თავისი თავი.

საქართველოში განმათავისუფლებელ მოძრაობის პირველი ნიშნები გამოსჩნდა თუ არა, უმაღლესმა მთავრობამ საჭიროდ დაინახა კავკასიის განცალკევება მართვა-გამგეობის მხრივ და აღადგინა ნამესტნიკობა. უმაღლესი რესკრიპტი ვორონცოვ-დაშკოვის სახელობაზე დაწვრილებით არა ჰხსნის ამ ახალის აღმინისტრაციულის თანამდებობის შექმნის მიზეზებს, მაგრამ, ექვს გარეშეა, იგი გამოწვეულია იმ განსხვავებით კავკასიის და შიდა რუსეთის მკვიდრთა ცხოვრების პირობათა შორის, რომელიც ყველასათვის ცხადია.

აპრილის პირველს რიცხვებში კავკასიის მთავარმართებლის თანამდებობის აღმასრულებელმა გენერალ-ლეიტენანტმა მალამამ ოფიციალურად გამოაქვეყნა ნამესტნიკის გრაფ ი. ი. ვორონცოვ-დაშკოვისაგან მიღებული დეკრეტი, რომელიც რამდენადმე ნათელსა ჰფენს კავკასიის ახლო მომავალს, როგორც

ეს შომაველი წარმოდგენილი აქვთ უმაღლეს ბიუროკრატიულს სფერებში. პირველი და უადრესი მიზანი კავკასის ადგილობრივ მმართველობისა არის მოსპობა ყაჩაღობისა, ძარცვისა და უწყსოებისა! ამ მიზნის ასასრულებლად ნამესტნიკი დაიხმარებს ადგილობრივ საზოგადოებრივ ძალებს და მკვიდრთა შემწეობით ეცდება აღადგინოს მშვიდობიანობა და წესიერება. შემდეგ ნამესტნიკი გამოარკვევს, რამდენად საჭიროა სასამართლო დაწესებულებათა რეფორმა და საერობო თვითმმართველობის შემოღება; უეჭველია, რასაც გრაფი ი. ი. ვარანცოვ-დაშკოვი დაასკვნის ამ საგნების შესახებ, იმას კიდევ განახორციელებს. ვიდრე 1883 წელს ნამესტნიკობის მაგიერ მთავარ-მართველობას შემოიღებდნენ, კავკასიისთვის სწორეთ ისეთს კანონებს იძლეოდა საკანონმდებლო დაწესებულება, რომლის გეგმასაც ნამესტნიკი წარადგენდა ხოლმე, და უეჭველია, ეხლაც ასევე იქნება. ამიტომ, ჩვენის ფიქრით, ფრიად დიდი მნიშვნელობა ექნება კავკასიისთვის იმ შთაბეჭდილებას, რომელსაც ნამესტნიკი გამოიტანს მისგან განზრახულ ხალხის წარმომადგენელთა თათბირისაგან.

ერთი რამ არის მხოლოდ აქ გაუგებარი და უცნაური. კავკასიის მთავრობა საჯაროდ აცხადებს, რომ საზოგადოებრივ ძალთა დახმარება აუცილებელი პირობაა მშვიდობიანობის დასამყარებლად და ამისთანავე არ უარჰყოფს, რომ დღეს კავკასიაში საყოველთაო მოძრაობამ დაარღვია მყუდროება. ცხოვრება მუდამ და ყოველგან საზოგადოებრივ ძალთა განწყობილების გამომხატავია, ამიტომ ეხლანდელი მოძრაობაც გარეგანი გამოხატულებაა კავკასიაში არსებულ საზოგადოებრივ ძალთა ურთიერთობისა; უეჭველია, ის საზოგადოებრივი ძალები, რომელთაც შეჰქმნეს აწინდელი მდგომარეობა, ფაქტიურად ვერაფერს დახმარებას ვერ გაუწევენ მთავრობას მათგანვე შექმნილ მდგომარეობის გადასაბრუნებლად, თუ ძირიანად არ შეიცვალეს თავისი ხასიათი და მიმართულება, რასაც არავინ არ უნდა ელოდდეს. მაშასადამე, აუცილებლად სჩნდება საკითხი, რა საბუთით და როგორ ამყარებს კავკასიის



ადგილობრივი მმართველობა იმედს საზოგადოებრივ ძალებზე ამის შესაგნებად უნდა მოვიგონოთ, რომ საზოგადოებაში მარტო ერთი რომელიმე ძალა არა ჰმოქმედობს, პირიქით ყოველთვის პროგრესიული საზოგადოებრივი ძალა სამკედრო-სასიცოცხლოდ გბრძვის კონსერვატიულ საზოგადოებრივ ძალას და ცხოვრება ამ მოწინააღმდეგე, მოპირისპირე ძალთა ბრძოლის გამოხატულებაა. კავკასიაშიაც მოიპოვება ისე ი საზოგადოებრივი ძალა, რომელსაც აწინდელი წესწყობილება თავისთვის ხელსაყრელად და სასარგებლოდ მიაჩნია; უეჭველია, ეს ძალა მზად იქნება, ყოველი მეცადინეობა გამოიჩინოს იმ მოძრაობის ჩასაქრობად, რომელიც უარჰყოფს თანამედროვე ბიუროკრატიულ წესწყობილებას და დიდის სიხარულით დაეხმარება ადმინისტრაციას მყუდროების აღსადგენად. აი, ამ კონსერვატიულ საზოგადოებრივ ძალაზე შეუძლიან დაამყაროს თავისი მოქმედება იმ აზრს, რომელიც ყოველის უწინარეს მშვიდობიანობისა და წესიერების აღდგენას ითხოვს, მაგრამ არ უნდა დაგვაფრწყდეს ისიც, რომ ეს უფეროება ადგილობრივ მთავრობისა და ადგილობრივ საზოგადოების კონსერვატიულ ელემენტებისა სულ სხვა არის და საერთოდ საზოგადოებრივ ძალთა შეთანხმება მთავრობასთან კიდევ სხვა. როგორც ჩვენში, ისე შიდა რუსეთში და აგრეთვე დასავლეთ ევროპაში, ქვეყნის მშვიდობიანურ და მყუდრო ცხოვრებისთვის აუცილებელი პირობაა, რომ მთავრობის მოქმედება ეთანხმებოდეს საზოგადოების წევრთა უმრავლესობის იდეალს და მისწრაფებას. ვინც ცდილობს თავისი მოქმედება შეუთანხმოს საზოგადოებრივ ძალთა რეალურ ურთიერთობას, იმისთვის აუცილებლად საჭიროა, ყოველის უწინარეს განორკვეულ იქმნას, რა იდეალი და რა მისწრაფება აქვს უმრავლესობას, რას ითხოვს უმრავლესობა და რა სწადიან იმას. ამისთვის კი სრულებით საკმარისი არ არის სხვა და სხვა წოდებრივ დაწესებულებათა წარმომადგენლების თავ მოყრა და იმათი თათბირი. ხალხის ინტერესი, ხალხის საჭიროება მარტოოდენ მაშინ გამოიჩვენება, როდესაც იგი თვითონ ილაპარაკებს თავის თავ-

ზე ან პირდაპირ ან საყოველთაო, პირდაპირის, თანასწორისა და ფარულის ხმით არჩეულ წარმომადგენელთა პირით. გარდა ამისა, ხალხის ნამდვილი სურვილი მარტო იმას შეუძლიან თამამად გამოსთქვას ადგილობრივ მთავრობის წინაშე, ვინც დარწმუნებულია, რომ იმას არაფერი არ დაუშავდება გულახდილი ლაპარაკის გამო; როგორც სიტყვის თავისუფლება და პიროვნების ხელ შეუხებლობა, აგრეთვე საქირთა სრული თავისუფლება კრებისა, რადგან არავის არ შეუძლიან გულთა მხილაობა იკისროს და ხალხის წარმომადგენელი უწოდოს თავის თავს, ვიდრე თვით ხალხს არ მიეცემა საშუალება კრებებზე გამოარკვიოს თავისი აზრები და მისწრაფებანი. როგორც ვიცით, რუსეთში არც პიროვნების ხელუხლებლობაა უზრუნველ ყოფილი, არც სიტყვის და არც კრების თავისუფლება არსებობს. ასეთს პირობებში ჩვენ ყოველად შეუძლებელი გვგონია ისეთი ყრილობა წარმომადგენლებისა, რომელიც ხალხის სურვილის გამომხატავი იქნება და საზოგადოებრივ ძალთა ურთიერთობის მაჩვენებელი. ზემოდ ჩამოთვლილის მოსაზრებებით, ჩვენ არ შეგვიძლიან არ ვიფიქროთ, რომ კავკასიის ნამესტნიკისაგან განზრახული თათბირი წარმომადგენლებისა ადგილობრივს მთავრობას რეალურს დახმარებას ვერ გაუწევს მშვიდობიანობის აღსადგენად.

საყურადღებოდ მიგვაჩნია აგრეთვე, რომ როგორც კავკასიის ნამესტნიკის დებეშიდან სჩანს, ჯერ კიდევ საცილობელი და გამოსარკვევი ყოფილა, საქირთა თუ არა სასამართლოს რეფორმა და საერობო დაწესებულებათა შემოღება. ხალხმა უკვე ფაქტიურად დაჰგმო აწინდელი ორგანიზაცია ადმინისტრაციისა და სასამართლოსი, ბიუროკრატია კი ისევ საგონებელშია, საქირთა თუ არა ამ სფერებში რეფორმა.

ქართველი საზოგადოება საგლახო მოძრაობამ პირისპირ დააყენა იმ მძიმე და რთულს სოციალ-ეკონომიურ პრობლემის



წინ, რომელსაც მეცნიერება აგრარულ საკითხის სახელით იცნობს. ამისდა მიუხედავად ქართულს მწერლობაში არ მოიპოვება არც ერთი გამოკვლევა, არც ერთი ნარკვევი ამ საგნის შესახებ. აქაც იგივე სამწუხარო მოვლენა ჩანს, რომელიც ჩვენის ცხოვრების თითქმის ყველა-სფერაში შეიძლება აღვნიშნათ: ინტელიგენციის ჩამორჩენა და უქონლობა პირდაპირის კავშირის ხალხის ცხოვრებასთან. უეჭველია აგრეთვე, რომ დიდი მნიშვნელობა აქვს იმ საქმისთვის სტატისტიკურ მასალას, რომელიც დღემდე არაა შეგროვილი ან, თუ შეგროვილია, გამოქვეყნებული მაინც არ არის. დღევანდელს პირობებში სტატისტიკურ მასალის მოგროვება მხოლოდ საადმინისტრაციო დაწესებულებებს შეუძლიანთ, მაგრამ ბიუროკრატია ჯერ ერთი რომ მაგრე რიგად არ იწუხებს თავს ხალხის ცხოვრების მეცნიერულად გამოკვლევით და მეორე ის, რომ ქვეყნის კეთილდღეობისთვის მზრუნველობა იმას აქნობამდე თავის მონოპოლიად მიაჩნდა და ამიტომ არც საჯაროდ სთვლიდა საზოგადოებისთვის ეცნობებინა, რა მდგომარეობაშია ესა თუ ის მხარე ხალხის ცხოვრებისა.

მასალის უქონლობა ჩვენ პირდაპირ ხელფებს გვიკრავს საქართველოში გამწვავებულ აგრარულ საკითხის შესახებ რაიმე გარკვეული, ციფრებზე დამყარებული და საკმაოდ დასაბუთებული აზრი შევადგინოთ. ექვს გარეშეა მხოლოდ ის ერთად ერთი გარემოება, რომ გლენის ე. ი. სოფლის მუშის მდგომარეობამ უკიდურესობამდე მიაღწია და იმისი ცხოვრება წინანდელს პირობებში უკვე შეუძლებელი შეიქმნა. ორიოდ სიტყვით აღვნიშნავთ აგრარულ საკითხის შესახებ იმ ორს, ერთი-მეორის მოწინააღმდეგე აზრის მიმართულებას, რომელთა გარეშემოც სტრიალებს უმთავრესად მეცნიერული კვლევა-ძიება ამ საგნისა.

მრწველობის ანუ ინდუსტრიის ისტორიამ გამოარკვია, რომ თანამედროვე ბურჟუაზიული საზოგადოება თანდათან უფრო ნათლად იყოფა ორს მოწინააღმდეგე კლასსად, ბურ-

ჟუჟიად და პროლეტარიატად. ბურჟუაზია კაპიტალის პატრონია და პროლეტარიატი მშრომელის ძალისა. ამ კლასების ინტერესი ერთი მეორეს პირდაპირ და რადიკალურად ეწინააღმდეგება. ბურჟუაზია კაპიტალის საშუალებით ჰყვლევს (эксплоатирует) მშრომელს ხალხს. საწარმოვო კაპიტალი ესწრაფვის, რაც შეიძლება, მეტად-მეუწყოს ხელი გაყვლეფის პროცესს. კაპიტალის პატრონთა შორის თავის მხრივ სწარმოებს შეჯიბრების და ქიშპობის პროცესს; კაპიტალისტები ერთმანეთს უწყევენ კონკურენციას მშრომელ ხალხისაგან დამზადებულის და მათს საკუთრებად ქცეულის საქონლის გასაღებაში. ამ კონკურენციას და აგრეთვე საწარმოვო იარაღის ტექნიკის გაუმჯობესებას მოჰყვება, როგორც ბუნებითი და აუცილებელი შედეგი, პატარა კაპიტალის დამარცხება დიდის კაპიტალისაგან. უკაპიტალოდ დარჩენილი ბურჟუა იძულებულია პროლეტარიატად გადაიქცეს და უკანასკნელთა რიცხვი გაამრავლოს. მოკლეთ, ისტორია წარმოებისა არის იმავე დროს ისტორია მსხვილის კაპიტალის გაძლიერებისა და პროლეტართა რიცხვის გამრავლებისა. ეს აზრები კაპიტალისტურ წარმოების პროცესის შესახებ პირველად კარლ მარქსმა დაამტკიცა მეცნიერულად და იმის აზრების მიმდევართა რიცხვი მას შემდეგ პროგრესიულად იზრდება. აგრარულ საკითხის გასათვალწინებლად ჩვენთვის განსაკუთრებით საინტერესოა ის აზრი, რომ წვრილი მესაკუთრე ანუ პატარა კაპიტალის პატრონი აუცილებლად უნდა დამარცხდეს და გაპროლეტარდეს.

მარქსის აზრების მიმდევრებმა სოფლის მეურნეებსაც ამ მხრივ შეჰხედეს. თანდათანობითი გაპროლეტარება წვრილ მესაკუთრეებისა აღიარეს ისტორიულ კანონად და სასოფლო მეურნეობაშიაც იწინასწარმეტყველეს გამარჯვება მსხვილის მესაკუთრისა. ამ შეხედულების თანახმად, თანამედროვე კანონმდებლობა და ეკონომიური პოლიტიკა წინ არ უნდა გადაეღობოს დიდრონ სოფლის მესაკუთრეთა ზრდას და წვრილ მესაკუთრეთა გადაქცევას სოფლის უმიწა-წყლო მუშად. სოფლის და ქალაქის (ინდუსტრიის) მუშები, როგორც

ყოველივე საკუთრების უქონელი ხალხი, რომელთა შრომითაც სცხოვრობენ კაპიტალისტები და აგრარიები (სოფლის მამულის პატრონები), უნდა შეერთდნენ ერთს საზოგადოებრივ კლასად, ერთს პოლიტიკურ ძალად და შეერთებულის მეცადინეობით გადაჭმნან ეხლანდელი ბურჟუაზიული საზოგადოება იმ გვარს ახალს საზოგადოებად, რომელშიაც არავის არ ექნება უფლება სხვისა შრომისა და ოფლის წაყოფით ისაზრდოს. ეს იდეალური წესწყობილება რაც ადრე დამყარდება ქვეყნად, მით უმჯობესია კაცობრიობისთვის და, რადგან ამ წესწყობილებას აუცილებლად წინ მსხვილ მესაკუთრების გამარჯვება და წვრილის დამარცხება უნდა უძლოდეს, ამიტომ კარლ მარქსის აზრების მართლმორწმუნე მიმდევრები მხარს აძლევენ ისეთს სააგრარო პოლიტიკას, რომელიც აჩქარებს წვრილ მესაკუთრეთა გაპროლეტარების პროცესს.

მეორე ბანაკი სოციალ-ეკონომიურ აზრისა აგრარულ საკითხს სულ სხვა თვალით უცქერის. მსხვილ მესაკუთრის გამარჯვება და წვრილის დამარცხება მრეწველობასა ანუ ინდუსტრიაში შესაძლოა აღიარებულ იქმნას კანონად მრეწველობის განვითარებისა, მაგრამ ეს საკმაო საბუთი არ არის იმის დასამტკიცებლად, რომ იგივე კანონი ჰმოქმედობდეს სასოფლო მეურნეობაშიაც. წვრილი კაპიტალისტი შესაძლოა, თანახმად ამ კანონისა, აუცილებლად დამარცხებისა და გაპროლეტარებისაკენ მიექანებოდეს, მაგრამ ეს კიდევ იმას არ ამტკიცებს, რომ წვრილი სოფლის მეურნე ე. ი. გლეხიც ამასვე უნდა ელოდდეს. მრეწველობაში მარქსისაგან აღნიშნულს პროცესს ხელს უწყობს ის გარემოება, რომ საწარმოვო იარაღი ე. ი. ტექნიკა წარმოებისა მსხვილს კაპიტალისტს საღსარს აძლევს უფრო იაფად დაისვას საქონლის დამზადება გასაყიდად, ვიდრე ეს წვრილ მესაკუთრეს შეუძლიან; სოფლის მეურნეობაში კი წარმოების ტექნიკას ამისთანა შედეგი არ მოსდევს. აქ, პირიქით, პატარა ნაქერ მიწის პატრონს უფრო იაფად უჯდება ერთისა და იმავე საქონლის დამზადება, ვიდრე დიდის მამუ-

ლის პატრონს. ამ გარემოების მთავარი მიზეზი ის არის, რომ სოფლის მეურნეობა ისე ძლიერ ვერ იგულებს შრომის განაწილებას, როგორც ინდუსტრია; სოფლის მეურნეობის ნაყოფიერება უმთავრესად დამოკიდებულია იმის გულისყურზე, პირადს ინიციატივაზე და არ შეიძლება მექანიურ მუშაობად გადაიქცეს. ამ გვარ მოსაზრებებისა და სხვა საბუთების ძალით, რომლების სრული ჩამოთვლა აქ მეტად შორს წაგვიყვანდა, ამტკიცებენ, რომ სასოფლო მეურნეობაში მსხვილი მესაკუთრე საბოლოოდ ვერ გაიმარჯვებს წვრილზე და ამიტომ ეკონომიური პოლიტიკაც ამ აზრს უნდა ეთანხმებოდესო. წვრილ მესაკუთრეთა საქიროებანი: საწარმოვო იარაღის შექმნა, ბაზრის მოპოვება და სხვა უნდა დაკმაყოფილებულ იქმნას ამხანაგობათა დაარსებით, რომლებსაც სახელმწიფომ დახმარება უნდა გაუწიოსო.

ეს მიმართულება აზრისა აგრარულ საკითხების შესახებ შეიძლება გამოიყენონ სახელმძღვანელოდ როგორც ბურჟუაზიულ წესწყობილების მოტრფილებმა ე. ი. ლიბერალებმა, აგრეთვე იმ უკიდურეს მიმართულების მიმდევრებმა, რომელნიც მეტად სცნობენ ისტორიულ მიმდინარეობის პროცესს შეუთანხმონ თავისი იდეალი და ეხლავე შესაძლოდ აღიარებენ ისეთ საზოგადოების შექმნას, რომელიც ყველასაგან შრომას მოითხოვს და არავის არ მისცემს საშუალებას სხვისა შრომის ნაყოფით იფარფაშოს.

ცხადია, ორივე მოწინააღმდეგე აზრის მიმდევართათვის დიდი მნიშვნელობა აქვს იმას, თუ რას ამბობს სტატისტიკა სოფლის მეურნეობისა. სადავო საკითხის პირალებით გადასაწყვეტად არც სტატისტიკა იძლევა უეჭველს და უთუო საბუთებს. ჩნდისში მსხვილი მესაკუთრეობა სქარბობს, ბელგიასა და საფრანგეთში წვრილი. დაწვრილებითი გამოკვლევანი სტატისტიკურის ცნობებისა უფრო იმას ამტკიცებენ, რომ თითოეულს ქვეყანაში მიწის მფლობელობას თავისი განსაკუთრებითი ისტორიული მსვლელობა ჰქონია, რომელიც მარტო-ოდენ წმინდა ეკონომიურ ფაქტორთა ზედგავლენით არ გან-



ვითარებულა, პირიქით ყველგან დიდი მნიშვნელობა ჰქონია გლეხობის ისტორიას და იმის ისტორიულად შემუშავებულს პსიხიკას.

აგრარული კითხვები ჩვენს მწერლობაში, როგორც წინადა ვთქვით, ძალიან ნაკლებ არიან გამორკვეული და სწორედ ამიტომ მიგვაჩნდა საჭიროდ რამდენისაჲე სიტყვით და მიუდგომლად აღგვენიშნა ის ორი მთავარი მიმართულება აზრისა ამსაკითხში, რომლებიც, ჩვენის ფიქრით, განსაკუთრებითს ინტერესს წარმოადგენენ.

საქართველოს დასავლეთი ნაწილი, ქუთაისის გუბერნია, სადაც ყველაზე უწინ იჩინა თავი საგლეხო მოძრაობამ, უმთავრესად წვრილ მესაკუთრეობის ქვეყანაა. 1901 წლის ოფიციალურის ცნობებით ქუთაისის გუბერნიის მიწათა 20<sup>0</sup>/<sub>0</sub> (421,800 დესეტინა) ეკუთვნის ხაზინას, 42<sup>0</sup>/<sub>0</sub> (815,321 დესეტინა) თავად-აზნაურობას და დანარჩენი გლეხობას. თავად-აზნაურთაგან 52,8<sup>0</sup>/<sub>0</sub> ისეთი მესაკუთრეა, რომელთაც რვა დესეტინაზე ნაკლები მიწა აქვთ. გლეხებს უფრო მცირე ნაქერი მიწები უკავიათ. საერთოდ ქუთაისის გუბერნიის მეურნისთვის ოთხი ან ხუთი დესეტინა რომ ჩავთვალოთ იმოდენა მამულად, რომელსაც შეუძლიან ერთი ოჯახი დააკმაყოფილოს, აღმოჩნდება, რომ 60—70<sup>0</sup>/<sub>0</sub> გლეხობისა და 25<sup>0</sup>/<sub>0</sub> თავად-აზნაურობისა შევიწროვებულია მიწის სიცოტავისა გამო. ბ-ის 3. სურგულაძის საღარაუდო ანგარიშით, გურიაში თითოეულ გლეხის კომლს უჭირავს: მოსაკუთრეს 2,63 ქცევა მიწა და დროებით ვალდებულ გლეხს 7,5 ქცევა; თითო ოჯახის გამოსაკვებად წელიწადში საჭიროა 144 ფუთი სიმინდი, მოსავალი კი მესაკუთრე გლეხისა 34,20 ფუთს არ აღემატება და დროებით-ვალდებულისა 105 ფუთს. ორთავეს კი მაინც ისე მცირე შემოსავალი აქვთ, რომ საკვებადაც არა ჰყოფნით. მიწის საყოველთაო სიმცირისა გამო გურიაში გადამეტებულად გაიზარდა საიჯარო ფასიც, რომელსაც მთელის შემოსავლის მესამედი შეადგენს. გლეხმა ერთი ქცევა მიწა რომ აიღოს იჯარით, გაისტუმროს საიჯარო გადასახადი,

სამეველო და „სალეერობო“, დარჩება სულ მთელის წლის შემოსავლიდან 17 ფუთი სიმინდი. ფულზე რომ ვიანგარიშოთ გლეხის მუშაობა, ერთი ფუთი სიმინდი, თუ საკუთარს მიწაზე მუშაობს, დაჯდება 72—66 კაპ. და, თუ მემამულის მიწაზე,—1 მან. 28 კაპ. ბაზარზე კი ფუთი სიმინდი ღირს 35—50 კაპ.

ეს ორიოდე ცნობაც საკმარისია, რომ გავითვალისწინოთ, რა საშინელს და აუტანელს ეკონომიურს პირობებში სცხოვრობს დასავლეთ საქართველოს გლეხი. აქედამაც კარგად ვხედავთ, რომ იმერეთის გლეხისთვის მიწა შემოსავლის წყარო არ არის; პირიქით იმას მიწა უფრო მეტს ართმევს, ვიდრე უკან უბრუნებს. ამისდა მიუხედავად გლეხობამ დღემდე გული არ აიყარა თავის მიწაზე, არც სოფლის პროლეტარად გადაიქცა და არც ქალაქის მუშად, თუმცა იმისი ეხლანდელი მდგომარეობა ბევრად უფრო უნუგეშოა, ვიდრე უმიწაწყლო პროლეტარისა. ერთად ერთი მოძრაობა, რომელიც უნდა მოჰყოლოდა ასეთს მდგომარეობას, ეკონომიური მოსაზრება რომ ერთად-ერთი მოტივი იყოს გლეხის ცხოვრებაში, იქნებოდა ხელის აღება საკუთარს მეურნეობაზე და გაპროლეტარება. ამის მაგიერ ჩვენ ვხედავთ, რომ დღეს გლეხობა მიწის გაფართოვებას ითხოვს და მზად არის ამ მიზნის მისაღწევად იბრძოდოს უკანასკნელ წუთამდე თავის სიცოცხლისა. განა გლეხისთვის ის უფრო ადვილი არ უნდა იყოს, რომ სრულებით გაანებოს თავი მეურნეობას და შეეცადოს სამრეწველო ქარხნებში მუშაობით ირჩინოს თავი? ეკონომიურად, უეჭველია, ეს გზა უფრო ადვილია და ხელსაყრელი, მაგრამ, ალბად, ადამიანის მოქმედება მარტოდენ ეკონომიურ მოსაზრებათა ღერძზე არა ტრიალებს.

ამერიკული მამულის პატრონი სულ სხვა ნაირად იქცევა. დაატყობს თუ არა, რომ იმისი მამული შემოსავალს არ იძლევა, ის საჩქაროდ ანებებს თავს მიწას და სხვა ხელობას ეძებს. ჩვენებური გლეხი მაშინაც კი არ ჰშორდება თავის პატარა მიწის ნაჭერს, როდესაც ეს მიწა იმას გალატაკების



უფრსკულში უპირობს ჩავდებას. რა მიზეზია? სულ უბრალო და მარტივი. ამერიკას გლახობა არა ჰყავს, იქ მიწას ისეთისავე თვალთ უყურებენ, როგორც ჩვეულებრივ საწარმოვო იარაღს; იქ მამულის პატრონი ტრადიციებით არ არის დაკავშირებული მიწასთან, ჩვენს გლახს კი ოცი საუკუნეიანი ისტორია გამოუვლია და არ შეუძლიან ერთს დღეს გასწყვიტოს თავის ისტორიულ წარსულის ჯაჭვი.

საქართველოს გლახთა აწინდელ მდგომარეობას რომ იმ თვლით შევხედოთ, რომლითაც მართლ მორწმუნე მარქსისტები უცქერიან საერთოდ აგრარულ საკითხს, შექველია გლახების მისწრაფებას მიწის მფლობელობის გაფართოვების შესახებ კმასაყოფელად ვერა ვცნობთ, რადგან რაც ადრე გადიქცევა გლახი პროლეტარად, რაც ადრე გაიმარჯვებს სოფლად მსხვილი მესაკუთრეობა წვრილ მესაკუთრეობაზე—მით უკეთესი. საბედნიეროდ, ამ თვლით საგლახო მოძრაობას დღეს, როდესაც საქმე პრაქტიკულად არის დაყენებული, არავინ არ უყურებს და ქართველი მარქსისტები პირიქით ყველგან გლახთა მოთხოვნის სამართლიანობას აღიარებენ. ისტორიის რეალური მიმდინარეობა უფრო ძლიერია, ვიდრე თეორიული აღმოჩენა განვითარების აუცილებელ კანონებისა და ამ კანონების პრინციპებად გადაქმნა. როდესაც თეორია და პრაქტიკა იბრძვიან ერთმანეთთან, გამარჯვება მუდამ უკანასკნელს ჰრჩება; თეორია სინამდვილეს უნდა ჰხსნიდეს, ბრძოლა კი სინამდვილესთან იმისი საქმე არ აოის.

საგლახო მოძრაობის გამწვავებამ აამოძრავა საქართველოს ყველა წრეები, გაუხსნა მაღა საზოგადოებრივ არსებობის გაუმჯობესებისა და კრიტიკულად ჩაახედვინა ეხლანდელს მდგომარეობაში. ჩვენის ფიქრით; დაუფასებელია და აურაცხველი ის ზნეობრივი გავლენა, რომელიც გლახთა თავგამოდებულმა მოძრაობამ მოახდინა საქართველოს მცხოვრებთა სხვა და სხვა ელემენტებზედ. ჯერ სულ რამდენიმე თვეა მას შემდეგ, რაც გურიის მოძრაობამ საყოველთაო ინტერესი

მოიხვეჭა და ჩვენს საზოგადოებას უკვე თვალსაჩინოდ ეტყობა გამოფხიზლება და ზნეობრივი ამაღლება. რა თქმა უნდა, ჩვენშიაც აღმოჩნდნენ ისეთი მახინჯი ადამიანები, რომელნიც ამ მოძრაობის ზედგავლენით ზნეობრივად უფრო დაქვეითდნენ, ვიდრე ამაღლდნენ, მაგრამ იმათი რიცხვი მცირეა და უმნიშვნელო, დიდი უმრავლესობა კი ალტაცებული ჩაერია რუსეთის საყოველთაო განმათავისუფლებელ მოძრაობაში და სხვა და სხვა საშუალებით ემხაზურება თანამედროვე უკულმართის მდგომარეობის გადაბრუნებას. ჩვენს მიმოხილვაში ვერ მოვაქცევთ და ვერ მოვიხსენიებთ ყველა იმ ფაქტს, რომელსაც ახალის ცხოვრების ბეჭედი ემცნევა; ეს მიზანი რომ დავიყენოთ, ყოველ დღიურ გაზეთებიდან თითქმის ერთ მეოთხედის ამოწერა და გამეორება დაგვჭირდება. ჩვენ საკმაოდ მიგვაჩნია აღვნიშნოთ მხოლოდ ისეთი ფაქტები, რომელთაც ახალი რამ აზრი შეაქვთ თანამედროვე მოძრაობაში. ამ მხრივ ყოვლის უწინარეს აღსანიშნავია ტფილისის და ქუთაისის გუბერნიის თავად-აზნაურთა საგანგებო ყრილობები.

31 მარტს და 1 აპრილს თფილისის გუბერნიის თავად-აზნაურთა საგანგებო კრებამ შეიმუშავა ხელმწიფე-იმპერატორის სახელობაზე გასაგზავნი უქვეშევრდომილესი აღრესი, რომელშიაც, სხვათა შორის, სწერია:

„თავად-აზნაურობა, ზრუნავს რა სახელმწიფოს საზოგადო სარგებლობის და საქიროებისათვის, მტკიცედ დარწმუნებულია, რომ მშვიდობიანი და კულტურული განვითარება ქართველ ხალხისა შეიძლება მხოლოდ მაშინ, თუ საქართველოს, რუსეთის სახელმწიფოს ამ განუყოფელ ნაწილს და ნება ყოფლობით იმასთან შეკავშირებულს, მიენიჭება უფლება საკუთარ კანონებით მართვა-გამგეობისა. ეს კანონები უნდა დადგენილიქნას ადგილობრივ წარმომადგენლობით კრების მიერ, არჩეულს მთელის საქართველოს მცხოვრებთა საყოველთაო, პირდაპირ, საიდუმლო და თანასწორ ხმის უფლებით.“

ასეთივე აზრი გამოსთქვა ქუთაისის თავად-აზნაურობამ. „უფლება საკუთარის კანონებით მართვა-გამგეობისა“ ე. ი. კა-

ნონმდებლობითი თვითმმართველობა ანუ ავტონომია — აი რა მიაჩნია თავადაზნაურობას აუცილებელ პირობად ქართველის ხალხის მშვიდობიან და კულტურულ განვითარებისთვის. თავადაზნაურობამ, რამდენადაც ვიცით, ამ ხანად პირველად ამოიღო ხმა ქართველის ხალხის ინტერესების შესახებ; აქამდე თავადაზნაურობა მარტოდენ თავის საკუთარს გასაქირზე ჰზრუნავდა, თავის საკუთარს წოდებრივ ინტერესების შესახებ მსჯელობდა, თავის საკუთარს წოდებრივ მდგომარეობის გაუმჯობესობაზედ ჰფიქრობდა, ეხლა კი სულ სხვას ვხედავთ. ქართველმა თავადაზნაურობამ თამამად გამოსთქვა თავისი აზრი იმის შესახებ, თუ როგორ შეიძლება ქართველის ხალხის კულტურულის განვითარების უზრუნველყოფა და ეს აზრი გახდა ხელმწიფე-იმპერატორის სახელობაზე გასაგზავნის აღრვის დედა-ბოძად. საქართველოს დემოკრატიული წრეები თბილისის თავადაზნაურობას მუდამ კრიტიკულის თვალთ უცქეროდნენ და მუდამ ეპდუროდნენ როგორც არისტოკრატიულ წოდებრივს ერთეულს. თავადაზნაურობა, როგორც უმაღლესი არისტოკრატი წოდება საქართველოსი, უეჭველია ჩვენის დემოკრატიების სიმბატის ვერც დაიმსახურებდა, ვიდრე იგი თავის უპირატეს მდგომარეობაზე უარს არ განაცხადებდა და დემოკრატიულს პრინციპებს არ მიიღებდა. პირველს აპრილს თ.-აზნაურობამ პრინციპიალურად უარჰყო სახელმწიფო ორგანიზაცია წოდებრივობის ნიადაგზე და სამაგიეროდ წამოაყენა ფართო დემოკრატიული პრინციპი: წარმომადგენელთა საკრებულოს წევრნი თვით ხალხმა უნდა აირჩიოსო საყოველთაო, პირდაპირის, თანასწორის და საიდუმლო ხმის უფლებითო. ამაზე შორს ჯერ-ჯერობით მთელს რუსეთში არც ერთი რადიკალური მიმართულება არ წასულა. მიუხედავად ამისა, ჩვენის საზოგადოებრივ აზრის ის მიმართულება, რომელსაც „მესამე დასის“ სახელით იცნობენ, თავადაზნაურობის დადგენილებამ არა თუ არ დააკმაყოფილა, პირიქით, კულანდელზე უფრო მეტად ააღელვა, უფრო მეტად გააწიწმატა. მართალია, დემოკრატიული პრინციპი აღიარა თ.-აზნაურობამაო,



ამბობენ ისინი, მაგრამ უფლება საკუთარის კანონებით მართვა-გამგეობისა ე. ი. საქართველოს ავტონომია ბურჟუაზული მისწრაფებააო.

საქართველოს ავტონომია თუმცა ოფფიციალურად თ.-აზნაურობამ პირველმა სცნო ჩვენის ქვეყნის მოთხოვნებიდან, მაგრამ თვით საზოგადოებაში ეს აზრი უკვე კარგა ხანია არსებობს. გაზეთს „ცნობის ფურცელში“ ბ-ნმა განმა თავად-აზნაურობაზე“ ვაცილებით უწინ გამოსთქვა ეს აზრი. ამიტომ ადვილი გასაგებია, რატომ დაუჭირა მხარი თავად-აზნაურობის დადგენილებას ორთავე ქართულმა ყოველდღიურმა გაზეთმა. თავად-აზნაურთა კრებამ თავისი საქმე გააკეთა და დაიშალა, მაგრამ ქართულ გაზეთების ფურცლებზე ავტონომიის თემას დღესაც პირველი ადგილი უჭირავს და, უეჭველია, კიდევ დიდ-ხანს გასტანს მსჯელობა ამ საგანზე.

ის განხეთქილება, რომელიც მესამე დასელების და ინტელიგენციის მეორე ნაწილის შუა გაჩნდა ავტონომიის შესახებ აზრთა სხვა-და-სხვაობისა გამო, მით უფრო სამწუხაროა და სავალალო, რომ დღემდე არა სჩანს რეალური საბუთი, რეალური ნიადაგი ამ განხეთქილებისა, დრო კი ისეთია, რომ უკეთესის მომავლის შესაქმნელად ყველა საზოგადოებრივი ძალები უნდა შეერთდნენ, შეკავშირდნენ და დაივიწყონ ყოველივე წვრილმანი პირადი ანგარიშები. ჯერ-ჯერობით ავტონომიის მოწინააღმდეგენი შემდეგს საბუთებს ასახელებენ თავის აზრის დასამტკიცებლად: 1) ავტონომია საქართველოს განცალკევებას მოასწავებს, მაშასადამე ხელს შეუშლის მშრომელ ხალხის ანუ პროლეტარიატის შეერთებას; 2) მშრომელ ხალხს არავითარი სამშობლო არა აქვს, იმას მხოლოდ ეკონომიური ინტერესი აქვს, რომელიც საქართველოს ავტონომიის არსებობას არ თხოულობსო; 3) საქართველოს ავტონომია თავად-აზნაურობამ წამოაყენა, რომელთანაც ხელი-ხელ ჩაკიდებული მშრომელი ხალხი ერთს ნაბიჯსაც ვერ გადასდგამსო და 4) საქართველოს მომავალი ავტონომიური თვით-მმართველობა ბურჟუაზიული იქნება, მაშასადამე, მშრომელ ხალხის დასაჩაგვრელად ყოფილა იგი საქიროვო.

ჩვენის ფიქრით, არც ერთი ზემოხსენებული საბუთი პატივსაღები და სიმართლის ნიადაგზე არ არის დამყარებული. 1) ავტონომია სრულებით განცალკევებას არა ჰნიშნავს, ავტონომიურ საქართველოს საბაჟოს ხაზი არ შემოგვლდება; საქართველოსა და რუსეთის დანარჩენ ნაწილთა შორის მისვლამოსვლა სრულიად თავისუფალი იქნება; აგრეთვე აზრუნველყოფილი იქნება რუსეთის ყველა ქვეშევრდომის უფლება დასახლდეს იქ, სადაც მოისურვებს, და იმუშაოს თავის ხელობის მიხედვით, სადაც ვის მიაჩნია ხელსაყრელად. ერთის სიტყვით, ავტონომია სრულიად განცალკევებას არ მოასწავებს; პირიქით, მთლიანს ცენტრალისტურად მოწყობილს სახელმწიფოში შესაძლოა ერთი ნაწილიდან მეორე ნაწილში გადასვლის უფლება შეზღუდულ იქმნას პასპორტების სისტემით და საფედერაციო ტერიტორიაზე კი შესაძლოა პასპორტის სისტემა გაუქმებულ იყოს. მაშასადამე, არავითარი პირდაპირი კავშირი არ არსებობს საქართველოს ავტონომიასა და მთელის ქვეყნის მშრომელ ხალხთა შეერთების შუა, ავტონომია ამ შეერთებას ხელს არ უშლის. 2) მართალია, ხალხს ესე იგი პროლეტარიატს მამულები და ქარხნები არ ეკუთვნის, მაგრამ აქედამ იმ დასკვნის გამოყვანა, ვითომც მშრომელს ხალხს სამშობლო არ უყვარდეს — გადამეტებულია აზრის სითამამეს მოასწავებს. საკმარისია, რომ პროლეტარიატსაც ჰქონდეს სამშობლო ენა, რომ იმისთვის სამშობლო მართოდენ ფუჭი სიტყვა არ იყოს. პროლეტარიატის კლასსებრივი ინტერესი მოითხოვს ბრძოლას ბურჟუეზთან ეკონომიურს და პოლიტიკურს ნიადაგზედ და არა ავტონომიურ თვითმმართველობასო, — გვეუბნებიან, მაგრამ შემცდარია, ჩვენის ფიქრით, ის შეხედულება, ვითომც მშრომელ ხალხისთვის კლასიურის ინტერესის და კლასსიურის თვით შეგნების მეტი სხვა არაფერი არ არსებობდეს. ამიტომ უადგილოდ მიგვაჩნია მსჯელობა იმის შესახებ, თუ რას მოითხოვს პროლეტარიატის ეკონომიური კლასსებრივი ინტერესი იმ დროს, როდესაც გადასწყვეტია სრულიად სხვა საკითხი.

3) მართალია, თავდაზნაურობამ ავტონომია მოითხოვა, მაგრამ განა ეს იმას ჰნიშნავს, რომ ამ მიზეზით ავტონომიას ღირსება აკლდებოდეს? სრულიადაც არა! თუ თავდაზნაურობა ისეთს წესწყობილებას ისურვებს, რომელსაც არავითარი წოდებრივი და არისტოკრატიული ხასიათი არ ექნება უთუოდ დამახასიათებელ თვისებად, ჩვენის ფიქრით, არავითარი საბუთი არა გვაქვს მშრომელ ხალხის სახელით ეს წყობილება დავიწუნოთ მხოლოდ იმიტომ, რომ იგი თავდაზნაურობას მოსწონს. ასეთი მსვლელობა აზრისა წრეს გადაცილებული ცალმხრივობაა, რომელსაც მშრომელის ხალხის ინტერესების დამცველი ადვილად შეუძლიან იმავე ხალხის ინტერესების მტრად გადააქციოს. 4) ვერაფერი საბუთია ავტონომიის საწინააღმდეგოდ აგრეთვე ის მოსაზრება, რომ მომავალ ავტონომიურ საქართველოს საკანონმდებლო საკრებულო წარმომადგენლობითი დაწესებულება ბურჟუაზიული ხასიათისა იქნებაო, ვერაფერი საბუთია, იმიტომ რომ ასეთივე ბურჟუაზიული ხასიათი ექნება იმ ცენტრალისტურს სრულიად რუსეთის პარლამენტსაც, რომელიც დასელებების მისწრაფების საგანს შეადგენს. საქმე ის არის, რომ ახლო მომავალში ბურჟუაზიის დამხობა პროლეტარიატის დამცველებს მაინც და მაინც შესაძლოდ არ მიაჩნიათ, იმათისავე აზრით ბურჟუაზია გაბატონდება ახალ წესწყობილების დამყარების შემდეგაც და, მაშასადამე, ამ მხრივ სულ ერთი უნდა იყოს, ექნება თუ არა საქართველოს თვითმმართველობა.

დასასრულ, არ შეგვიძლიან არ გამოვთქვათ სურვილი, რომ ნათლად და რეალურად გაარკვიონ საფუძველი თავის განხეთქილებისა ავტონომისტებმა და დასელებმა ამ საგნის შესახებ, რადგან საკითხი მეტად დიდმნიშვნელოვანია და დღემდე საზოგადოება მაინც ვერა ჰხედავს, რატომ ადგია სხვა-დასხვა აზრს ამის შესახებ ორი ერთნაირად დემოკრატიული მიმართულება აზრისა.

## უცხოეთის მიმოხილვა

„რუსკაე ბოგატსტვო“ და „ვესტნიკ ვერობი“ შორე-აღმოსავლეთის ომიანობაზე.

„თხუთმეტის დღის საშინელმა ბრძოლამ მუკდენთან ერთიანად შესცვალა პოლიტიკური მდგომარეობა. სანამ ორივე ჯარი შეიარაღებული იდგა პირისპირ და ტოგოსა და როჟდენსტვენსკის ფლოტს ორი ოკეანე ჰყოფდა, რუსების დამარცხებას იმდენად არ შეუცვლია მოპირდაპირე ძალთა დამოკიდებულება, რომ იაპონელების საბოლოო გამარჯვება უზრუნველ ყოფილი ყოფილიყო. მუკდენის კატასტროფამ კი ძირიანად შესცვალა მთელი საქმე. იაპონელების გამარჯვება ეხლა ფაქტია. რუსებმა წააგეს ომიანობა. ამაში უნდა გამოვტყდეთ და მივიღოთ ეს ფაქტი მთელის თავის შედეგებითა და ლოღოკიურ დასკვნებით. რისი იმედი უნდა გვქონდეს ეხლა წამხდარ საქმის გამოსაბრუნებლად და დაკარგულის დასაბრუნებლად?

ახალ ნახევარ მილიონიან ჯარისა? მაგრამ ეს შესაძლებელი იქნება მხოლოდ ნახევარ წლის შემდეგ. და ამ ნახევარ მილიონ ჯარისკაცს შეხვდება 600—700 ათასი იაპონელი, დამმარცხებელი გადაყენებულ სარდლის ჯარებისა.

აღმირალ როჟდენსტვენსკის ესკადრისა? მაგრამ ბევრმა ბევრჯელ დაამტკიცა, რომ ეს ესკადრა ტოგოს ფლოტზე სუსტია, რაც ძალიან მალე უნდა გამოირკვეს...

დიახ, ეხლა ის კი არ არის საკიახავი, საჭიროა თუ არა ომის განგრძობა, არამედ ის, შესაძლებელია თუ არა მისი

განგრძობა? მოგვყავს „ნოვოსტიდან“ ერთ წარჩინებულ რუსის აზრი, რომელიც ფრანგულ „ეკო დეპარი“-ში იყო დაბეჭდილი.

„ცხადია, რომ ომი უნდა განვაგრძოთ, მაგრამ შეგვიძლია კი? ერთის წლის ომიანობა 400 ათას ჯარის კაცი ფულად 700 მილიონი დაგვიჯდა. ჩვენ არ უნდა გვქონდეს იმედი იაპონელებზე გამარჯვებისა, თუ რვაასი ათასი ჯარის კაცი არ გვეყოლა შორე-აღმოსავლეთში, რაც ერთი მილიარდი და ექვსასი მილიონი დაგვიჯდება წლიურად. შევიძლებთ კი ამოდენა ხარჯის გაწევას? ამ ჯარს მოვუყრით თავს ომის ველზე მხოლოდ ერთის წლის შემდეგ. კიდევ ერთი წელიწადი დაგვექირდება სამხედრო ოპერაციების დასამთავრებლად, ე. ი. უნდა დავხარჯოთ სამი მილიარდი და ორასი ათასი მანეთი და მაინც ვერ ვიქნებით დარწმუნებული, რომ უთუოდ გავიმარჯვებთ, რადგან იაპონელებიც მოუმატებენ თავიანთ ჯარებს. მეორე მხრივ, განა გონიერება იქნება ნახევარი მილიონი ჯარი გავიწვიოთ სამსახურში იმ დროს, როცა ყველგან გაფიცვა და მღელვარებაა? პასუხს ვერ ვიტყვი ამ კიოხვაზე, მაგრამ თუ ზავის ჩამოგდება სახელს გაუტებს არსებულ რეჟიმს, ომის განგრძობა გამოიწვევს არა ჩვეულებრივ უკმაყოფილებას... მდგომარეობა მეტად სერიოზულია და ხსნილ გზას ვერ ვხედავ, თუ არ მოიწვიეს ხალხის წარმომადგენლები“.

კომენტარიებს არ ვუკეთებ ჩვენის ჩინოვნიკის ნათქვამს. თვითონ ფაქტები ღალატდებიან...

ექვს გარეშეა ერთი რამ: რუსეთში ომი არა სურთ... ეხლავე რომ მოლაპარაკებას გამართავდნენ და მშვიდობიანობას ჩამოაგდებდნენ, შეგვრჩებოდა ფლოტის ნაწილი, რამდენიმე ასი ათასი ჯარის კაცი და მილიარდი ფული... დრო არის გავჩერდეთ.

15 დღე ვიბრძოდით მუკდენტან და გაველიტეთ საშინელი რიცხვი ახალგაზდებისა, დავთესეთ აღურიცხველი უბედურება, დავკარგეთ მილიონები.



მუკდენამდე ათი დღე ლიაოიანთან ვიბრძოლეთ, რვა შახეზე ლიაოიანსა და მუკდენს შუა, ხუთი სანდებუსთან. ამას მიუმატეთ ზარალი იალუს, ცინჯოუს, ვაფანგოუს, სიუნჩენის, გაიპინის, დაშიჩაოს, პორტ-არტურის და სხვა უფრო წვრილ ბრძოლებისა, მიუმატეთ მეზღვაურების ზარალი და გაითვალისწინებთ, რომ მოკლული და დასახიჩრებულია, ავადმყოფებიც რომ არ იანგარიშოთ, საშინელებამდე დიდი რიცხვი ხალხისა. მაგრამ როგორ არ ვიანგარიშოთ „ავადმყოფები“? აქამდე ყველგან ყოველ ომიანობაში ავადმყოფების რიცხვი გაცილებით მეტი ყოფილა ბრძოლის ველზე დაშავებულთა რიცხვზე... ვერ ვბედავთ საერთო ჯამი გამოვიყვანოთ ამ წარმოუდგენელ ზარალისა, იმდენად დაუსრულებელია ხალხის დაღუპვა, იმდენად უმაგალითოა ეს საშინელება, დაუშრეტელი ზღვა სისხლისა, ცრემლისა, უბედურებისა, ტანჯვისა...

მართლა, განა დრო არის შეფერდეთ?

რისთვის ვიბრძვით? კორეისათვის? მაგრამ განხეთქილების წინ ხომ თანახმა ვიყავით მიგვეცა ეს ქვეყანა იაპონიისათვის. მანჯურიისათვის? მაგრამ აკი ჩინეთს დავირდით მისი დაბრუნება. მაშ რისთვისღა ვომობთ? რისთვის გავყლიტეთ ამდენი ასი ათასი ახალგაზდა ჯარის კაცი, დავაობლეთ ამოდენა ოჯახი, დავხარჯეთ ამოდენა ფული? რას მივალწიეთ დასასარულ? დავკარგეთ დიდ ოკეანეს მთელი ფლოტი, გამოგვდენეს მანჯურიიდან, რომელიც ადრე უნდა დაგვეცალა, მაგრამ არ ვიცი რისთვის ვიგვიანებდით. ნუ თუ მთელი აზრი ამ უმაგალითოდ უბედურ ომიანობისა ეს დაგვიანებაა? და რომ დროზე არ ავასრულოთ დაპირებული დაბრუნება მანჯურიისა, კიდევ უნდა გავსწიროთ ხალხი ასი ათასობით? კიდევ უნდა ვხარჯოთ მილიონები?

და რომ გაცილებით მეტი მსხვერპლი დაგვეკირდება, ეს ყველასათვის ცხადი უნდა იყოს; ის კი არ არის ცხადი, გავიმარჯვებთ თუ არა იაპონელებზე, თუნდა უსაშინელეს მსხვერპლისაც რომ არ შეგვეშინდეს.

ვიყენეთ ოპტიმისტები და წარმოვიდგინოთ, რომ ზღვაზედაც დაფამარცხეთ იაპონია მას შემდეგ, რაც მილიონი სი-

ცოცხლე გავსწირეთ და მილიარდები დავხარჯეთ. რას შევიძენთ ისეთ საშინელ მსხვერპლის შეწირვით, რომელსაც ვერ აიტანს კულტურას მოკლებული, თხლად დასახლებული ღარიბი ქვეყანა? მანჩჯურიის ოკუპაციასა და კორეის დაპყრობას? მაგრამ დამარცხებული იაპონია ხომ არ აღიგეგება პირისაგან ქვეყნისა, 50 მილიონი ხალხი ისევ დაიწყებს მომზადებას ახალ ომიანობისათვის და ჩვენც იძულებული ვიქნებით მილიონი ჯარი ვიყოლიოთ საგანგებოდ შორე-აღმოსავლეთისათვის, მისთვისვე შეგქნათ საგანგებო ფლოტი, რომელიც ბევრად მეტი უნდა იქნეს რუსეთის ეხლანდელ ფლოტზე. ჩინეთი? მანჩჯურია ჩინეთის სამფლობელოა და თუ მანჩჯურიიდან არ გამოვედით, ჩინეთი იძულებული იქნება კავშირით შეეკრას იაპონიას და მილიტარისმის გზას დაადგეს. გვეყოფა კი ჩვენი ძალა და ღონისძიება მზად დავუხვდეთ ამ მომავალს? გაკოტრება და ევროპაში ჩვენის მნიშვნელობის დაკარგვა მოჰყვება იაპონიაზე გამარჯვებას, თუ მოვინდომებდით მანჩჯურიასა და კორეაში ფეხის მოკიდებას. და თუ არ გვინდა ფეხის მოკიდება, რისთვისღა უნდა გაველიტოთ მილიონი ხალხი და რისთვის ვხარჯოთ მილიარდები?..

როცა იტალია აგრესიულ პოლიტიკის გზაზე დააყენეს სხვა და სხვა ავანტიურისტებმა და აბისინიის დაპყრობა მოინდომეს, აბისინელებმა ენერგიული წინააღმდეგობა გაუწიეს და იტალიის ჯარი დაამარცხეს. და მერე როგორღა მოიქცნენ იტალიელები?

განა აუცილებელ საჭიროებად დაინახეს აბისინიის დამარცხება ვითომდა სამარცხვინო ლაქას წასაშლელად? სრულიადაც არა: მიხედნენ თავიანთ შეცდომას, თავიდან მოიშორეს ავანტიურისტები და ხელი გაუწოდეს მამაც აბისინელებს...

ჩვენის შეხედულებით, ყოველი მიუდგომელი კაცი იტყვის, რომ იტალიელები კარგად და კეთილშობილად მოიქცნენ; ვფიქრობთ, რომ არც ღირსება და არც სახელი იტალიისა არ დამცირებულა; მოგებით კი მოიგეს. თუ იტალიის

ღირსება შეილახა, ეს დროზე ზავის ჩამოგდების დროს კი არ მომხდარა, არამედ ბევრად უფრო ადრე, როცა უსამართლო ომიანობა დაიწყო და აბისინიის ხალხის ტერიტორიის დაპყრობა და დამოუკიდებლობის მოსპობა მოინდომა. ეს უსამართლო განზრახვანი გაასწორა სამართლიანმა ზავმა და ამ უსამართლო განზრახვებით შელახული სახელი იტალიისა ილაღინა ურევანშო ზავმა.

ასეთივეა ჩვენი მდგომარეობა შორე- აღმოსავლეთში... უნდა გავასწოროთ ჩადენილი შეცდომები. გამოვფხიზლდეთ, ნათლად წარმოვიდგინოთ ჩვენი მდგომარეობა და შევეუდგეთ იაპონელებზე გამარჯვებას კი არა, არამედ ხალხის უბედურების (ომიანობის) შეწყვეტას. მთავარი მიზანის ჩვენი პოლიტიკისა უნდა იყოს უზრუნველყოფილი მშვიდობიანობა (ადრე რომ არ დაირღვეს იმისთანა); თუ მიზნად ის გვექნება, რომ უთუოდ გავიმარჯვოთ იაპონიაზე, რაც არ უნდა დაგვიჯდესო, ეს იმას ნიშნავს, რომ რუსეთს გავაღატაკებთ და მის ინტერესებს, სიცოცხლის ნიქს, მომავალს მსხვერპლად შევწირავთ სამხედრო თავმოყვარეობას. უბედურება პირდაპირ საშინელ სიდიდისა გახდა და დროა გავჩერდეთ.“

„სასტიკი ბრძოლა მუკდენტან, დაწყებული და დასრულებული იაპონელების მთავარ-სარდლის ნიცივატივით, გათავდა ისეთის დამარცხებით, როგორც არასოდეს არ გამოუცდია რუსის ჯარს: 45 ათასამდე ტყვედ არის წაყვანილი, მოკლული და დაქრილი 70 ათასზე მეტია; მტერს ჩაუვარდა ხელში უამრავი იარაღი, სამხედრო მასალა და სურსათი, ასობით ვაგონები ამუნიციისა, ათასი ვაგონი ტრანსპორტისა, 45 მილის რკინის გზის მასალა 300 ვაგონით, საველე რკინის გზის მასალა 35 მილისათვის 450 ვაგონით, მაშინები ნახშირის მადნებისათვის და სხვა. ეს საშინელი დამარცხება არის აუცილებელი ლოდიკური შედეგი იმ პასივურ და წვრილმანკანცელიარიულ სისტემისა, რომელსაც ბოლომდე მისდევდა რუსის მთავარი შტაბი. გენერალი კუროპატკინი საბედისწერო დღეებში 13-იდან 24 თებერვლამდე იტყობინებოდა ჩვეუ-

ლებრივ წვრილმან ცნობებს „მოხალისეთა“ რაზმების მოქმედებაზე, იაპონელების უკუქცეულ იერიშებზე სოფელ უბენეუხასთან; იაპონელების მოძრაობა კი სამხრეთ-დასავლეთიდან მხოლოდ გაკვრით არის ნახსენები. და ისიც არის ნათქვამი, რომ ზომები მიღებულია, რათა იაპონელებმა ვერ მოგვიარონო; 21 თებერვლის დებეშაში გვატყობინებდნენ, რომ „პუტილოვის გორასთან“ ორი კი არა, სამი ტყვიის მტყორცნელი ავიღეთო... საზოგადოდ ჩვენი ჯარის ხელმძღვანელები მთავარ მნიშვნელობას აწერდნენ მტრის ცხად დემონსტრაციულ მოქმედებას რუსების მარცხენა ფრთის წინააღმდეგ და ამიტომაც აქეთ წამოიყვანეს ჯარები მარჯვენა ფრთედან ე. ი. ისეთის მხრიდან, საიდანაც გენერალ ნოვის ჯარი გვივლიდა გზის მოსაქრელად. იაპონელ ჯარების იერიშის უკუქცევის შემდეგ სრულიად მოულოდნელად აღმოჩნდა, რომ ომი წაგებულია. \*23 თებერვალს კუროპატკინი იწერებოდა— „ხუნხეს მარჯვენა ნაპირზე აღმოჩნდა, რომ მტერი მუკდენი-საკენ მოდის ჩრდილოეთ დასავლეთიდან და ჩრდილოეთიდან. ცენტრი და მარცხენა ფრთე ჩვენის ჯარისა უომრად უკან იხევს გამაგრებულ პოზიციებისაკენ.“ შემდეგ ისევ დამშვიდებულის კილოთი გვატყობინებენ, რომ „რამდენიმე იერიში მტრისა უკუქცეულ იქნა დიდის ზარალით და რომ დასავლეთისაკენ ჩვენმა ჯარმა ბევრი იაპონელი დაატყვევა.“ შემდეგ დღესაც კი, როცა იაპონელებმა გაარღვიეს ჩვენი ცენტრი და თითქმის ყოვლის მხრიდან შემოერთყვნენ ჩვენ ჯარს, კუროპატკინი გვატყობინებდა ჩვეულებრივის კილოთი— „ორი ტყვიის მტყორცნელი წავართვით მტერს და ბლომაც დავატყვევეთო“.

ნამდვილად კი თურმე რუსის ჯარი გარბოდა ბრძოლის ველიდან და იაპონელები უკან მისდევდნენ.

„დამარცხება მუკდენთან არ არის უბრალო წაგება ბრძოლისაო, სწერს რუსების თანამგრძნობი გერმანელი პოლკოვნიკი გედკე, იგი სრული დამარცხებაა. ამ საშინელ დამარცხებაში დაინგრა რაღაც, რაც ჯარზე დიდია—მთელი სისტემა

დაიქრა სასიკვდილოდ. აქაც, როგორც იენასა და სედანთან, მსოფლიო ისტორიამ წარმოსთქვა თავისი შეუსყიდველი და შეუცდომელი მსჯავრი... იაპონელების გამარჯვება, ერთი უდიდესი გამარჯვებათაგანი კაცობრიობის ისტორიაში, არის გამარჯვება სამხედრო და სახელმწიფო მართვა-გამგეობის მოძველებულ, უმოძრაო სისტემაზე“.

ასეთია ისტორიის მსჯავრი და იგი ცხადი უნდა იყოს ყველასათვის, მაგრამ რუსის პატრიოტები გონზე ვერ მოიყვანა ვერც პორტ-არტურმა, ვერც მუკდენის კატასტროფამ და ვერც შინაურმა არეულობამ... ეს პატრიოტები დაჟინებით თხოულობენ ომის განგრძობას, რაც არ უნდა დაჯდეს იგი, და ამტკიცებენ, რომ შეუძლებელია დათანხმება „დამამცირებელ ზავზედო“, თითქოს ნაკლებ დამამცირებელი იყოს ომი, რომელმაც მოსპო ჩვენი ფლოტი და ნახევარი მილიონი ხმელეთის ჯარისა დაგვიმსხვრია... ერთობ ძვირად დაგვიჯდა ეს ომი, რომ კიდევ ვთხოულობდეთ მის განგრძობას...

რას აკეთებდა მრავალრიცხოვანი შტაბი გენერალ კუროპატკინისა, არ ვიცით; მაგრამ ის კი ვიცით, რომ მას არ ჰქონია არც ერთი გონიერი და კარგად მოსაზრებული ჭეგმა, არც ერთი გაბედული და სწორედ გამოანგარიშებული კომბინაცია... ომი როგორღაც თავისით მიდიოდა; ყველაფერი დამოკიდებული იყო მტრის გადაწყვეტილებისა და მოქმედებისაგან... შეგნებულად მოქმედებდნენ მხოლოდ იაპონელები; ჩვენ კი მორჩილებით მივყვებოდით ყველა იმ მოძრაობას, რომელსაც კი გვიჩვენებდა; იქ მიგვყავდა ჯარი, სადაც სადემონსტრაციოდ ვითომ იერიშით მოდიოდნენ, და ყოველი ჩვენი მოქმედება ისე შეეფერებოდა მტრის განზრახვას, რომ შარშალი ოიამა გამოდიოდა ორივე ჯარის ხელმძღვანელად... გენერალი კუროპატკინი მუკდენთან დამარცხებას უფრო სტიქიურ პირობებს აწერს და კიდევ იაპონელების არა-საპატიებელ სიმოდრავესა და ხერხიანობას, რის წინააღმდეგაც სრულიად უღონო გამოდგა შტატის კანცელარიების უგულმოდგინესი საქმის წარმოება.

ოჲს სარღლებისა და ჯარის გარდა დიდი ფული სჭირია... საჭიროა უამრავი ფული, რომელიც მხოლოდ სესხით შეიძლება იშოვოს კაცმა; მაგრამ რადგან ისედაც მეტად დაფლიანებული ვართ, ანგარიში უნდა გავუწიოთ ჩვენ კრედიტორების ინტერესებს, საფრანგეთში, სადაც რამდენიმე მილიარდის პროცენტიანი ქაღალდები აქვთ. ახალი სესხი ომიანობისათვის მხოლოდ მაშინ არის შესაძლებელი, თუ საგანგებოდ ხელსაყრელია ფულის პატრონისათვის; ამ გარემოებას-კი ის მოჰყვება შედეგად, რომ ჩვენი სახელმწიფო რენტა ფასს დაჰკარგავს: რა ანგარიშია იქონიო ოთხ ან სამნახევარ პროცენტიანი ქაღალდი, როცა ახალი ფასიანი ქაღალდები ხუთს, ექვსს და შვიდ პროცენტს იძლევა... უცხოელი კრედიტორები პირდაპირ დაინტერესებული არიან, რომ ჩვენი ფინანსიური მდგომარეობა არ შეირყეს ახალის ვალებისა და უნაყოფო ხარჯვისაგან... ამიტომაც სრულიად ბუნებრივია, რომ უცხო სახელმწიფოების პრესსა, პარლამენტები და მთავრობანი გულ მოდგინეთ ადევნებენ თვალ ყურს ჩვენ ეხლანდელ მდგომარეობასა და საქმეთა მსვლელობას; ისინი ელიან საჭირო ძირეულ რეფორმებს, რომ კრედიტი არ დაეკარგოს რუსეთს ევროპაში. „ტიმს“-მა საქვეყნოდ გამოაცხადა: რუსეთი ერთობ ხშირად სესხულობს ფულს და ეს მოწმობს, რომ რუსეთის საფინანსო მდგომარეობა ცუდია; რუსეთი იმდენ სარგებელს იხდის ადებულ ვალებში, რომ ეს არ შეეფერება მისს საერთაშორისო სავაჭრო ბაზანსს „საზღვარ გარედ იმდენი ვალი აქვს რუსეთს, რომ ხალხი ვერ აიტანს... რუსეთის ოქროს ფონდი გვაგონებს განთქმულ ემბერების შკაფს, რომლის მილიონები წინ დაუხედავ კლიენტების ფულიდან შესდგება.“

რედაქტორი  
 ა. ჯ. ჭეოანია.

გამომცემელი  
 ა. ჯ. ჯანაძე